

4th A. or. 828

Hariri

BIBLIOTHECA
REGIA
MONACENSIS

HARIRIUS LATINUS,

S I V E

**ABU MOHAMMEDIS ALCASEMI, FIL.
ALII, FIL. MOHAMMEDIS, FIL. OTMANI,
HARIRII BAZRENSIS, HARAMENSIS,
NARRATIONES CONSESSUUM NOMINE
CELEBRATAE,**

OMNES ET INTEGRAE,

**EX ARABUM SERMONE IN LATINUM TRANSLATAE, DIFFICILLIMIS
LOCIS ILLUSTRATAE, ET EDITAE**

S T U D I O

CAROLI RUDOLPHI SAMUELIS PEIPERI,

ÆDIS GRATIOSÆ AD SANCTAM CRUCEM ANTE CERVIMONTIUM DIAconi.

CERVIMONTII,

TYPIS CAROLI GUILIELMI IMMANUELIS KRAHNII.

MDCCCXXXII.

HARIRII BAZRENSIS

**NARRATIONES, CONSESSUUM NOMINE
CELEBRATAE,**

SEX PRIORES,

UNA CUM EJUSDEM PRÆFATIONE.

EX ARABICO SERMONE IN LATINUM VERTIT, NOTULIS

SUBJUNCTIS EXPLICUIT, EDIDITQUE


CAROLUS RUDOLPHUS SAMUEL PEIPER,

DIACONUS ECCLESIE EVANGELICÆ CERVIMONTANÆ.

CERVIMONTII,

TYPIS CAROLI GUILIELMI IMMANUELIS KRAHNII.

MDCCCXXXII.



VIRO EXCELLENTISSIMO, MAGNIFICENTISSIMO,

LIBERO BARONI

STEIN AB ALTENSTEIN,

SERENISSIMI ET POTENTISSIMI BORUSSORUM REGIS IN REBUS RELIGIONIS ET OMNIS GENERIS
LITTERARUM IN BORUSSIE REGNO CULTUM SPECTANTIBUS SUMMO MINISTRO,
ETC. ETC.

MUSARUM ORIENTALIUM GLORIOSO PRÆSIDIO,

HAB

ARABICAE ELOQUENTIAE PRINCIPIS PRIMITIAS,

TANQUAM DEBITUM TANTIS MERITIS OFFERIMENTUM,

QUANVIS EXIGUUM,

DEVOTISSIMA MENTE

DICAT

EDITOR.

THE UNIVERSITY OF CHICAGO

PHILOSOPHY

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

De Haririo et opere ejus Prodrromus.

*M*os erat Arabibus, qui hodiedum inter eos obtinet, ut, temporis jucundo modo fallendi causa, publica quadam domo convenirent, commodeque considerent, dum multorum illorum, qui apud eos narratorum artem exercebant, aliquis, historiolum, fabulamve, ad eorum gustum compositam, exsequeretur. Ejusmodi narrationes, persimiles iis, quae ab Italis dicuntur novelle, arabice appellantur *Hacajat*, vel *Makamat*, i. e. consessus, per eundem tropum, quo Romanorum disertissimus, concionem habere, quid? concionem legere, dicebat, pro habere, legere, orationem, nomine loci ad rem, quae ibi esset, fieretve, tralato, uti Arabes adeo coelum dicunt pro pluvia. Quorum quidem consessuum cum *Achmed*, fil. *Hoseini*, *Hamadensis*, genus invenisset egregium, ita comparatum, ut singulae enunciationes rhythmis finalibus sibi responderent ¹⁾; versus secundum prosodiae et metrices regulas compositi orationem distinguerent; e grammatica, poesi, religione, traditione, historia, antiquitate, flores insererentur selectissimi; difficillima ostenderentur orationis artificia, maximaque linguae in aprico poneretur volubilitas et copia; hunc *Haririus* imitatus est. Unde, ut tota operis natura, ita hoc patet, auctorem nostrum non enarrare voluisse, quae re vera evenerint, quamquam multa vera intexuerit, aedificiumque facto historico superstruxerit, et personas quoque ab eo esse excogitatas, suffragante huic sententiae significatu; *Harret* enim, proprie *Haris*, *N. T. Aretas*, notat quaestui studentem, *Hammam* curantem, *Abu Said*, vel *Seid* patrem *ابو سعيد*, quod Arabes nomen *Seid* ad quemlibet virum designandum saepius usurpant ²⁾. *Bin Hammam* non *Hammamides*, sed *Hammamita* vertimus, quod omnes homines filii sunt *Hammami*. De vita *Haririi* et cur hunc laborem inceperit, haec sunt satis certa. Tantum non omnes nomen ejus scribunt: *Abu Mohammed Alcasem*, fil. *Alii*, fil. *Muhammedis*, fil. *Otmani*, *Haririus*, *Bazrensis*, *Haramensis*. *Iacutus Hamataeus* eum nominat *Ibno'lhariri* ³⁾. Natus fertur a. Heg. 446, Christi 1054, nemine contradicente. Ipso auctore descendit a gente *Rabiato'lvars*. Ingenium et doctrinam ejus monstrant praeter

¹⁾ *Hamadensis* specimen affiximus calci sex consensuum priorum. ²⁾ Vide *Giggeum*. ³⁾ Vide *Golum* ad *Erpenii Gram. Arabicum*.

hoc opus, ejusdem Grammatica versibus scripta, Molhat alivab, liber Alrhowaz, tractatusque et versus quamplurimi in consessibus non obvi. Ad Schafaitas eum pertinuisse quoad religionis ritus, concluditur e cons. XXXII; in poesi paronomasias vehementer amasse, docent praeter ipsius effatum cons. XXIII, quamplurima in consessibus exempla. Quod narrat de facie ejus tetrica, nihil continet incredibile; animam semper pulchram in corpore pulchro vivere, experientia refutatur quotidiana. De primo ad has narrationes pangendas impulsu ipse memorat, uti, cum aliquando contradixisset viris, quibuscum conversaretur, doctis, interitum eruditionis lugentibus, nec simile Hamadanensis consessibus qui pangeret restare contententibus, a viro quodam potentissimo excitatus fuerit ad laborem hunc aggredendum. Alia de eo narrata contrariis relationibus in dubium vocantur. Annus ejus fatalis nunc perhibetur a Heg. 515, Christi 1121, nunc Heg. 516. Itidem sunt, qui dicant, mortuus est Bazrae in rico Haramitarum; dum non desunt, qui contendant, accessit Maschani, oppidulo prope Bazram. Alii tribuunt ei duos filios, Nagmo'ddin Abdollah et Dhiw'ddin Obeidollah; alii filium ei dant Abulkasem Adollah dictum. Ne hoc quidem certum, quis ille fuerit, cujus nunt hoc opus aggressus sit. Secundum relationem, quae ipsius filii Abulkasemi Abdollae auctoritate niti dicitur, suasor ei fuit Scharfo'ddin Abu Nazr Anuschirvan, Vasiri munere fungens apud Imamum Mastarschid billah, vir potentissimus et doctissimus, mort. Heg. 532; sed adjicit Chalicani: sic inveni quidem multis in chronicis; cum vero a. 686 Kahirae essem, exemplar Haririi consessuum ab ipso scriptum repperi, cujus tergo propria manu inscripserat, se pepigisse hoc opus Galalo'ddino Amido'ddaulae, qui itidem apud Mastarschidum Vasiri munere functus est, mort. a. 522. Alia tandem, quae de eo narrantur, non absimilia sunt fictis. Vix dives haberi potest ille, qui dicit: mala fortuna coactus haec mercimonia, quibus publicae reprehensioni me expono, vnum dedi; octodecim palmarum millia Maschani genti potius, quam ipsi Haririo fuisse existimes. Nec potuit illi, quem in consessibus pingit eloquentissimum et vaferrimum, nomen Abu Seidi inde a Muthaharo, filio Solari, discipulo suo; huic potius Abu Seidi nomen datum fuerit, ut eloquentiam ejus laudarent. Quod Haririus, absolutis quadraginta narrationibus Barhdadum profectus, ibidemque a doctis plagii accusatus, in Divano nequiverit versus quosdam componere, quos Vasirus ei, ut artem demonstraret, pangere praecepisset, refutatur tum iisdem traditionibus, quae eum celebrem Grammaticum fuisse, discipulosque instituisse docent, tum conspicuo in Haririi consessibus acumine. Quod Abu Seidus quidam Sarugensis, qui, modo consessu XLVIII narrato, mala sibi a Graecis illata in templo circi Haramitarum questus fuerit, deinde vero aliis locis aliter homines ad misericordiam commoverit, ansam dedit consessibus Haririi pangendis, non convenit cum illis, quae Haririus ipse narrat de conventu cruditorum, in quo tales narrationes scribere jussus fuerit. Etsi non negari potest, ejusmodi historiarum temporis rationibus convenire; Sarugum, Mesopotamiae oppidum invasionibus

Graecorum fuisse expositum; mentionem infortunii repente illati filum esse, quod per omnes fere consensus pertingat; nec absurdum est credere, Haririum, ad pangendos consensus excitatum, cum materiam quaereret, e vere auditis hausisse argumentum, quo, bellorum cruciatorum tempore, viz ullum esset aptius ad commovendos Muslemorum animos.

Gloriam, quam Haririus laboribus suis nactus est, testatur, praeter Ibn Chalicani et Haggi Chalifae scripta bibliographica magnus virorum doctorum numerus, qui consensus ejus scholiis explicaverunt. Sylvestrius de Sacyo usus est commentariis Almotharresii Chowaresmii, Alocbarii Barhdadensis, Alcasii Scharischiensis, qui est copiosissimus, Abu Becri Rasensis, in quibus allegantur scholia Abdo'llae Azzacalii et Tag'oddini Fangadhii. Insuper sex codices Mss. habuit, quorum in marginibus quamplurimae adpersae erant notae. In ebraicam linguam versi sunt a Judaeo Hispano, Jehuda, filio Solomonis, filio Alcharisii; cujus ex versione, tam bene excepta, ut mox imitatores *) sequerentur haud spernendi, Sylvestrius communicavit consensum quintum. Syris, quorum poetae, Eichhornii *) judicio, nihil habent, quo alliciant, oblectent, hilarent, invidia excitata erat ab Arabibus, Syriacam linguam, quasi minus copiosam, incultam et rudem, vituperantibus, suae vero linguae copiam et venustatem vindicare nitentibus, perpetuoque ad fidem faciendam producentibus librum, quem Makamat, rhythmos appellarent, ut Ebed Jeschu Sobensis, a. 1291 p. Chr., Patriarchae monitu, Syriacae elegantiae specimen ad fastum Arabum comprimendum edere constitueret. Golius dicit: Haririus eo vixit aevo, quod politioribus inter Arabas litteris plurimum floreret. Eamque in hisce ipse promeruit laudem, ut earundem in Asia et Africa studiosis in praesentem exinde diem commodior vix alius habeatur author, a quo proprietatem linguae, simulque copiam ac elegantiam addiscant. Pocokius *), qui commentatores nominat Schiraxensem et Moshaffarium, itidem profitetur, Haririi Makamat librum esse elegantiarum arabicarum penu locupletissimum. A. Schultensius, qui scholiaste Teblebio multum usus est, Haririum eloquentiae Arabicae principem appellat, opus ejus, ut Minervam Phidiae, consecrari et in arce apud Arabes collocari meruisse judicat, seque in eo invenisse ait: eminentem et expressam imaginem praeae illius grandiloquentiae Orientalis, qua liber Jobi exaratus est, quaeque in Psalmis, in Proverbiis, in reliquo corpore Bibliorum, poetico praetertim, ac prophetico, tam magnifice, tamque insignite se exerit. Sylvestrius de Sacyo quamquam Nostri minime captus est difficilibus nugis, tamen non ultimam hanc laudem ei tribuit: au milieu des difficultés, qu'offre son style, il attache le lecteur capable de l'entendre d'un charme irresistible. E Germanis vero, ut alios taceam, Theologum pari profundioris doctrinae ac concionandi facultatis gloria florentem, clarissimum de Ammon *), in libro institutionum ad

*) Immanuel fl. R. Schelomoh. Cfr. J. Buxtorfii Bibliotheca Rabbinica p. 88. *) Cfr. Praef. ad Jonesii Comment. Poes. Asiaticae. *) In Specimine Historiae Arabicae. *) Handbuch der Anleitung zur Kanzelberedsamkeit, Nürnberg 1826, p. 314.

orationes sacras, et *Haririi* nostri narrationes eis, qui hac in arte ad celsiorem eniti gradum velint, legendas esse praecipere meminimus. Nostra, si quid valet, sententia haec est. Multi libri arabici a pluribus, quam solent, legi merentur; *Arabsiades* e. g. ob ornatum; *Bahao'ddini Vita Saladini* ob venustam simplicitatem; *Abulfedae Annales* ob rerum fide narratarum copiam; *Mille noctes et una* ob varios phantasiae ludos; *Kasvini, Damir, Ibn Batuta*, ob miracula, quae produnt; *Hamasa et Moallacat* ob sententias et libros ebraicos illustrantia verba; *Haririi* autem lectione nemo carere poterit, qui de linguae arabicae copia, volubilitate, elegantia, genio, omninoque de dialectis Semiticis rectum iudicium facere voluerit. Quamobrem satis meriti hac versione nobis comparasse videremur, si nullam aliam haberet utilitatem, quam ut *Haririi* opus, et *Schultensii, Sylvestrii de Sacyo, Rueckerti, aliorumque* *) in eo edendo, explicando, vertendo, labores unius aut alterius revocarent in memoriam.

*) *Joh. Jac. Reiskii* quidem consensu XXVI editionis exemplaria rarissima esse videntur; cfr. *A. Th. Hartmann: Über die Ideale weiblicher Schönheit bei den Morgenländern. Düsseldorf 1798, p. 175.*

I n d e x.

Propterea ab initio constitueramus et unperrime promiseramus, priores hic Haririi consensuum latine versos emitimus. A. Schultensii enim versio eorum latina non solum in paucorum tantum bibliotheca reperitur, sed etiam haud ubique cum sensum exprimit, qui nobis, ampliore scholiorum copia instructis, poetae dictis subsistere videtur; textum sequitur non satis emendatum; ob annexum commentarium vasti corporis est opus; non satis congruit cum illis rationibus, quas nos in reliquis vertendis secuti sumus; nec amplectitur ab auctore ipso praemissum praefatum, non minus sane, quam narrationes sequentes, elegans et politum, ac pernecessarium ad Nostri consilium et merita recte iudicanda. Nec minus nos adduxit quod, qui singula expresserit membra, caput non omittere debere, Arabisque nostri amatoribus jucundum fore existimavimus, opus ejus totum translatum habere, etiam nostro tantum qualicumque labore. Singulorum, quae hic fasciculus complectitur, stromatum, nomina, in libris arabicis numeros, in hocce ubi incipiant, paginae, nec non argumenta, his paucis accipe!

Prima occurrit praefatio, nullo, nec in textu arabico, nec hae in versione, numero notata. Enarranda operis occasione, difficultatibus, sine, benevolentiam capiat, postquam summi cunctis auxilium imploravit, more in omnibus, etiam ultimae votae, Arabum scriptis observato.

Sequitur consensuum Zanabensis, sive Samanensis, I, p. 5, quo Haret Hammamides, vel Hammamita, narrat, quemadmodum in illa Arabiae felicia urbe Abu Seidum, oratorem ad pietatem compellentem, sed non satis abstemium, cognoverit.

Holvaniensis II, p. 8, Haret narrat, se cum eodem Abu Seido, Holvani versante, intimam amicitiam coluisse, postea vero, cum fata separassent, eum improviso in urbe patria reperit, in concilio doctorum pulchritudinis humanae comparationes proponentem, venustiores a laudatissimo Bochartio propinatis.

Kallano, arabico etiam Dinarija dicto, III, p. 12, mendicus claudus, a gente Kaila se oriundum dicens, Hareto eum dilectissimis viris conversanti supervenit, iussusque aureum laudare, tum vituperare, utroque optime fungitur. Quo facto Haret agnoscit Abu Seidum et simulatam claudicitatem excusare compellit.

Damiatensis, X, p. 15, Haret, proficiens Damiatam, in statione aliqua nocturno tempore audit duos viros disputantes de recto erga inimicos se gerendi ratione. Hoc sermone allectus dum nocturnos confabulatores quaerit, videt Abu Seidum et filium ejus, qui maximis exiit ab ipso et sociis ejus beneficiis cumulati, corporis in pago victio lavandi praetextu aufugiant.

*

Casico, V, p. 19, Abu Seïdus Haretum, Casae, nocte quadam cum amicis confabulantem, in admirationem rapit et expilat historiôlâ, de inopinato cum filio suo Seïdo concursu, quem, ac inescio, Barra, mulier Marânae ducta, sed a se relictâ, pepererit. Quamvis deinde, cum Haretu solus, se filium habere negare vult. Sed in multis concessibus filius ei tribuitur, etiam in antecedente. Unde Casicum, in quo nondum satis certe apparet, utrum Abu Seïdo filius sit, nec no, ante Damiatensem ponendum esse inficitur cogitatio, quippe quo id supra omnem dubitationis aleam elatum est.

Mararhiensis, sive Maragiensis, VI, p. 23, arabice etiam Cheïfa dictus, quod nomen, tales indicans, quorum oculus alter caecius, alter niger est, ob argumentum ladiciderunt, monstrat Abu Seïdum, uti in scribarum Mararhenajum concilio difficile solvit problema; orationem nempe scribit, qua primi cujuscunque verbi litterae omnes sunt punctatae, alterius cujuscunque omnes hoc orantu carent. Oblatum ei, cognita arte, munus non accipit, quod pauper esse malit et liber, quam munere occupari non semper grato, nec satis perspecto.

His autem prioribus concessibus eandem, ac reliquis, forma impressis, opus nostrum absolvimus, omnesque jam hujus versionis partes ita ligandae sunt, ut unum efficiant volumen, quo hic fasciculus primum, Decas alterum, Pars Maxima, cui Emendandorum tabula affigatur, tertium locum occupet. Vos, qui hoc labore utemini, per omnes temporis mutationes mutationis expertem nobis servate favorem, benedicti semper, quod nunquam mutatur, numini!

Nomine Dei Summe Misericordis!

Dixit Doctor gloriosissimus, singularis, Abu Muhammed Alcasem, fil. Alî, filii Otmani, Harirîus Bazrensis, cujus Deus refrigeret sepulcrum¹⁾!

O Deus! celebramus te ob eloquentiam, quam nos docuisti, et disserendi facultatem, quam nobis indidisti, perinde ac laudamus propter dona, quae in nos effudisti, et operimentum, quod super nos expandisti; vocamus te averruncum a nimia linguae alacritate, modumque excedente garrulitate, pariter ac oramus, defensor sis a barbariae noxa et haesitationis ignominia; rogamus, ut a nobis arceas tentationem immerita laude ornantis, sicuti prohibeas flagitamus, ne scopus fiamus contemptui vituperantis et opprobrio diffamantis; supplicamur, condones, quod cupiditates nos pepulerunt in fora dubiorum, uti condones precamur, quod gradus tulimus in vicos peccatorum; atque petimus a te concurrentem gratiam, dirigentem in rectam viam, cor conversans cum veritate, linguam ornatam veracitate, sermonem fultum demonstratione, assecutionem recti avertentem a declinatione, vincentia animae cupiditatem proposita, intellectum perspicientem rerum pretia, et ut directione tua nos ducas ad cognitionem, ope tua adjuves ad dilucidationem; ab errore nos arceas narrantes, a stultitia avertas jocantes, ut securi simus linguae peccatorum falcium instar demetentium, et infortuniorum mendaciis nascentium,

¹⁾ *Proprie, cubitum.*

nec accedamus adaequationi illicitae, aut loco stemus poenitentiae, aut experiamur nocivas sequelas increpationemque acerbam, aut cogamur ad excusandam imprudentiam. O Deus, imple nostrum votum, largire petiitum, nec ab umbra tua profusa nos secludas, aut manducaturum proponas epulas! Nam ad te tendimus precum palmam, tibi confitemur devotionem nostram et miseriam; deprecantes, ut coelitus manifestes nobis largam tuam liberalitatem, omnes complectentem benignitatem, devota prece, spei merce, tum aditum ad gratiam tuam patefaciente Mohammede, mortalium principe, intercessore exaudito die resurrectionis, quem posuisti sigillum prophetis, constituisti in supremis coelis loco excelso, et descripsisti in libro tuo claro, dicens, et dicentium quidem es veracissimus ³⁾: non ego te mitto, nisi creatorum misertus. O Deus, propitius sis ei et genti ejus recta via praeiungenti, sociisque confirmatoribus religionis aedificii, faciasque nos horum et illius rectum cursum imitari, nec non horum omnium et illius amore adjuvari; nam tu es omnipotens, tibi precibus annuere est conveniens ³⁾!

Posthaec scias! In conventu aliquo amicorum eruditionis, cujus hoc tempore quiescit aura et extinctae sunt lampades, mentio injecta est consessuum, quos protulit temporis miraculum, doctissimus Hamadanensis, quorumque ad Abu'lfatachum Alexandrinum retulit compositionem, ad Isam, filium Haschami, narrationem, viros ignoratos, nemini cognitos ⁴⁾. Ibi quidam, cujus nutus est imperium, et cui obedire praeda, innuit, ut pangerem consessus, sequens vestigia mirandi inventoris, etiamsi non attingeret claudicans robusti praevertentem cursum. Obiecti quidem, quod dicitur de eo, qui duo componit verba, aut conserit unum duosve versus ⁵⁾, et subducere me tentavi stationi, qua stupet intellectus, deficit cogitatio, examinatur ingenii profunditas, cognoscitur viri pretium, et qua qui versatur coactus est, lignum cadere noctu, trahere pedites et equites ⁶⁾, vixque

³⁾ In edit. Syl. d. Sac. legitur: verbum est apostoli uobis, firmam habentis potentatem apud throni dominum, auditi, fideles. Sic Haririus primo scripserat, teste Ibn Gahuro, a quo Haririi consessus accepit Abu'labbas Schariachiensis. Quoniam vero phrasia illa Corani ad angelum Gabrielem plurimorum sententia pertinet, postmodum Haririus usitatorem ei substituit. ⁴⁾ Quamquam Romani clausulas consonantes fugiunt, in his tamen precibus vertendis rhythmos finales adhibuimus, ut pro specimine sint styli, quo totum opus est compositum. ⁵⁾ Personae sunt fictitiae, ut Haretus et Abu Seidus. ⁶⁾ Alluditur ad proverbium: qui librum aut versus componit, latrocluctum suum prostituit hominibus; si rectum viderit, in sublimi collocatur, si erraverit, lapidibus petitur. Aliud proverbium dicit: vir gaudet vita iucunda, quamdiu non dicit carmen, aut componit librum. ⁷⁾ I. e. convertere promiscua.

salvus evadere potest e multiloquio, aut obtinere caespitationis remissionem. Cum autem nollet mercatum rescindere, nec a postulato abstinere, acceptam habui vocationem ejus, ut obsequens, operam navavi imperio ejus exsequendo, ut perficiendo par, et composui, quamvis multas molestias perpetiens a vena congelata, intellectu exstincto, doctrina subsidente, curis affligentibus, quinquaginta consessus, complectentes sermonem serium et festivum, phrases lenes et solidas, eloquentiae candores et margaritas, eruditionis pulchra et rara, praeter, quibus eos ceu baltheis cinxi, versus et venustas allegorias, quibusque eos ceu gemmis distinxi, proverbialia arabica, subtilitates doctas, aenigmata grammatica, judicia dialectorum varietate ambigua, epistolae virgines ⁷⁾, orationes comitas, admonitiones flebiles, ridicula exhilarantia; quae quidem omnia eloquenda commisi linguae Abu Seidi Sarugensis, narrationem fulciens auctoritate Hareti, filii Hammami, Bazrensis. Immiscendis vero ludicris non aliud intendi, quam ut excitarem legentes, quamplurimosque facerem petentes. Alienorum versuum duos tantum eis intexui singulos, quibus superstruxi consessum Holvaniensem, et duos alios geminos, quibus obsignavi consessum Cargensem; reliquorum omnium ingenium meum est pater virginitatis ⁸⁾, protulitque dulce ac amarum. Haec de me dicere habeo, agnoscens, inventorem egressum esse extremas metas, dominum esse miraculorum, et quemcunque post eum ad pangendos consessus se convertentem, etiamsi Kudamae ⁹⁾ eloquentia praeditus fuerit, ex illius tantum hausturum esse redundantia, illiusque ductu profecturum hac via; divinum sane est dictum:

Si praevertissem illius gemitum, plorans amore Sudaë, satisfecissem animo, nec poeniterem;

Sed illa me praevertit gemendo, illius meas excitavit gemitus lacrimas; praestantia ergo est praevenienti ¹⁰⁾.

Spero autem, me, dum ad hanc garrulitatem (quasi ad adaquationis fontem) adducam, huncque rivum intrem, non similem futurum illi, qui unguis sibi suis effodit mortem, aut manu sibi sua absceidit nasi mucronem, nec relatum

⁷⁾ I. e. primum excogitatas. ⁸⁾ I. e. qui defloravit virginitatem. ⁹⁾ Scriba Barhadadensis, multorum librorum auctor; primus, qui de arte rationaria scripserit fertur; acro Muktaderi Billah.

iri in operatorum frustratorum numerum, quorum erroneum erat per vitam mundanam studium, quamquam optime se agere existimarent. Verum quidem est, etiamsi indulserit prudens, errata se non advertere simulans, et defenderit amicus connivens, vix potero effugere, ne rudis ignorans, aut inimicus ignorantis speciem assumens, me deprimat ob hunc librum, et dicat, eum pertinere ad prohibita. At qui res spectare oculo intellectus solitus fuerit, cujusque in fundamentorum structuras alte penetraverit visus, ille hos consessus filo inseret institutionum, ordineque constituet tractatum, *αλόγων* et *αφωσμένων* continentium sermones ¹⁰⁾, cujusmodi historiarum, non reperitur, qui aurem neget sonis, aut unquam criminatus fuerit relatores. Tum, si opera aestimari debent ex intentionibus, quibus vincula quoque nectuntur religiosa, quid criminis erit illi, qui fabulam composuerit ad commonefaciendum, non ad seducendum, proposuerit sibi eis corrigere, non spargere mendacia? Nonne is ejus loco habendus est, qui obedit petenti doctrinam, aut dirigit in viam rectam?

Praeterquam quod contentus ero, animo servisse ¹¹⁾, et liberum ab eo evasisse ¹²⁾, neque vituperatum, neque laudatum.

Deum imploro adiutorem eo, quo intendo, defensorem ab eo, quod dishonestet, directorem ad id, quod recta via ducat. Non enim est refugium, nisi ad eum, nullum auxilium, nisi ab eo, nulla fortuna, nisi per eum, nullum fulcrum, nisi ipse; ei me committo, ad eum resipiscens me converto! ¹

¹⁰⁾ Ferunt virum, cum audivisset columbam gementem, dixisse apud se, haec certe columba gemit ob discesum conjugis, ejusque exemplo motum itidem suam flevisse amantem; tum vero semetipsum ita esse allocutum: quid jurat fletus, quem didici a columba? Columbae erit palma, etiamsi plorando attigerim extremum! ¹¹⁾ I. e. fabularum. ¹²⁾ Proprie, tulisse. ¹³⁾ I. e. ab opere, ad quod ille adigebat.

Z a n a n e n s i s .

Narravit Haret Hammamita. Cum conscendissem peregrinationis gibbum ¹⁾, egestate removente a sociis, fortunae casus me propulerunt Zanâam Iamanae; eamque intravi vacuis loculis, conspicua inopia, ne vitae quidem sustentandae necessarium possidens, nec in pera buccellam inveniens. Atque incepti vias ejus secare instar errabundi, vagari in circis ejus instar sitibundi, quaerens per pascua meorum prospectuum, et spatia matutinorum excursuum, vespertinorum recursuum, liberalem, cui tererem meum sericum ²⁾, et exponerem necessitatem, aut eruditum, cujus adspectus mihi fugaret tristitiam, relatio expleret sitim; donec obeundi finis perduxit, bonae fortunae initium ³⁾ direxit, ad consessum amplum, contentem compressionem et lamentationem. Penetravi autem coetus silvam, ut explorarem lacrimarum causam; et conspexi in circuli medio hominem, tenui corpore, apparatu itineris religiosi, voce flebili, rhythmos componentem gemmis phrasium, aures pulsantem minis admonitionum, circumdatum miscellis catervis, ut luna halone dactylive involucris. Hunc, cum accessissem, ut e praeceptis ejus ignem peterem, et unionum ejus aliquos colligerem, dum tolutim procedebat hippodromo suo ⁴⁾, rudebantque extemporaneae facundiae gurguliones ⁵⁾, audiavi dicere: O errans, ut attonitus, in juvenili alacritate, laxans superbae imaginationis vestem, praeceps ruens in ignorantia, propensus ad ineptias! quousque perseverabis in errore, gratum habens iniquitatis pastum; quem ad finem

¹⁾ I. e. camelum. ²⁾ Coram quo deponerem pudorem. Sericum hic notat frontem, vel genum. ³⁾ Alii vertunt: viam patefaciens blanda interrogatio. ⁴⁾ Dum moderate prosequabatur orationis filum. ⁵⁾ Vel uvae, partes oris faucibus impendentes, quae libidine percitus camelus prodit. Plinius ergo errat, homini tantum ejusmodi uvae esse, in H. N. contendens.

perges in animi levitate, deditus ludo? Repugnantia tua provocas tenentem antias tuas ⁶⁾; turpitudine incessus audax es contra scientem arcana tua. Abscondis te quidem proximo, sed coram oculo es observatori tuo; latere studes servum tuum, sed nihil abditum latet dominum tuum. An cogitas, statum tibi tuum auxilio futurum esse, instante discessu; aut opes te tuas servaturas, trudentibus in exitum operibus; aut poenitentiam satisfacturam, lapso pede ⁷⁾; aut gentem tibi tuam veniam impetraturam ⁸⁾, die, quo te comprehenderit congregationis ⁹⁾ locus? Non ibis via, quae recta ducit, festinabis curare morbum, retundes aciem transgressionis, animamque domabis ¹¹⁾, quae maximus tuus est inimicus? Nonne mors praestitutus tibi est terminus? qui ergo te praeparas? Nonne canities te monet? et qui te excusas? Nonne in sepulcro tuus est somnus? et quid respondes? Nonne ad Deum est iter tuum? et quis auxiliator? Diu est, quod tempus te expergefecit, et connivisti; quod admonitio te traxit, et recessisti; clara tibi proposita sunt exempla, et coecitatem imitatus es; veritas tibi constituit, et rebellasti; mors te monuit, et oblitus es; data fuit juvandi potestas, et non juvisti. Praefers obolum, quem recondas, monito, quod serves; praeoptas arcem efferre, quam beneficium conferre; a ducis expetenda directione avertis te ad petendum commeatum; magis inhaeret cor tuum hyacinthis donorum, quam statis temporibus precum; licitationes nuptialium dotum praestant apud te dispartendarum eleemosynarum officio; variorum ciborum patinae jucundiores tibi sunt, quam rerum divinarum paginae; majori tibi delectationi est jocus aequalium, quam lectio Corani capitum; jubes aequitatem, et violas ejus septum; interdici iniquitate, nec ipse ab ea te continet; retrahis alios ab injuriis, ipse cum eis rem habes; timesque homines, cum dignissimus sit, qui timeatur, Deus. Tum recitavit:

Infelix ille, qui petit mundum, effusus eo flectens cursum!
 Nunquam emergit ¹²⁾ ex amore ejus et modum excedente desiderio;
 At, si cognitum haberet, sufficeret ei illius, quod desiderat, residuum ¹³⁾.

⁶⁾ Frontis comam. Imago est ab equis petita. ⁷⁾ I. e. te mortuo. Cfr. Hieron. P. M. p. 150 l. 11. ⁸⁾ Vel, Deum flexuram. ⁹⁾ In resurrectione. ¹⁰⁾ Proprie, in naso percussus. ¹¹⁾ Vel, ad se redit. ¹²⁾ I. e. paucillum.

His dictis coegit pulverem suum ¹³⁾, siccavit succum ¹⁴⁾, brachio prehendit utrem, axillae subdidit fustem. Cum autem coetus animadverteret, eum se movere ad abitum et praeparare ad deserendum centrum, quisque manum inseruit sinui replevitque ei fluxu suo situlam, dicens: hoc impende sumtibus tuis, aut divide sociis! Ille accepit palpebras comprimens ¹⁵⁾, abiit gratias agens; comitaturis valedixit, ut teneret viam suam; secuturosque dimisit, ut sua ignoraretur sedes. Dixit Haret Hammamita. Equidem vestigia ejus legi, qua me videre non posset, donec pervenerat ad cavernam. In hanc illapso incaute moram concessi, donec detraxisset calceos, lavasset pedes; tunc eum oppressi. Et inveniens eum sedentem, e regione discipuli, ad panem similagineum, assatumque hoedum, et coram eis seriam vini, increpavi: heus tu! illane tu dixisti, et haec tui est probatio? Ille contra, suspirans ut flamma, prope aberat, ut rumperetur ira, nec desinebat torvis me intueri oculis, ut, ne in me insultaret, metuerem. Cum autem sedatus esset ignis et evanuisset ardor, declamavit versus:

Indui stolam ¹⁶⁾, ut venarer Chabizam ¹⁷⁾, et fixi hamum in omni pisce ¹⁸⁾.

Admonitiones meas feci rete, quo venatorem captarem et praedam.

Fortuna me eo adegit, ut cum doli mei subtilitate penetrem leonis arboreturp,

Nec timeam ejus in me conversionem, nec tremeant mihi scapularum muscoli ¹⁹⁾.

Quamquam ad aquam ²⁰⁾, quae existimationem inquinet, anima nunquam ducit cupida.

Tempus vero, si aequae judicaret, non committeret arbitrium hominibus nequam.

Dein mihi dixit: accede et ede, aut, si mavis, surge et loquere! At ego, conversus ad discipulum, hunc compellavi: adjuro te per eum, quem imploras defensorem a noxa, indica mihi, quis iste! Regessit: Abu Seid Sarugensis, lampas peregrinatorum, corona eruditorum. Hic ego, unde veneram, revertens, solvi admirationem debitam ei, quod videram.

¹³⁾ Quem quasi orationis cursu concitaverat. Alii derivant a Moslama ibn Abde'lmalik, qui, cum quidam confuso coram eo locuti essent, hos vero excepisset, qui optime dissereret, dixisse fertur: hujus viri oratio, post illorum, simillima est nubi glutinanti pulverem. ¹⁴⁾ Lacrimas. ¹⁵⁾ Fadorem simulane. ¹⁶⁾ Proprie, vestis nigra, quadrata, limbata. ¹⁷⁾ Cibus ex dactylis, ut amylo et defruto, cum butyro mista. Cfr. cons. XIX. ¹⁸⁾ Notat quoque villus dactylorum genus et lupides. ¹⁹⁾ Muscoli inter humerum et latra, qui in equis tremere solent. ²⁰⁾ Haec quoque imago ab equis camelisve petita est. Pro aqua proprie vertendum fuisset: undaquandi locus.

H o l v a n i e n s i s .

Narravit Haret Hammamita haecce. Ex quo amuleta mihi demta et cidares appensae sunt, deditus eram visitandis locis eruditionis, et emaciandis inservientibus ad ea petenda camelis, de illâ ut obtinerem, quod mihi ornamentum esset inter mortales et nubes in siti. Et ob excedentem quidem aviditatem lucrandi ejus ignem, cupiditatem induendi ejus vestem, disputabam cum omni praecipuo et tenui, potum flagitabam ab imbre et a rore, lactabar etiam (talibus, quorum doctrina erat) esse potest, fortasse. Cum autem descendissem Holvanum ¹⁾, fratres jam expertus, explorata habens pretia, nonnescius, quid probro sit, quid laudi, inveni Abu Seidum, Sarugensem, versantem se in formulis genealogiarum, obscuritate utentem ad faciendum quaestum, nunc praetendentem, se pertinere ad Sasanitas ²⁾, nunc genus referentem ad reges Rhassanitas ³⁾, nunc prodeuntem caractere poetarum, nunc vestitum superbia magnatum, praeterquam quod, utut vario se ostendebat habitu, et apparebat mendacium, ornatus erat nitente vultu et doctrina, blandimentis et prudentia, copiosa eloquentia, ex tempore dicendi facultate obediente, moribus praestantibus, pede scientiarum verticem premente. Ob pulchritudinem itaque instrumentorum, quamquam vitiosus, tolerabatur ⁴⁾; ob doctrinae copiam adspectus ejus amabatur; ob decipientem comitatem a declinatione ejus abhorrebat; ob sermonis dulcorem obtinebat, quod quaerebat.

¹⁾ Qui locus ideo a poeta hic nominatus esse videtur, quod pervagata erat historia de Holvaniensium palmarum pari, quod, amicitiae perennis diu exemplum, tandem nihilominus separatam est. Cfr. meam dissertationem de Moallaka Lebidi p. 23. ²⁾ Ne cogites hoc loco de quarta regum persicarum dynastia! 'Hariri'us in animo habet mendicos. Sasan, dictus major, fil. Asfundiari, fil. Cushtasafi, tradito a Bahmane patre regno filiae Hamai, vel Hamani, mulieri formosissimae et prudentissimae, iratus ad Cardos pastores abiit. Hinc omnia generis mendicorum, egenorum, sardorum, coecorum, canes et similia circumducentium, vocatur princeps, populi permagni, cujus varias artes ipsorum lingua carmine exposuit Abu Dulf Chaaragensis. ³⁾ I. e. reges Syriae, ita dictos, quod a lamena huc, ad fluvium Rhassan, se contulerant. ⁴⁾ Proprie, vestiebatur.

Quare inhaesi ejus fimbriis propter egregias elegantias, inhiavi amicitiae propter pretiosas proprietates:

Eoque dispellebam curas, tempus mihi conspiciebam serenum, lucidum.

Propinquitas ejus mihi erat affinitas, mansio copia, adspectus irrigatio, vultus vita.

Atque sic morati sumus temporis spatium longum, dum ille mihi quotidie parabat gaudium, de corde pellebat scrupulos, donec manus inopiae ei miscuit poculum separationis, carnis in osse defectus instigavit ad relinquendam Iracam, vitae commoditatum penuria projecit in mundi plagarum deserta, vibratum vexillum inediae eum inseruit itineris sociorum seriei, exacutaque ille acie propositi profectus est, cor regens ejus habenis *).

Nec placuit mihi post illius discessum, quicumque adhaereret; non excitavit conjunctionis desiderium, quicumque cieret.

Non apparuit, postquam ille aufugerat, par eloquentiae apparatus, nec amicus, complectens eadem ac ipsius animus.

Et absconditus mihi erat aliquamdiu, ignorabam ejus lustrum, nec inveniebam, qui daret certam notitiam. Cum autem, reversus a peregrinatione in rami mei plantarium, praesens essem domo scribarum, ubi conveniebant literati, concurrebant indigenae et advenae, intravit spissa praeditus barba, habitu lacero, et salutatis sedentibus consedit in hominum ultimis. Dein incipiens manifestare, quod uter ejus coriaceus continebat *), in admirationem rapiens praesentes eloquentia, proximo dixit: ecquid tu libri inspicis? Respondit: carminum collectionem Abu Obadae *), cujus agnita est praestantia. Perrexit: num invenisti in eis, quae vidisti, novi quid, quod pulchrum existimes? Respondit: certe, dictum ejus:

Quasi ridens detegat margaritas ordine concertas, aut grandinem, aut parthenium *).

*) Proprie, funibus *) I. e. quod sciebat. *) Abu Obada, vel Ubada, falso Ibadn et Ebada, appellatur Valid bin Abid Albocharti, mortuus an. Heg. 206, Chr. 819. *) Vel, matricaria, chamomilla, anthemis; cfr. Lonsii Poet. As. Comm. p. 110.

Hoc enim versu plane singularem inclusit comparisonem. Resumsit ille: o miraculum, o quam interiit eruditio; pro pingui habuisti tumidum, et flando excitare voluisti ignem, cui deest materia; heu, quantum distas a versu eximio, dentium comparationes complectente hōcce! et declamavit:

Anima redimam dentes, per labia diducta suaviter nitentes, aqua ornatos, omnis
alius aquae desiderium eximente!

Produnt margaritas recentes, grandinem, parthenium, palmarum flores, bullas
innatantes vino.

Atque omnes, qui aderant, hunc versum reputabant bonum et dulcem, petebantque, ut eum repeteret et dictaret. Interrogatus deinde, quis eum pepigerit, et, vivatne compositor, an mortuus sit, respondit: per Deum! veritas dignissima est, cui obsequamur; audiri debet, quod res est: ille ipse (est compositor), qui hodie vobiscum confabulatur. Dixit; sed coetus videbatur dubitare de derivatione ista, nec fidem praebere suum esse dicenti. Advertens igitur quod mentem eorum subierat, intelligens animis eorum retentam reprobationem, metuit, ne vitium sibi adaspergeretur, et repetivit verba Corani, „nonnulla suspicio est peccatum,“ tum dixit: o carminum traditores, sermonis aegroti medici! substantiae sinceritas exploratur fundendo, veritatis manus findit vestem dubitationis, et jam antiquis temporibus dictum est, probatione vir honoratur aut contemtui fit; et ecce! offero seriam meam, ut examinetur, porrigo peram, ut specimen inde promatis. Protinus ibi praesentium unus dixit: versum habeo, cuius non texti solet liciatorio, cujusque nulla vena edidit similem; si itaque vis delinire corda, versum pange hoc modo! et declamavit:

E narcissis pluit margaritas, rigantes rosas, et mordet zizypha *) grandine.

Non autem oculi nictu diutior, imo brevior, interposita erat mora, cum declamaret hoc rarum:

Visitantem rogavi, ut detraheret ricam rubram, auribusque meis optimum de-
poneret nuntium.

*) Baccas scil. zizyphus fert rubras.

Removit itaque crepusculum tegens lunae splendorem, et sparsit margaritas e sigillo odoro.

Hanc ob extemporalem facundiam stupentes, qui aderant, innocentiam ejus agnoverunt. At cum se videret illorum sermone suo benevolentiam consecutum esse, ita ut jam effuso cursu aggrederentur ipsum honorandi viam, momentum oculos demisit, tum dixit: tenete duos alios versus! et declamavit:

Accedens die discessus serio destinati, vestibus atris, mordebat digitos ut poenitens, desperata.

Nox lucebat super aurora, utramque sustinebat virga, beryllos masticabat margaritis.

Ibi homines grande ei statuerunt pretium, largam praedicarunt ejus pluviam, beneque conversantes pulchrum fecerunt ejus corticem. Dixit, qui hanc historiam retulit. Cum autem viderem flammam carbonis, coruscationem splendoris, longius proventus sum in ejus consideranda physiognomia, oculum libere pasci sivi in ejus characteribus, et ecce! senex erat Sarugensis, cujus tenebrosa nox ¹⁹⁾ jam lunae sparsa erat lumine. Itaque mihi gratulatus adaquationem ejus, festinavi ad osculandam manum, et dixi: quid mutavit habitum tuum, ut te non cognoscerem, qua re tua incanuit barba? Ibi orsus est.

Turbantes adversitates canum me fecerunt. Nam fortuna homines versat;
Cuicumque die quodam obsecuta est, crastino durum in eum dominium exercet.
Ne confidas igitur fulguris ejus splendori, utpote decipienti!
At si eadem adversitates contra te incitaverit et congregaverit, tolera!
Auro enim non est dedecori versari in igne.

Posthaec surrexit, relinquens locum suum, secum asportans corda.

¹⁹⁾ Nigra coma.

C a i l a n u s.

Retulit Haret Hammamita. Continebat me et amicos quosdam consessus, quo nullus frustrabatur vocans, nec fallebat igniarii percussio, nec flagrabat ignis rixae. Dum autem certatim trahebamus lacinias declamationum, oblectabamur venustis traditionibus, en! stetit prope nos persona, trita veste induta, incessu claudicans, et dixit: O electissima thesaurorum, gaudia familiarium! conducat vobis oriens dies, laeto fruamini jentaculo, et adspectu dignemini virum, cui olim erant convivia et liberalitas, bona et dona, agri et pagi, patinae et hospiti (praeparati) cibi; sed, non cessantibus tristibus negotiis, bellis aerumnarum, scintillis malae invidiae, vicissitudinibus atris, carere tandem incepit vola, calva evasit area, subsedit scaturigo, non convenit mansio, diffluxit conventus, duritie laesit accubitus, mutavit se status, ejulavit familia, vacaverunt stabula, miseruit aemulans, periit loquens et silens, flevit invidus et convitians; eoque adacti sumus fortuna in aerumnam conjiciente, paupertate ad pulverem deprimente, ut calceus esset dolor, cibus angor, intus haberemus incendium, intestina complicaremus fame, oculos tingeremus insomnia, valles eligeremus habitacula, molles reputaremus spinae, oblivisceremur sellarum camelinarum, laudaremus mortem deleturam, tardum censeremus diem natalem! Estne ergo in vobis ingenuus medens, liberalis consolans? Nam, per eum, qui me produxit gente Caila! frater evasi egestatis, non habeo, quo me sustentem unam noctem. Dixit Haret Hammamita. Condolui ob ejus miserias, sed, cupidus eliciendorum ejus rhythmorum, ostendi ei aureum et dixi exploraturus: hunc si laudas versibus, tibi est certus. Quibus auditus occoepit declamare, nec tardans, nec aliena sibi arrogans:

Laudetur ¹⁾ aureus, cujus splendet flavedo, mundi plagas secat cursus, longissima sunt itinera,

¹⁾ Falso vertitur: laudo.

Percrebuit fama et gloria, lineamenta commissum sibi servant arcanum pluti;
Cujus superbo incessui se adjungit conatuum successus, omnibusque mortalibus
amatus est candor,

Quasi liquatis cordibus esset ortus; quem qui crumena continet, animosus est,
Etiam si tardent aut perierint liberi! Euge venustatem ejus et splendorem,
Et euge comoda ejus et auxilium! Quot viri non nisi ejus ope negotia sua
ad finem perducta viderunt;

Quot beati sine eo mansissent in miseria; quot aerumnarum exercitus dispulit
ejus impetus;

Quot lunae plenae ad descensum adductae sunt ejus copiis; quot iratis, quorum
arderet carbo,

Ejus audito clandestino alloquio sedata est vehementia; quot captivis, quos pro-
diderat cognatio,

Hic liberavit, ut clarum eis esset gaudium; quot dominii jura ejus produxit
creatio!

Ni obstaret religio, dicerem: summa ei est potestas!

His declamatis porrexit manum dicens: vir ingenuus perficit, quod promisit,
ut nubes effundit, postquam intonuit. Aureum ergo ei projecit et addidit: sume
eum, non contristatus. Ille, ori eum indens, inquit: benedictus sit a Deo! tum,
gratiis actis, se accinxit ad abeundum. Mihi vero facietis ejus suborta desiderii
ebrietate, tam leve videbatur contrahendi aeris alieni facere initium, ut, extracto
aureo altero, dicerem: visne hunc vituperare, dein tibi habere? Et declamavit,
altiore et canora voce, festinans:

Pereat deceptor, infidelis, flavus, praeditus, ut simulator, duabus faciebus,
Duabusque conspicienti apparens formis, ornamenti amatorum et coloris *)
amantium,

Ipsius amore seducens iudicii praepositos ad comparandam Domini iram;
Qui si non esset, non absunderetur dextra furis, non videretur injuria tyranni,
Non abhorreret avarus a nocturno visitatore, nec quereretur dilatus dilationem
tardantis;

Nec Dei auxilium imploraretur contra osorem sagittis petentem, nec rebellaret
creatus creatori;

*) Qui est flavus.

Cujus malis ex moribus hoc quoque est, quod opem non fert in angustiis,
Nisi fugerit, ut fugit deserens servus! Bene illi, qui de fastigio eum dejecerit,
Et amici modo insusurranti responderit sermone veracis, probi: displicet tua
conjunctio, discede!

Dixit relator. Excepi: quam copiosus tuus est imber! Resumsit: promisso
vero inest, quod magis cogat. Afflavi ³⁾ eum itaque aureo altero, adjiciens: serva
eos primae Suratae amuleto ⁴⁾. Ille vero, aureo in os inserto et ad geminum
addito, discessit laudans matutinum excursum, extollens donantem et donum.
Dixit Haret Hammamita. Cor mihi meum clanculum innuit, eum esse Abu
Seidum, clauditem autem dolum, rogavi eum itaque ut reverteretur, et allocu-
tus sum: ornata tua oratione jam proditus, incessu utere recto! Respondit:
si tu es Hammainita, honorificentissimam tibi salutem dico, optans, ut diu vivas
inter liberales. Resumsi: ego sum Haret; qualis vero tuus novissimis his tem-
poribus status ⁵⁾? Respondit: duplici vivo statu, miseriae et commoditatis; duo-
busque versor cum ventis, vehemente et leni. Perrexī: qui vero potuisti te si-
mulare claudum? tui similis (senex) joculari non solet. Ibi abscondente sese, quae
modo revelata apparuerat, hilaritate, tergum vertit declamans:

Clauditem simulavi, claudicandi non cupidus, sed ut pulsarem portam laetitiae;
Dein, freno cameli tergo immisso, viā tenderem, qua tendit libere expatiens ⁶⁾,
Reprehendentibusque respondere possem; excusate, claudum non est verten-
dum vitio!

³⁾ Saepius occurrit pro: donare. ⁴⁾ Interpretantur haec: gratias ago Deo! quia primum Corani caput
incipit verbis: laus sit Deo! Sed magis aridet: tanquam sanctissimo amuleto hoc aurum tibi servetur, ut
possessione ejus diutissime gaudas! ⁵⁾ Non bene Schultensius vertit: quis status, quae fortunae? Proprie
enim transferendum esset: quis tibi status et fortunae casus? Et autem hic notat cura, ita ut sensus sit:
quomodo tu te habes cum fortunae casibus? ⁶⁾ Nimis libere Schultensius: qui nutant in religione.

D a m i a t e n s i s .

Commemoravit Haret Hammamita. Profectus sum Damiatam anno, quo ultro citroque pellebatur ¹⁾). Spectabar autem tum temporis statu commodo, amabar a fratribus, tractabam vestes limbatas opulentiae, revelatam conspiciebam faciem laetitiae ²⁾), et habebam socios, qui confregerant baculum dissidii, sugebantque concordiae plenum uber, ita ut aequalitate splenderent instar pectinis dentium, voluntatum conspiratione una viderentur esse anima. Nihilominus proficiscebamur, quasi salus posceret, celerrimis tantum vehebamur jumentis, et descendentes in mansione, aut aquam haurientes e rivo, moram corripiebamus, cunctationem evitabamus. Nocte quadam juvenilis comae praedita nigrore, corvidensis involuta plumis, iter forte continuabamus, donec tenebrae exuerant juventutem, et aurora earum absterserat tincturam, ubi fastidientes pergere, desiderantes dormire, inventa regione, cujus graminosi erant colles, lenibus afflati euris, hanc eligeamus cubitum camelis, stationem diluculo paullum quieturis. Cum autem turba miscella descendisset, camelorumque gemitus ac hominum inurmur obmutisset, audiavi vocem virorum; (scilicet) dicentis: qui tibi mos est vivendi cum aequalibus tuis et vicinis? et respondentis: Amice tracto vicinum, etiamsi injuste agat; mihi illum quoque conjungere studeo, qui insultet; tolero consortem, utut turbet; diligo propinquum, vel si potum fervidum ³⁾) infundat; amicum praefero fratri germano; socio pacta servo, quamquam decimam non rependat partem; largissimum hospiti datum leve existimo; ejusdem mecum cameli equitem beneficiis demergo; confabulatorem nocturnum habeo loco Amiri; familiarem colo ut principem; noto trado quaecunque donare habeo; comitem bonorum meorum

¹⁾ Proprie, impulsione et repulsionis. ²⁾ Ut sponsam. ³⁾ Gehennae.

statuo arbitrum; leni oratione alloquor osorem; persevero interrogare de eo, qui me negligit; vice soluti promissi contentus sum ramento; pro remuneratione minutissimam acceptam habeo particulam; non laedo, quando laedor, nec ulciscor, etiamsi momorderit variegatus serpens. Ad quae socius regessit: Vae ⁴⁾ tibi mi fili! reconditur recondendum, et inhiatur pretioso; sed non accedo ad illum, qui non vicissim accedat; non signo observantia mea fastidiosum; non puram exhibeo amicitiam neganti aequitatem; non fratrem voco vincula negligentem; non adjuvo fallentem spes meas; non curo solventem connexum; non blandior ignoranti meum pretium; non trado habenam meam illi, qui foedus rumpit; non largior amicitiam adversariis; non vanum esse sino, quod comminabar hostibus; non planto dona terrâ inimicorum; non solatio exhilaro gaudentem de infortunio meo; non illius misereo, qui gaudet de interitu meo; non dono muneribus meis selectis, praeterquam dilectos; non medicinam rogo alios, quam amatos; non intimam amicitiam dedico alii, quam sarcienti meam rupturam; non sincerus sum illi, qui meam vult mortem; non vota pro illo facio vera, qui non implet peram meam; non effundo illi gratias meas, qui evacuavit vasa mea. Et quis unquam rectum iudicavit, ut ego donem, tu retineas; ego mollem me praestem, tu aspere agas; ego liqueam, tu congeles; ego ardeam, tu exstinguas? Nemo, per Deum! Verbum itaque verbo pendamus, ut penditur aurum; facta aequemus, ut soleae aequantur calceorum; ut securi simus a fraude, defendamus odium! Si non — cur ego te lactem, tu me afflictes; ego te juvem, tu me despicias; ego pro te acquiram, tu me vulneres; ego ad te veniam, tu me ire sinas? Quomodo aequitas emi potest injuria; qui sol radiare cum nubibus; quando amor socius esse violentiae; et quis ingenuus contentus fuit conditione depressionis? Divina sane sunt patris tui verba:

Qui amorem mihi praestet constantem, praemium ei do illius, qui super fundamento suo exstruit;

Admetior amico, ut mensus est mihi; sive modium plenum dederit, sive diminutum;

⁴⁾ Vae, dicunt scholâs, tantum esse exclamationem mirantis. Hoc non est verum; saepe esse exclamationem comminantis, condolentiaeque, sequentes narrationes ostendunt.

Nec eum frusto; nam pessimus est mortalium, cujus hodiernus dies non respondet hesterno ⁵⁾);

Et quicumque apud me petit fructum, non aliud decerpit, quam quod plantavit; Non animus est decipere, neque vero abire, ut cujus manus complosione deceptus est sensus;

Nec mihi impono officium erga eum, qui sibi non imponit officium erga me. Saepe quidem, qui impurum foveret amorem, credidit, me sincerum ejus esse amicum, quamvis simularet;

Sed non intellexit prae ignorantia, me creditori meo debitum solvere eadem monetâ.

Et fuge eum, qui te stultum aestimat, fugâ odii, eumque cense ut sepulcro conditum;

Ac simulatione miscenti conjunctionem, monstra te veste ejus, a cujus familiaritate abhorretur ⁶⁾);

Nunquam autem amorem spera ab eo, qui te putet pecunia egere sua ⁷⁾)!

Dixit Haret Hammamita. Audito autem mutuo amborum sermone, desideravi spectare ipsorum personas; cum itaque appareret filius ardoris, et coelum involveret luce, surrexi, antequam surgerent itineris socii, et non ⁸⁾) ut mane prodit corvus, incepique versus vocem illam nocturnam tendere, stricta oculi acie observans facies, donec conspexi Abu Seidum et filium ejus conversantes, indutos vestibus grossioribus laceris. Quos animadvertens mihi fuisse collocutores noctis, auctores institutionis, adii, amans eorum lenitatem, dolens egestatem, et invitavi ⁹⁾), ut ad meam se conferrent stationem ¹⁰⁾), meaeque domini essent copiae et inopiae. Atque incepti virtutem eorum divulgare inter viatores, ac arbores eis concutere fructiferas, ita ut mergerentur muneribus et haberentur amici. Eramus autem mansione, unde distincte notari poterant adificia pagorum, clareque spectabamus ignes hospitalitatis. Cum itaque Abu Seid marsupium suum videret

⁵⁾ Schult. vertit: ejus dies damnum fecerit prae matro sua. Legit Orm pro Ams. ⁶⁾ Schult. certe variante lectione ductus: induc vestem abhorrentis a familiaritate ejus. ⁷⁾ Manifesto contenduntur praecepta religionis christianae cum veterum Arabum placitis, qui nimis inclinabant ad tallonem. Cfr. Ibn Doreidi Idyllium V. 136, 132, 133. ⁸⁾ Non ut, phrasia dicitur esse non mero Arabica, sed Irakenium. Non raro Haririus ea utitur, significatque, magis, vel plus, quam. ⁹⁾ Proprie, permisi eis. ¹⁰⁾ Perperam: ad meam sellam.

impletum, miseriam fugatam, dixit mihi: corpus meum est sordidum, squalor firmus; permittisne mihi, ut pagum accedam, me lavatum, hancque curam dispulsum? Respondi: si hoc vis, festinatio, festinatio, et reditus, reditus! Reposuit: invenies me citius revertentem, quam oculus a prospectu revertatur tuus. Tum effuso cursu abiit, ut celer equus in hippodromo, filio dicens: festina, festina! Nos autem, non putantes, eum decipere et fugere, morabamur eum expectantes, ut expectantur festorum novae lunae, donec prope aberat, ut diei senescentis crepido *) corrueret. Cum itaque meta expectationis nimis esset longinqua, et sol luceret (nebularum vespertinarum) laceris pannis, dixi sociis: modum excessimus morando; distulimus profectionem, usque dum amisimus tempus; jam autem clarum est, virum mentitum esse; paramini igitur ad iter faciendum, nec cujusquam fineti oculos vestros in se convertito viriditas *)! Ipse vero surgens, ut pilito instruerem camelum, et sarcinas imponerem profectionis causa, Abu Seidum inveni sellae inscripsisse:

O tu, qui mihi brachium fuisti et auxilium prae omnibus mortalibus!
Ne existimes, me aufugisse fastidio aut nimia satietate;
Semper ego ex iis eram, qui cibati dilabuntur!

Addidit (Haret). Coetum, ut sellae inscriptionem legerent, admonui, quo, quem vituperaverant, eum excusarent. Ii vero, lepidum sermonem admirantes, Deum implorabant averruncum ab illius noxa. Tum perreximus, nescii, quos jam ille nostrum loco elegerit alios.

*) Dies flumini comparatur. *) Non multi pretii habentur gramina in profectionum secnitaram relictis finetis nascentia; hinc fineti viriditate proverbialiter designatur species boni, cui non subest verum commodum. Occurrit hoc proverbium etiam cons. XVIII; vide Decadem p. 6, lin. 4. A Muhamede orium fertur, qui cum aliquando dixisset, „cuvete vobis a finetorum viriditate,“ interrogatus, quid ista phraasi latenderet, responderit: puellam pulchram haud laudabilis plantaril, i. e. originis.

C u f i c u s.

Commemoravit Haret Hammamita. Cufae confabulatus sum nocte, cujus facies erat bicolor, cujusque luna referebat amuletum argenteum, cum sociis nutritis lacte eloquentiae, oblivionis syrma trahentibus super Sachbano ¹⁾. Nemo eorum erat, a quo disci non potuisset, aut a quo sibi cavere necesse fuisset; ad unumquemque inclinabatur, a nullo abhorrebatur. Et fascinavit nos confabulatio, donec occiderat luna et dominata est vigilia. Cum autem velum expandisset sinceri nigroris nox, et nihil restaret quam dormiturgentis nutatio, audivimus a porta sonum latratum cientis, quem sequebatur pulsatio petentis, ut aperiretur. Diximus ergo: quis nos accedit nocte atra? Respondit:

O homines hujus recessus, a malo sitis liberi, nec obviam habeatis, quoad vi-
vetis, noxam!

Nox densa ad septum vestrum pepulit virum capilli disjecti, pulverulentum,
Eratrem itinerum diuturnorum, longinquorum, donec evasit curvus, pauper,
Similis novae coeli lunae, cum primum splendet. Quin aream vestram oppres-
sit indigus pudens,

Prae omnibus aliis mortalibus vos adiens, ut quaereret hospitium et quietem.
Hospitem igitur accipite contentum, ingenuum, qui acquiescit dulci et amaro,
Certeque a vobis discedet, benignitatis vestrae laudem spargens!

Dixit Haret Hammamita. Cum autem sermonis dulcedine nos fascinasset, et cognossemus, quid esset pone fulgur ejus, festinavimus aperire portam, ei obviam ivimus salutatione ²⁾, et diximus puero: heus, heus, affer quod est paratum! Dixit hospes: per eum, qui me constituit in septo vestro! non adlambam

¹⁾ Dicitur hunc veterum Arabum oratorem, cum dusa conciliare vellet gentes, per dimidium diem locutum esse, nec unum repetiisse verbum. ²⁾ Scil. dicendo: amplo et commode fruaris loco!

cibum vestrum, nisi sponderitis, vos me non habituros molestiam, nec mei causa vobis imposituros esum. Saepe enim esus cruditate afficit edentem, et conviviis ei interdicat; pessimus autem est hospes, qui imponit gravia, excipientique affert noxam, praesertim noxam corpori adhaerentem, in morbos adducentem; nec dicit proverbium pervagatoris instar pervagans, „optimae coenae sunt lucentes ³⁾“, alia mente, quam ut mature coenantes abstinemus a nocturnis epulis, quae reddunt luscitiosos; nisi quando, o summe Deus! ardet esuries et prohibet a somno. Dixit; et quasi nostram voluntatem perspexisset, aut ab arcu fidei nostrae jecisset, absque dubio ineundo pacto ei gratificati sumus, et gratias egimus ob acquabiles mores. Cum autem puer adtulisset, quod in promptu erat, et inter nos accendisset lampadem, considerabam illum, et ecce! erat Abu Seid. Quare sociis dixi: proficiat vobis, qui advenit, hospes, vel potius frigida praeda! Nam, quamquam occidit luna (lucens) domo Sirii, orta est luna poeticae, et quamquam occidit plena luna Natrae ⁴⁾, jam splendet plena luna prosae. Et invasit eos ardor laetitiae, avolavit somnus ab oculorum hircis, rejicientesque quietem, ad quam tetenderant, reversi sunt ad explicandam festivitatem, quam complicuerant. Abu Seidus quidem intentus erat manuum suarum labori, donec, facto mensam tollendi initio, diximus: delecta nos enarratione cuiuspiam e confabulationibus tuis egregiis, aut itineribus tuis mirandis! Respondit: expertus sum mira, quae nemo vidit videntium, nec ullus tradidit tradentium; ad maxime autem mira pertinet, quod spectavi hac nocte, antequam accessi ad vos, et ad vestram tetendi portam. Petivimus itaque, ut referret, quod novum vidisset, libro vagans gradu, et dixit: Peregrinationis arcus me expuerunt in hanc regionem, famelicum, miserum, gestatorem perae vacuae, ut cor matris Mosis ⁵⁾. Surrexi itaque per silentium tenebrarum, quamquam pedes dolebant, ut quaerem virum excipientem, aut acquirerem orbiculum panis, et pepulit me agaso famis, et fatum, cui cognomen est pater miri, donec constitui ad portam domus et dixi:

³⁾ I. e. diurnae. ⁴⁾ E mansionibus est lanæ; ducit scilicet stellae spithamæ intervallo separatae, inter quam et nebula apparet nasus leonis. Notat verò etiam prosam, sive orationem sparsam, non vinctam. ⁵⁾ Quod ape vacuum erat.

Per sanctitatem senis ¹⁾, qui sanxit hospitalitatem, et peregrinationis scopum
fundavit in maire urbium!

Nocturno visitatori, si talis supervenit, nihil apud nos est, quam sermo et cu-
bitus in septo.

Quomodo alios hospitio excipere potest ille, cujus somnus fugatur fame, et
ossa nudantur ejus impetu!

Quid tibi videtur de his, quae retuli, quid videtur?

Excepi: quid agam mansione vacua, statione socii paupertatis? Sed, o ju-
venis, quod tibi est nomen? jam enim intellectus tuus in admirationem me
duxit. Respondit: nomen mihi est Seid, et patria Feid; heri hanc in regionem
veni cum avunculis ex Absitis. Dixi: auge me luce, tu, qui vivas et extollaris!
Dixit: narravit mihi mater mea Barra, quae, ut nomen edicit, est pia, se anno
invasionis nupsisse viro e Sarugi et Rhassani primariis; hunc vero, cum ejus
animadvertisset gravitatem, quod esset astutus, prouti ferant, secreto eam dese-
ruisse, et ad hoc usque tempus nesciri, vivatne, ut expectetur, an mandatus sit
sepulchro deserto. Perrexit Abu Seid: signis autem fidis cognovi eum filium
meum esse; manus tantum vacuitas me prohibuit, quin me ei notum facerem;
ob hanc ab eo discessi jecore contuso, lacrimarum torrente effuso; et num un-
quam, o prudentes, audivistis, quod hoc miro magis esset mirandum? Respon-
dimus: minime, per eum, cui est (clarissima) scientia libri ²⁾! Perrexit: redigite
eam in ordinem singularium eventuum, memoriamque ejus sempiternam tradite
foliis ³⁾! nunquam enim historia similis vagata est mundi plagis. Allato itaque
atramentario et nigris ejus serpentibus ⁴⁾, historiam signavimus, uti contexerat;
dein vero elicere tentavimus sententiam ejus de recipiendo puero. Ibi dixit: si
modo gravis esset manica, leve mihi esset educare filium. Resumsimus: si vi-
ginti aureorum tibi sufficit summa, statim tibi eam colligemus. Dixit: qui non
acquiescerem tantae summae, quam nemo contemnere potest, nisi fatuus! Conti-
nuavit relator. Nostrum ergo quisque ei commodavit partem, datoque se obli-
gavit libello. Pro hoc beneficio gratias egit, largam laudi impendens orationis
copiam, donec, cum jam nimis longa nobis videretur celebratio, nimis exiguum

¹⁾ Abrahami. ²⁾ Corani. ³⁾ Proprie, foliorum ventribus. ⁴⁾ I. e. calamis. Perperam Schult. et reliquo
instrumento.

munus, fabularum protulit ornatarum, quod contentas faceret vestes variegatas Iamanicas, usque dum appropinquavit diluculum, aurora perrupit illustrans, et confabulando transegeramus noctem, ex quo omnis ejus occiderat lucida stria, usque dum canescebant ejus aetiae, et cujus perfecta erat felicitas, donec florescebat ejus arbor ¹⁰⁾. Cum autem primum conspiceretur cornu gasalae ¹¹⁾, exsilivit in morem gasalae, et dixit: surge mecum, ut accipiamus dona, et stillotim promanare faciamus in me translatas summas; nam jam volitant jecoris mei laciniae ¹²⁾ filii mei desiderio. Alae itaque ejus me adjunxi, donec pulchrum ei feceram successum. At postquam numeratam pecuniam bursa sua condiderat et, fulgentibus frontis hilaris lineis, dixerat, „Deus rependat pedum tuorum gressus; Deum imploro tibi, mea vice, remuneratorem“ ¹⁴⁾ affantem me, „volo te sequi, ut videam filium tuum generosum, eumque alloqui, ut respondeat,“ adspexit, ut deceptor adspicit deceptum, et ridens, ut in utroque oculo lacrimae reciprocarentur ¹³⁾, declamavit:

O tu, qui decipientem splendorem ¹⁴⁾ pro aqua habuisti, cum narrarem, quod narraui!

Non putavi, absconditum mansurum esse dolum meum, aut dubiam fore intentionem.

Per Deum! nec uxor mihi est Barra, nec filium habeo, cujus nomine appeller.

Sed variae sunt mihi artes magicae, quas novas inveni, nec aliunde duxi,

Et quae nec Azmaï ¹⁵⁾ retulit in relationibus suis, nec pertexuit Cumeit ¹⁶⁾;

His utor mediis consequendi, quae manus decerpit, quando desidero;

Si vero supersederem, immutaretur status meus, non obtinerem, quod obtinui.

Accipe igitur excusationem et condona, si peccatum commisi crimenve!

Hic valedixit et abiit, corde meo Gadhae ¹⁷⁾ depositis carbonibus.

¹⁰⁾ Schult. legit Amud pro Aud; inde vertit, cum columna diluculi prorupisset. Sed dies oriens hic comparatur arbori, cujus rosei se explicant flores. ¹¹⁾ I. e. solis. ¹²⁾ Proprie, flassa. ¹³⁾ In usu est de sonis, in gutture se reciprocantibus. ¹⁴⁾ Sarab splendor est deserti, aquae speciem prae se ferens, sed ludens sitientes. Cfr. Lebidi Amiratne Kazidam Moallakam v. 15. ¹⁵⁾ Nomen integrum est Abu Saïd Abdolmelik bin Corcib bin Azem bin Abdolmelik bin Azma bin Muthhar bin Riach bin Omar bin Abdollah Bahelita. Plura vide in dissertatione de Moallaka Lebidi, p. 37; cfr. consensum Taurisensem. ¹⁶⁾ Tres vixerunt poetae Cumeit dicti: primus ante Islamum, alter ante et post Islamum stabilitum, id quod notat vox Muchdharim; tertius, Cumeit bin Seid, post Mohammedem, carmina omnium pepigit longissima, ut in proverbium abierat. ¹⁷⁾ Arbor cujus lignum prunam vivacissimam praebet.

M a r a r h i e n s i s .

Commemoravit Haret Hammamita. Versabar Mararhae in concilio regiminis ¹⁾, cum, mentione eloquentiae facta, omnes, qui aderant, ex equitibus calami et dominis praestantiae, consentirent, non superesse, qui enucleate componat ²⁾, et hac in arte versetur pro lubitu; nec restitisse post praecessores, qui inveniat viam candidam, tractatumve defloret virgineum; sed seculi hujus scriptores praestantissimos, facundiae frenorum potentes, mendicos esse respectu majorum, etiamsi possideant eloquentiam Sachbani Vajelitae. Erat autem in consessu vir, sedens in angulo, ubi famuli stare solent; et quotiescunque illi modum excedebant in curriculo, et meliores vilioresve spargebant e cophino suo dactylos, limus ejus prospectus elatusque nasus indicabat, eum terrae adhaerere, ut prosiliat; contractum jacere, ut orgyiam extendat; jaculatorem esse, qui sagittas dolaverit; cubitorem, qui quaerat pugnam. Cum autem evacuatae essent pharetrae, rediisset tranquillitas, quiescerent procellae, abstinerent altercatores, cessarent strepitus, silerent increpatus et increpans, accessit ad multitudinem et dixit: o homines, rem fecistis stupendam et a scopo aberrastis vehementer, dum magnificistis ossa putrida, excessistis favendo praeteritis, et despexistis generationem, qua vestri sunt fratres, quaeque vobis juncta est amicitia. Oblitine estis, o peritissimi nummorum exploratores, magorum antistites in solvendo et nodando, quod novae ediderunt venae, quove bimus equus ad certamen provocat quinquennem, parabolarum castigatarum, metaphorarum dulcium, epistolarum balteatarum, rhythmorum venustorum? Et num prisci, si recte considerat nunc vivens, alias sententias protulerunt, quam e fontibus haustas, qui nunc quoque frequentantur ³⁾; quam

¹⁾ Secus Schult. habet eruditionis. ²⁾ Scil. orationes. ³⁾ Perperam Schult.: quam qui aquarum turbida et mlatris veniant comperandi, e quibus nihil celum ac venustum eluceat. Neutiquam orator veteres vult vituperare.

fugaces vinctas ⁴⁾), quae nunc quoque vinciuntur; ab illis per manus traditas ideo, quod prius nati erant, non ideo, quod abigens a rivo ⁵⁾) accedentem superat? Mihi quidem notus est, qui quando scribit, pingit; quando exponit, vestem textit Iamanicam; quando compendiose loquitur, miracula edit; quando latius evagatur, deaurat; quando nova producit, corda findit; quando ex tempore loquitur, attonitos facit. Excepit concilii ἱπποτῆς, primatum illorum oculus: quis hunc saxum tundit ⁶⁾) et harum proprietatum est admissarius ⁷⁾)? Respondit: hippodromi tui socius, pugna tibi adversarius, et, si vis, exerce generosum ⁸⁾), voca responsurum! videbis, quod miraberis. Resumsit ille: o quisquis es! milvus nostra regione non fit aquila, et facile nobis est distinguere argentum a glarea; raro autem, qui se exponit certamini scopum, evadit morbo incurabili; raro, qui pulverem ciet probationis, effugit contemptus festucas. Ergo tu, honorem⁹⁾ tuum ne prostitue iguominia afficienti, nec averte te a consilio bene consulentis! Regressit: quisque suae sagittae optime novit signum, et nox suam prodet auroram. Hominibus ibi clam deliberantibus, qua re puteum ejus explorarent, virique agerent experimentum, unus inquit: meae eum cedite parti, ut eum petam historiae meae silice, quae nodus est intricatus, nummorum lapis lydius. Ornarunt eum itaque dominio, ut rebelles quondam Abu ⁹⁾) Naâmam, et accedens ad virum illum inquit: scias velim, me cognatum esse hujus regionis praefecto, statui meo providisse dulci eloquentia, et ad reparanda curvata sufficiens habuisse auxilium domi, in facultatum copia et alendorum paucitate. Sed cum tergum meum aggravatum esset et perlisset pluvia, ad illum contendî ex oris meis rogans et orans, ut mihi restitueret nitorem et irrigationem; et lactus erat ob adventum meum ac lubens, et mane me bonis cumulavit vespereque. Petenti vero tandem mihi licentiam, domum revertendî tergo laetitiae, dixit: ego mihi proposui, tibi non dare viaticum, nec concedere, ut relictis tuis te adjungas, nisi ante discessum tuum componas epistolam, qua statum tuum ita explices, ut vocabulorum binorum prioris litterae omnes sint punctatae, litterae posterioris

⁴⁾ Sententiae, quae ob pulchritudinem mox in omnium ore sunt, comparat cum celerissimis gamaliis. ⁵⁾ I. e. e vita diacodens; allegoria e vita pastoris decumta. ⁶⁾ I. e. quis est detrectator? ⁷⁾ Dominus, possessor. ⁸⁾ Scil. hunc. ⁹⁾ Abu Naâma cognomen est Cathrensis, oratoris et poetae, tempore Muxâbi, filii Subeiri,

distinctae sint puncto prorsus nullo¹⁰⁾. His auditis totum annum expectavi facundiam meam, sed non edidit verbum; totum annum mentem excitavi, sed aucta est sopore; omnes¹¹⁾ doctos auxilio vocavi, sed quisque caperata fronte se avertit. Si ergo vera de te retulisti, fac veracitatis tuae proferas testimonium! Respondit: ad cursum incitasti equum cursorem, rigationem postulasti fusorem, arcum transmisisti in fabricatorem, domum habitare jussisti exstructorem! Tum, postquam cogitaverat, donec plenam existimabat venam, abundans lac camelaë, dixit: erioxylon¹²⁾ inde atramentario, sume calamum et scribe: Liberalitas, o tu, cujus felicitatis exercitum Deus confirmet! ornat; avaritia, o tu, cujus inimicorum oculos fortuna deprimat! dedecorat; nobilis remunerat, ignavus frustrat; hospitalis excipit, sterilis terret; benignus nutrit, rixosus laedit; donum salvat, retardatio angit; preces custodiunt, laus purificat; ingenuus praemia obtinet, denegans ignominia afficitur; projicere verendos est error, frustrare filios spei est crudelitas; nemo avarus est, nisi imbecillis mente; nemo decipitur, nisi tenax; nemo pecuniam condit, nisi miserabilis; nec contrahit manum pius. Nunquam desinant promissa tua impleri, consilia tua sanare, Iuna tua splendere, clementia tua agnoscere, dona tua ditare, inimici tui te celebrare, potestas tua aedificari, gladius tuus perdere, petentes a te decerpere, te laudans colligere, coelum tuum pluere, liberalitas tua juvare, copia tua redundare, repulsa tua deficere! Qui spem suam in te posuit, senex est similis umbrae, cui nihil restitit; adiit te mente acerrimae aviditatis; laudavit te selectis¹³⁾, quae dote donare necesse est; desiderium ejus autem facile expletur; quae animum ei tuum propensum reddant, sunt manifestae. Laus ejus pro praeda habetur, vituperium timetur; pone se habet familiam numerosam, sagittis adversitatis petitam, injustitia expilatam, emaciatam, nemine excepto; dum ipse versatur in lacrimis sibi respondentibus, tristitia liquefaciente, cura inhaerente, moerore excedente; quod spes frustrata est, neglectus canitiæ sparsit, inimicus dentes collisit, tranquillitas evanuit; neque vero declinavit amor,

quem rebelles Chalfim solutaverunt viginti per annos. ¹⁰⁾ In lingua latina sola littera i puncto insignitur; in hac ergo artificium illud, quo prima quaeque vox litteris punctatis constat, altera quaeque non punctatis, locum habere non potest. Similia occurrunt in consensu Ahvaseni et Samarcandensi. ¹¹⁾ Reprehenditur hic Haririus a populo suorum nonnullis ob vocem Kathaba, omnes notantem, quippe quae ex usu non sit licitum ponere statim constructa. ¹²⁾ Qui calamis scribunt, id gossipium atramentario indere solent. ¹³⁾ Selectas orationes vel verba sponis hic comparantur, quae dote necesse sit.

ut iram provocaverit; nec malos fructus tulit arbor ejus, ut resecetur; nec expuit ¹⁴⁾ pectus (cogentia), ut excutiat; nec nodosum erat vinculum ¹⁵⁾, ut odio habeatur. Liberalitas ergo tua postulat, ut dignitatem ejus non projicias; sed spem ejus fac candidam ¹⁶⁾, auferendo dolorem! Divulgabit laudem tuam in mundo, o tu, qui vivas, ad removendam tristitiam, erogandes opes, sanandam aegritudinem, tuendos senes, societate copiae et laetitiae nitentis, quamdiu visitabitur domicilium divitis et timebitur intentio malevoli! Salve! Cum autem epistolam dictando ad finem pervenisset, et in praelio eloquentiae fortitudinem suam demonstrasset, multitudo ei gratificata est voce et facto, largum ostendens favorem et liberalitatem. Interrogatus vero, qua in gente ejus sit origo, qua in valle ejus nidus, respondit:

Rhassan nobilis mea est gens, Sarugum patria mea pristina.
 Domus quidem illa solem aequat splendore et loco excelso;
 Mansio dicta paradisum, salubritate, amoenitate et pretio.
 Euge vitam, quam in ea transegi, et gaudia perfecta,
 Diebus, quibus limbatam tractabam vestem in ejus hortis, litans genio,
 Juventutis stola superbiens, revelatas conspiciens delicias pulchras,
 Non metuens fortunae vicissitudines, nec casus ejus vituperandos!
 Si homo moerore perderetur, ego mortuus essem moerore constante;
 Si redimi posset vita praeterita, ego eam redimerem pretioso cordis sanguine.
 Mori antiquius est viro, quam vivere vilam bestiae;
 Quam sonulo contemptus duci ad magnas ¹⁷⁾ et injurias,
 Et leones videre discerpi unguibus injuriosis luporum.
 Peccatum autem imputandum est temporis; nisi ipsius esset mala indoles, non ingratus foret habitus;
 Ipsum si esset constans, status etiam in eo forent constantes.

Post haec perlata ejus historia ad praefectum, iste os ejus margaritis implevit, eumque adegit, ut ad ipsum se reciperet, quo praecesset scribarum concilio; at quamquam ad satietatem usque donatus erat, ab isto principatu eum retinuit

¹⁴⁾ I. e. non pronuntiavit. ¹⁵⁾ Nihil molesti erat in mea tecum conjunctione. ¹⁶⁾ Imple. ¹⁷⁾ Subiitellige: calamitates. Non convenire mihi videtur quod Scholiastae suppleant: dignitates.

fastidium. Dixit, qui retulit. Equidem cognoveram lignum arboris ejus, antequam maturuerant ejus dactyli; et prope aberam, ut ejus pretium indicarem, antequam fulserat plena ejus luna; sed palpebrae nictu innuit, ut ne extraherem gladium ejus e vagina. Jam, cum exiisset plena cum pera, discessisset potitus victoria, eum secutus sum, amicitiae officium exsecuturus, reprehensurus scilicet eum ob recusatum praesidis munus; verum se avertit ridens et declamavit modulans:

Vagari per regiones cum paupertate, antiquius mihi est, quam magna dignitas.
Nam praefectis est asperitas et objurgatio, eheu quanta objurgatio!
Et nemo eorum bene facta complet, et firmat, quod constituit.
Nec te decipiat fallens deserti splendor, nec aggrediaris rem non perspectam;
Quot enim somniantes, laetati somnio, terrore percussi sunt expergiscetes! —

H a m a d a n e n s i s *Consessuum Specimen*¹⁾).

S i m i a r u m d u c t o r .

Retulit Isa filius Haschâmi ²⁾. Cum ego essem urbe Salami, reversus a peregrinatione ad domum sanctam, itineratorum more jactanter ambulabam in Tigridis ripis, ut contemplerer, quae illic sunt amoena, lustrarem pulchra ornamenta. Tandem veni ad circulum virorum se urgentium, quorum colla torquebat videndi desiderium, risus finiebat orum chalinus; et spectandi cupiditas eandem

¹⁾ Textum arabicum et versionem gallicam dat Sil. d. Sac. in Chrestomathie III, pag. 192. ²⁾ Similem historiolum exhibet J. de Hammer in libro: Encyclopädische Uebersicht der Wissenschaften des Orients I, p. 506. Ex quo prodit, Sasanitas non raro similes uti ad hominum marescupia mulgenda.

in me vim exercuit, donec loco steti, quo viri cujusdam audire poteram vocem, sed non conspiciere faciem, ob vehementem concursum et modum excedentem compressionem. Et ecce! simiarum erat ductor, qui simiās ad saltandum incitabat suas, et adstantibus movebat risum. Ibi ego in modum canis collari ornatī (venatici) insilui, et in hominum cervicibus incessi instar oblique gradientis, hujus quidem humero me projiciente in illius umbilicum, donec duorum virorum in barba, cen pulvinari, insidens, post fatigationem gavisus sum quiete; quamquam cursu illo, tamquam compedibus impedito, excitata saliva me paene suffocabat, et loci angustia vix ferendam mihi imponebat molestiam. Cum autem simiarum ductor opus suum perfecisset, et spectatorum corona dispersa abiisset, coopertus sum veste desiderii, illius physiognomiam conspiciendi, et en! erat Abu'lfatach Alexandrinus; quem equidem increpui: quid istud vilitatis? Sed declamavit:

Vitium est temporis, non meum; vitupera singulares fortunae vias!

Stultitia consecutus sum, quod in votis erat, commodeque incedo vestibus
pulchritudinis.

I n d e x.

Hariri consensuum versio haec latina, quo facilius promptiusque eum, quem intendimus, ferat fructum, tum quid argumenti singuli continent, tum quo in libris arabicis loco inveniantur, ante omnia necessarium fuerit indicasse. Sive enim ponantur lectores, librum hunc in manum sumturi ea tantum de causa, ut e versione, non tam ad plausum Arabi aut linguae germanicae conciliandum, quam ad explicandam dictorum Nostri sensum facta, propriis sermonum ejus egregiorum cognitionis gaudium hauriant, nihil rationi convenientius videbitur, quam eos quaesituros esse, quid hic porrigatur, quidque sibi legendum eligant; sive statuatur alii, qui labore isto, nisi viae duce, attamen amico comite per regiones, non adeo frequenter, ac Sudetorum valles et Him-alaja noster, visitatas, uti voluerint, molestum eis futurum apparebit, diutius investigare, consensum *Hariri*, quem in sermone arabico legere constituerat, ubi in versionis libro latine redditus extet. Itaque, praesertim cum hoc volumine, primum edito, consensuum erde, qui in editionibus arabicis obtinet, plane non servatus sit, sed hinc illinc collegerimus, quod placuisset, epigraphae vero nihil indiecit praeter nomen, varius ab argumento, saepius ab urbe vel regione inditum, ubi factum, quod narratur, contigerit; in quo haud dubie morem inscriptionum *Corani Saratorum* imitati sunt hujusmodi orationum conditores; quid in sequentibus paginis invenias, accuratius describendi officium suscipiemus.

Caneerinus, scilicet consensum, in libris arabicis XVII, ita dictus est, quod ducentis verbis seriem proverbiorum continet, ordine recto itidemque verso legendam.

Sangarensis, XVIII, pag. 5, comparationem vasis vitrei et delatoris aectit cum narratione de vicino malo.

Cargensis, XXV, p. 10, monstrat Abu Seidum nudum, vocatus mendicantem, enumerantemque septem necessitates hiemis.

Nomadicus, arabice Badavija, XXVII, p. 13, describit vitam moreque Beduicorum, sive Nomadum, dum narratur, uti Hareto, quaerenti amissam camelam, Abu Seidus furatus est equum.

Suidensis vel Zaidensis, XXXVII, p. 16, Abu Seidum ostendit accusantem filium suum inobedientiae, sive quomodo concilianda sint praecepta honoris cum paupertatis protervia.

Tafisensis, XXXIII, p. 20, pingit Abu Seidum distortum etc, mutataque in deterius fortunae adversitates.

Sabidensis, XXXIV, p. 23, exponens, ut Abu Seïdus Harete ingenuum pro servo vendidit, alludens-
que ad Iosephi Jacobitis historiam, commentatur sententias, omne nimis vile esse carum, frustraque moneri
cupiditate coecos.

Schirasensis, XXXV, p. 28, est allegorica. Abu Seïdus loquitur de filia virginis cecunda, intendens
vinum, et de occisis, intendens vini utres.

Malatiensis, XXXVI, pag. 31, specimina logogriphorum, sive aenigmatum verbalium, exhibet, quibus
proponuntur duo verba permutanda cum aliis duobus respondentibus, quae conjuncta unum efficiant vocabulum
significans.

Tanficus, XLI, pag. 36, tradit orationem de emendanda vita, nec non invitationem ad bibendum
vinum, ab Abu Seïdo profectas, qui concionatoris partes sustinuerit misericordiamque inculcaverit, dum ipsius
filius ageret mendicem.

His notis consensus, qui annexo volumine extant, sufficienter putamus designatos. Candidum autem
et aequum lectorem Deo O. M. commendamus, *Dominum Orientis et Occidentis* etiam atque etiam rogantes, ut
eum votorum omnium salubrium faciat competentem, ab omni male servet integrum! —

Emendanda.

In	Sex	Prior.	p.	21	lin.	17	pro	quin	lege	quominus.
-	Decade	-	9	-	1	-	sachari	-	sachari.	
-	---	-	11	-	11	-	esse	-	esse.	
-	---	-	14	-	3	-	improvis	-	improvis.	
-	---	-	20	-	6	-	fratris	-	fratris.	
-	Part. Max. Ind.	-	3	-	18	-	bachantium	-	bachantium.	
-	Part. Max.	-	18	-	20	-	orationes	-	orationis.	
-	-	-	20	-	2	-	lectio	-	lectiois.	
-	-	-	21	-	18	-	propinguis	-	propinguis.	
-	-	-	---	-	16	-	stium	-	stium.	
-	-	-	59	-	2	-	quam	-	quem.	
-	-	-	---	-	18	-	decerpiat	-	decerpiat.	
-	-	-	60	-	7	-	admisario	-	admisario.	
-	-	-	62	-	2	-	homineus	-	homines.	
-	-	-	---	-	6	-	ascenderet	-	ascendit, etc, etc.	
-	-	-	---	-	20	-	effudet	-	effundet.	
-	-	-	72	-	33	-	montani	-	montenus.	
-	-	-	96	-	13	-	embryo	-	embryo.	
-	-	-	99	-	17	-	dispalus	-	dispalus.	
-	-	-	109	-	17	-	occurit	-	occurrit.	
-	-	-	114	-	17	-	ego	-	eo.	
-	-	-	117	-	25	-	culcent	-	calcent.	
-	-	-	124	-	5	-	pinerat	-	pinerat.	
-	-	-	131	-	10	-	quantamque	-	quantamque.	
-	-	-	135	-	21	-	mons	-	mes.	
-	-	-	131	-	26	-	Alcaem	-	Alcaem.	

Note. Lineola superimposita nonnullis vocabulis Part. Max. p. 127 est signum duplicationis. Pro lin Part. Max. p. 56 scribendum erat in., quod mendum et alibi corrigendum est.

HARIRII BAZRENSIS

**NARRATIONUM, CONSESSUUM NOMINE
CELEBRATARUM,**

DECAS.

EX ARABUM SERMONE IN LATINUM TRANSTULIT

EDIDITQUE

CAROLUS RUDOLPHUS SAMUEL PEIPER,

DIACONUS ECCLESIE EVANGELICÆ CERVIMONTANÆ.

CERVIMONTII.

TYPIS CAROLI GUILIELMI IMMANUELIS KRAHNII.

MDCCCXXI.

VIRIS ILLUSTRISSIMIS, SUMME VENERANDIS,
DOCTRINA CLARISSIMIS,

HENRICO MIDDELDORPF,

PHILOSOPHIE ET THEOLOGIE DOCTORI, HUIUSQUE ET LINGUARUM ORIENTALIUM
IN UNIVERSITATE VIADRINA PROFESSORI P. O., REGIS BORUSSORUM A
CONSILIIS ECCLESIASTICIS;

GUILIELMO HAVENSTEIN,

PASTORI PAROCHiarum KOISCHWITZ ET GREIBNIG, REGIS BORUSSORUM IN
REGIMINE LIGNICENSI A CONSILIIS ECCLESIASTICIS, CERVIMONTANÆ
QUONDAM ECCLESIE EGREGIO DECORI;

E T

MAXIMILIANO HABICHT,

PHILOSOPHIE DOCTORI, LITTERARUM ORIENTALIUM IN UNIVERSITATE VIADRINA
PROFESSORI P. E, SOCIETATIQUE ASIATICÆ PARISIENSI, QUI LITTERARUM
CUM EA COMMERCIIUM COLAT, ADSCRIPTO ETC.

PRAECEPTORIBUS, FAUTORIBUS, AMICIS,
HAEC DE LAURO SEMPER VIRENTE POETAE ARABIS

FOLIA

SACRARE VOLUIT

EDITOR.

I n d e x.

Haririi consessuum versio haec latina, quo facilius promptiusque eum, quem intendimus, ferat fructum, tum quid argumenti singuli contineant, tum quo in libris arabicis loco inveniantur, ante omnia necessarium fuerit indicasse. Sive enim ponantur lectores, librum hunc in manum sumturi ea tantum de causa, ut e versione, non tam ad plausum Arabi aut linguae germanicae conciliandum, quam ad explicandum dictorum Nostri sensum facta, propioris sermonum ejus egregiorum cognitionis gaudium hauriant, nihil rationi convenientius videbitur, quam eos quaesituros esse, quid hic porrigatur, quidque sibi legendum eligant; sive statuatur alii, qui labore isto, nisi viae duce, attamen amico comite per regiones, non adeo frequenter, ut Sudetorum valles et Hün-alaja noster, visitatis, uti voluerint, molestum eis futurum apparebit, diutius investigare, consessus Haririi, quem in sermone arabico legere constituerent, ubi in versionis libro latine redditus extet. Itaque, praesertim cum hoc volumine, primum edito, consessuum ordo, qui in editionibus arabicis obtinet, plane non servatus sit, sed hinc illinc collegerimus, quod placuisset, epigraphe vero nihil indicet praeter nomen, rarius ab argumento, saepius ab urbe vel regione inditum, ubi factum, quod narratur, contigerit; in quo haud dubie morem inscriptionum Corani Suratarum imitati sunt hujusmodi orationum conditores; quid in sequentibus paginis invenias, accuratius describendi officium suscipiemus.

Cancerinus, scilicet consessus, in libris arabicis XVII, ita dictus est, quod ducentis verbis seriem proverbiorum continet, ordine recto itidemque verso legendam.

Sangarensis, XVIII, comparationem vasis vitrei et delatoris nequit cum narratione de vicino malo.

Cargensis, XXV, monstrat Abu Seidum nudum, vestes mendicantem, enumerantemque septem necessitates hienis.

Nomadicus, XXVII, describit vitam moresque Beduinorum, sive Nomadum, dum narratur, uti Hareto, quaerenti amissam camelam, Abu Seidus furatus est equum.

Saädensis vel Zaädensis, XXXVII, Abu Seidun ostendit accusantem filium suum inobedientiae, sive quomodo concilianda sint praecepta honoris cum paupertatis protervia.

Tafilisensis, XXXIII, pingit Abu Seidum distortum ore, mutataeque in deterius fortunae adversitates.

Sabidensis, XXXIV, exponens, ut Abu Seidus Hareto ingenuum pro servo vendidit, alludensque ad Iosephi Iacobitae historiam, commentatur sententias, omne nimis vile esse carum, frustra que moneri cupiditate coecos.

Schirasensis, XXXV, est allegorica. Abu Seidus loquitur de filia virgine elocanda, intendens vinum, et de occisis, intendens vini utres.

Malatiensis, XXXVI, specimina logogriphorum, sive aenigmatum verbalium, exhibet, quibus proponuntur dua verba permutanda cum aliis duobus respondentibus, quae conjuncta unum efficiant vocabulum significans.

Taniticus, XLI, tradit orationem de emendanda vita, nec non invitationem ad bibendum vinum, ab Abu Scido profectas, qui concionatoris partes sustinuerit misericordiamque inculcaverit, dum ipsius filius ageret mendicum.

His notis consessus, qui annexo volumine extant, sufficienter putamus designatos. Candidum autem et aequum lectorem Deo O. M. commendamus, Dominum Orientis et Occidentis etiam atque etiam rogantes, ut eum votorum omnium salubrium faciat compotem, ab omni malo servet integrum! —

C a n c e r i n u s .

Narravit Haret Filius Hammami. Deprehendi loco quodam dissito, oculos tollens, juvenes quosdam physiognomia ingeniosorum praeditos et stellarum noctis pulchritudine, occupatos in vehementissima disputatione et praeter modum flammante controversia; quos ut adirem impulit cupido societatis et opinata fructus concertationis decerpendi jucunditas. Cum autem adhaesissem coetui eorum, istarumque margaritarum memet inseruisem filo, ac interrogantibus: tune probatus es in praeliorum fervore et inter alias tuam quoque demittere soles situlam? neutiquam respondi, e belli spectatoribus sum, filiis confossionis et percussionis non annumeror, atque illi, desistentes me ultra sciscitari, aenigmatibus proponendis fluminis instar iterum sese immisissent, en! in medio circuli et corona sodalitiî senex, quem extenuaverant curae ventusque emaciaverat venenatus, ut adeo calamo evasisset siccior et capris carne nudatis glabrisque macrior. At quoties respondebat miranda prodebat, et Sahbani memoriam obfuscabat quando disserebat; laetitia perfundebar ob aitem, qua praeditus erat scopum percutiendi, quaque totam catervam supereminebat, excellentiam. Nec destitit omnia obscura exclarare, omnique collineare jactu, donec vacuae erant pharetrae et quaestio simul ac responsio quiescebat. Videns igitur homines alimentis carere et ad jejunium cogi, disputationem implicitis verbis denuo instituendam innuit, eamque ut aggrederentur admoniti cum regessissent, euge! quis vero materiam porrigit? num scitis — inquit — sermonem, cujus terra est coelum et aurora vespere, duobus textum jugis, duobus splendentem coloribus, sonantem in duas plagas, duabusque apparentem faciebus; qui, quando oritur ab Oriente, satis lucet et,

quando exsurgit ab Occidente, mirum in modum fulget? Dixit, et multitudo, quasi taciturnitas ei immissa, aut divinitus ut silerent mandatum esset, nullus eorum locutus, nullius lingua verbum effata est. Hinc, quoniam eos conspiciebat multos ut pecora et tacentes ut statuas, jam, inquit, longinquum vobis praeфинio terminum prolongoque morae funem; tum vero hic locus sit congregationis et directionis statio; et, si ingenia vestra liberalia se praeбuerint, laudabimus, sin ignitabulum frustra percussum fuerit, ipsi ignem eliciemus. Responderunt: per Deum! in talis maris profundo nobis non est ubi natemus, nec pascuum nobis in ejus littore; relaxa cogitationes nostras a molestiis, gratificare donum paratam numerando pecuniam, et assume nos fratres, qui saliant quando salis, et praemium solvant quando postulas. Ad haec aliquantisper vultum demisit, dein vero, dictis, inquit, vestris audiens sum et obsequens: theses ergo meas excipite, et tenete quae aliis tradere possitis: Homo beneficiis mancipatur; multum benefacere est generosi; nota ingenui colligere laudes; gratiam promereri idem est ac felicitatis arborem sibi fructuosam facere; indicia liberalitatis praenuntia laetitiae; adhibere comitatem gignit amicitiam; nexus amoris flagitat sinceritatem; veritas sermonis ornat linguam; sermo disertus fascinus cordium; rete voluptatis perniciēs animarum; taedium creaturarum mali mores; prava cupidō fugat pietatem; inhaerere prudentiae habena salutis; vitiorum exagitatio vitium pessimum; perstringere lapsus labefactat amicitias; sincera mens donum nobilitat; salutiferum donum pretium precum; difficultates suscipere allevat sequentia; spes auxilii facilia reddit officia; praestantia principis multitudo subjectorum; amicorum concordia calumniatorum odium; praemium laudationum collatio donorum; praemium donorum consecutio votorum; in errorem ducit egredi fines; transgredi finem hebetat aciem; mores negligere perdit pietatem; debitorum se oblitum simulare producit inobedientiam; evitare suspensiones dignitates auget; dignitates efferuntur adeundis periculis; magnificae existimationes ope factorum; facta gloriosa exiguum sperando; longa cogitatione emedullatur sapientia; summum dominationis lenire imperium; contumacia amittuntur expetita; in terroribus certant viri; animisque contendentibus differentiae dignitatum; affingente legato mendacia administratio deficit; rebus collabentibus ingruunt terrores; profert patientia victoriae fructum; dignissimus laude industriosissimus quisque; observantia tua imponitur amico te curandi officium; amicitiae servorum visitatione dominorum; ornamentum morum praestare fidem; cognoscuntur fratres lenienda

tristitia; propelluntur inimici defendentibus amicis; prudentes probantur societate astutorum; respicere finem cavet exitia; evitare dedecora extendit famam; turpis injustitia dispellit fidem; indoles ingenuorum in arcanis probatur. Tum perrexit: haec verba ducenta eruditionem et adhortationem continent; quique ea isto ordine deduxerit, ille nec contra disputantem nec dissentientem habebit; at qui ordinem cupit invertere, aedum! in calce ea redire faciat*), Arcana, dicens, penes ingenuos, et praestans fidei natura injustitiam dispellit, malaque fama extendit dedecus. Atque hoc tractu ea retrahere continuet, nec vereatur, usque dum attigerit articulum extremum margaritarumque ultimam, et beneficia multa et plena praestare ipsum hominis beneficium est. Dixit relator: Postquam itaque sermonem suum elegantem non minus ac utilem in medium protulerat, et experientia edocti eramus, quantum alia prae alia excellat oratio, praestantiam autem in manu Dei esse, qui eam tribuat cuicunque velit, quisque nostrum se suspendit ab ejus lacinia, ultroque opum suarum particulam ei largitus est. Meum vero donum accipere noluit, non paupero, regerens, discipulos meos. Tum ego: est Abu Seid, quamquam forma tua externa concidit et desedit genarum aqua. Et ille, ego is sane, utut extenuatus et exsiccatus et extremo marcore confectus sum. Ibi eum re-

*) Sententia latius retrogrado ordine legendis partim idem, partim alios sensus, semper commodus, prodest. Non injucundum fuerit verba arabica inversa quid latino exprimant appositum videre. Habens itaque. Consilia sunt penes ingenuos; fidei natura praestans dispellit injustitiam; turpia fama extendit dedecus; metus periculorum cavet malos exitus; cernuntur stulti societate prudentium; amici probantur propulsiore inimicorum; lenitur tristitia allevantibus eam fratribus; fides cognoscitur dum boni mores circumstant; provisiarum felicitas progreditur ex observantia erga principes; accurata custodia sufficit pro circumspectione; oportet laborem expectatae attempere laudi; victoriam mereri fructus est patientiae; circumstantiis innotescunt rerum status; deficiente prudente administratione inutilis fit legatus; crescentibus pretiis apparent differentiae animorum; quando de excellentia contendunt viri, ipsi terrores de excellentia videntur contendere; necessitate urgente multa est instantia; cum dominatu conjuncta castigatio principum; sanum sapientiae enucleare cogitationes; multum sperare prohibet ab agendo; magna dignitas comparatur officiis praestandis; honor animorum in adveniens periculis; elatio gradus augeat suspiciones; evitare inobsequentiam gignit officiorum executionem; amicitiam oblivisci perdit mores; migrare fines hebetat aciem; transgredi extremum idem est ac penitus sese in errorem immergere; vi exigere petita supervacanea facit monera; merces munerum est profusio laudum; praemium delatorum odium amicorum; pectoris rectitudo hilaritatem ejus fovit; commodus status praestans efficit auxilium; notitia impedimentorum difficultates leviores facit; rogatio pretium est beneficii; munera dare prodest bonam mentem; siacera amicitia lapsus abolit tegite; exagitare male facta proximam est flagitium; querere salutem est habena prudentiae consiliumvo ejus; persistere abstinenter prodest sapientiam; mali mores dedecorant ingenii dotes; taedium animorum perniciem affert caritati; recto cordium est incantatio loquelae; diserta lingua ornamentum narrationum; sincera adhortatio producit amicitiam; vinculum amicitiae flagitat comitem; hilari incedere vultu est signum liberalitatis; initium felicitatis promereri gratiam; acquirere laudes ingenuo, quod (avaro) recondere divitias; mos prompti egregie perpetrare; multa et perfecta beneficia praestare ipsum hominis beneficium est.

prehendere coepi, quod modo versus Orientem modo versus Occidentem vagabundus tenderet; sed primo aversus, dein iterum sese convertens, dolente corde declamavit:

Fortuna gladium suum contra me strinxit aciemque acuit, ut me terreret;
Somnum extraxit palpebris meis crudeliterque fluere fecit ocalorum venam,
Et circumegit me in climatibus, ut adeo peragrarem Orientem secaremque Occidentem,
Et in omni tractu quotidie mihi sit ortus et occasus;
Sic peregrinantis persona mutata est, mutante eam migratione.

His effatis abiit trahens axillas jactansque manus. Nos vero modo oculis eum persequebamur, modo ei incidere contendebamus. Tum vero non morati sumus, quominus solveremus considendi nexus, et dispergeremur ut deliciae Sabae.

S a n g a r e n s i s .

Narravit Haret Fil. Hammami: Proficiscebar aliquando e Syria, petens urbem prophetæ, comitibus filiis Numeir, sociis omni bono et commodo instructis, et Abu Seido, retinaculo festinantis, solatio orbi, miraculo temporis, qui ob eloquentiam digitis monstrabatur. Et contigit cum pervenissemus Sangarum, ut mercatorum aliquis convivium institueret nuptiale, ad quod sine discrimine arcesseret omnes, urbanos et deserticolas, ita ut vocatio ejus omnes in universum invitans ad nostram quoque perveniret Caravanam. Annuimus itaque invitatori et accessimus ad epulas, ubi hospes omne genus cibos proponebat, quod jucunditatem afferret ori et placeret oculis. Postremo vitreum adtulit, quasi ex aëre congelatum, aut conflatum ex atomis volitantibus, aut ex aetheris luce fustum, aut ex cortice nitentis margaritæ concinnatum, copia impletum jucunda, diffundente sese litum liquore, latice Tasnimi iuspersum, pulcherrimum non magis aspectum præbens, quam jucundissimum exhalans odorem. Quo præsentem cum incenderentur cupidines et experiundi appetitus, jamque eo esset perventum, ut impetus fierent in venationem ejus, et in diripiendo audiretur exhortatio, exsiluit Abu Seid furentis instar, et aufugit quantum a pisce se separat lacerta lybica. Nos continuo enixe rogavimus ut rediret, nec esset similis Kudaro in tribu Thamud; ille vero, per resuscitantem e lapidibus mortuos! non redibo, inquit, nisi ablatum fuerit vitreum. Quare cum nullo modo ei gratificari possemus, utque jurijurando stare posset, abstulimus illud, mentibus licet cum eo avolantibus largeque fluentibus lacrymis. Reversus igitur ad accubitus locum, non amplius sollicitus ob perjurium, interrogatusque causam, cur surrexisset poculumque amandari postulasset, vitreum, inquit, delatoris partes sustinet, et ex multis inde annis juravi, nunquam fore ut unus idemque locus me et delatorem simul includat. Quid, reposuimus, tam grave sacramentum,

quidve tam vehementem execrationem tibi elicuit? Respondit: vicinum habebam, qui, blandiente lingua, corde favebat scorpionem, et, dum sermo fragranti similis fluebat melli, intus gerebat venenum letale. Cum hoc ut confabularer adduxit vicinitas, et grata dentium strictio decepit, ut inirem societatem; viriditas fimetis ejus allicuit, ut eo uterer compotore, et fallax exterius impulit, ut frui vellem ejus fragrantia. Sed cum familiaritem contraxissem, eum aestumans vicinum *ἰμωροῦχος*, apparuit violentus vultus, cumque me ei associavissem ut amico vere tali, prodiit serpens fraudulentus; benigne tractabam nescius eum, si propius adspiciatur, ex illis esse, quorum gaudetur amissione, et affixus haerebam ignorans, eum, si dentes inspiciantur, talem inveniri, qui cum fugerit exultatur. Habebam autem puellam tam perfectae pulchritudinis, ut nulla cum ea certaret, puellam quae, quando velum deponebat, sol et luna erubescerent ignibusque ustularentur corda, quando labia diducebat ridendo, contemnerentur uniones et gratis divenderetur corallum. Vocem extollens ciebat lusciniās, vinciebat cor intelligentis, descendere faciebat rupicapras et fascini babilonii veritatem confirmabat; legens sanabat laesum et vitam reddebat sepulto. Quin imaginabar in gutture ejus psalteria Davidis; canenti enim sese submittebat Mabad et apage! vocabatur Ishako, apage! Psalterium quando pulsabat Sunem vilescebat, postquam coetui suo princeps et fidejussor gaudiorum visus erat; saltans cidares a capitibus defluere faciebat, et haud secus exhilarabat, ac guttae saltantes in poculis. Nimirum eam possidens despexi rubros camelos ornabamque consuetudine ejus collum gaudiorum. Quo factum, ut vultum ejus a sole et luna defenderem, et memoriam abigerem e visis confabulantium noctu; sollicitus eram, ne ventus asportaret odorem formositatis, aut Satih eam hariolaretur, aut fulgur eam deferret illustrans. At propter miseram sortem meam et infaustum molestumque horoscopum accidit, ut crapula vetere vino nata impulsus, vicino delationi dedito eam describerem. Cum sagitta jam tetigisset scopum, tum demum rediit intellectus, et persensi exitiale periculum et certam perditionem ejus, quod cribro illi mandatum erat; quamvis equidem pactus eram ut enunciata reticeret, et quod enarraveram custodiret ut secretum, etiamsi quando eum ad iram provocassem, et ille sese arcana, quasi in thesauro reposita, servare, ut avarus recondit denarium, et vela (secretorum) nequaquam, etiamsi in ignem immitteretur, dilacerare praetenderat. Enimvero, praetermisso posthac non nisi die uno aut dierum pari, urbis principi praefectoque gubernanti visum est, regis sui portam petere, ut exercitum deman-

datum lustrandum offerret nubeque donorum irrigaretur; qua mente cum munus secum sumere vellet, quod illius animo conveniret, ut coram offerret, pretia dedit suis exploratoribus, largorum donorum promissionem addens, quicumque ipsum voti compotem facturus esset. Ibi vicinus meus perfidus arrepsit, ut expetitur daret, prae fracto animo induens ignominiae loricam nec curans reprehensorem, praefecti aures aperuit, indicavitque quod ei secretum tradideram. Et subito familiares illius affluerunt et ministri ad me convenerunt, quibus mihi injungebat, ut eum, mihi praeferens, margarita mea pretiosa honorarem, pretium quidem pro arbitrio statuens, tantaque me oppressit tristitia, quanta Pharaonem et copias ejus aquarum moles. Non desinebam propugnare, sed in cassum cedebat propugnatio, et deprecari, sed frustra erat deprecatio; nam quoties meam resistentiam crescere sentiebat, et augeri effugiendi cupiditatem, criminis me insimulabat, in flammam erumpebat et cum stridore dentes in me collidebat. Nihilo minus tamen lunam meam relinquere mihi ipse non largiebar et cor meum separare a pectore meo, donec minae nanciscebantur eventum et increpatio desinebat in verbera; tunc metus persuasit, ut oculi mei nigredinem permutarem flavedine numeratae pecuniae, delatore quidem praemium praeter delicti conscientiam et dedecus ferente nullum. Ego vero ab eo inde tempore Deo fidem dedi, me in posterum nunquam velle conversari cum delatore; cujus cum natura propria sit vitreo, delationis imagini, sacramenti mei fluctus ad illud quoque pertingit; et haec est causa, cur dextram meam illuc non extendam.

Vos itaque, re exposita, ne reprehendite, quod per me in diripiendis pastillis dulciariis
impediti sitis.

Patet excusatio mei facinoris; et sane faciam rupturam, quocumque possum veteri
et novo,

Quamquam, quod vobis delibavi delicati sermonis,

Judicio sapientis, bellaria omnia suavitate longe superat.

Dixit Haret Fil. Hammami. Non solum ratam habebamus hanc excusationem, sed etiam laeti oscula infigebamus malis ejus, quid mirum? regerentes, delatio et optimum olim mortalium percussit, ut adeo lignatrix divulgaverit quae divulgavit. Interrogantibus deinde nobis, quid egerit cum vicino delatore et amico male fido, postquam delationis ei plumasset sagittam et vincula amicitiae scidisset; ille, resumpsit, sese submittere et humiliare, deprecarique, per quos id commodum fieri poterat, ego

contra obstinare, eum nunquam amico vultu ad familiaritatem reducere, hesternumque revocare diem; et sic, haud nutante eum arcendi proposito, nihil praeter repulsam ferebat. Attamen non male habebat eum increpatio, nec erubescere ob perfricatam frontem, sed urgebat reconciliationis studia, novisque identidem instabat petitionibus, nec liberavit me quidquam a pertinacia ejus taedium afferente, nec illi voti consequendi spem praecidit, nisi quidam ex pectore vulnerato animoque saucio versiculi. His inerat, quod diabolus ejus averruncaret et in domicilio suo carceraret; his palam factis laetitiam dimisit nunquam conciliandam, clamans vae! o exitium! desperavitque resuscitatum iri amicitiam sepultam, ut infideles opinantur de mortuis. Precibus ergo eum adorti sumus, ut versiculos recitaret et odorem eorum nos offacere permetteret; et annuit, hominem quidem properantem creatum esse adjiciens. Tum nullo contractus metu, nec flexus pudore ita cecinit:

Erat mihi compoter, cui merum propinabam sincerumque amorem, amicum eum
suspiciens sollicitum;

Tum osoris instar me ab eo separavi, nam inventus est sanies fervens.

Antequam eum tentaveram, habebam socium fidelem, sed spectatus est exenteratus vituperandus;

Confabulatorem eum elegeram, sed delicto ejus pectus meum vulneratum est.

Quem opinabar adiutorem misericordemque, illum persensi execrandum et lapidandum;

Quem imaginabar officiosum, fusorio manifestatus est rebellis et vilis;

Quem ex physiognomia judicabam Zephyros spiraturum, nonnisi ventum flare voluit
venenatum.

Ipsae, nullo a me affectus damno, morsu me laesit, quem desperat medicus;

Res ejus, cum separaremur, inconcussa stetit, aegrotans ego corpus abstuli.

Non fuit gratus, abundans fructibus, sed terroribus, malus adversarius.

Inde, cum eum expertus essem, dixi, utinam plane non fuisset, nedum ut mihi esset
compoter.

In odium mihi adduxit ipsam auroram, nam et matutinum tempus reperitur delator;

Et noctem me induxit ut amem, tenebrarum enim nigror speculator est taciturnus.

Absit qui defert, etiamsi sinceram pollicetur amicitiam, delictum et vituperii plenum
est quodcumque agat.

Dixit; et hospes, audito carmine et rhythmis, cum pulchram aestimaret laudationem et vituperationem, in nobilitatis suae pulvinar eum promoveris, principio lectuli

sui honorifici assidere jubens, allatisque decem patinis argenteis, mellis et sachari dulcedine repletis, haud idem, inquit, statuendum est in socios inferni et paradisi, nec ex aequo comparatur innoxius cum malefico. Haec certe vasa, quod secretorum adinet retinentiam, piorum loco haberi debent. Quare ne ea ablegari jubeas, nec Hudum addas Aditis. Simul mandavit servo ut in mansionem ejus portarentur, quo pro lubitu iis uteretur. Hic Abu Seid ad nos accedens, nunc, dixit, legite Suratham victoriae, et vulnus laetamini consolidatum. Iam deus restauravit orbitatem vestram et pulchre rigata exhibuit cibaria, dulcedinumque sub umbra vos congregavit, (ut veritas dicti appareat), nonnunquam taedet vos alicujus rei, sed proficit vobis. Cum autem in eo esset ut proficisceretur, ut et patinae sibi donarentur rogatum ivit, et convivatori, ad signa, dixit, comitatis pertinet, vas una largitum esse cum muneribus. Reposuit: utrumque tibi habe et insuper servum; mitte verba et abi in pace. Hoc audiens responsum Abu Seid prosiluit, gratisque actis, quales hortus agit nubibus, nos in tentorium suum duxit, ubi, potestatem in dulcedines concessurus, manu versabat vasa suisque dispertiebatur. Dein nescio, inquit, utrum accusem delatorem, an gratias ei habeam, vel, utrum oblivisci studeam facinus ejus, an meminerim. Nam quamvis crimen commisit et pessimam exercuit delationem, tamen e nube ejus larga ista fluxit pluvia et gladio ejus ista mihi parta est praeda. Iam vero animus fert redire ad catulos meos et, contentum hac irrigatione, nec me ipsum ultra, nec camelos fatigare. Quamobrem valedico vobis, amicitiae foedus intermatum servaturus, vosque optimo custodi commendatos volo. Tum ascenso jumento, viam relegit, ad familiam suam revertens, et, jactanter pro gradiente camela, discedenteque amico aspectu, reliquit nos ut symposium cui deest dominus, aut noctem cujus occidit luna.

C a r g e n s i s .

Narravit Haret Hammamita. Hiemavi in Carag exacturus debitum et perfecturus negotium, ac sensi tetricae tempestatis et frigidi venti hiemalis illic saevientis, quod me ad extremum fatigavit detinuitque ad ignem. Nec reliqui latibulum meum, nec desivi nutrire flammam, nisi ad necessarium officium compulsus aut ob preces publicas observandas. Ita necessitate coactus sum die, cufus aether admodum iratus, cujusque nubes valde fusca erat, egredi e nido meo, cura quadam me invadente. Et ecce senex nudus cutem, prae se ferens miseriam, caput circumvolutus trita vitta et cinctus veste striata, quam a postica parte per crura transmissam ventri applicuerat, in medio densae plebis turbae. Recitavit autem sine verecundia:

Non testabitur vobis paupertatem meam veracior testis, quam nuditas mea tempore frigoris.

Concludite autem ex eo, quod manifestum est calamitatis meae, ad internum statum et conditionem occultam;

Et veremini conversionem scalae fortunae. Nam ego fui clarus dignitate; Habitabam in abundantia et omnia cogente potestate, proderat aurum meum, hastae meae fuscae exitio erant;

Lamentabantur camelorum agmina cum mane profisciscerer. Sed fortuna strixit gladios fraudis,

Malorum pulverulentorum impetum renovavit, nec desiit vellere et extenuare, Donec domus mea deleta erat, et copiae meae evanuerant, perieratque auctoritas mea inter mortales et fama.

Et factus sum macilentus a calamitate et molestia, nudus involucri, derasus corticem.

Fuso similis sum nuditate; non est mihi fomentum in media bruma
Praeter solis lucem et calorem carbonis. An vero vir liberalis et magnificus, vir ampli pallii,

Me tegere velit nova aut vetusta veste, faciem dei quaerens, non gratias meas?

Tum dixit. O possessores opulentiae, superbe trahentes syrma vestium! Qui accepit bona, erogat, et qui potest adjuvare, adjuvet! Nam mundus est deceptor et for-

runa mendax, potestas autem fallit ut spectrum et occasio fugit ut nubes aestiva. Equidem, novit deus, per diuturnum tempus hiemi obviam ivi cum iis, quae ei tolerandae sufficerent, necessitatesque ejus, antequam adveniret, praeparavi. Nunc vero, o domini mei! brachium mihi est pulvinar, cutis vestis mea et vola manus loco scutellae. Prudens exemplum ab hoc statu meo sumito! Sane festinat mutatio fortunae! Felix ille, qui, se moneri passus ab aequali, praeparavit sese ad iter suum! Dicentibus autem nobis, produxisti tuam doctrinam, nunc revela nobis gentem tuam; respondit: pereat qui gloriatur de ossibus putribus; gloria nonnisi in pietate est et doctrina sancta; tum cecinit:

Per vitam tuam! homo tantum filius diei praesentis; siquidem apparuit, non pertinet ad hesternum;

Et quae est gloria de esse putrido, nisi gloria ejus, qui suam sua persona gloriam quaerit?

Posthaec resedit incurvatus, et praeceps delapsus tremens dixit, o Deus, cujus multa sunt beneficia, jussistisque te rogare! benignus sis Mohammedi ejusque familiae, mihi autem auxilio sis contra frigus et terrores ejus, ac destines liberalem, qui e suo peculio aliquid eligens me adjuvet, etiamsi nulla alia re, quam detonsae lanae manipulo!

Perrexit relator: et cum manifestaret animum Azamiticum et eloquentiam Azmaiticam, oculorum meorum stricturae eum explorarunt, intuitusque mei catapultae eum lapidavit; quo facto cognovi, eum esse Abu Saidum, nuditatemque ejus dolum venatorium. Ipse autem perspicuens, se a me agnitum esse, et verens, ne revelarem, dixit: juro per noctem et lunam, per stellas et flores! hodie me non teget, nisi cujus bonum est tentorium cujusque panis humanitatis aqua est conditus. Quibus verbis quod intendebat cum bene intelligerem, etsi multitudo nesciebat, quid sibi vellet, nec non male affectus, qui eum invaserat, tremore et cutis horrore, apprehendi vestem pelliceam, quae die inserviebat vestiendo, noctu stragulum erat, eamque detrahens, accipe hanc, dixi, a me. Nec cunctatus induere coram cecinit:

Benedictus, qui me vestivit veste pellicea, quae ceu pluma me tutetur contra pluviam tonantis!

Induit mihi eam sanguini cordis mei cavens; caveatur ei a malo hominum et daemonum!

Hodie quidem laude mea operietur, cras vero serica paradisi.

*

Dixit; et cum fascinasset corda multitudinis varie ostentando scientiam suam, jecerunt super eum vestium pellicearum et tunicarum pictarum tantum, ut pondus eum incurvaret, vixque ab eo posset tolli, abiitque laetitia exhilaratus largasque Cargo apprecans pluvias. Et secutus eum, donec sublatus erat timor et coelum apparebat sudum, dixi: vehementer sane te affeeit frigus; ne nudus sis posthac. Verum respondit: vae tibi! non est justa praepropere reprobatio; ne festines vituperare injuria, nec constituas quid quod nescis; per illum qui nitere fecit canitiem, bonumque paret sepulcrum, ni nudassem me, frustratus abissem et vacuo cophino. Tum intendit aufugere et, faciei suae instar ricae austeritatem induens, an nescis, inquit, morem meum esse, transire a venatione ad venationem, et deflectere ab Amruo ad Seidum (a Cajo ad Titum)? Video quam me impedis et adversaris ac alterum tantum me perdere facis, quam mihi profuisti. Mitte me ergo, ut deus tibi condonet loquacitatem tuam temerariam, nec mea gratia omittas labores tuos delectationesve. Hic adtraxi eum ad me, ut solent ludentes, jocandoque comprimens, per deum! dixi, nisi ego te occultassem nudaque tua texissem, non consecutus esses dona, nec abiisses tectior quam cepe. Igitur remunera mihi quae in te beneficia contuli, et quod te texerim velaverimque, eo ut mihi gratificeris reddendo tunicam, aut indices, quomodo hiemem tolerare possim. Ille vero me adspiciens obtutu mirabundi, et prae se ferens austeritatem iracundi, quod reddendam, inquit, vestem adinet, longius absum, ut id faciam, reditu diei hesterni praeteriti aut mortui in pulverem redacti; quod autem adinet necessaria ad tolerandam hiemem, laudatus sit ille, qui obstruxit mentem tuam, memoriaeque tuae dissolvit vas, ita ut oblitus sis, quod tibi recitavi in taberna Succaritae:

Advenit hiems, ejusque ex necessitatibus mihi sunt septem, si destillans forte
pluvia ab eis comparandis prohibet:

Latibulum, bursa, clibanus, poculum vini post assam, jucundaque conjux et vestis.

Addidit: responsum curas abigens melius est quam vestis calefaciens. Nunc igitur firmiter tene, quod iterum recordatus es, et satis habe. Statimque aufugit, simulque, ad calamitatem meam, vestis, nam per totam hiemationem tolerandus erat tremor.

N o m a d i c u s .

Narravit Haret Hammamita! In primordiis praeteritae meae aetatis inclinavi ad commorandum inter scenitas, ut imitarer animos eorum superbos linguamque inere arabicam. Quare tollens syrma, ut cui non deest diligentia, incepti terram peragere sursum et deorsum, donec coegeram agmen mugientium et balantium. Deinde me contuli ad Arabes, compotatores regum filiosque sermonum; tutissimamque regionem mihi habitandam dederunt ac cujusque dentis aciem contundendo a me prohibuerunt. Nec ulla me apud illos invasit molestia, nulla prorsus percussit sagitta statum meum, usque dum amiseram aliquando, nocte lunae illustrata lumine, camelam lacte divitem. Nec acquiescebat anima mea, frustra quaerentibus quaesitoribus, illaque cum vinculo tuberi immisso fugiente, sed insilui in equum velocem saltu, collocatâque in stapede hasta lenta tremulaque, totam noctem peragrans desertum, petivi omnem arboribus abundantem et vacuam regionem. Cum aurora vexilla sua explicaret et praeco convocaret ad preces, ibi tantum descendi a jumenti tergo, ut praecepta facerem. Tum denuo circumvagabar in pascuis explorabamque apertos campos, non animadvertens vestigium, absque ut sequerer, nec terrae elationem, absque ut ascenderem, nec vallem, quin transirem, nec equitem, quin interrogarem. Sed haec diligentia mea erat cassa, nec quaerenti aquam scaturiebat fons; jamque oriebatur aestus meridianus, fervorque oblivisci faciens infantem mammae. Dies autem erat longior umbrâ hastae et calidior lacrimis oculorum. Certus itaque, si non subirem umbraculum defendens ab aestu, refocillarerque somno, defatigationem mihi contracturam morbum, flexi ad arborem densam ramis frondosamque, ut sub ea dormirem usque ad occasum solis. Sed per deum! nondum captaveramus quietem, nec ego, nec equus, cum conspicerem tendentem a sinistra ad dextram (felix augurium in avibus) figuram peregrinatoris, qui, locum pabulationis meae petens, intenso equi cursu appropin-

quabat ad tractum meum. Quamvis autem invitus animadvertēbam deflectentem ad diverticulum meum, deumque implorabam, ut me tutum praestaret ab hoste improvis irritante, spes mihi tamen affulsit fore, ut adveniret recitans appareretque hortator ad bonam frugem. Et cum non multum abesset ab arbore mea fereque descenderet in loco meo, repperi eum esse senem Serugensem, cinctum pera sua et sub axillis gestantem itineris apparatus. Cognovitque me et ipse, cum accessisset, oblitumque fecit perditae. Tum petivi, ut exponeret, unde veniret, manifestaque sua et abscondita narraret, recitavitque ex tempore, nulla interposita mora:

Dic quaerenti internitum rerum tuarum statum, tu mihi carus et honoratus es!

Ego vero nunc hanc, nunc aliam, seco regionem; modo hoc, modo illud, desertum noctu pererro.

Viaticum meum, quod venor; ocrea, camelus; apparatus meus, pera et hastula.

Quando descendi in urbem, hospitii coenaculum domus mea, compotores sunt schidia.

Nil mihi est, quo amisso contrister, aut doleam, si tempus auferre voluerit.

Pernocto vacuus curae, animus se subduxit omni moerori.

Dormio quantum satis palpebris, corde quieto a torrentibus aerumnis et aegritudine.

Non cure quo ex poculo biberim, nec quid dulce ex amaro venerit.

Quamvis minime licitum habeo, ignominiosa facere, ut irrigatione fruar.

Si negotii quid tegat vestem ignominia, apage! qui illud velit conficere,

Quando autem memet humiliaturus sim, caput submittens facinori malo, cum natura mea respuat infamiam ejus et vituperium?

Fata potius quam malefacta! Antiquius feretro ferri quam ad malas ferri actiones!

Tum sublato ad me visu, ob causam, inquit, factum est, ut Kasir abscinderet nasum suum. Ibi ei narraui historiam camelae meae amissae, quasque hanc ob rem heri et hodie toleraverim molestias. Excepit me: desine curare quod abiit, nec moerere ob illud, quod aufugit, etiamsi esset vallis auri plena. Nec reconciliare studeas eum, qui declinavit ab aura tua, incenditque tibi afflictionum ignem, vel si esset filius tuus proprius aut frater germanus. Tum dixit, nonne tibi placet ut dormiamus, evitantes verba et sermones? Nam corpora sunt lassitudine debilitata, meridies autem flammis dominatur, nec quidquam magis polit animum, languentesque recreat, quam somnus tempore meridiano, praesertim mensibus Nager (Junio et Iulio). Respondi, hoc tui est arbitrii, nec tibi importunus ero. Instrato itaque humo recubuit seque dormire simulavit. Ego vero innitebar cubito, eo fine ut vigilem, non dormirem. At somnus

me oppressit, cum linguae essent frenatae, nec expergefactus sum, nisi cum nox jam subiisset auroraque fere splendescere inciperet, et ecce! nec Serugensis aderat, nec equus ephippio instructus. Noctem itaque transegi Nabegiticam Iacobiticaeque tristitiae, fervore capitis certans cum fervoribus diei, vigilantia certans cum stellis, cogitans modo de incensu meo pedestri, modo de reditu. Tandem, cum facies coeli ridendo nudaret dentes lucis, apparuit mihi eques sulcans campum. Cui signa veste mea dabam, sperans fore, ut ad me accederet. Sed nil curabat signa mea, nec miserebatur mearum molestiarum, sed ultra pergens commode, contemptus me feriebat sagitta. Unde celeriter cucurri rogaturus, ut me a tergo vectorem reciperet, patienter ferens ejus superbiam. Assecutus autem cum molestia, cum in eo gyrarem obtutum oculi liberum, vidi camelam meam ejus esse jumentum, amissamque ab eo inventam. Nec in mora habui quidquam, quo minus eum de gibbo dejicere, habenaque extrema ei rapere studerem, clamans, ego possessor, qui eam amisit; mihi lac ejus et foetus; nec similis sis Aschabo, nec mihi simul et tibi molestias crea. Ille vero increpare et blandiri, perfrictae frontis, sine verecundia. At, cum modo acerbum, modo lenem, modo leoni similem, modo submissum se praeberet, oppressit nos Abu Said, indutus pelle pardi, irruens ut fluctus effusus. Quod animadvertens metuebam, ne hodiernus dies fieret ut hesternus, et luna ejus similis esset soli ejus, adjicererque duobus coriariis, (qui nunquam e deserto redierunt), evaderemque fabula de vere existente, nec aliud mihi videbatur, quam eum monere pactorum oblatorum et hesterni facinoris. Obstanti autem per deum, veniretne hodie reconciliationis causa, an ut me perderet, respondit: avertat deus, ut eum trucidem, quem sauciavi, addamque samumo nocturno diurnum! Status tui explorandi gratia adveni, et ut sinistrae tuae essem dextra. Tranquillato ibi pectore meo et discusso metu, exposui historiam camelae et, qua socius meus se operiret, impudentia. Quo facto illum adspexit, ut leo lustrum adspicit praedam; tum coram eo hastam extendens juravit per illum, qui lucere fecit auroram, sese, nisi aufereret ut serpens, et loco praedae contentus esset reditu, hastam suam adducturum esse, ad sorbendam venam ejus jugularem, etiamsi intercederet filius aut amata. Proiecta igitur camelae habena, fuga se proripiens, evasit celerrimo cursu. Tum me allocutus est Abu Seid: tene et frena eam; nam duarum rerum pulcherrimarum est altera, et noxa una levior est quam binae. Perrexit Haret Hammamita. Et dubitabam, reprehenderemne eum, an gratias ei agerem, utilitatemque compensarem cum noxa.

At, quasi quis ei insurrasset, quod corde tegebam, aut quasi hariolatus esset, quae interna mea turbabant, hilari facie ex adverso me respiciens, recitavit lingua volubili:

O frater, patienter ferens injurias, prae fratribus germanis et affinibus!

Si te male habuit hesternus dies mea causa, jam exhilaravit te hodiernus.

Condona igitur et procul abjice et gratias et reprehensiones!

Adjecit: equidem sum promptus ad iram, tu vero ad lacrimas promptus es; haud itaque convenimus. Mox conversus secabat superficiem terrae, et bucephalus ejus cucurrit, quo cuncurrit. Ego vero, non cunctatus conscendere jumentum, reversus sum ad propositum, donec adtigi mansionem, expertus res et reculas. —

S a ā d e n s i s .

Narravit Haret Hammamita haecce. Procerus ut hasta et agilitate praevertens onagros ascendi Saādā; cujus cum adspicerem pulchritudinem et spectarem viriditatem, interrogavi industrios narratores, quem illa includat ex nobilibus et fodinis bonorum? eum ut sumerem prunam lucentem in tenebris et auxilium in oppressionibus. Et describebatur mihi judex, amplius ulnam (liberalis), abundans statum (dives), Taimimita genus et indolem. Nec in mora habui quidquam, quominus saepius visitando et largas copias erogando illi appropinquarem, usque dum echo vocis et scarabeus eram domus; et vesciturus melle ejus laurique (cui similis erat) odores odoraturus, nunquam non interfui disceptatorum litibus, convictum et defensum conciliare studens. Cum autem aliquando judex consideret una cum nobilissimis viris, die conventus et congregationis, intravit senex tritus plumas (vestem), tremorem simulans,

qui acutis perlustrans concilium oculis narrabat, adversarium sibi esse, qui non sponte secutus sit. Discessit ergo paullum, sed haud diutius abfuerat, quam rutilans durat scintilla, aut indicium nutus, cum in modum leonis juvenem adduceret et, Deus, diceret, corroboret et a conniventia custodiat judicem! Iste filius meus, calamus corruptus, gladius rubiginosus, ignorans praecepta aequitatis, imbibit contradictiones repugnantiae. Nam quando equidem progredior, fugam ille capit, quando arabice loquor, barbare ille garrit, quando ignem accendo, extinguit, quando asso, cineribus inquinat; quamvis ex eo inde, quo repsit, tempore, usque dum adolevit, curam ejus sustinui et benignissimus educatorum et aliorum fui. Index grave id habnit, quod ille questus erat, et omnes, qui circumsedebant, oculos in eum defixerunt; tum ita incepit. Testor repugnantiam ex orbitatibus unam esse, imo saepius oculo frigidius (jucundius) esse, prolem omnino non habere! Regessit adolescens, quem hic sermo ira affecerat: Per illum, qui constituit judices ad justitiam exercendam, et illis tradidit habenas (regimen) probitatis et decisionis! nunquam ille vocavit, absque ut dixerim Amen, et praetendit quid, absque ut crediderim, nec peregrinationi se dedit unquam, quin et ego Naziraeatum susceperim, nec ignem protudit, quin accenderim; ut comparandus sit viro quaerenti Rachamarun ova aut volatum a camelis flagitanti. Resumsit judex: quamam re te defendere possum et tuam probare obedientiam? Contra ille: Ex quo tempore vacuus fuit pecuniae et tentatus est inopia, imposuit mihi ut linguam petendo exercerem, et pluviam deprecarer ex nubibus gratiae; ut redundaret potus suus, qui subdisset, et coalesceret, quod fractum esset in statu suo. At cum me edocere inciperet et virtutes animam decentes mihi exponeret, cor meum intelligere fecit, aviditatem esse rem laboriosam, exosi quid cupiditatem, gulositatem movere nauseam, mendicari esse probum; in cujus rei testimonium poetae dictum recitavit, qui mire hoc argumentum versibus expresserat et venuste dolarat *ἐμποιπτωσεις*.

Contentus sis infima sorte, et in ea acquiescas ut ille, penes quem et pauxillum est multum.

Abstineas ab aviditate, quae non desinit humiliare dignitatem ejus, qui ad ipsam ascendit.

Existimationem tuam custodi, eamque defende, ut leo defendit jubar suas.

Et patiens sis, si quid ingruit egestatis, ut solent constantes, animoque aequo.

Nec sursum pelli sinas aquam pudoris, etiamsi dives promitteret, quantum ambae manus capiant.

Generosus est qui, cum affectus est oculus ejus, palpebras laesas tegit a conspicientibus;

Et qui cum triverit vestem suam sericam, non consultum habet terere etiam genas.

Dixit; at austere contraxit vultum senex, tetricus; et irruens in filium cum detestatione, increpavit ita. Tace, o inobsequens! qui me praefocas et angis, instar ossis guttur praecludentis. Vae tibi! matremne tuam docere vis concubitum, aut nutricem tuam lactatum? Iam conflictatur scorpio cum vipera, et pulli vix depulsi intento cursu versus admissarios prosiliunt. Dein, quasi eum poeniteret eorum, quae ex ore suo nimis celeriter elapsa essent, et amore ad reconciliationem adigeretur, aspicebat oculo propenso, submittebatque alam blandientem (lenem se simulabat), pergens: Vae tibi, o mi fili! non jussi sunt contenti esse, nec interdicti sunt submissione, nisi qui divitiis suis quaestum faciunt et arte sua lucrentur; verum qui necessitatibus sunt pressi, illi excepti sunt in his legibus prohibitoriis; pone autem, te ignorasse hano accuratorem explicationem, nec pervenisse ad te quod circumferri solet, nonne tu tamen adversatus es patri tuo, in iis, quae dixit et probavit?

Ne acquiescas in oppressione et injuria, quo dicatur en! magnanimus et patiens.

Et probe circumspicias, utrum terra sit vacua plantarum ut cincta arboribus.

Vultumque averte ab eo, quod tibi suadere volunt imprudentes; quod pretium arbori sine fructu?

Propelle jumentum tuum a mansione, quā siti laboras, in oram, ubi defluit pluvia.

Atque largam tibi expete irrigationem ex copia nubis; et si ambo manus tuae adsparguntur, proficiat tibi consecutio!

Quod si non obtines, in repulsa non est dedecus, quam jam ante te tulerunt Moses et Pinehas.

Finivit. Iudex vero, cum animadverteret sermonem et facta juvenis sibi repugnare, et quod se exornarit laude sibi non conveniente, succensente oculo eum adspexit, an prima, dicens, vice Taimimita et altera Kaisita? phui! qui destruit quod dixit, et varios induit colores, instar daemonis sylvatici hominibus et brutis inimici (Rhuli). Regessit juvenis: Per illum, qui te posuit clavem veritatis et arbitrum creatorum! ibi demum dedoctus sum, cum sollicitudines me invaserunt, et ex eo intellectus meus rubiginem contraxit, quo undique repulsas tuli.

Ubi enim est porta aperta, ubi dona propatula? Num superest, qui lubenter dona offerat et, cum cibus ab eo petitur, dicat, teneas!? Respondit iudex: Inter multas aberrantes a scopo sagittas una tamen solet ferire, nec omnis nubes fulgurans decipit; discerne nubes, quando observas (sapis), nec testare nisi quod exploratum habes. Senex cum videret iudicem irasci pro liberalibus, et aegre ferre omnes homines avaritiae insimulari, scivit verba sua prosperatum iri, illum quippe liberalitatem suam esse demonstraturum; ideo non cessavit ponere rete suum et ad ignem (intell. opportunum) pisces suos torrere, sed ita illum allocutus est:

O iudex! cujus sapientia et clementia firmior est quam Radwa (mons).
Nunc ille in ignorantia sua contendit, toto in mundo non esse fratrem (similem)
pluviae largae.
Nescit enim te esse ex societate, quorum dona (tam larga), quam manna et co-
turnices.
Largire ergo, quod eum depellat, pudore suffusum, a mendacio asserti sui,
Ut et ego redeam lactus, laudans quod me, cum beneficio affeceris, tum in lite
sustentaris

Dixit; et sermone delectatus iudex ei abunde ex divitiis suis impertiebatur; quo facto conversus ad juvenem, vituperii sagittas in eum infixit, vidisti, inquires, vanitatem opinionationis tuae, et errorem suspicionis? Ne igitur posthac festina vituperando, nec dola lignum antequam probasti; et cave ne recuses obsequium patri tuo; nam si iterum morem non geres, continget tibi a me, quo dignus fueris. His dictis juvenem poenituit et confugit ad genua patris sui, tum surrexit properanterque abivit; senex quoque secutus est canens:

Quem fortuna injuria aut noxa affecit, adeat iudicem Saadae?
Liberalitas, ejus detrectat laudibus antecessorum, aequae ac defatigabit posteros.

Addidit historiam referens: Ambigui, habeamne senem illum pro noto, an pro ignoto; usque dum aggrediebatur iter suum; ibi clanculum induxi animum, ut eum sequerer, vel usque ad domicilium, eo fine, ut perspicerem arcana ejus et cognoscerem, qua ex arbore petat ignem. Abjectis ergo protinus negotiis, tendi quo ille tendit; nec ille desivit progredi, me pone sequente, et longius discedere, me appropin-

quante, donec uterque nostrum alterum conspiciebat, et ambobus amicis certa contingebat agnitio. Hic ille laetitiam prodidit et deposuit tremorem dicens: qui se fratrem (i. e. notum) celare vult, non evadit. Tum non amplius dubitavi, illum esse Serugensem, nec enim ulla erat habitus diversitas. Proinde festinavi ad eum, ut manu prehensa salutarem, et quaererem, quid boni aut mali acciderit. Ille vero: en filium fratris tui obsequentem! Et continuo dereliquit me proripiens sese. Juvenis autem parum aberat, quin rideret, dein aufugit ut ille aufugerat. At ego redii, eos ipsos postquam cognoveram, nescius licet ubi uterque versaretur.

T a f l i s c e n s i s .

Narravit Haret Hammamita. Deo summe laudando memet ab adolescentia inde obstrinxeram, nunquam, quoad possem, differre preces, et peragrans quamvis deserta aut lusui deditus vacuis horis, semper observabam stata precationis tempora, cavens crimen negligentiae. Quando igitur alios in itinere comitabar et descendebam in statione aliqua, voce precantis eam salutabam, strenue observantem pietatis officia imitans. Cum autem Tafisum intrassem et forte una cum inopum multitudine precatus essem, instituentibus nobis abitum, processit senex, torturam oris simulans, tritus vestes et vires, et ita locutus est: Adjuro eum, qui, creatus ex generosorum materia, lac nobilium suxit: nonne qui mihi paucillum temporis impenderit et oris effatum aliquod perceperit, optionem deinde habebit, remunerandique et recusandi tenebit arbitrium? Promissis ergo donis congregati homines, montium instar, immoti manserunt. Ille vero, pulcherrimum eorum silentium et modestiam prudentiae (testem) animadvertens, ita verba fecit: Vos, qui videntibus

dominamini oculis et sensibus claris! Nonne adspectus relationis vices explet et fumus indicat ignem? Splendet canities, apparet debilitas, graviter premit infirmitas, morbus est evidens, ut adeo ignominiose pateat interna conditio. Attamen et ego per deum! ex iis fui, qui regnant et abundant, praesunt et regunt, persequuntur et assequuntur, benefici sunt et superbi; sed non desierunt calamitates mihi evellere adipem, et vicissitudines fortunae memet extenuare, usque dum sedes evaserat desertum et manus vacuitas. Defecerunt arbores, amaruit vita, vociferantur prae fame pueri et vel ossiculum dactyli masticare posse cupiunt. Nec ego hoc probrosum abscondita vobis detegendi negotium subii, nisi postquam, pressus infelicitate, distortus ore, proventus aetate, nihil usquam inveni. O utinam non superstes in vita mansissem! Tum ejulavit more dolentis et recitavit voce tenui:

Queror coram misericorde, laudibus venerando, mutationem et inimicitiam fortunae,
Casusque, qui silicem meum percusserunt et gloriae meae structuram dissolverunt,
Frangentes arborem meam. At eheu! cujus ramos mali casus frangunt;
Sterilemque fecerunt mansionem, ut abeundum esset, palmis exarefactis,
Ac circumvagantem et intereuntem reliquerunt. Patior paupertatem et angores ejus
Postquam dives fui, dominus opulentiae, qui manicas suas raptabat in deliciis;
Cujus decutiebant frondes beneficia captantes, cujusque ignem laudabant noctu
migrantes.

Sed hodie nunquam ei fortuna, quae favit, favisce videtur;
Declinat, qui eum alias visitabat, et qui beneficia petebat, agnitionem aversatur.
An vero juvenum quemquam contristet adspectus infelicitis senis, quem sua de-
cepit fortuna,
Ut dispellat curas, quae eum angunt, et corrigat statum, qui eum dedecorat?

Pergebat narrator: Praesens multitudo eo adducta est, ut in eum inquireret, occulta ejus elicere et peram ejus excutere gestiens; hinc dixerunt: iam cognovimus ponderis (rhythmi) tui pretium et trutinæ tuæ perspeximus copiam; nunc fac resciamus tui rami arborem et retege velum a prosapia tua. Verum ille avertit vultum, ut cui graviora imponuntur, quam praestare possit, aut filiae nunciantur natae, et incepit execrari necessitatem moeruitque, veluti qui aquam decrescere sentit; dein pronuntiatione quidem distincta, submisso vero et fraudulento sermone, recitavit:

Per vitam tuam! non cujusvis rami fructus dulcis radicem indicat suam.
Ede autem, quod tibi porrigitur jucundum, nec interroga mel de ape sua.
At distingue, cum prelo subjiciuntur uvae, primum musti tui ab acetoso,
Ut pro parte majus aut minus statuas pretium, et vendas totum;
Nam ignominiosum est ingenio solerti, imbecillitatem in intellectum illabi.

Dixit; et complacuit multitudini acumen ejus et astutia, fefellitque fructus, quamvis morbosus, pulcherrimus; unde collegerunt, quod amborum brachiorum complexu conderet et ambabus manibus distenta occultaret lacinia, alloquentes: Heus tu! advolasti ad puteum parum habentem aquae et attigisti alveare vacuum; accipias igitur hocce residuum, nec aberrasse te a scopo, nec etiam ferisse aestimans. Sed ille sese eos liberalium loco habere affirmavit et acceptioni gratiarum actionem junxit; tum conversus scissam trahebat vestem et, terram percutiendo, diripiebat viam. Dixit vero, qui hanc historiam retulit: Ibi mihi visum est, eum externum habitum machinatum esse et artificium incedendo adhibere; surrexi itaque, eandemque ingressus semitam vestigia pone legebam, illo limis me adspiciente et fugiendo prohibente, donec vacua erat via et veritatis manifestatio non amplius praesepiebatur. Hinc laeto et hilari oculo me intuitus est et sincerum se praebeuit, postquam simulando deceperat, inquit: ego te sane cogito fratrem alacritatis, qui quaerit societatem; expetisne socium, qui adjuvet te et vicissim adjuvetur, quique expendat pro te, dum vicissim erogetur pro ipso. Respondi: si talis mihi contingeret, conveniente gauderem forte. Regessit: iam invenisti; hilarius ergo sis! et honestus quidem tibi contigit, adhaereas ergo! Dein, postquam risui aliquamdiu indulserat, repraesentavit vultum bene habentem, et ecce! erat senex Serugensis, absque ullo corporis morbo dubiove in faciei characteribus. Maxime igitur laetatus, tum quod eum offenderam, tum ob morbi vanitatem, intentus eram reprehensioni ob pessimam agendi rationem; sed ille priusquam taxarem aperuit os recitando:

Veste prodii lacera, ut dicerent: pauper est, qui transigit tempus iniquum;
Et hominibus memet paraplegia laborantem monstravi, quam saepe enim hoc
modo jam obtinuit cor meum expetita!
Sin lacera non fuisset vestis, non miserti essent mei, nec, si defuisset paraplegiae
simulatio, voti damnatus essem.

His adjecit: non superest hac in regione pratum herbosum, nec in incolis ejus, cujus teneamur desiderio; quod si tu te mihi comitem praeberere vis, via nobis est eadem. Profecti ergo sumus, et per integrum biennium eum comitatus sum, jamque statueram societatem ei praestare quamdiu viverem, cum tempus recusans dirimeret. —

S a b i d e n s i s .

Narravit Haret Hammamita. Cum secarem desertum, Sabidum petens, comitabatur me juvenis, quem usque ad pubertatem educaveram. Mores ejus perfecte boni erant, et moribus meis aduetus cognoverat, quid me juvaret; quare nunquam desiderium meum praetergrediebatur, nec in petendis rebus scopo aberrabat. Haud dubium est, quin propinquitas ejus cordi meo necessaria esset; eumque elegeram ministerio meo, sive domi versarer, sive in itinere. Hunc tempus omnia perdens abripuit, cum Sabidum nos contineret. Ego vero, cum ejus robur evanisset et quiesceret spiritus, annum perseveravi non deglutiens cibum, nec inclinavi in juvenem alium, usque dum solitudinis incommodis et molestiis, quas stando et sedendo persentiscebam, eo adactus sum, ut in margaritae locum sphaerulam vitream substituerem, et quaererem, qui deficientis vices expleret. Hoc consilio me contuli ad homines, qui in foro Sabidensi servos vendere solebant, et dixi: cupio servum qui, horsum moveatur aut prorsum, placeat, et laudem mereat, cum tentetur; utque sit talis, quem crumenae produxerint et monetae protraxerint in forum. Omnes ibi annuebant petitioni et assiliebant et brevi conquirere promittebant. Sed conficiebant lunae novae circuitum suum, et convertebantur plenae et deficientes, absque ut ullum promissorum illorum praestaretur. Itaque, cum viderem venditores oblitos vel simulantibus oblivionem, animadvertens, non omne, quod laeve est, secare, nec aliud

cutem meam tam bene scabere, quam proprium unguem, reprobato rem aliis committendi instituto, cum auro et argento in forum egressus sum, ut mancipia mihi producere juberem et sciscitarer pretia. Ibi mihi occurrit vir capistratus viitta, qui juvenem cubito tenens dixit:

Visne emere juvenem industrium, forma et moribus excellentem,
Qui, quodcunque ex eo quaeras, bene respondet; si tu loqueris, memoria tenet;
Quando lapsus fueris, surgas! vocat; in ignem currit, si jubes;
Qui, vel unicum diem societati adhibitus, observat te; quacunque re contentus
esse jubetur, contentus est;

Multa quamvis praeditus astutia, tamen nunquam mentitus est, nec quidquam praetendit;

Allicienti non praebeo aurem cupiditati, nec commissa evulgare secreta licitum habet,
Semper autem novi quid profert, quodcunque agat, et in carminibus pariter ac
in prosa superior est?

Per deum! nisi angustia vitae et pueri nudi, esurientes, separarent, non vendidissem eum regno toto Cosrois.

Dixit; at ego conspiciens staturam ejus rectam et pulchritudinem sinceram, existimavi unum ex juvenibus horti beatitudinis videre et exclamavi: hic non est homo, verum honorando nihil minus angelo! Dein eum de nomine suo interrogavi, non tam rescindi ductus cupidine, quam ut viderem, quomodo se haberet lingua ad faciei venustatem. Sed, nec dulce nec amarum edens verbum, nec servae sese nec ingenuae filium sermone prodebat. Protinus ergo me averti inquires: plui haesitationem tuam turpem! Ibi immersus in risum, mox colligens sese, caput ad me convertit et declamavit haecce:

O tu! cujus exardet ira, quod non prodam nomen meum; sic non agit aequus.
Si nihil aliud tibi, quam hujus expositio, cordi est, ausculta! ego sum Iosephus,
ego Iosephus!

Iam ego tibi velum retexi; si sapis, cognovisti; sed dubito an cognoveris.

Dixit; et carmine ejus abiit ira, et directus mihi est intellectus, quasi incantatione. Ita enim attonitus eram, ut non amplius inquirerem et obliviscerer Iosephi justae historiae; nec alia restabat cogitatio, quam ut eum liceret domino ipsius et

explorarem pretii, quod solverem, summam, existimans: certe te adspiciet ille limis et nimis altum indicabit pretium. Sed non tondebat eodem mecum circulo, nec ubi ego affixus haerebat, verum inquit: servo, si parvi constat, et levis est eum comparandi difficultas, dominus benedicit et amore adjungitur; quare, cum ego sane praeferam, ut hic tibi juvenis carior sit levi pretio, quod tibi indicaverim, pende sis ducentas drachmas et gratiam mihi habe quamdiu vivis. Et statim paratam illi solvi pecuniae summam, ut solvit quis pro re vili et licita, nec venit in animum, quod omne vile sit carum. Cum autem percussa utrinque manu emtio stabilita et discessus constitutus esset, lacrimis manarunt oculi juvenis, non ut quiete pluviam demittit nubes, et accedens ad dominum inquit:

Maledicat tibi deus! num qualis ego sum venditur, ut satientur parvuli esurientes?

Et num secundum legem aequitatis, ut obligar muneri, quod mihi imponi nequit, Et tenter terrore alio post alium? Quamvis qualis ego, cum tentatur, non terretur. Nonne probasti me et perspexisti sinceritatem nulla fraude mixtam? Quoties me constituisti rete venationi, abii cum fera in laqueis meis; Imposuisti mihi molestias, et obsequentem me praeberi, quamvis inesset difficultas. Quacnam est res invisa, qua non tentatus sim, quae praeda, cui consequendas non auxiliatus fuerim?

Nec manifestarunt dies crimen a me commissum, ut animi tranquillitas in disjunctione possit ostentari.

Vitium tu nullum, gratiae sint deo! in me offendisti clandestinum aut apertum. Quomodo tibi ergo facile esse potest, me ex oculis tuis removere ut fabri abjiciunt schidia?

Et quid potuisti, me spernendo, te ipsum humiliare? Nam vendor sane ut merces aut supellex.

Nonne ego existimationem meam ab hoc (contemptu) custodivi, ut sermones tuos, quo die serio constituebatur separatio?

Dixisti: profecto! quicumque licitetur hunc equum, nec commodatur, nec venditur. Equidem haud minoris sum quam ille equus generosus, indolem sed tuam superat illius indoles;

Praeterquam quod ego, cum vendar, canam: perdunt me, at qualem perdunt juvenem!

Istis versibus auditis intellectoque sermone senex, altum postquam traxerat suspirium et ita lacrimarat, ut alienis etiam lacrimae oborirentur, filii, dixit, loco

hunc juvenem habui et, nisi vinum me defecisset et extincta esset lampas, nunquam reliquisset nidum meum, usque dum secutus esset feretrum. Iam video quantum eum incessit doloris, et medius fidius! lenis et placidus homo est. Visne ad consolandum cor ejus et propulsandum dolorem mecum pacisci, ut emtionem rescindas, quando te precaturus sim, nec grave habeas, quando tibi molestus fuerim? Nam in historiis selectis, a fidis auctoribus in syntagma redactis, legitur: qui mercatum cum fratre initum remittit, ei deus remittit peccata sua. Pudore coactus, quamvis multa corde volutabam, promisi. Iuvenis ibi propius accedens frontem senis exosculabatur, qui lacrimis ex genis libere delabentibus cecinit:

Tranquillo sis animo! caput meum pro te devoveo, quodcunque molesti doloris
et miseriarum subeas,
Haud longum est discessus spatium, nec remoti renovandae conjunctionis cameli,
Ope grata potentissimi creatoris!

Adjecit: trado te optimo domino, et sublata amiculi lacinia abiit. Iuvenis autem perseveravit in gemitu et ejulatu donec, milliariis spatio emenso, rediens ad tranquillitatem, sedato lacrimarum fluxu, ita me compellavit. Scisne cur flevi et quam ob causam ejulavi? Reposui: discessum a domino te, ut fleres, cominovisse credo. Ille contra: ego sum in fluvio et tu etiam in fluvio es; vestrum autem alter piscator, alter praeda; dein cecinit:

Non fleo, per deum! propter amicum diremtum, nec propter amissa delecta-
menta et gaudia,
Sed lacrimarum fluxus ex genis profunditur ob occultum ejus obtutum, si quando
eum in re quadam figit;
Quem scilicet abdit, dum perfecit et (socius) perdiderit sculptos, candidos,
splendentes.
Vae tibi! nonne hi oculi caesi tibi indicarunt, me liberum esse, quem ven-
dere vetitum?
Cum praeterea et nomini Iosepho indicium inest clarum?

Dixit; et assimilavi verba ejus per contradictiones ludentium et jocantium methodo; ille vero indurescens, more veridici, mundabat se a luto servitutis. Circumvaga,

bamur ergo in rixa, quae ad alapas usque progrediebatur tandemque in iudicium procedebat. At iudex, cum statum rei luculenter exposuissemus, suratamque nostram praelegissemus, dixit: nonne, quite commonefecit, excusandus est, et qui te cavere iussit, indici aequiparandus? Sane, non defuit officio suo, qui edocuit! Ex iis enim, quae commemorastis, clare prodit, juvenem quidem monuisse, te vero non abstinuisse, sincerumque tibi illum dedisse consilium, te vero non servasse. Tege igitur et occulta stupentis cordis morbum, nec illum, sed te ipsum reprehende. Cave autem ei inhaereas cupiasque eum possidere servum, qui liberae cutis nec exponendus est venditioni. Nam pater ejus heri ante solis occasum eum adduxit et propaginem a se emissam, quemque non alius quam ipse possideat, confessus est. Interrogavi: an novisti patrem, quem deus affligat? Reposuit: quasi ignorari possit Abu Said, quem impune licet convitiis adspargere, de quo delatum est ad omnes iudices, qui cum nullo non habuit negotia. Tum ego incensus ira nonnisi in Deo auxilium esse exclamavi et, cum jam aufugisset tempus, quasi ex delirio redii, certus, vittam illam fuisse rete fraudis et domum venationis. Et demittebatur visus meus ob id quod expertus eram, juravique non amplius negotia habere cum capistrato, quamdiu essem victurus, nec desinebam lamentari ob emtionem frustratam et ignominiam inter sodales. Ad quae iudex, videns iram meam et excandescitiae ardorem, haec effatus est. O vir! quod perdidisti peculii tui, monitor tibi est; nec crimen erga te commisit, qui te expergefecit. Sapientiam igitur hauriens ex eo, quod in te ingruit, cela hunc casum amicos tuos, semper tamen mali, quod te obruit, memor, ut recordatio tuos tueatur nummos. Ac indue mores viri, qui, patiens cum tentatur, positum ob oculos exemplum probe considerat. Quibus dictis eum valere jussi, indutus veste pudoris et tristitiae, trahens syrma animi stupidi et falsi, instituique Abu Saidum aperte prosequi convitiis, et in aeternum me ab eo separare. Proinde evitabam latibulum ejus et recedebam ab ejus adspectu, donec me oppressit in via angusta et salute propensi impertivit. Ubi ego nihil aliud, quam austero vultu prospicere et tacere. Sed ille, quid, inquit, tibi venit in mentem? Nasum extollis supra socium tuum? Regessi: oblitusne es, quod decepisti et fraudasti, et patrastis facinus tuum, quod patrastis? Tunc increpuit ore subsannans et recitavit me reconciliaturus:

O tu! qui vultum avertis succensens et austerus,
Et reprehendens plumas subdis sagittis,

Dicisque: num liber venditur ut venditur niger?
Parce! nam non primus id feci, ut opinaris,
Iam ante vendiderunt Iosephum Iacobitae, at quales illi!
Praeterea juro per domum, ad quam iter dirigit religiosus,
Et per ambeantes dispersis antiis macilentos,
Quod non suscepi hoc negotium ignominiosum, dum supererat drachma.
Excusa igitur fratrem et abstine vituperare more insipientium.

Adjecit: excusatio quidem mea jam patet, tuae autem monetae periernit.
Quod si me horres et a me deflectis, nimium tristis ob amissos nummos, scias velim,
me non esse eum, qui mordeat bis et binas calcare faciat prunas; sin animum applicas,
morem gerens avaritiae, ut vindices, qui retribus meis inhaeserunt, obolos, deplorentur
a plorantibus technae tuae. Dixit Haret Hammamita: hoc sermone suo decipiente et victo-
riosus praestigiis suis coëgit me, ut in sinceram cum eo amicitiam redirem, meque
ei benevolum praeberem. Post tergum itaque jeci facinus ejus quamvis execrabile.

S c h i r a s e n s i s .

Narravit Haret Hammamita. Cum ambularem Schirasi, offendi praeconem,
qui praetereuntes, properantes licet, sistebat, et praeterire nec ego potui, sed, ne pas-
sum quidem ultra progressus, ad eum deflexi exploratum, quae sit gemma indolis,
et an pro floribus specie fructus se habeat. Et ecce singuli eum circumdabant, plu-
ribus ad eos confluentibus. Cum autem festivo frueremur sermone, laetiore quam
pulchrarum cantus puellarum, jucundiore quam lac uvarum, oppressit nos lace-
ratis indutus vestes, qui duas fere aetates pervixisse videbatur, lingua haud impe-
dita salutans, et diserte instar disertissimi alloquens. Cum vero amicali cingulum

arctius adtraheret, ut solent concionaturi, populum quidem ob laceras vestes contemtus invasit, oblitum, quemque in duabus rebus suis minimis spectari virum (corde et lingua). Proinde ad demonstrandam eloquentiam provocare, lignumque ejus vilissimis quibuscumque lignis accensere coeperunt, dum hic ne verbum quidem prodebat, nec ullam ostendebat sui notam, donec ingenia eorum perspexerat, praeponderante aequae ac levi cognito. Tandem vero, cum, quae occultabant, eliciisset, et quae abscondebant, in liquidum produxisset, ita locutus est: O homines! si scissetis sub operculo vinum latere merum, non contempsissetis laceras vestes indutum, nec ei boni quid inesse prorsus negassetis. Simul doctrinae suae fontes et eximias sui notas promanare sivit, quae singularem excitabant admirationem, dignae, ut auro liquefacto scriberentur. Dein vulnerato omni pericardio, omnibusque cordibus ad ipsum attractis, movit ad abitum et paravit discessum. At congregata multitudo, a lacinia ejus se suspendens, cursum fluctus inhibuit, in quiens, tu poculi tui notam nobis ostendisti, jam fac cognoscamus et ampullae plenitudinem et medullam. Hic ille tacere, ut quem moeror suffocat, dein ejulare adeo, ut misericordiam moveret. Continuavit referens. Ita cum lac vix mixtum et jam coagulatum, artemque ac in scopulo feriendo fortunam Abi Saido consuetam animadverterem, accuratius senem consideravi, macore vultus et tenuitate faciei utens indicibus; et re vera ille erat ipse. Tamen hoc secretum occultavi ceu morbum intestinum, et, quamvis ille non opinabatur, fraudem texti. Ejulatu demum finito, se a me cognitum esse intellexit et ridibundo me adspexit oculo, tum flebili voce haec effatus est.

Dei imploro misericordiam, submittens memet ob peccata, quibus tergum meum oneravi!

O homines! quot ego vetustos, obesos, optimis adtributis praeditos, occidi in rorantibus (pratis)!

Nec timui possessorem, qui exigeret talionem aut pretium,

Semper, cum peccatum perfecissem, judiciis me subtrahens.

Nec evigilavit anima ex errore, pertinax in occidendis illis,

Donicum apparens in vertice canities me prohibuit.

Ex quo enim incanuerunt tempora, nec vetustioris, nec junioris unquam fudi sanguinem.

Nunc autem, quo me videtis, statu et sorte tristi versor,

Possidens puellam quae, postquam diu domi mansit innupta et seclusa, amorum
fere praeterlapso tempore,

Tamen expetitur matrimonio, ut pudica, quae virum possit laetare, solet expeti.
Sed, si gratum facere volo, minus centum drachmis ei dotandae non sufficiant,
Cum manus mea ne unam quidem contineat, terra sterilis, coelum nubium
expers sit;

An ergo quisquam me juvet, ut eas afferre possim, puella comitatas delectabili,
Et purget curas smegmate suo meas, et cordis affligentes cogitationes,
Et gratias meas promereri studeat, cujus emaciatur paene precibus facies?

Dixit; nec quisquam ex multitudine restitit, qui non largitus esset et beneficia sua in eum profundisset. Quare prosperata petitione et drachmarum centuria completa, gratias egit, felicitatem apprecans, et a crure discessuro sustulit laciniam. Ego vero secutus sum, scire cupiens, quamnam puellam in gynaeceo suo educarit et quosnam rerum suarum initio interfecerit. Ibi ille, quasi celeritate, qua surrexeram, edoctus esset de desiderio meo, appropinquavit ad me et, intellige, inquit

Amice! occidere, de meae sortis homine dictum, significat vinum miscere; non
occido dente acuto aut gladio.

Quare diu in domo retenta virgo filia est vitis, non virgo ex filiabus nobilium;
Quam quidem ut in scyphum et poculum immittam surrexi, ut vidisti, et jam
residebo.

Adverte quae dixi, et pro arbitrio tuo, si vis, ignosce aut vitupera.

His addidit: ego sum homo per ebrietatem nocens, tu contra pusillanimis;
magna ergo inter nos est differentia. Tum valedixit et abiit, relicto mihi in viaticum adspectu amorem prodente. —

M a l a t i e n s i s .

Narravit Haret Hammamita. Procumbere feci Malatiae camelam separationis et pera mea plena erat aureis. Ex quo autem illuc diverteram, assumseram consuetudinem adaquandi ad aquas laetitiae et venandi fugaces bellas (divulgatas per regionem fabulas), nec me fugiebat quod gratum auditu esset aut visu, nec vacuus erat a me locus lusus aut gaudii; usque dum non superesset negotium in ea (urbe) nec desiderium ultra in ea commorandi; serio erogavi pecuniam, ut emerem ad iter necessaria. Quod cum perfecissem, et parata essent jumenta, quibus opus erat, vidi novem viros, qui emto vino ascenderant collem; lenitas eorum erat compes oculorum, delectatio erat dulcedo verborum. Accessi ergo ad eos, cupidus conversationis, non vini, et appetens congressus, non poculi; et cum illis insertus essem decimus, additusque socius, inveni eos filios diversarum matrum, desertorum peragratore, nisi quod cognatio urbanitatis eos conjunxerat ut generis cognatio, paremque inter eos fecerat dignitatis gradum, ut splenderent instar astri geminorum, aut camelae, cujus omnes proportionales sunt partes. Et laetitiam mihi creabat accessisse ad eos, et commovebar ad laudandam constellationem, quae me adduxerat, incepique meas sagittas cum ipsorum versare, sanitatem petens ex odore ingenii eorum, non vini. Usque dum eo pervenimus, ut aenigmata proponeremus vicissim, ut si, intendens ut respondeatur Karamata, honores, interrogas, quid est simile Naumu fata, somnus praeteriit? Et exorsi sumus retegere hallucinationem et hebetudinem visus, et decerpere spinas et fructus. Dum vero explicabamus vestes novas et tritas protrahebamusque pingue et macrum, venit ad nos senex, cujus jam abierat forma et color, residua erat experientia et scientia, et simulavit se spectatorem et auditorem, qui colligeret quod nos spargeremus; excussis vero crumenis nostris et manifesta desperatione, cum videret nihil producere haurientem et descendentem, colligens syrma et occiput nobis advertens, dixit: non omne nigrum est dactylus, nec omne rubicundum est vinum. Et adhaesimus ei ut lacerta ramis, prohibuimusque cingentes a tractu in quem tendebat,

regerentes: medicamentum scissi est ut consuatur, si non — vindicta erit vindicta; nec in animum inducas tuum, conviciis vulnerare et amplam facere rupturam, tum abire. Flexit ergo habenam rediens, tum loco suo decubuit firmiter et dixit. Quod si me scrutamini disputatione, judicabo ut judicavit Salomo de sato. Scitis velim, praediti ingenio liberali et crumenis aureorum plenis: si proponuntur aenigmata, ut examinentur ingenia et eliciantur abstrusa, horum lex est, ut sint vocabula sibi vere respondentia, significantia, eruditasque continentia elegantias; quod vero excedit hunc ordinem, aequiparandum fructui deciduo, nec inditur canistro; et jam vidi vos non servasse hos fines, nec distinxisse verum a falso. Diximus: veritatem locutus es; admetire ergo nobis de similia tua undasque tuas in nos redundare sinas. Reposuit: faciam, ne dubitent fidem abrogantes, nec cogitent de me quaslibet cogitationes. Tum accedens ad virum prae ceteris spectabilem inquit:

O tu, qui maximo es acumine in distinguendo, remque acu tangis!
Quid respondet meae enuntiationi: Gua (Umidda) Bisâd, fami (succurritur)
commeatu?

(Solutio: Tawa i. q. Gua et Mir i. q. Sâd; utrumque conjunctum efficit Tawamir, volumina scriptoria.)

Secundum arridens cecinit:

O tu, qui virtute praecellit, nec macolatur ignominia!
Quid simile dicto aenigmata proponentis: Sahron (Azabat-hu) Ainon, tergum
(quod feriit) oculus?

(Sol. Mata i. q. Sahr et Ain i. q. Ain; utrumque conjunctum Mataain, qui hasta confodiant hostem.)

Tum tertium adspexit dicere ordiens:

O tu, cujus ingenii partus similes sunt nummis probatis!
Quid simile, si cui diceres: Zâdafa Gâisa, offendit truncum?

(Sol. Alf i. q. Zâdafa, Asâlet i. q. Gâisa; utrumque conjunctum Alfâsâlet, sphaerula media monilis.)

Tum collum flexit ad quartum inquires:

O tu, qui elicit absconditum aenigmatum arcanorumque animi conceptuum!
Age, explica mihi, quid simile dicto: Tanawal Alf Dinâr, accipe mille denarios?

(Sol. Hd i. q. Tanawal et Diet i. q. Alf Dinâr; utrumque conjunctum Hadiet, dux gregis vel donum.)

Tum obtutum suum defixit in quintum et dixit:

O tu ardens ingenio, frater acuminis conspicui!

Quid respondet dicto Ahmala Haljet, missum fecit ornatum? Explica, si:
recta es via, et festina.

(Sol. *Alra* i. q. *Ahmala* et *Schiet* i. q. *Hiljet*; *utrumque conjunctum Alrhdshiet, tegmentum ephippii vel dies judicii.*)

Tum respexit sextum dicens:

O tu, cujus metae attingendae currentium passus impares sunt debilesque!

Quid simile dicto: Acsaf! Acsaf! abstine! abstine!—?

(Sol. *Mah Mah* i. q. *Acsaf Acsaf*; *utrumque conjunctum Mahmah, desertum longe lateque patens.*)

Tum occupavit septimum aenigmate dicens:

O tu, cujus clare patet intellectus et manifestus est altus acuminis gradus!

Elucida, qui nunquam diserte explanandi facultate non gavius es, quid simile dicto: Alschakik aflata, frater aufugit?

(Sol. *Alach* i. q. *Alschakik*, *Tara* i. q. *Aflata*; *utrumque conjunctum, Alachtar, pericula.*)

Tum octavum audire jussit, dicens:

O tu, cujus virtutis horti humectatos rore habent flores nitentes!

Quid simile, si diceres aenigmata proponenti: aenigmatum possessor Ma achtara fidhdhet, non praehabuit argentum?

(Sol. *Abd* i. q. *Ma achtara* et *riket* i. q. *fidhdhet*; *utrumque conjunctum Abdriket, funes bicolores, oculi.*)

Nonum deinceps acuto obtutu petivit dicens:

O tu, in quem digitos intendunt ob animum ingenuum et excellentem scientiam!

Expedi nobis, quid simile dicto: Dus Gamdet, occulta scientiam?

(Sol. *Td* i. q. *Dus* et *Fiet* i. q. *Gamdet*; *utrumque conj. Tafset, uva.*)

Perrexit referens. Et cum venisset ad me, concussit humeros meos et dixit:

O tu, qui tenes sarcasmos; quibus angis adversarios et confodis!

Facundus es explicator; profer igitur simile dicti: Chali uskut, avuncule mi tace!!

(Sol. *Chali* i. q. *Chali* et *Zah* i. q. *uskut*; u. e. *Chalazah, sincera amicitia.*)

His effatis adjecit. Iam ego sitim vestram restinxi, vosque pavi. Si vero vultis, altera vice vobis potum praebebo. Dixit; et cepit nos vehementia sitis, ita ut peteremus, altera vice nobis bibendum daret. Respondit: ego non sum, uti qui aliunde acceptum dat socio, nec ut ille, qui nonnisi in cute pinguedinem habet. Rediens ergo ad primum inquit:

O tu, cujus, cum obscura videtur abstrusa sententia, solvunt subtiles cogitationes!
Si quando aenigmata proponens dicit: Chud Tilk, teneas hoc, quid huic dicto
revera simile?

(Sol. Ha i. q. Chud et Tilk i. q. tilk; u. e. Hdtlk, teneas hoc.)

Dein conversus collo ad secundum:

O tu, cujus apparuit facundia, virtutem revelans tuam!
Quid simile proverbio: Hamar vahsch Halijā, onager ornatus?

(Sol. Ferd i. q. Hamdr vahsch et Šn i. q. Halijā; u. e. Ferasin, pl. vocis Firšan, regina
in latrunculorum ludo.)

Tum oculi nictu innuit tertio, dicens:

O tu, qui es virtute et ingenio ut Asmaī!
Quid simile esset dicto tuo: Anfak! Takmah! eroga, repelle!?

(Sol. Mun i. q. Anfak et Takim i. q. Takmah; u. e. Muntakim, ulciscens.)

Porro quantum apertis oculis intuens:

O tu, qui, quando difficile carmen obscurum est, tenebras illustrat!
Quid simile dicto: Istanschi Rih Madamet, odorare vini odorem?

(Sol. Ruk i. q. Istanschi Rih, et Rāh i. q. Madamet; u. e. Rukrah, ampla bonis vitu.)

Tum furtim adspiciens quintum dixit:

O tu, cujus procul abest mens, ut ad sollicite cogitandum lenteque responden-
dum adigatur, aut ad haesitationem adducatur!

Quid simile dicto: Rhatt Halka, tege perditos!?

(Sol. Zm i. q. Rhatt et Bur, pl. vocis Bāir, i. q. Halkā; u. e. Zambur, palma solitaria,
calamitas.)

Nec non sextum adiit et cecinit:

O frater intellectus, in quo tua dubium omne superat perfectio!
Noctu quis pauxillum profectus est, Sāra Billāl Muddet, quid huic
dicto simile?

(Sol. Sard i. q. Sāra et Hm i. q. Muddet; u. e. Sarahin, plur. vocis Sirhan, idiom. Hudeil.
lupus.)

Dein convertit oculos ad septimum, dicens:

O tu, qui ornatus es intellectu, cujus inter homines perennat mercatus!
Tibi est elucidandi facultas; quid ergo simile dicto: Ahbab furukahu, ama
separationem ejus?

(Sol. Mik i. q. Ahbab et Lah (*paver proprie*) i. q. Furuk; u. e. Miklah funda.)

Octavum adiit canens:

O tu, cujus virtus ad cacumen pervenit, omnia superans cacumina!
Quid simile dicto: Aethi ibrikan ialuh brhair Urvet, da splendens guttur-
nium sine ansa!?

(Sol. Uss i. q. Aethi et Cub i. q. Brirk etc., u. e. Uskub, ocrearius.)

Iam leviter arrisit nonum dicens:

O tu, qui amplecteris haud dubie optimam scientiam et elucidandi facultatem!
Quid, si aenigmatibus tecum concertanti, prudenti, diceres: Althaur Mulki,
bos est possessio mea, huic dicto esset simile?

(Sol. Allai i. q. Thaur et Li i. q. Mulki; u. e. Allai, utensilia, res domestica.)

Postremo vola apprehendit manicam meam inquires:

O tu, qui intellectu dubia penetrante et sideris tui luce excelsus es!
Quid est simile sibilo labii, Zafir Gahfilatin? Explica hoc perfecte explicans!

(Sol. Mukh i. q. Zafir et Sehafet i. q. Gahflet; u. e. Mukashifet, detectio.)

Perrexit referens. Et cum nos exhilaravisset eo, quod audiveramus et cupe-
remus expositionem, diximus ei: non sumus ex equis hujus lippodromi, nec manus sunt
nobis ad solvendum hunc nodum; quod si tu explicaveris, gratum nobis feceris,
si vero celaris, moerore affeceris. Hic substitit paullum, binas suas voluntates con-
sulens sagittasque suas versans, usque dum ei placuerat dare, quod petiveramus.
Mox ad coetum accessit sic faciens verba. Docebo vos quod nescivistis nec cogi-
tastis vos edoctum iri; jam igitur vestris illigate memoriis et exornate his floribus
prata vestra! Interpretationem aggressus rubiginem ingeniis nostris detraxit, si-
mulque evacuavit manicas, ita ut intellectus noster sole clarius luceret, manicae
vero fierent, quasi heri non fuissent. Cum autem fugam pararet, de mansione
querens et suspiria trahens ut liberis orbatuſ, haec effatus est.

Omnis pagus mihi est patria et ampla in eo mansio;
Nisi quod cor Serugi amore flagrat, ejusque desiderio teneor.

Haec est terra mea virgo, hic ather, unde flavi (ortus sum).

Ejus prati desiderio, prae omnibus aliis, ardeo;

Praeter hoc non aliud mihi suave, nec aliud, quamvis dulce, dulce est.

Perrexit Haret Hammamita. Dixi sociis meis: ille est Abu Said Serugensis, cujus eloquentiae pars sequor aenigmata sunt; et incepti eis describere pulchritudinem oratae ejus orationis, quamque obsequentem habeat linguam. Tum me converti et en! iam ille abierat et cum lucro suo evaserat. Mirati ergo sumus de facto ejus, nescii quo terrarum tetenderit.

T a n i t i c u s .

Narrat Haret Hammamita. Fervente juventute mea morem gessi affectibus amoris, nec desii confabulari cum mollibus cervicem, et aures praebere suaviter modulantibus. Tandem vero, adveniente monitore et aufugiente florida aetate, magno latus sum appetitu ad rectam et consideratam vitam, poenituitque me eorum, quae deliqueram contra deum. Incepi igitur malos mores benefactis luere et caespitationes corrigere, antequam excederem e vita; ac transii a matutina visitatione tenellarum foeminarum ad conversationem cum probis, et a conventionem cum fidicinis ad frequentandos pietatis studiosos, juravi me non futurum socium alii, quam recedenti ab errore, cujusque animus solutus rediisset in plicam; quod si inveniebam effrenatum, diuque dormientem, removebam domum meam a domo ejus, fugiebamque a scabie ejus et infamia. Cum autem peregrinatio me projecisset Tanim, traduceretque synagogam ejus laetificam, vidi in ea hominem indutum veste lacera, circumdatum hominum circulo conferto, spectatoribusque arcte consertis, declamantem firmo pectore et voce clara: Miser est filius Adami (homo), et quam miser! Nititur in mundo nullo firmo fulcimento, apprehendit sustentacula fallentia, mactatque amore ejus sine quiete. Occupatus est ut negligat se, aet ad miseriam

suam, acquirere studet, quo possit gloriari, nec procurat quae necessaria sunt mundo futuro. Iuro per eum, qui libere dimisit maria, splendere fecit lunam, extulitque dignitatem duorum lapidum! si homo intelligeret, sane eum poeniteret, et si reputaret facinora perpetrata, sanguinem fleret; si reminisceretur retributionem, quod omisit assequi studeret, et si perpenderet redditum ad deum, facinoribus malis bona substitueret. O miraculum miraculorum, qui se praecipitem dat in gehennam colligendo aurum, et reponit opes cognatis! Et o transcendens maxime mira mirum, quod te monet tinctura canities, vocatque sol tuus occidens, necdum permotus es ad poenitentiam et vitiorum emendationem! Tum progressus est ad recitandum, modo in rectam viam ducentium.

Vae illi, quem sua monet canities, et infixus haeret erroribus juventutis,
Caecus currit in cupiditatis ignem, postquam debilitate jam tremere inceptit,
Prolongatque ludum renovatque, calcans quodcunque instraverit strator;
Non reveretur canitiem, cujus astra prudens non vidit sine conturbatione,
Nec se cohibet ab eo, quod interdicat prudentia, nec curat famam lanari!
Ille si moritur — eheu sit procul! si vivit, similis est non viventi.
Nil boni in vita hominis, cujus odor (fama) ut mortui, post decem dies effossi.
Euge vero cujus fama bona pulchre splendet, ut vestis acupicta!
Dic ei, quem peccatum suum vulnerat: periisti o miser, nisi spinam extrahis,
Et sinceram agis poenitentiam, extirpasque, quod peccatorum nigrorum tibi infixum est;
Conversare cum hominibus bene moratis, benigneque tracta levem mente et constantem;
Pluma alam generosi, si fortuna eum velit; non est qui prodesse non possit;
Auxiliare afflicto injuria et, si non potes adjuvare, fac consolers;
Erige, si quis te advocat, qui cecidit, forsitan illo die resurrectionis sustentaberis;
Et cape poculum admonitionis, bibeque, ac liberaliter propina redundans illi, qui sitit.

Dixit; et cum finisset sermonem ad lacrimas commoventem, recitassetque versus, surrexit juvenis jam robustior nudavitque corpus inquires: O intellectu praediti, qui diligenter audivistis admonitiones ab illo recitatas, percepistisque doctrinam ad viam rectam ducentem! Qui eam accipere futurumque tempus sibi prosperare vult, is mihi benefaciendo manifestet studium suum, nec deflectat a me donis

suis. Per secreta scientem omnia et condonantem perseverantiam in peccatis! secretum meum videtis, quamvis vultus meus postulat, ut recondam. Adjuvate me ergo, quibus datum est auxiliari aliis! Dixit; et senex sermones habuit corda hominum juveni propensa facientes, facilitavitque petiti assecutionem, ita ut tandem scaturiret fons ejus, nudumque desertum luxuriaret herba. Cum autem impleta esset crumena, laudans Tanim in cursum effusus est. Seni quoque non placuit ultra manere, sustulitque manus ad precationem, tum se convertit ad abitum. Perrexit referens: Et correptus desiderio eum explorandi solvendique ejus arcanum, secutus sum currentem recta via, nec rumpentem velum silentii firmiter consutum. Cum vero, securus ab inopinato irruente, copiam mussitandi consecutus esset, inflexo ad me collo suo, salutansque salute hilaritatis, dixit: complacuitne tibi acumen hujus juvenis? Respondi: per fidum et tutantem deum! Perrexit: ille est puer Serugensis senis, producentis margaritas e profundo maris. Regessi: juro te esse arborem fructus et flammam scintillae ejus! Quam conjecturam affirmans sagacitatemque laudans interrogavit: domusne est, quam celeriter attingere, ibique una poculum rufi vini bibere possimus? Illic dixi: vae tibi! homines pios esse jubetis et obliviscimini animas vestras? At diduxit os, ut diducere solet ridens, transiitque haud litigans. Tum ei visum ad me redire meque allocutus est: serva haec a me praeceptore dicta:

Pelle moerorem mero vino, tranquillaque pectus, nec excruciare aerumnis!

Te reprehendenti vero, quod abigis curas, dic: sufficit, jam oscito.

Tum adjecit: equidem nunc abibo, ubi haurire possim potum matutinum et vespertinum. Quod si societatem inire non vis, sed reprehendis eum, qui boni est animi, tu mihi non es comes, nec tua via mea est. Fac igitur me missum et devita, nec perscrutare de me, nec sciscitare. Hinc se convertit ad fugam, nec respexit. Dixit Haret Hammamita: ego vero flagrabam ira ad discessum ejus, cupiebamque, ei ne occurrissem. —

HARIRII BAZRENSIS

**NARRATIONUM, CONSESSUUM NOMINE
CELEBRATARUM,**

PARS MAXIMA.

EX ARABUM SERMONE IN LATINUM TRANSTULIT

EDIDITQUE

CAROLUS RUDOLPHUS SAMUEL PEIPER,

DIACONUS ECCLESIE EVANGELICE CERVIMONTANÆ.

CERVIMONTII,

TYPIS CAROLI GUILIELMI IMMANUELIS KRAHNII.

MDCCCXXXII.

FULGENTISSIMO IN ERUDITIONIS ORIENTALIS COELO SIDERI:

GUILELMO GESENIO,

PHILOSOPHIE ET THEOLOGIE DOCTORI, HUIUSQUE ET LINGUARUM ORIENTALIUM IN
UNIVERSITATE REGIA, BORUSSICA, HALENSI, PROFESSORI PUBL. ORD.,
ETC. ETC.;

JOSEPHO DE HAMMERO,

AULÆ CESAREÆ, REGIÆ, AUSTRIACÆ, CONSILIARIO ET INTERPRETI VERE FUNGENTI,
ORDINUM LEOPOLDI, ST. ANNÆ II. CLASIS, ET DANEBROGI EQUITI,
ETC. ETC.;

ERN. FRID. CAR. ROSENMUELLERO,

PHILOSOPHIE ET THEOLOGIAE DOCTORI, HUIUSQUE ET LINGUARUM ORIENTALIUM IN
UNIVERSITATE REGIA, SAXONICA, LIPSIENSI, PROFESSORI PUBL. ORD.,
ETC. ETC.;

V I R I S

AMPLISSIMIS, NOBILISSIMIS, SUMME REVERENDIS,
DE ORIENTIS LITTERIS MERITISSIMIS ET IN DIEM
MERENTIBUS,

AMOREM ET VENERATIONEM TESTANDI CAUSA,

HAB

A TIGRIDIS ORIS FRONDES,

MAXIMA, QUA PAR EST, OBSERVANTIA

OFFERT

E D I T O R.

I n d e x.

Hoc, quod coram est, volumen, revera *Hariri* concessum, quos *Samachcharius*, inclytus philologus arabe, commentarii in Coranum, de theologia scholastica scriptorum, anthologiar, duorum lexicorum, laudati carminis, aliorumque librorum, auctor, mortuus anno Hegirae DXXXVII, Salutis Christo Partae MCXLIII, auro scribi dignos iudicavit, partem maximam. Excepto quippe totius operis precibus auspiciato praeloquio, omnes complectitur eos, qui nec ad eam ab *Alberto Schultensio*, ante centum annos, a. MDCCXXI et sequentibus eum textu arabico et copiosiore explicatione editos pertinent, nec in Decade, anno praeterito a me edita, reperiantur. Atque in his etiam vertendis ita versati sumus, ut, quoad possemus, auctoris vestigia diligenter sequeremur, nihilque praetermitteremus, mutaremusve; nisi quod paucis in locis durioribus phraibus et vocibus, tales substituimus, quae pudori magis convenirent, et de explicationibus, ab *Hariri* manu adjecta, ea rescaramus, quae arabico tantum legi debent; firmiter ob oculos habentes expositum in limine Decadis consilium, ad lectionem hujus libri arabici, qui, quamquam hic, ibi, argumenta tenuiora et indicia tractat, pro thesauri eruditionis arabico merito habetur, et non raro poetas occidentales, vel optimos, sensus veritate et splendore longe superat, viam muniendi versionem, quae commentarii instar esset *); et speculum quasi condendi, quod geminum illius colorem, quantum pote, representans, ad intelligenda etiam Sacri Codicis scripta conforret. Quali quidem consilio, uti recto insuit, in praefatione ad editionem *Hariri* eam, clarissimus *Syfoctrius de Sargo*, illo uno opere sempiternas gratias meritis, haud solvenda difficultates obstant, si quis, omnia externa orationis ornamenta imitaturus, lingua vernacula uti vellet; quamquam ingeniosus *Fridericus Rueterius* in transfunderda parte quondam felicissime hac via incensit. Sed ingrato rhythmos enuntiationum finales, versuum pedes, orationes retrogradas, paronomasiae, ceteraque ejusmodi artificia reddendi, labore, praeterquam ubi similia in prompta essent, rejecta, sensui potissimum exponendo studuimus, et hoc in negotio ut majore cum libertate versari possemus, linguae latinae est donum, qua docti de omnibus rebus apertius loqui a prima plerumque juventute soliti sunt, nec adeo metuendum est a vulgi abusu, aut ignorantium, antiqua et peregrina ad nostrum morem gustumque exigentium, immeritis calumnia. Eo tantum verso hic obis ab illis in Decade differt, quod viri cujusdam praecleari amicam sententiam secuti, textui saepius notas substruimus.

*) Quae commentarii perpetui species est brevitati maxime accommodata. A. G. a Subj. ad Hilo. p. 100. Daner, MDCCXXXIX.

Quarum etiam plura, easque ampliores, dare voluissimas atque, vel solo *Sylvestrii de Sacy* locupleti commentario adjuti, potuissimus, nisi parcendum fuisset chartae, optinonque defectus remedium videretur addenda alio tempore, condonantibus commissa errata lectoribus, nec nimis infesta, adnotationes continens appendix. Ordinem, quo singuli hic occurrant consensui, qua pagina incipiant, et quid argumenti tractent, qui scire cupiverit, ei hac inservire volumus enumeratione.

Barcaldensis, in libro arabico VII, narrat, quomodo Abu Seidus, coecitatem simulans et vetula ductus, schedulis inscripta petitione in sacario mendicatus sit et, ab Hareto detectus, eraserit.

Mairrensis, VIII, p. 4, monstrat Abu Seidum et filium ejus coram judice disceptantes de serva et servo, quorum personis allegorico designantur acus et specillum oculare.

Alexandrinus, IX, p. 7, statit Abu Seidum, a conjuge accusatum, quod falso praetendens, se margaritas nectendi artem exercere, suppellectilem illius dilapidaverit, eoque se excusantem, quod margaritis intenderit elegantia verba.

Rachbensis, X, p. 11, ostendit, quomodo Abu Seidus indicem quendam deceperit filium, quem, tanquam peregrinum, nati sui interfectorum detulisset, forma captum.

Savensi, XI, p. 14, Abu Seidus orationem habet fanebrem; tum, modo Muhammedanis illicito, genio litat.

Damascono, XII, p. 17, idem ille, proficiascintum catervam amuleto, cujus verba per somnum menti ejus inspirata essent, tinctus, bacchantium tabernis vitae laetae inopes canit.

Bagdadensi, vel Barhaddensai, XIII, p. 21, ille sub persona vetulae, pueris peregrinis, quasi suis, circumdatus, ostentum habet, qua omnium corporis partium nomina metaphorice adhibentur sensu.

Mcikensai, XIV, p. 21, ipse pulchris versibus a peregrinatoribus petit jumentum, filius cibum.

Haereditario, arabico Fardhija, XV, p. 27, respondet Abu Seidus ad quaestionem, ad jus haereditarium pertinentem, et in cholera m fere ruit deglutienda, quae allegorice descripsit, cibis.

Mauro, XVI, p. 32, dicta idem ille prosaica et versa pronunciat, quae non sunt absurda, si invertuntur.

Nisibeno, XIX, p. 26, conspicimus Abu Seidum reconvalescentem, viantes amicos hospitaliter excipientem, metonymia quoque indistentem Tofciliticis, i. e. comessatoribus usitatis.

Rajensi, XXI, p. 39, gravi primo oratione populum monet; altera deinde principem excitat, qui injuriis praefecti indulgisset.

Euphratico, XXII, p. 43, Abu Seidus exponit discrimen calculatoris et scribae, reprehenditque praepropere et e vestitu de hominibus judicium ferentes.

Panocerio, arabice Harimija, XXIII, p. 46, filium accusat, quod tertium singulorum carnis ejusdem versum, sit furatus partem; tum cum illo certat, socio assumpto in pangendis versibus, paronomasiis distinctis.

Feudali, arabice Kathi'ja, XXIV, p. 52, etiam Grammatico dicto, quaestiones ab illo proponuntur grammaticae.

Athvaseni, arabice etiam Rarta, XXVI, p. 57, praefectus Tusensi epistola laudatur pantherina.

Samarcandensi, XXVIII, p. 61, Abu Seidus habet orationem sacram, sponsam, sic dictam, sine macula.

Vasithensi, XXX, p. 65, ille, oratione habita nuptiali, auditores sarcotico sopitos expulsiat.

Tyria, XXX, p. 71, Abu Seidus oratione nuptiali in xenodochio pauperum habita iungit mendicum et mendicam.

Ramlensi, quem I nota insignivi, in libris arabicis XXXI, p. 75, Abu Seidus inquitur de recto peregrinationes sacras instituendi modo.

Harbensi, XXXII, p. 79, Abu Seidus, iuriconsulti vicem sustinens, centum quaestiones e iure Mohammedannarum canonico, verborum amphiboliis intricatas, solvit.

Marvensi, XXXVIII, p. 88, prosa et versibus commendat liberalitatem.

Omanensi, XXXIX, p. 92, Omanum ille profectus, scribit amuletum, quo allevatur et ad exceptatum finem perducitur mulieris parturientis labor.

Taurisensi, XXXX, p. 96, Abu Seidus et conjux ejus, coram tribunali disceptantes, convitiis ac iavicem adspargunt, facundiam et eruditionem redolentibus, iudicemque emungunt.

Nagranensi, XXXXII, p. 101, assignata ille' necit significantia varia res, plenasque Arabibus aliisque Orientalibus peculiares.

Virgo et mulier, XXXXIII, p. 106, arabice etiam Badu'ja, complectitur allegoricam calcei descriptionem; virginum et mulierum jam subactarum, tam laudem, tam vituperium; nec non contentus, qui eruditio jacere solet, ambiguis quaestionibus institutam expositionem.

Hiemali, XXXXIV, p. 113, Abu Seidus carmen dicit refertum lagographis, itidem e vocum ambiguitate explicandis.

Ramlensi, quem dixi II, libr. arab. XXXXV, p. 119, verentus ille, a conjuge accusatus ab neglecta amoris conjugalibus officiis, se defendit iudicemque circumvenit.

Halebensi, XXXXVI, p. 122, facundus mendicus sub persona ludimagistri, decem pueros examinantis, postulat multifaria proferri linguae arabicae artificia et praecepta.

Minfarekiesi, arabice Farik'ja, XX, p. 129, saepe dictus mendicatur inelucrum sepulchris mortuo, qui olim dives et luxuriosus fuerit.

Hagronsi, XXXXVII, p. 132, agens ille chirurgum, et cum filie altercana, tanquam peregrina, larga lucratur dona.

Haramitico, XXXXVIII, p. 137, narrat, se vidisse virum querentem, quo modo Deus sibi reconciliari posset, ideoque cum consilium ei dedisset, filiam suam e captivitate Graecorum redimendi, non sine munere abbasae.

Sasanico, IXI., p. 141, ultima, quae morti propinquus Abu Seidus filio dederit, continet praecepta, Sasanidarum quoniam testamentum.

Bazrensi, L., p. 145, Harethus Hammamita, postquam laudes urbis Bazrae celebravit, refert, quomodo Abu Seidus, miraculo conversus, vitam Supplicam complexus, factusque Sarugi antistes, pietatis fama incla-ruerit, ac decantato, quo ad poenitentiam hortaretur, carmine, Ipse valedixerit.

Et horum itaque triginta quatuor consensuum versionem latinam, qua opus a Golio *) jam, anno MDCLVI, conceptum, ab A. Schultensi continuatum, tandem, non sine animi contentione, ad finem perductum est, mente accipe, quoesumus, amica, indulgente! Hariri quidem, utut hominum eorum, qui maximam auctu-ritatem et pietatem prae se ferrent, mirandoque ingenio et eloquentia valeret, scelera notavit, aetatem tamen tulit et, frustra repugnante aequalium posterorumque invidia, tyrannide, superstitione, hypocrisi, tantam gloriae fuigura circumdatur, ut in Europam adeo fines illuxerit, et Rex noster Clementissimus, Fridericus Guilelmus III., cujus sacro nomine cum Intima reverentiae affectu hanc paginam ornamus, editionem operis ejus arabicam, a Sylvestro de Nugo curatam, magna juvarit liberalitate. Nos, si in arabici auctoris opere vertendo caespitasse aninadvertis, aut a puriore recedentes latuitate, aut inconstanti utentes orthographia, eo uti velle, quod multis aliis quoque laboribus occupati eramus; facile et a vernaculae linguae norma aberrat, qui per longum tempus alio se immerit nesci sermonis genio; omnes fere, qui arabica ediderunt, suo quique modo voces arabicas latinis litteris expresserint; nec, quod multi est momenti, uno nobis tenore laborare licebat; optima vero regebamur voluntate, nempe, ut nobis non solum, sed mundo etiam, studiis ausis, commodi quid, si pote, afferendo, illi placeremus, qui omnia rerum est Oriens, et ex Oriente, ut universi generis humani culturam, ita ipsam religionem Christianam oriri voluit. Quo annuente Surlearii nostri, haec enim fuit vocis Hariri significatio, sex etiam priores texturas translatione nova et compluribus locis ab antiquioribus versionibus, juxta du causa, recedente, brevi interjecto tempore, in lucem publicam editum iri pulicemur; et quo tutore et defensoru, cum a crudelissima peste, cholera, cujus et in his consensibus nomen occurrit, Germania fere tota liberata sit, hac autem Sudetorum valles, veris jamjam facta laeta celebraturae, planu intactae manserint, volumen hocce laude Supremi Mundi Regis, Optimi Conservatoris, Patris Mortuis Ex Vivis In Aeternum Providentis, obsignamus, et la publicae laetitiae occursum emittimus, concinentes: beatum esse, illi qui confidat! —

*) In appendice ad Thomae Erpenii Grammaticam Arabicam.

Barcaidensis.

Narravit Haret Hammamita. Proposueram mihi proficisci Barcaido; at, cum fulgura venientis festi conspicerem, respui ab illa urbe discedere, nisi testis fuisset diei ornatûs. Cum autem advenisset cum officiis suis lege sancitis et ultro praestandis, equitesque et pedites coegisset, nova, ut mos praecipiebat, veste indutus, item ac alii prodii ad colendum deum. Iam cum templi coetus esset congregatus et consertus, compressioque spiritum intercludere inciperet, senex se ostendit pannulis duobus laceris, velato utroque oculo, sub brachio gestans sacci pabulatorii instar, ductus vetula dracaenae simili; substititque ut collapsurus, ac salutavit ut pavidus; tum, precibus peractis, quinque suos *) in pera gyrando, schedulas promisit variis inscriptas coloribus, nitidis characteribus, vetulaeque annosae tradidit cum mandato, explorare liberales et, quemcunque animadvertisset rorantis manus, ei obtrudere foliorum unum. Accusatum hominibus fatum mihi quoque schedulam destinaverat, qua reperiebam scriptum:

Dies mihi oritur percusso doloribus et terroribus,
Pessime afflicto superbis, fraudulentis, siccariis,
Fratribus simulantibus, suadentibus detrimentum,
Adjutoribusque ad malum exitum.
Quantum passus sum ignibus odii, egestatis, itinerum,
Quotiesque incesi laciniis, memoria enarrando non sufficit.
Utinam fortuna, me infestatura, extinxisset parvulos!
Quod si catuli mihi mei non essent vinculo et morbo,
Spes meas non dirigerem, neque ad propinquos, neque ad potentes,
Nec tractarem syrma demissionis tractu;
Latibulum mihi esset laetius, et antiqua vestis antiquior.
An vero liberali placuerit onus meum allevare nummulo,
Conturbationisque meae ignem extinguere, aut tunicâ aut braccâ?

*) Digitos.

Perrexit Haret Hammamita. Et cum conspexissem versuum ornatum, ortumque mihi esset desiderium cognoscendi eorum textorem, signorumque pictorem, cogitatio autem suggereret, vetulam esse viam consequendi, nec illicitum pronuntiaret pretium pro communicata notitia exhibendum; observavi illam, ut currebat per singulas series, pluviamque petebat a singulis manibus, haud ita quidem, ut labor felici successu comitaretur ullusve manum ejus irrigaret locus. Sterile vero expertam corda commovendi studium, et circumeundo fatigatam, jamque nonnisi in Deo spem superesse vocitantem et ad schedulas repescendas conversam, Satanas in oblivionem chartae mihi datae induxit; non illa declinavit ad angulum meum, sed rediit ad senem plorans frustrationem, conquerens de iniquitate fortunae. Qui dixit: Deo sumus, Deo committo res meas; nec vis, nec potestas est, praeterquam in Deo! cecinitque:

Non superest candida *), nec candidus **); non aqua aperte fluens, nec adjuvans.

Palam est (hominum) certamen in malis facinoribus; nullus vero fidelis aut pretio dignus.

Perrexit: consolare animam et bona ei pollicere, tum schedulas collige et numera! Regerente autem illa: jam repetivi et numeravi, repperique manum perditoris earum unam oppressisse; excepit: pereas contemnenda! amittimusne, vae tibi! praedam cum retibus fomitemque cum ellychnio? Hoc sane molestiam est addere molestiae ***)! Abiit itaque sectans, quam antea calcaverat, viam, quaesitum convolutam schedulam. Cum vero mihi appropinquasset, cum folio junxi drachmam et particulam, digito ad drachmam intento dicens: si vis nitentem, signatum, manifesta secretum occultum; si non vis explicare, sume particulam et abi! Cupida lunam plenam, fulgentem senem, acquirendi, mitte, inquit, repugnantiam et sciscitare, quod tibi placet! Quare interrogavi de ortu senis et patria, deque carmine et textore venusti ejus ornatus, et respondit: senex est de habitatoribus Sarugi, ipse etiam ille, qui pinxit textum tapetum. Tum rapuit drachmam ceu accipiter, et discessit ut vibrata sagitta. Me contra angore implevit cogitatio, Abu Seidum esse, quem intenderat, exarsitque mihi

*) Sors. **) Amicus. ***) Proprie, manipulum lignorum faeci.

moeror ob oculorum ejus malum, vehementerque cupivi improvise occurrens colloqui, ut probarem artem meam physiognomicam. Sed ad eum pervenire non poteram, nisi cervices hominum calcando, quod lege prohibitum est, pariterque detestabar, malum inferre populo, quam inde mihi oriturum vituperium. Mansi itaque in loco, illumque oculorum habui vinculum, usque dum, fine precibus imposito, prosiliendi erat licentia. Ibi ad eum volavi, eum inspectu cum palpebris ei concretis, et ecce! perspicacia mea erat ea Abbasi, arsque physiognomica ea Ajasi; qua re me quoque ei detexi, tunica eum donavi, vocavique ad panem. Laetus autem ille de beneficio, et quod eum agnoveram, invitationem ad panem meum acceptam habuit et discessit; manus mea ei erat habena, umbra praecessor, et vetula tertius pes tripodis, nec non observator, cui nihil absconditi. At cum nidi mei strato assedisset, eique proposuissem, quod celeriter poteram, o Haret, inquit, num nobiscum est tertius? Nemo, respondi, praeter vetulam. Illi quidem nihil secreti est obvelatum, regessit. Tum ambo pretiosissimos suos aperuit, geminosque suos versavit, flammabantque faciei lampades ut duae Farkadae *). Illic ego, de salvo ejus visu gaudens, admiransque singulares ejus agendi modos, non quiescere, nec continere me potui, quin quaererem: quid te eo adduxit, ut coecum te simulares, per inculta proficiscens, deserta pererrans et vastissima emetiens spatia? Sed speciem prae se ferebat non invenientis verba jentaculoque operabatur; necessitate demum expleta in me intendit visum et cecinit:

Cum tempus, quod pater est mortalium, coecum se simulet, ita ut recta aberret via in felicitate avertenda et donanda,

Ego quoque coecum me simulavi, ut dicar fraier coecitatis; non mirum est, si juvenis calceum sibi conficiat more patris.

Adjecit: nunc i in apothecam tuam et affer mihi alcali, poliens visum, tergens manus, molliens cutem, bene olentem faciens halitum, confirmans gingivam, corroborans stomachum, mundo positum in vase, late spargens odores, brevi ante tritum, jucundum frictu, quod qui tangit existimet pulverem oculis inspergendum, imagineturque olfacere flores palmae! Ei adjunge denticulipium perfecte purum, quod lubenter complectamur, pulchra formâ, invitans ad ipsum

*) Duae prope polium stellae.

devorandum, tenue ceu amore percitus, politum ut gladius et instrumenta bellica, gracile ut frons virens! Dixit; et statim surrexi, ut mandatum perficerem odoremque carnum ab eo averterem, nihil suspicans, eum, quo falleret, in apothecam me ablegare et ludibrio habere legatum, petendo dentiscalpium et alcali. At cum petitis quum rediissem, tempore brevioris halitu, inveni domum vacuum, senemque cum vetula jam aufugisse. Quem ob dolum flammante ira correptus, diu vestigia ejus sectatus sum; sed erat, quasi demersus esset in aquam, aut sublatus in coeli sudum aethera. —

M a a r r e n s i s .

Retulit Haret Hammamita. Inter alia temporis miracula vidi duos adversarios accedentes ad judicem Maarrae Nomanicae, quorum alterum jam fugerant robur et cupido, alter similis erat virgae myrobalani. Incepit senex: juvet Deus judicem, ut per eum juvat justitiam quaerentes! Serva mihi erat gracili statura, laevibus maxillis, patiens laboris; modo saltans ut equuleus, modo dormiens in cunis; frigida tactu mense Iulio, praedita continentia et freno, acie et cuspidem, manu et digitis, ore sine dentibus, mordens lingua ceu ea viperæ se motitante, commode incedens longo syrmate, superbiens veste nigra et candida; cui potus dabatur, quamquam non e cisterna; fidelis et dolosa; nunc se ostentans, nunc occultans; facta ad utilitatem, obediens in angustia et copia; quandocunque secuissem, junxisset; quandocunque eam removissem, sejuncta mansisset; quamdiu eam habuissem mancipium, pulchre fecisset; etsi, quando peccasset, dolorem excitasset et inquietasset. Hanc juvenis hicce ad finem quandam ministram flagitavit, dedique non postulans mutuum, ea conditione, ut fructum ejus perciperet, sed non imponeret, quod egrederetur vires. Ille vero rem suam ei injunxit et, postquam diu usus erat, reddidit vitiatam, offerens pretium, quod nolo. Excepit juvenis: senex iste quidem veracior est, quam aves Katha; sed, quod eam vitiaui,

peccatum est non voluntarium, et jam, ad compensationem illati detrimenti, pignori dedi servum, cujus utrumque latus aequale est, genus ducentem a Kainitis *), purum a sorde et spurcitie, locum tenentem proximum pupillae, spargentem bonum; efficientem, quod bene placeat; homunciones nutrientem. Quandocunque dominus constituebatur, erat liberalis; com meatu instructus, communicabat; stigmatate notare jussus, non deficiebat; rogatus ut adderet, addebat; et, quamquam una non manens mansione, nec nisi cum duabus coiens, facultatibus non parcebat, bene faciendo se efferebat, socium sequebatur, quocunque duceret, etsi non ejusdem esset generis; gaudebamusque ejus ornatu, quamvis non allecti ejus deliciis. Utrique respondit judex: aut claris verbis exponite, aut abite! Senem autem timide retrocedentem loquique annitentem praevenit juvenis hisce:

Commodaverat mihi acum, ut consuerem pannulos, quos vetustas detriverat et nigraverat.

Haec fissa est in manu imprudentia, cum traherem filum ei insertum.

Seni autem non visum est condonare compensationem, cum eam adspiceret vitiatam,

Sed dixit: da acum similem aut pretium; nam longe abest, ut reficiatur!

Retinuit igitur specillum meum oculare, et o egregium vituperium hoc sibi contraxit!

Oculus ob pignus retentum aegrotat, manus non sufficit ei redimendo.

Hac explicatione conjice profunditatem meae miseriae, et miserere ejus, qui nequit restituere!

Ibi accessit judex ad senem et, age, inquit, loquere sine fuco! Unde sic orsus est:

Iuro per domum sanctam et venerantes in chivo Minae!

Si tempus me juvisset, non pignori accepissem stylum ejus,

Nec perseverassem postulando mutuum pro acu perdita, cujus non solvit pretium.

Sed infortuniorum arcus me petivit, sagittis ferientibus hinc et inde,

Et mea conditio instar est conditionis illius, calamitas, noxa, exilium et macor.

Fortuna nos ambos aequavit, ego miseria ille sum, ille est ego!

Ille non potest liberare specillum, quod pignori cessit in manum meam;

Mihi, ob inopiam, non est facultas, condonandi quae peccavit.

*) Kain notat etiam fabros ferrarios; in hoc tecte intemlit.

Iudex, cum caussam eorum cognovisset, egestatemque ac indolem perspexisset, aureum de tapeto (quo precans utebatur) porrexit, hoc, dicens, litem vestram dirimite et abscindite! Senex autem juveni eum praeripuit sibiue arrogavit integrum, serio, non joco, argumentans: dimidium rata est beneficii, dimidium alterum pretium acus; nec declino a justitia; surge autem, sume stylum! Juvenem hoc eventu moeror invasit, qui et iudicis animum contristavit, acuens de amisso nummo dolorem. Nihilominus, tristitiam juvenis demulsurus, duas drachmas ei, parum de multo, largitus, addidit: in futurum ergo ne habete commercium, evitate lites, nec me postulate diremtores; nam apud me nequaquam bursa est debitorum. Quo facto surrexerunt, laeti ob donum, praedicantes ejus laudem. Iudex contra non occultare poterat suum taedium, ex quo saxum ejus roraverat, nec liberari ab indignatione, quod dura ejus petra sudaverat. Tandem, stupore dispulso, ad famulos accessit, jam, inquiens, sensum mihi subito internum clareque nunciat intellectus, ambos illos dolo nectendo conspirasse, non vere litigasse de peculio; quae igitur est via eos explorandi, secretumque eliciendi? Respondente vero turbae solertissimo, igne carbonum ejus: occulta eorum non possunt palam fieri, nisi per ipsos; sequi jussit apparitorem, qui reduceret. Coram stantes alloquitur; veram juvencae vestrae camelae aetatem *) mihi dicite; hac sub conditione a vindicta fraudis liberi eritis! Illic juvenis timide retrocessit, frustra loqui tentans, declamavitque senex:

Ego sum Sarugensis, hic meus filius; catalus autem, experientia ut docet,
similis est leoni.

Manus illius et mea tetigerunt nunquam acumve, specillumve;
Sed fortuna mala, iniqua, eo nos adegit, ut, quibus opus habemus, mendicemur
A quocunque rorante manum, dulci lacum, et crispo dextram et clauso,
Omni arte et venationis dolo; nunc seriis, quando commodum promittant,
nunc ludicris;

Ut rorem portemus in sortem nostram tristem, consumamusque vitam victu
miserabili,

Mors dum insidiatur, superventura, nisi hodie, at crastino.

Regessit iudex: macte dulcedine profusionum oris tui! et euge! tibi vocarem, nisi esses deceptor. Adhortor te et, ut tibi caveam, moneo, ne posthac

*) I. e. veritatem.

cum iudicibus dolose age, sed metue vim suo arbitrio tecum acturorum; non omnis dominus remittit, nec omni tempore auditur blanda oratio! Quod consilium se secuturum, et a personae suae dissimulatione se contenturum, promittens, senex cessit ab ejus latere, fronte dolo nitente. Dixit Haret Hammamita: non vidi mirabilius in itinerum ambagibus, nec legi simile in librorum voluminibus.

A l e x a n d r i n u s .

Dixit Haret Hammamita. Abripuit me alacritas juventutis et acquirendi desiderium, ut pererrarem quod terrarum est inter Farhanam et Rhanam *). Gurgites vadabam, ut decerperem dactylos, et in pericula irruebam, ut consequerem necessaria. Perceperam autem ex ore doctorum, et e mandatis sapientum memoriae mandaveram, prudentis esse, si urbem peregrinam intraverit, sibi conciliare ejus judicem; et vindicare ejus favorem, ut tergum habeat firmum in litibus et securus sit ab injuria magistratum. Hoc ergo praecepto utebar regula et rerum mearum habena, nec intrabam urbem, nec lustrum penetrabam leonis, quin praefecto me admiscerem, ut aqua solet vino, curaue ejus confirmarer, ut corpora spiritu. Dum autem versabar apud judicem Alexandriae, vespera frigida, allatusque erat eleemosynae thesaurus, ut eum dispertiret pauperibus, ecce! intrat senex stupendus, tractus a foemina prole praedita, quae dixit: Deus juvet judicem, semperque acceptum habeat! equidem mulier sum de nobilissima radice et purissima origine, generosis patruelibus et matruelibus; character meus est castitas, natura modestia, mores commodi, magnumque inter me et consortes discrimen. Sed pater meus procantes domos celsitudinis, dominos divitiarum, silere jussit, male excepit respuitque conjunctionem, argumento utens, quod jurejurando se obstrinxerit, non alium se accepturum esse generum, quam qui artem exerceat. Inde, fato ad miseriam et noxam meam sic determinante, factum est, ut hic

*) Extremam plague occidentalis urbem.

deceptor prece adiret patrem meum, ejusque per familiam juraret, se conditionibus ejus convenire, longum quippe per tempus margaritam conseruisse margaritae vendidisseque aureis. Pater vero meus, absurdi mendacii officii deceptus, me ei matrimonio dedit, priusquam statum ejus exploraverat. At ego, e spelunca mea educta, a propinquis remota, in tentorium ejus portata et jugo ejus subdita, repperi eum desidem, cubatorem, lecto et somno deditum. Bene plumata et ornata, suppellectile et mundo ad eum veneram; sed non desiit vendere foro injustitiae, pretiumque consumere omnibus dentibus commoliendo, donec omne peculium meum disperserat et miseriae suae impenderat. Cum jam quietis me oblitam fecisset, et domus magis vacua esset, quam palma, alloquenti: heus tu! adversitas non amplius permittit delitescere, nec aroina superest post Arusum *); surge ergo, ut acquiras arte tua, et fructum collige tua praestantia; respondit: malam fortunam premere artem suam, ob dominantem in mundo pravitatem. Puerum autem ab eo habeo macrum ut dentiscapium, et nostrum neuter accipit quo satiatur, nec sedare possumus ob famem lacrimas. Adduxi illum itaque ad te, et coram te constituo, ut probes ea, quae praetendit, tum dirimas, ut tibi indiderit Deus. His auditis iudex ei appropinquavit dicens: audi vi historiam nuptiarum tuarum; nunc te defende! si non — veste te exuam mandaboque carceri. Hic humi defixit oculos ut vipera, tum vehementi praelio accinctus cecinit:

Audi historiam meam, quae, exposita, risum simul movet et fletum!

Vir sum, cujus in proprietatibus nihil est vitii, de existimatione nihil dubii.

Sarugum est patria, qua natus sum; Rhassan radix, ad quam genus refero;

Labor meus, studere; scientiae me immergere, intentio; o intentionem optimam!

Sors mea, magia verborum, e quibus conflo prorsam et vorsam.

Profunda peto eloquentiae, eligoque margaritas et extraho,

Fructumque maturum, decerpendum, carpo, dum alii nonnisi ligna caedunt.

Ac argenteam quidem phrasin sumserim, a me conflata dicitur aurea.

Tempore praeterito vero eruditione mea eliciebam opes et mulgebam,

Pedisque planta, ob illius honorem, dignitatis gradibus insistebat, quibus deest altior,

Diique ad sedem meam afferebantur dona, quorum non accepti erant dutores.

At hodie a quocunque suspendeatur spes, ejus in foro eruditio est merx spreta;

*) Nomen viri, quem mortuum cum extulisset conjux, alii, nec bene olenti, nupta, hic, iratus, mulieris odoramentorum quasillum de camelo, quo vehentur, deiecit; unde mulier in illa verba erupit.

Nullus (eruditionis) filiis servatur honos, nulla habetur ratio cognationis cum illa et vinculi;

Quasi in atriis suis cadavera sint, quorum fugitur et evitatur foetor.

Consternatus itaque est animus fortunae in me decretis mirabilique mutatione, Brachium languet ob vacuitatem manus, impetum faciunt curae et aerumnae, Etque adduxit illaudabile tempus, ut tentarem, quod maculat famam.

Vendi enim, donec non supererat cilicium, nec stragulum, quo volutarer, Emique credo, donec humerus aeris alieni onere premebatur, quo levior est interitus.

Postea complicavi intestina, esuriens quinque dies; at cum fames crearet dolores, Non videbam praeter suppellectilem ejus mercem, qua vendenda obirem et fatigarex.

Cucurri autem animo invito, lacrimante oculo, corde moerente;

Insuper, manum isti injiciendo mutuam non supergressus sum placitum, ut inde ira exorta sit.

Quod si autem iram ejus excitavit imaginatio, digitos meos margaritas conserendo quaestum facere,

Meve, cum procarer, officiis usum esse, ut voti compos fierem;

Per eum juro, cujus ad Caabam tendunt viatorum catervae, generosis vectae camelis!

Dolose agere cum pudicis, non est mos meus, neque character, fucare mendacia. Manus autem, a prima inde juventute, nihil tetigit, quam acutos (calamos) et libros.

Sic cogitatio mea connectit monilia, non manus; et carmen est, quod consero, non catena odoratarum sphaerularum.

Haec est ars, qua me imbutum esse colligereque victum contendi.

Huic ergo expositioni aurem praebe, ut praebuisti illi, et, sine personae respectu, statue, quod necesse est.

Ita quum gypso illevisset orationis structuram perfecissetque declamationem, judex, cujus pericardium tetigerant versus, ad mulierem adolescentem deflectens dixit: scias velim, constare omnibus iudicibus tribunaliumque praesidibus, generationis liberalium interitum, temporisque propensionem in sordidos; veracem ergo maritum tuum existimo, liberum a vituperio. Ille etiam ipse, se tibi debitorem profitens, claram ostendit lactem, demonstrationem artis componendi adtulit, probavitque excarnibus se esse ossibus. Urgere autem excusatum, est vitium, in-

opem includere, crimen; contra, paupertatem tegere, pietas; patienterque meliora expectare, cultus. In latibulum itaque tuum redi, excusatum habe virginitatis tuae patrem (qui cepit virginitatis florem), abstine a lacrimarum fluxu et confide Dei decretis. Tum utrique eleemosynae portionem porrexit, summae extremis digitis inhaerentem particulam, adjiciens: hoc lactate vos emulso, hac irrigate adspergine, tolerantes fortunae dolos et vexationes! Facile fieri potest, ut Deus afferat liberationem jubeatque meliora. Surrexerunt ergo; et senex quidem laetus, ut qui e carcere dimittitur, et hilaris, ut qui opulentus evasit post miseriam. Perrexit relator: ego vero agnovi Abu Seidum eodem momento, quo sol ejus illucescebat et objurgare incipiebat conjux, propeque aberam, ut mirabilem ejus eloquentiam ac artificiorum lucra proderem; sed verens, ne judex, perspecto ejus mendacio linguaque fallaci, eo adduceretur, ut eum indignum haberet, quem suis assuefaceret beneficiis, a verbis abstinui, ut solet dubitans, mentionemque ejus complicavi, ut folium inserviens epistolae; nisi quod, cum jam abiisset, et pervenisset quo pervenisset, dixi: quodsi nobis nonnemo vestigia ejus legeret, palam historiae ejus, sericique texti, ferret. Quare judex statim unum e fidelibus suis sequi jussit, ut inquireret ejus arcana; qui, nulla mora interposita, quasi volutatus cachinnansque rediit, ac interrogante iudice, quid novi fili Mariae? respondit: mirandum vidi, et, quod excitabat gaudium, audivi. Illo pergente: quid est, quod vidisti? hic: senex, ex quo hinc egressus erat, non desinebat complodere manus, saltare, et plenis buccis canere:

Incidissem in calamitatis ignem, impudentia expeditae,
Carceremque visitassem, nisi judex Alexandrinus.

Quibus auditis risit judex, ut ei decideret cado similis pileus, abiretque constantia. Dein, cum ad gravitatem reversus esset et vehementem risum finisset, Deum rogando veniam dixit: o Deus! angelorum tibi proximorum custodia prohibe, ne in carcerem conjiciam eruditos. Tum mandavit famulo: illum ad me duc. Festinans autem quanquam abiit, nonnisi post longum tempus rediit, nuntians, illum disparuisse. Ad haec judex: si ad me venisset, supersedere potuisset metu; donassem ei, quod tali viro fuisset dignius, certeque adduxissem eum ad credendum, praesenti mundo praestare sequentem. Dixit Haret

Hammamita. Ita cum iudicem illi propensum animadverterem, fructuque, quem enarratio ei tulisset, amissum, obruit me poenitentia Farasdaki, cum Navaram repudiasset, et Cusaitae, cum errorem detexisset dies.

R a c h b e n s i s.

Narravit Haret Hammamita. Desiderium allectans me vocaverat Rachbam, aedificatam Maleco, filio Tauki et morem ei gesseram, jumento utens agili et proposito quasi stricto, non cessante. Ubi cum jecissem anchoram vinxissemque funes, raso capite e balneo egressus, vidi juvenem, fusum forma pulchritudinis vestitumque formositatis ornatu perfecto; cujus manicae iuhaerebat senex, praetendens, illum filium suum occidisse, dum juvenis eum novisse negabat accusationemque exhorrescebat. Iam autem concursus circum ambos malos bonis miscuerat, cum, litis incendio aucto, conveniret, confugere ad urbis iudicem, suspectum quidem nequitiae et amoris majoris in pueros, quam in puellas, ejusque ad atrium properarent, ut solet currere pullus perdis (vel Suleik, celeritate cursus mobilis). Qui, sene accusationem renovante auxiliumque petente, juvenem, cujus candoris gratiis sollicitabatur, cujusque cincinnorum decore intellectus ei findebatur, se defendere jussit. Hoc autem reponente: mendacium est exercitati in mendaciis in hominem sanguinis insontem, et fictio deceptoris in eum, qui neminem oppressit; iudex dixit seni: affer itaque duos idoneos testes e Muslemis, si non — exige ab eo iurandum. Regessit senex: projecit remotum, sanguinem profudit in solitudine versantis; quomodo igitur testem habere possum, cum nemo viderit? sed permitte, ut sacramentum ei praeceam, ut appareat, utrum vera dicat, an mentiat. Iudex contra: plena tibi huius rei est potestas percusso quippe, ob filii interitum, acerbissimis doloribus. Unde senex juveni, dic, inquit, per eum, qui ornavit frontes cincinnis, oculos candore et nigrore, supercilia spatio, dentes in-

terstitio, palpebras languore, nasos elatione, genas flamma, dentes nitente aqua, digitos pulpa, hypochondria gracilitate! filium tuum non occidi, neque socordia, neque data opera; nullo modo caput ejus feci gladio meo vaginam; aliter si res se habet, coecitatem Deus immittat in palpebras, vitiliginem in genas, capillorum defluvium in cincinnos; staturam meam feriat siccitate, rosam meam pallore, moschum meum foetore, plenam lunam meam obscuritate, argenteam meam (cutem) combustae cutis fusco colore, lanuginem obscurante barba, capillitium atrum striis! Respondit juvenis: miseriae igne torreris malo, quam hoc jurare juramentum, et talionem pati, quam sacramentum dicere, quod nemo dicit. Senex autem institit, ut devoraret (acciperet) jusjurandum, quod dolaverat, illi nimis amarum, nec desinebat inter eos disputatio flagrare et consensus via salebrosa esse, dum juvenis, detrectans, gracilis corporis agitatione cor judicis rapiebat ipsumque sibi vindicare suadebat, donec amor animum ejus vicit, pectori firmiter inhaesit, doloreque dementante et desiderio in errorem ducente indidit, ut juvenem, liberatum, sibi sumeret, retique suis extractum ipse venaretur. Dixit ergo seni: visne, quod victori est convenientius pietatique propius? Respondit: quodcunque innueris, sequar, nec tardabo. Resumsit ille: meum consilium est, contentione abstineas, contentus centum siclis, quorum partem statim solvam, alteram tibi pendam ut contigerit. Minime, inquit senex, repugno; modo promissis tuis stes. Solvit itaque judex viginti, famulos suos jubens complere quinquaginta. Sed veste temporis vespertini magis magisque evanescente, ideoque pecuniae pluviam colligendi deficiente copia, cum judex dixisset: sume quod pendo, nec urgeas; mihi officium incumbere agnosco, cras dandi operam; ut, quod restat, paullatim tibi affluat; respondit senex: quod dixisti fac, ea sub conditione, ut hac nocte ei inhaeream eumque observet oculi mei homunculus, donec postquam, orta aurora, reliquum pactae suminae solutum fuerit, pullus egrediatur ex ovi putamine, et insons judicetur, ut lupus sanguinis filii Iosephi. Ad quae judex dixit: non imposuisti limites excedens, nec postulasti iniquum. Perrexit Haret Hammamita. Equidem, audita eloquentia tali, quali gloriam nactus est Surefch, statim animadverti, illum esse vexillum Sarugensium, cunctatusque, donec florebant stellae tenebrarum, solutique erant multitudinis nodi, petivi aream judicis et per Deum obtestans interrogavi: essetne Abu Seid? Ita, respondit, Ille venationem perinisit.

S a v e n s i s .

Commemoravit Haret Hammamita. Cordis mei duritie perspecta, ex quo Savam descenderam, auctoritate saepe repetitae traditionis nisus, illam sanare studebam visitandis sepulcris. Mansionem mortuorum, loco cariosorum ossium, versans, vidi coetum prope sepulcrum fossum, et feretro impositum (mortuum), qui sepeliebatur; quos ego adii, cogitando reditum meum (ad Deum), recordandoque, qui praecesserant, cognatos. Mortuo autem sepulto et lamentatione finita, de tumultu despiciebat senex, manu tenens fustem, faciem obvolutus veste sua, alium se simulaturus ob dolum, dixitque: Sic agitate vos, quibus agere adhuc conceditur! Animadvertite, negligentes; accingimini, minus debito facientes; visum acuite considerantes! Quid, quod vos non contristat sepultura aequalium, nec terret infusus humus, nec curatis venturos casus, nec praeparamini ad descensum in sepulcra, nec ploratis cum oculo lacrimante, nec exemplum sumitis de sonante lamentatione; nec exhorrescitis ob amicum, qui desideratur; nec moeretur cum consensu plangentium, qui nectitur? Nounemo vestrum sequitur feretrum mortui, sed cor est domi; conspicit ut cognatus conditur, sed mens infixata est exigendae haereditati; amatum solum relinquit vermibus, ipse recessum petit, laetatum cantu et cithara. Diu contristamini ob granum facultatibus vestris decerptum; mox obliviscimini extirpatos amicos; vehementer timetis, ne incidat inopia; nauci aestimatis extinctos cognatos. Quin etiam in funeribus ridetis, magis quam solletis per saltationes; jactanterque inceditis post feretra, magis quam die donorum. A virtutum enumeratione, quam instituunt praeficae, avertimini ad praeparanda convivia; ab orbis dentes collidentibus ad delicias epularum. Nil curatis infelicem, nullamque mente volutis memoriam mortui, quasi vos clientes essetis fati, tempus securitatem vobis promississet, deque salute vestra confideretis, certi eam, quae omnia destruit gaudia (mortem), pacem vobis esse concessuram. Nequaquam! Falsum est, quod cogitatis. Et repeto, nequaquam! vos id haud dubie experturi estis. Tum cecinit:

Heus tu, qui te prudentem credis! Quousque, frater imaginationis,

Cumulabis crimina et vitia, omniaque committes peccata?

Nonne manifestum tibi est vituperium? Nonne monet te canities,

Cujus in monitis nihil dubii? Nec vero obsurduit auris.

Nonne vocat mors, vocemque suam te audire facit?

Nonne vereris interitum, ut tibi prospicias et cures?

Quamdiu acie oculorum praestricta vagatus es in socordia et incessisti gloriosus
in superbia,

Et propensus fuisti in ludum, quasi mors non esset communis?

Et quousque declinabis, tardabique corrigere

Vitia, omne genus peccata in te contrahentia?

Ad iram provocato domino, non conturbaris;

Conatus vero si frustra fuerit, ureris tristitia.

Micante tibi flavi (auri) signo commoveris;

Sed transeunte feretro simulas moerorem, quem non sentis.

Monenti bona repugnas, difficilem te praebes et avertis;

Obsequeris erranti, mentientique ac calumnianti.

Voluptatibus animae studes, insidiariisque pecuniae,

Immemor tenebrarum sepulcri, eorumque, quae tum sequentur.

Utinam fortuna benigno te oculo adspiceret, quando visus tuus te seducit,

Nec, quando admonitio tristitiam dispellit, moereris!

Sanguinem seres, non lacrimas, quando videbis, nullam summam

Prodesse in atrio conventus, nec patrum, nec avunculum.

Est mihi, quasi te viderem, ut in profundum demitteris et mergeris,

Familiaeque te tua tradit angustissimo foramini.

Corpus jacet exporrectum, ut id devorent vermes,

Donec lignum tritum est, putrueruntque ossa.

Tum non refugium, quin prodeas parata via,

Ponte porrecto super ignem tendentibus.

Quot duces jam errarunt, et gloriosi humiliati sunt,

Quotque docti caespitarunt, clamaveruntque, o malum mergens!

Praepara igitur festinanter, inconsiderate, quo dulcescat amarum!

Vita tua prope abest ab interitu, necdum conversus es a peccatis.

Nec confide fortunae leni et laetificanti,

Inveneris alioqui ut deceptus vipera, spuente venenum!

Deprime elationem tuam! mors tibi occurrit;

Iugulo, ossibus, inhaeret, nec cedit, quando impetum molitur.

Cave, ne asperum te praebeas, adjutus fortuna,

Verbumque frena fugax; felicissimus est, qui frenat!

Subleva fratrem moeroris, et fidem habe, si loquitur,

Et corrige malefactum! bene illi, qui correxit!

Pluma eum, cujus plumae defluerunt, bonis, quae omnibus communia, et
quae habes propria;

Nec dole detrimentum, nec avidus collige;

Malos mores odi; manum assuefac liberalitati,

Nihil curans vituperantes, dum eam removes ab avaritia;

Animae para commeatum bonum; evita, quorum in fine est noxa;

Instrue navem itineris et metue abyssum maris!

Haec sunt, amice, quae praecepi, monuique ut bonus monitor;

Beatus vero vir ille, qui praeceptis meis viam suam dirigit!

Illis dictis anteriore manicae parte retegens brachium firmiter ligatum, non ligamentis fracturae, sed fraudis, liberalitatem provocatum id extendit, habitu impudentiae, coetumque vulsit, donec farta erat manica et impleta; tum tumulo descendit, donis acceptis gaudens. Dixit, qui retulit: equidem a tergo traxi limbum vestis ejus; quo facto se convertit haud invitus adspexitque salutans. Et ecce! erat Abu Seid, cum forma sua propria et mendaciis, cum ornatu suo et turpitudine. Proinde ei dixi: quousque o Abu Seid insidiosa nectis orationes artificia, ut capias praedam, nec curas vituperantem? Respondit sine pudore et meditatione:

Intellectum adhibens, mitte vituperium!

Dic mihi, num hodie vides ullum mortaliū,

Qui non alea vincat populum,

Quando plena ei est potestas?

Ego vero, apage, inqui, senex inferni, jumentum dedecoris! Nemo tibi similis est gratia manifesta et spurcitie recondita, nisi fimus argento obductus aut latrina calce illita. Sic separavimus nos, ego dextram petens, ille sinistram, ego versus austri flatum tendens, ille septemtrionum.

D a m a s c e n u s .

Narravit Haret Hammamita. Concessi Iraca Rhutam; equos quippe possidens paratos, optima gaudens fortuna, otio conversus ad ludicra, plenitudine uberis agitatus. Quam cum attigissem animo fatigato et emaciatis camelis, reperi eam, ut describitur narrantium linguis, continentem omnia desiderata et delectantia oculos; et, laudans gratiam incepti, freno dato cupidini, frangere coepi sigilla voluptatum, decerpere fructus gaudiorum. Tandem caterva aliqua Iracam proficisci instituebat; ego vero animum jam receperam, visitabatque me, ut a mortuis rediens umbra, memoria domus desideriumque cisternae; dissolvi itaque tentorium absentiae et instruxi equum cursorem reditus. Cum autem parati essent socii et de omnibus quam optime convenissemus, iter suscipere metuimus sine comite protectore, et in omnibus tribubus ejus modi virum quaesivimus, mille artes adhibentes, talem ut inveniremus. Sed nulla inveniebatur in gente, ut in mentem veniret, nullum adeo reperiri in universo viventium genere, nutantibusque propositis profecturi deliberationis causa stabant ad portam Gairun, nec desinebant nectere et solvere et, modo firmiter, modo simpliciter, finem (consilii) torquere, donec mussitatio cessabat et ceciderat omnis spes. Erat autem eorum e regione vir, nota juventutis, veste monachorum, manu gerens corollam sphaerularum, usitatam mulieribus, oculis prodens vigilias. Hic visum fixerat in coetum exacueratque aures, ut sermonis aliquid furaretur; jam, cum revertendi momentum adesset, arcanumque ei patuisset, inceptit: o homines, moeror vester fugiat, anima sit vobis secunda! Ego vobis tutamen dabo, et terrorem vobis abigens, et obediens. Dixit relator. Rogavimus itaque, ut tutamen illud nobis notum faceret, optimum pollicentes praemium pro tutela in itinere. Regerente autem illo, verba esse suggesta per somnum, quibus se defenderet contra hominum dolos, alter nostrum alterum adspiciebat, visumque vertebat modo sursum, modo deorsum. Hinc animadvertens, nos sermonem ejus justa ratione destitutum

aestimare, suspicarique vanum, cur, inquit, serium habetis pro ludicro, aurumque meum pro scoriis? Per deum! quoties secui regiones terrorum et vortices penetravi periculorum, hoc mihi sufficit pro tutore, et locum supplevit magnae pharaetae. Insuper dubium vobis dispellam et metum, qui vos invasit, extraham, eo, ut ipse vos comiter in deserto, et socium me praebeam in Sainâva, nec non paciscer ut, promissa si evenerint, fortunam meam bonam sortemque pulchram faciatis; sin os mendax repertum fuerit, dilaceretis mihi corium et fundatis sanguinem. Dixit Haret Hammamita. Coelitus nobis indebatur, visioni ejus nocturnae fidem addere sermonemque ejus verum aestimare; desinentes cum eo contendere, contendebamus, quis eum in camelum reciperet, et fracta rationibus ejus omni remorae ansa, rejecto metu et illudentis et infesti, oneratisque camelis, jam aderat discessus. Hic eum rogavimus, ut declamaret formulas suas magicas, quibus in reliquum uteremur amuleto. Reposuit: quisque vestrum matrem (primum caput) Corani recitâto, quotiescunque ingruunt duo tempora (nox et dies); tum adjiciat lingua venerantis, voce reverentis: O Deus, qui vivificas ossa, pellis calamitates, protegis a metuendis; qui liberalis es in conferendis praemiis, refugium egentium; solitus, remittere et dare salutem; propitius sis Mohammedi, sigillo prophetarum, jussorum tuorum nuntio, et lampadibus cognationis, clavibus victoriarum! Libera me a suggestione diabolorum et impetu imperatorum; a calamitate impiorum, repugnantia in te rebellium, transgressione transgredientium, inimicitia adversantium, victoria vincentium, rapina rapientium, dolis dolose circumvenientium, insidiis insidiosae opprimentium! Et tuere me, o Deus, contra injuriam vicinorum et vicinitatem inistorum; defende a me manus defraudantium; educ me e tenebris perversorum, colloca me vero, gratia tua, in numero bonorum! O Deus, serva me terra patria et peregrina, redeuntem et absentem, reducentem et educentem, commorantem et abeuntem, versantem et revertentem! Salva animam et animo cara; honorem et supellectilem, numerum et apparatus, habitaculum et lectum, robur et statum, refugium et facultates; nec injice mihi turbationem, nec dominum statue incursionibus deditum, at regem victorem! O Deus, custodi me oculo tuo et potestate, concede mihi pacem tuam et gratiam, bea me amore tuo et benedictione, nec committe me custodiae alius; da vero salutem non desinentem, dona commoditatem vitae non caducam, cave mihi a timendis an-

gustis, contege e contra symate beneficiorum, nec hostes ungues in me figere sine, tu, qui audis preces! Tum humi defixit oculos, nec convertens visum, nec edens sonum; ut diceremus, metus eum obstupescere facit, aut animi deliquio obmutescit. At caput erexit et anhelans dixit: juro per coelum stellis consitum et terram vallibus plenam, per aquam fluentem et lucernam ardentem, per mare murmurans et ventum pulverem dispergentem, hoc esse ex amuletis maxime faustis, magisque defendens quam indutos galeis; hoc qui legit, dum ridet aurora, ei non metuendum erit infortunium usque ad crepusculum; quique id mussitat apparente obscuritate, tota nocte securus erit a furibus. Dixit relator. Impressis ergo dictis illis memoriae, donec tenebamus, certatimque recitatis, ut non oblivisceremur, profecti sumus, jumenta instigantes precibus, non cantu agasonis, et onera defendentes verbis, non armatis. Socius autem noster, quamquam nos visitabat vespera et mane, non postulabat promissa, donec conspicua erant excelsa Anae; ibi demum dixit: succurrite, succurrite! Quo facto admovimus signata et occultata, in conspectum duximus vinculis constricta et sigillis custodita, dicentes: exige quod placet, nos invenies consentientes. Sed nihil ei jucundum videbatur, praeter leve et splendens, nihil decorum, praeter nummos; ex his ergo sumsit, quod paupertatem suam sarciret, onus; tum crumenae sectoris instar nos reliquit, aufugitque, ut solet argentum vivum. Nos vero contristati discessu ejus, perculsi fuga, non desinebamus eum vocare omni praecone, et de eo sciscitari omnem errantem et recta ducentem, donec nobis dictum est, illum, ex quo intrarit Anam, non discessisse ex oenopolio. Hujus sermonis scoriae me alliciebant, ut fundere tentarem, et me inserere, cui inseri non solebam, noctisque sub finem intravi in tabernam habitu mutato. Et ecce! senex veste Aegyptiaca (colorata) inter cados et torcular, circum eum pocillatores pulchritudine vincentes, candelae radiantes, myrtus et jasinum, fistulae et testudines; et ille modo clarum sibi vinum cadis elicit, testudinisve sonos ciet, modo odore gaudet florum ludicrisve cum hinnulis sermonibus. Ego autem, cum simulationem ejus perspexissem, quantumque hodiernus ejus habitus ab hesterno distaret, dixi: vae tibi o exsecrate! oblitusne es diei Gairun? Illic in vehementissimum effusus est risum; tum cecinit modulans:

Peregrinantibus me adjunxi, deserta peragravi, a gloriatione abstinui, gaudia ut decerperem;

Fluctus vadavi, equos domui, ludi et laetiae syrma ut traherem;
Gravitatem amovi, agros vendidi, ut vinum potarem, e poculo sorberem;
Et nisi cupido bibendi vini, non fatum esset os meum orationem pulchram,
Nec propulisset dolus meus socios in terram Irakae, corollam dum ego ferrem.
Nec excande ira, nec clama, nec vitupera! excusationem vides sufficientem.
Et abstine mirari, senem commorari, loco viridi, cados inter plenos!
Nam vinum vetus corroborat ossa, sanat morbos, pellit angores,
Clarissimaque est laetitia, quando gravitas removit et abjecit vela pudoris;
Ac dulcissimus est amor, quando deperiens desiit abscondere desiderium et manifestat.

Ergo effare desiderium, frigera intestina, quodque tibi molestum fuit lignum, eliciat flammam!

Sana vulnera, extrahe curas, filiâ vitis, omnibus exoptatâ;
Immo oblectare te vino vespertino, cum pocillatore, pellente desiderii dolorem, quando refragatur,

Et cantatore tollente vocem, moventem montes ferreos, quando tollitur;
Nec obtempera adhortatori, non licitum habenti, conjungi cum pulchro, quando concedit;

Et utere dolis, etiam absurdis, nec cura quod dicant, sed sume quod convenit;
Patrem adeo linque, quando tibi adversatur; extende retia et venare quod appropinquat;

Fidus amico, avarum pellito, largire pulchro, donare continas;
Poenitentia autem servare antequam abis, nam qui liberalis portam pulsat, ei aperitur!

Dixi: euge, euge, tuam elegantem orationem; phui, phui, errorem tuum!
At, per Deum! qua de radice arbor tua? nam animo meo nimis perplexus est sermo tuus artificiosus. Respondit: non mihi placet de me loqui clare, sed potius per metaphoras.

Ego prodigium sum temporis et miraculum populorum;
Versutus, qui dolos nectit inter Arabes et Persas;
Praetera autem filius egestatis, quem fortuna injuste tractavit et fregit;

Pater filiorum, non absimilium carni in Ianionis asserere positae;
Frater paupertatis, numerosam habens familiam, ideoque non reprehendendus,
quando dolose agit.

Dixit narrator. Tunc ego scivi, eum Abu Seidum esse, onustum scandalis et vitiis, fucantem faciem canitie, maleque me habuit magnitudo sceleris et turpitudine aquisitionis. Proinde ei dixi lingua dedignantis, libertate familiaris: nonne tempus tibi est, o senex, abstinere a malo? Quod aegre ferens murmuravit, iratusque cogitationi se immersit; tum dixit: nox est laetitiae, non disputationis, et opportunitas bibendi vini, non dimicationis; mitte ergo inceptum, usque dum conveniamus cras. Et reliqui eum malignitatis ejus metu, non, quod fidem habebam promissis, pernoctavique lugubri poenitentiae veste, quod pedem protuleram ad filiam vitis, non virtutis, ac Deo summo, laudando, juravi, me posthac nunquam introiturum tabernam vinariam, etiamsi acciperem regnum Bagdadi, nec accessurum ad torcular, etiamsi reciperem tempus floridum juventutis. Tum adscendimus rubicundos nostros (camelos), luci propinguis tenebris, liberumque spatium reliquimus duobus senibus, Abu Seido et diabolo. —

B a g d a d e n s i s.

Narrat Haret Hammamita. Conveneram in oris Tigridis cum poetarum magistris, quorum ne pulverem quidem assequeretur certans, nec ullus palmam in stadio praeripere tentaret, immersique eramus colloquio, flores pudore suffundente, adusque meridiem. Cum autem defecisset cogitationum fluxus animaeque appeterent nidos, conspeximus vetulam e longinquo appropinquantem currentemque celer ut equus, quam sequebantur pueri graciliores quam fusi, debiliores quam pulli columbini; cumque nos vidisset, non moram traxit, quin superveniret, et coram stans dixit: Deus vivificet facies vestras, etsi mihi non cogniti estis!

Sciatis, o refugium spei et columina viduarum, me esse e principibus tribubus, primoribus gemmarum custoditarum. Familia mea et maritus non desistebant tenere pectus ¹⁾, incedere in corde ²⁾, concedere terga ³⁾ et porrigere manum ⁴⁾. Sed cum tempus perdidit brachia ⁵⁾, afflixitque hepata laterum ⁶⁾, tergumque desedit in ventris cavitatem ⁷⁾, tum distitit visus ⁸⁾, non inhaesit supercilium ⁹⁾, abiit oculus ¹⁰⁾, vacua fuit vola ¹¹⁾, durus fuit cubitus ¹²⁾, concidit dextra ¹³⁾, prodierunt ulnae ¹⁴⁾, nec mansit nobis dens anterior aut caninus ¹⁵⁾. Et ab eo inde tempore, quo vita mea viridis cinerum colorem contraxit, et defecit amatus fulvus ¹⁶⁾, niger evasit dies meus candidique facti sunt nigri cinciini, ut mihi condoleret inimicus caesius ¹⁷⁾, desiderataque esset mors rubicunda. Sequuntur autem me, quorum adspectus enarrat statum et pallor est interpretes, meta precum extrema frustulum est juscule tinctum, votorum summa vilis vestis. At juravi, me pudorem non esse deposituram, nisi coram nobili, etiamsi morerer calamitate. Iam vero socia ¹⁸⁾ mihi insusurravit, apud vos inveniri auxilium, indicavitque pectoris physiognomica, vos esse fontes donorum. Deus autem juvet virum, qui juramento me meo liberet praesagiumque verifcet! Et hoc dicens me adspexit oculo festucis inopiae laeso, sanitatem flagitante a liberalitate. Continuavit Haret Hammamita. Intellexeramus eloquentiam expositionis venustatemque metaphorarum; diximus ergo: prosa tua oratio nos in tentationem duxit; quomodo jam se habet texta ¹⁹⁾? Respondit: aquam fluere facit de saxo, nedum de testa. Reposuimus: si nos eis addere volueris, quibus bibere des, non parcemus te consolando. Dixit: primum ego vobis ostendam status mei notas, tum propinabo de carminibus meis; et produxit manicam indusii triti, prodiditque habitum vetulae edentulae; tum declamavit:

Deo conqueror, ut aegrotus, injuriam iniquae irataeque fortunae.

O homines! de gente sum aliquantisper divite, cui fortuna indulgebat,

Cujus famae non erat detractor, cujus gloria late sparsa.

Quando pabulum deerat anno tristi, ipsi erant abundans pratum;

¹⁾ Supremum locum. ²⁾ Centro. ³⁾ Iamenta. ⁴⁾ Beneficia. ⁵⁾ Adjutores. ⁶⁾ Sociorum. ⁷⁾ Inversus est status. ⁸⁾ Qui visitaret. ⁹⁾ Protector. ¹⁰⁾ Nummus. ¹¹⁾ Desiderata est quies. ¹²⁾ Ignem non emisit igniarium. ¹³⁾ Potentia. ¹⁴⁾ Discesserunt comites. ¹⁵⁾ Neque juvenis camelus, neque vetustas. ¹⁶⁾ Nummus aureus. ¹⁷⁾ Barbarus, cui tribuuntur caecii oculi. ¹⁸⁾ Anima. ¹⁹⁾ Verus.

Noctu proficiscentibus lucebant eorum ignes, hospitem excipiebant carne recente;
Nunquam vicinus pernoctabat esuriens, nec terrori dicebat, status est suffocationis.
Sed fortunae mutationes siccarunt maria liberalitatis, quae nunquam siccatum
iri opinabar

In terrae ventrem descenderunt leones protectionis et consolatores aegroti;
Vehiculum, postquam jumenta erant, est viae dorsum, habitaculum, postquam
erant colles, montium est pes;

Et pulli mei non desinunt lamentari ob adversitatem omni die splendente,
Quando pius noctu vocat dominum, vocant eum redundantibus lacrimis.
O qui nutris corvum in nido suo, sanasque os fractum et denuo ruptum,
Destina nobis, o Deus, hominem, cujus existimatio a vituperii spurcitie munda
est et lota,

Qui famis ignem nobis extinguat mixtura lactis acidi aut debutyrati!
Quisquamne vero liberet eos ab opprimente malo, mererique velit gratias
longas latasque?

Per illum, quem demissae adorant antiae ²⁹⁾, die, ubi facies apparebunt nigrae et candidae!

Hi nisi essent, non detegerem genam, nec converterer ad pangendum carmen.

Dixit relator. Et, per Deum! versibus suis fiderat praecordia eliciebatque abscondita crumenarum, ut dono eam afficeret, cujus mos erat largiri, lubenterque donaret, cujus voluntatem desperabamus. Cum autem repleret loculum auro, et a nobis omnibus tulisset beneficium, convertit sese, sequentibus parvulis, ore gratiis agendis patefacto. Sed coetus digressam propius cognoscendi cupidus erat, ut scirent, quem in locum ceciderit beneficium, et in me suscepi arcanum aenigmaticum explorandi officium, surrexique, premens vestigia vetulae, donec forum intraret confertum hominibus, se invicem urgentibus. Hic immersa in gurgitem, et sic liberata a pueris rudibus, declinavit libero animo in vacuum templum, removitque pallam ac destruxit velamen, dum ego per portae rimam spectabam, contemplatum, quid proditurum sit miraculi. Et cum recessisset instrumentum pudoris, genas Abu Seidi vidi splendentes, et in animo habui, in eum irruere, ut corripere ob facinus, quod aggressus erat. Sed aegrum se ostendens, ut inobsequentes, modulantem extulit vocem abiitque canens:

²⁹⁾ Eminentiores homines.

Utinam scirem fortunae meae cognitane sit mea potestas,
Cognitaque sit demersio in fraudes, an non cognita?
Quoties vici filios ejus dolo meo et astu!
Quoties prodii contra eos nota mea forma et simulata,
Alios venans sermone, alios versibus,
Alias mentes aceto seducens, alias vino,
Modo prodiens ut Zachr, modo ut soror Zachri.
Si enim tota vita tenuissem viam consuetam,
Frustrata esset sagitta et scyphus, mansissetque inopia et miseria.
Dic ergo reprehendenti, haec mea est excusatio, quo me excuses habes.

Dixit Haret Hammamita: cum autem mihi apparuisset status ejus revelatus et inauditum facinus, quamque versibus exornaverat, excusatio, perspexi, daemonem ejus rebellem non audientem esse reprobationi, sed facere quod libeat flexaque habena ad socios, aperui eis, quod monstraverat adspectus, qui, dolore pleni ob perdita dona, juraverunt, repulsam dare vetulis.

M e k k e n s i s.

Surrexi ex urbe Salami (Tigridis) ad obeundam peregrinationem religione praescriptam, et cum perfecissem ope Dei mundationem, deposuissemque unguentorum usum et libidinem, ingruit in montis declivitate, ubi convenire solent peregrinantes, vehementissimus aestatis ardor, coactusque quaesivi, quod meridiei aestum defenderet. Et cum commorarer sub tabernaculo e corio concinnato cum sociis comibus, et ferveret fornax glareae, vaporque coecaret oculum chamaeleontis, supervenit nobis senex decrepitus, quem sequebatur juvenis adultus. Salutante autem sene ut eruditus, excultus, et alloquente ut cognitus, non ut peregrinus, mirantes quae spargebat de margaritarum filo, libertatemque non concessam, quis es, diximus, et quomodo intrasti sine venia? Respondit: rogans

equidem sum et petens auxilium; secretum miseriae meae non est absconditum; me adspicere sufficit pro intercessore. Quod autem adinet aditum ad vos, de quo quaeritis, non est ex miris, cum liberales non ferant seclusionem. Interrogavius ergo, quo modo viam ad nos invenisset; quoque usus esset ad nos duce. Dixit: liberalitati odor est, cujus aerae se diffundunt et ad pratum, unde spirant, adducunt. Sparso ergo aromatate vestro ductus sum ad splendorem beneficiorum vestrorum, laurique vestri spiramentum praedixit felicissimum a vobis reditum. Percontati hic sumus, quid corde habeat, ut obiremus eum juvandi officium. Dixit: mihi est cura, nec minus filio quoque, quod petat. Diximus: utrumque desiderium explebitur, et ambo eritis contenti; sed primum sit primum. Dixit: omnino, per eum, qui expandit septem terras: tum prosiliit ad loquendum, ut qui exsilit e vinculis, declamavitque:

Ego vir sum, pest dolore et molestiam eo redactus, ut ultra proficisci nequeat.

Via mea nimis est longa, quam cui sufficiat cursus meus solutilis;

Nec habeo auri signati, quod aequet sinapis granum;

Consilii fons est obturatus, illudique mihi stupor;

Si pedes proficiscor, metuendi sunt casus exitiosi;

Si post socios relinquer, deest commeatus.

Ideo surgunt suspiria, descendunt lacrimae.

Vos autem esitis pascuum sperantis, scopus quaerentis;

Dona vestra profunduntur, ut non profunditur e nubibus;

Clens vester est tutus, divitiae vestrae sunt praeda;

Nemo territus ad vos confugit, metuitque porro vicissitudines,

Nec ulla spes liberalitatem vestram mulsit, quin donata sit.

Flectat itaque vos narratio mea, reditumque pulchrum faciat!

Quodsi probassetis victum meum, esumque, potumque,

Contristaret vos miseria, quae me tradidit aerumnis;

Et si sciretis existimationem meam et familiam et artem,

Et quod complectitur scientia mea selectarum disciplinarum,

Nullum dubium vos subiret, eruditionem mihi meam esse morbo.

Et o utinam nunquam surxissem ubera doctrinae!

Iam me oppressit ejus infelicitas, postquam pater invitum ei mancipavit.

Diximus ad haec: quod te adinet, versus tui jam in liquidum produxerunt pauperiem tuam et camelae exitium, certeque tibi jumentum dabimus, quod te

portet in patriam. Cujus vero rei eget filius tuus? Dixit ei: sta mi filiolo, ut stetit pater, et eloquere, quod est in anima, nec deficiat os. Surrexit autem juvenis, ut strenuus ad certamen, linguam strinxit acuto gladio similem, dixitque:

O domini, qui in excelsis aedificastis domos,
Qui, negotio ingruente, profligatis insidias,
Quibusque facile est, donare thesauros paratos!
Peto a vobis assam, placentam et pulmentum;
Si nimis cara sunt, panem tenuem, quo occultetur paulum carnis agninae;
Si neque hoc, neque illa, quantum satiet frustorum;
Omnia si negatis, dactylos colocyntidisve granorum mixturam.
Date, quod vobis facile est dare, carnis etiam siccatae particulas,
Celeriterque afferte! nam anima mea celeriter exhibitum gestit.
Commeatu non possum carere, cum longum mihi sit iter.
Vos autem optima estis gens, qui advocari solent in adversitate;
Manibus vestris quotidie manus ¹⁾ sunt novae,
Volis vestris complexus est utilium donorum.
Desiderium autem meum plicis ejus, quod donabitis, se continebit ²⁾,
Eritque in me praemium; levantes curam successum videbunt laudabilem;
Nobiles mihi sunt cogitationis partus, prae quibus erubescit omne carmen.

Dixit Haret Hammanita. Et cum vidissemus catulum similem esse leoni, patrem instruximus jumento, filium cibo; acceperuntque beneficium gratis late expansis, solveruntque talionem. Cum autem abire instituerent, nodarentque ad discessum zonae vincula, seni dixi: num similia erant promissa nostra promissis Urkubi, aut restitit necessitas animo Iacobi? Dixit: Deus avertat, ut id dicam! nullo modo! sed liberalitas vestra erat splendens et insuperabilis. Dixi: ergo judica nos, ut te judicavimus, nobisque imperti, ut tibi impertivimus! tua, dic, ubi est domuncula, qui nos stupore implevisti? Suspiravit ibi, ut qui meminit patriae, declamavitque, dum singultus impediabant linguam:

Sarugum est domus; sed quomodo reverti in eam?
Iam hostes castra ad eam posuerunt, eamque perdunt.
Per domum, quam adii, peccatis me liberatum!
Nihil oculo placet, quamdiu absum ab ejus tractu.

¹⁾ Beneficia. ²⁾ Contentum erit.

Tum lumina mergebantur lacrimis, permittebantque oculi fluxum. Manare autem eas moleste ferens, nec tamen cohibendi potens, declamationem dulcem rupit, valedictioneque decurtata abiit.

H a c r e d i t a r i u s .

Narravit Haret Hammamita. Insomnis nocte quadam nigerrimae involuta pallae, innotis nubibus libere profundentibus, uti vigilat amator a porta pulsus et ab amata dura afflictus, cum non desinerent meditationes excitare curas, cogitationesque vagari per sollicitudines, tandem ob cruciatum, quem perpetiebar, cupivi, ut donaretur confabulator e nobilibus, qui decurtaret longitudinem noctis nocturnae. Necdum factum erat votum demiseramque palpebram, cum portam pulsaret aliquis, voce submissa. Dixi itaque mecum: surculusne voti jam fructum feret felicitatisque nox luna collustrabitur? citoque surrexi, interrogavi: quis nunc noctu huc venit? Regessit: peregrinus, quem involvit nox et obruit fluctus, nec aliud adducit, quam deverticuli desiderium, ut, quando illuxerit, iter aggrediatur. Dixit; et cum radii ejus probarent solem ejus, titulus proderet secretum libri, cognovi, confabulationem ejus esse praedam, et pervigilium cum eo jucunditatem, aperuique portam ridens ac dixi: intra in pace! Et intravit persona, cujus tempus jam curvaverat cannam (rectam staturam) guttaeque humectarant pallium, salutavitque lingua acuta et facundia dulci, tum gratias egit, quod exaudivissem rogationem, excusavitque adventum nocturnum, intempestivum. Admotum autem lucernae splendenti considerans, ut considerat, qui accipit pecuniam, inveni magistrum nostrum Abu Seidum; nil erat, quod dubitarem sustineremve suspicionem. Et ejus eum loco habui, qui consequi faceret longissime remotam spei metam, et e vexatione curarum transferret in frigus laetitiae. Tum incepit lassitudinem conqueri, ego vero interrogare, quomodo et unde? Respondit: concede.

salivam meam deglutiam, nam fatigatus sum via. Existimans autem famem eum subiisse, ea de causa eum esse sequem, apposui quod apponitur hospiti, nocte tenebrosa improvise supervenienti; continuit autem sese modo pudentis, fastidiumque prae se tulit, ut gravatus stomacho. Quae mihi continentia malas suggessit suspiciones, iram movit naturae mutatio, ut sermone duriore uterer pungeremque vituperii aculeo. Sed ex oculi stricturis perspexit, quod mihi turbaret pectus dixitque: o debilis fiducia amore conjunctorum! recede ab eo, quod in animum induxisti, et aures mihi praebe, optime! Dixi: agedum, frater mendaciorum! Scias igitur, excepit; heri pernoctavi socius inopum, mihimetipse loquens; et cum implevisset nox votum suum et aurora stellas ejus demersisset, oriente sole, ivi in aliquod forum, ut invenirem praedam se offerentem aut ingenuum liberalem. Ibi conspexi dactylos pulchre dispositos, optime a sole aestivo coctos, ostendentes probanti puritatem vini conjunctam cum rubedine carneolae; juxta autem colostrum, simile auro flavo, conspicuum colore croci, laudans coquum suum sermone, supervacaneam faciente ipsius commendationem, ementisque consilium rectum judicans, etiamsi dedisset nucleum cordis. Desiderium itaque me constrinxit funibus suis, lactis appetitus me tradidit possessori, eramque stupidior quam lacerta, amentior quam perditae amans; cum facultas non esset voti consequendi et voluptatis in deglutiendo positae attingendae, neque etiam pes obediret discessuro, ob ardorem flammae, sed vehementia appetitus et famis fervor impelleret, ut pabulum quaererem omni in angulo, contentus aquae pauxillo, longumque per diem non desinerem, demittere situlam in fluvios, quamquam ne cum adspergine quidem redeuntem afferentemve, quod sedaret extremam sitim. Tandem, cum sol declinaret ad occasum, debilitatus esset animus fatigatione, jecore incederem candente et abirem, alterum pedem promovens, alterum retrahens, modo proruem, modo sederem, modo salirem, modo consisterem, en! occurrit mihi vir, lamentans ut liberis orbatus, libere manantibus lacrimis, nec quod in me erat de morbo lupi, et ventris vacuitas liquefaciens, me avertit a studio propioris cognitionis et cupiditate decipiendi. Dixi ei itaque: heus tu! certe ob occultam causam lacrimaris urerisque aliquo malo; dolores mihi tuos manifesta tibi que consulendi concede libertatem; nam haud dubie me invenies medicum sanantem, opitulatorem consolantem! Dixit: non, per Deum! lamentor ob victimum

deficientem, nec ob fortunam destituentem, sed ob interitum abolitionemque scientiae, et quod occiderunt ejus soles et lunae. Excepi: quid negotii apparuit, aut quae quaestio non soluta est, ut tibi excitata sit tristitia desiderio praecessorum. Ibi protraxit e manica schedulam, jurans per patrem matremque, se eam jam produxisse vexillis scholarum, nec illos potuisse explicare signa pallescentia, consulisseque atramentorum magistros, mutosque eos fuisse magis quam sepulcrorum incolas. Dixi: mihi eam ostende! forsitan ego ei explicandae sufficio. Respondit: o quam remota desiderii meta! sed saepe jam lapis feriit absque dirigente. Dedit ergo schedulam, repperique in ea scriptum:

O prudens jurisperite, qui excellis sagacitate, nec habes parem!

Responde nobis ad quaestionem, quam declinat omnis judex, stupet omnis jurisconsultus.

Vir mortuus est superstitibus fratre, ab utroque latere, Muslemo, ingenuo, pio, Et conjuge, habente itidem, o doctissime! fratrem germanum, sine ullo furo. Haec igitur lege constitutam partem complexa est, et frater ejus haereditatis reliquum sibi sumsit, prae fratre illius.

Sana igitur nos respondendo ad quaesitum, nam textus hic impatiens est contradictionis!

Cum autem versus legissem et secretum intellexissem, dixi: incidisti cum schedula tua in scientem, tradidisti eam filio cognitionis; nisi quod intestina mihi ardent, opusque habeo coena; liberali ergo hospitio me excipias, tum audi sententiam. Dixit: non inique pactus es, et abstinuisti a modo transgrediendo; itaque in habitaculum mecum veni, ut obtineas, quod petis, abeasque ut decet. Dixit; ego vero eum comitatus sum in latibulum, ut jubet Coranus, introduxitque me in domum angustiore arca et debiliore araneo; quam quidem mansionis angustiam sanabat amplitudine cubiti (liberalitate), dans optionem cibi jucundorumque, quae emeret. Ubi ego: cupio elatissimum equitem in desideratissimo equo, et saluberrimum comitem cum nocentissimo socio. Ad quae, cum paullum cogitasset, respondit: videris innuere filiam palmae cum colostro foetae ovis. Haec, inquit, innui, hisque acquirendis operam navo. Surrexit itaque alacriter, tum vero iterum decubuit ardens, dixitque: scias tu, quem Deus prosperet! veracitatem esse nobilitatem, sed mentiri, perniciem. Ne itaque fames, quae est

nota prophetarum ornamentumque praestantissimorum, te seducat, ut te associis mentientibus induasque mores desciscientium a fide; nam ingenua esurire mavult, quam quaestum facere mammis, aversaturque dedecus, etiāsi necessitate adigatur. Nec ego sum, qui pedibus se concuti patitur, nec conticeo pacta emtione deceptus. En! ego te monui, antequam rumpitur velum, connectamurque talionis jure. Ne igitur irrita habe, sed considera, quae monui, et cave a mendacio, cave! Dixi: per eum, qui vetuit malum foenus, et permisit esum colostri! non fatus sum ficta, nec indicavi falsa, sed experieris rei veritatem, laudabisque dactylorum et lactis pretium. Hilarem ergo se ostendit, ut cui vera relata sunt, cucurritque cito in forum, nec major datur celeritas, quam qua rediit cum utroque, gravatus et vultu fatigatione austero; proponensque, modo reprobantis, dixit: exercitum fugans exercitu, dulci fruire victu! Ego vero bulimiae brachium nudans, impetum feci modo elephanti voracis, dum ille me adspiciebat ut indignabundus, fereque suffocabatur ira, donec utramque speciem devoraveram, et post ipsum conspectum tantum supererant vestigia. Illic conticui, tum anxius propinqui pernoctationis temporis causa, tum cogitans de responso ad versus. Ille autem nulla interposita mora surrexit, attulit atramentum et calamos, et dixit: implevisti peram tuam coriaceam; nunc dicta sententiam, aut, si nequis, te para ad solvendam impensam ejus, quod edisti. Dixi: nihil habeo, quam quod veracitatem meam testetur, scribe igitur responsum, Deus dum nos adjuvet!

Dic proponenti quaestiones aenigmaticas, me revelatorem esse secretorum, quae abscondit!.

Mortuus ille, cujus fratri lex praetulit fratrem conjugis,
Vir est haud dubie, cujus filius, non invito illo, matrimonium inivit cum socru;
Tum mortuus est filius, sed jam gravida filium peperit similem,
Illius absque disceptatione nepotem, conjugis, sine fuco, fratrem.
Filius autem filii germanus avo propior est, heresque justior, quam frater;
Ideoque, cum moreretur, conjux legitimam haereditatis partem integram cepit,
Nepos autem, frater proprio a latere matris, reliquum;
Fratres contra illius uterinus nihil haereditavit, sine causa conquerendi.
Haec est solutio, quam sequetur omnis judex in judicio, et omnis jurisconsultus.

At cum cognovisset responsum perspexissetque ejus veritatem, dixit: recordare domus et noctis, tolle syrma et praeverte pluviam! Respondi: in regione sum peregrina; optimum est sacrificium, me excipere hospitio, praesertim cum nox demiserit alas Deumque laudet tonitru in nube. Resumsit: apage, quocunque vis, Deus incolumem te servet; sed mecum pernoctare ne ave! Dixi: cur istud, cum vacuum sit habitaculum? Respondit: quoniam bene adverti, ut deglutisti proposita, ut nihil non tangeres relinqueresve; vidique, te non curare salutem tuam, nec conservandae intentum esse sanitati; at, qui adeo fines transit, ut tu transiisti, ventremque implet, ut tu implevisti, ille non liber erit a cruditate contumacium morbum inferente, aut cholera exitiosa. Sinas me igitur, per Deum oro, illaesum, et discedas, dum vales; per eum, qui mori jubet et vivificat, non tibi apud me est pernoctandi locus! Hoc itaque juramento audito, et ingrato me tractatum videns modo, domum reliqui invitus, commestus vice instructus aerumna; largamque pluviam demittebat coelum, tenebrae caespitare faciebant, canes latratu persequabantur, portae mihi illidebantur, donec fati humanitas me duxit ad te, qua de causa gratus candidam ejus manum. Dixi ei: gaudeo de fato Dei, te obviam ducente cordi meo alacri (vigilanti). Tum incepit raram artem explicare narraudo, et miscere risum moventia cum flebilibus, donec, sternutante aurorae naso, clamavit vocans agricolas, accingebaturque vocatus ad obediendum; hic declinavit ad valedicendum. Equidem eum a discessu retinere tentavi, dixique: hospitio sunt tres dies. Sed obtestationibus et juramentis consilii mutationi aditu praecluso, exitum e domo aggressus est, deflectensque declamavit:

Quem diligis, eum per mensem ne visita, nisi uno die; ne in molestiam ejus adjicias, caveto!

Nam uno tantum per singulos menses die spectatur, ut sponsa, nova luna; postea oculi non amplius eam adspiciunt.

Dixit Haret Hammamita: valedixi igitur corde, cujus vulnus sanguinem stillabat, optavique, utinam nocti meae tardissima fuisset aurora! —

M a u r u s .

Narravit Haret Hammamita. Aderam precibus vespertinis in templo quodam Mauritaniae; cumque officio satisfecissem abundanter, a lege praescriptis adidissem spontanea, oculus incidit in societatem hominum, qui in partem seorsam recesserant, sincera se distinguentes amicitia, invicem sibi porrigentes poculum colloquii, percutientesque disputationis igniarium. Equidem cupidus lucrandi verbuli, acquirendaeve doctrinae, ad eos tetendi, ut qui imitaretur Tofailum (ideo celebrem, quod non invitatus accedere solebat) dixique: vultisne excipere hospitem, qui frui gestit confabulationis fructu, non decerptis modo dactylis, quaeritque elegantias conversationis, non pingue tuber juvenci cameli. Solutis autem considendi vinculis responderunt, salve, salve! Sed non consederam quantum rapidi fulguris durat strictio, aut pavidæ avis sorbitio, cum superveniret viator, cujus sub brachio erat pera, salutaretque duobus (solitis) verbis, templumque honoraret duobus genuflectionibus, tum inciperet: o vos praediti intellectu et sincera virtute! num ignoratis, optimum offerimentum esse, levare curas, funemque firmissimum salutis, consolari egentes? Ego vero, per eum, qui me deduxit in tractum vestrum et destinavit, ut a vobis peterem aquam! propulsus e domincilio longinquo sum, missus a liberis emaciatis; estne igitur in coctu vestro, qui nobis sedare velit famis febrem? Responderunt: o tu, quisquis es! post vesperam accedis, nec nisi reliquiae supersunt coenae; quibus si contentus es, te non prohibere volumus. Dixit: angustiarum frater iis quoque contentus est, quae a mensis decutiantur, quatiendove excidunt e reconditoriis. Iussit itaque unusquisque eorum servum suum, ut ei daret, quantum cibi haberet; quo beneficio laetus, gratis actis, sedebat considerans, quae afferebantur. Nos vero reversi ad venandas elegantias doctrinae, earumque pretiosissimas, ac eliciendam aquam frigidam de fontibus suis, ad ea delati eramus, quae non sunt absurda, si invertuntur, ut si

dicas SAKB KAS (effundens poculum)*, invicemque nos provocaveramus, mentem ad novos incitare partus, cogitationumque ducere nondum praecloratas virgines, ea sub lege, ut incipiens tres margaritas necteret suo filo, post eum vero gradatim crescerent augmenta, et ad dextram sedens quatuor, ad sinistram sedens septem consereret, quamvis fastidiens. Dixit, qui retulit. Et jam conserueramus numerum manus digitorum, et sociaveramus, quot socii fugiebant in specum, cum, magnae afflictioni meae, ad dextram sedens meam dicere festinaret: LM ACHA ML (reprehende fratrem languescentem); exciperetque, qui ejus a dextra erat: KBBR RGA AGR RBBK (ampla tibi sit spes praemiorum domini); diceretque propinquus: MN IRB ASA BR INM (augens beneficium auget famam); continuaretque sequens: SKT KL MN NM LK TKS (tacere jubens calumniantem sapiens eris); vicesque meae venerant, ac incumbere mihi, septuplum verborum ordinem connectendi officium. Nec desinebat cogitatio mea conflare et frangere, frugiferam se praestare et sterilem, et interea auxilium petere, quamquam non inveniēbam adiutorem, donec quiescebat halius (studium) apparebatque submissio. Hic dixi sociis: si Sarugensis hoc consessu adesset, insanabilem morbum certe sanaret. Responderunt: etiamsi Ajaso hoc imponeres, distineretur desperatione. Incepimusque latius evagari aestimando problematis difficultatem, portamque ejus reputando clausam, dum advena ille, qui nos oppresserat, oculo contemnēntis nos adspiciebat, et margaritas conserebat nobis insciis. Et cum vidisset debilitatem nostram reiectam, laticisque nostri paucitatem, dixit: o homines! magnus est labor, efficere, ut pariat sterilis, sanitatemve petere ab aegroto, et supra omnem doctorum scientiam. Tum ad me accessit inquiens: equidem vicem tuam sustinebo infortuniumque, quod in te incidit, dispellam, et, si vis spargere (prosa oratione uti), dic, alloquens eum, qui reprehendit avarum cumulatque vituperium: LS BKL MVML ASA LM VMLK BSL (confuge ad eum, a quo suspenduntur spes; qui, quando collegit et possidet, largitur); sin vero praefers nectere, dic ei, quem magni habes:

*) Palindroma intendit, idem sonantia, si singulae litterae a fine versus initium legantur, ac si legantur ordine recto, ut in verbis: Anna, Otto, et versu: Signa te, signa, temere me tangis et angis. Arabes res tantum respiciant hic litteras, quae consonantium valores habent.

AS ARMLA ADA ARA VARA ADA ALMR ASA etc. etc. *).

(Consolare egenum, qui supervenit; sed abstine, quando vir male egit;
Excipe fratrem nobilitatis; remove te a fratre spurcitiei;
Vita latus injuriam inferentis, calumniantis, quando considet;
Defende a te excitatam contentionem, eamque projice, si firma stat;
Tranquillus sis et fortis; fieri potest, ut ~~jam~~ ^{propinquum sit} tempus iniquum!)

Dixit; et cum nos fascinasset versibus suis, et ingemere fecisset non attingendis metis, laudavimus eum, donec se immunem habere petebat, et donavimus, donec sat esse fatebatur; tum succincta veste peraque in dorsum sublata surrexit et cecinit:

O divinum hominum coetum, quorum linguae adeo sunt veraces,
Qui superant omnes mortales virtutibus memoratu dignis et benemeritis!
Collocutus sum cum eis et inveni, Sachbanum apud eos esse Bakilam **);
Diveratus sum ad eos mendicans, et repperi liberalitatem fluentem;
Iuravique, si liberales essent pluvia recreans, hi essent imber.

Tum processit spatium duarum hastarum; sed rediit, implorans Dei auxilium contra mortem, dixitque: o decus eorum, quibus sunt majores, et thesaurus eorum, qui privati sunt opibus! tenebrae jam ingruerunt, et viae facies jam velata est; inter me et nidum meum nox est nigerrima et via signis carens; nonne igitur faciem dare potestis, qua evitem caespitationem? Dixit; cum vero advenisset quod rogaverat, et torris lux detegeret facies, repperi venationem inter nos exercuisse Abu Seidum nostrum, dixique sociis: hic est, quem retuli ferire, quando loquatur, et quando pluvia ab eo rogetur, non negare. Et extendebant versus eum colla, gyabantque in eo oculos, rogabantque, ut nocte ista cum eis confabularetur, ea conditione, ut subveniremus paupertati ejus. Sed dixit: gaudium meum est, quod vobis gaudium creat; ipsique laetemini, qui me laetastis; praeterquam quod ego vos adii, dum liberi mei contorquebantur fame rogabantque, ut celeriter redirem; quod si igitur me diutius abesse sentirent, turbaret eos elusa spes, nec mihi vita esset jucunda. Permittite igitur, ut eam, eorumque famem

*) Reliquae quatuor versus latine litteris exprimere omittendum rati sumus.

**) Impeditissimae linguae vir.

obtorem, et descendere faciam, quod suffocat; tum statim ad vos redibo, praeparatus ad nocturnam confabulationem, donec illuxerit aurora. Diximus igitur famulorum uni: sequere eum ad familiam suam, ut celerius revertatur. Ivit ergo cum eo, sub axilla portans ipsius peram, acceleraturus reditum. Moram autem traxit modum excedentem, tum rediit puer solus; quem cum interrogaremus, quid nobis fers nuntii de improbo? regressit: fatigantibus me duxit viis tramitibusque in ramos divisis, donec perveneramus ad domunculam vastatam. Ibi dixit: hic est locus quietis meae nidusque pullorum. Tum petiit ut aperiretur porta, mihi vero ^{de pueris} ~~eripuit~~ peram dicens: per vitam meam! onere me levasti, meritis es remunerationem; accipe igitur consilium, quod e praestantissimis est consiliis et commodorum hortis, et declamavit:

Quando dactylos habes recentes, ne differ eos comedere in annum proximum;
Quando incidisti in aream, sume de spicis ibi conspicuis;
Sed postquam collegisti, ne morare, donec tenearis reti venatoris;
Nec nimis penetra, quando natas, nam salus est in ripa;
Pete donum praesens, promitte futurum, et vendo olim solvendum solvendo statim;
Neque vero nimis diu mane apud socium, nam nemo unquam (majori) fastidio
fuit, quam adhaerens!

Adjecit: haec serva in reconditorio tuo et sequere in rebus tuis; festina autem ad socios, Domino custoditus, et cum perveneris, salutem meam perfer, admonitionem recita, et a me acceptam (regulam) trade: vigilias per confabulationes maxima afferre damna, me vero non supersedere corporis mei custodiendi cura, nec contrahere velle ariditatem capiti. Dixit qui retulit. Cum versuum ejus argumentum nobis patefecisset, improbantes versutiam ejus et astum invicem nos reprehendebamus, quod eum dimittentes mendacio nos decipi passi eramus. Tum discessimus austero vultu, manuum percussione affligente.

N i s i b e n u s .

Narravit Haret Hammamita. Anno quodam praeterito Iraka sterilis erat ob adversa pluviarum sidera. Viatores ibi loquebantur de agro Nisibeno, comodaque incolarum ejus, largo proventu gaudentium, vita. Ascensa igitur camela Moharitica, hasta stapedi infixa Samharitica, profectus, jactabar de regione in regionem, tractabar de valle in collem, donec perveniebam emaciatius in emaciata. Quam cum decumbere sivilsem in fertili pascuo, et lucratus essem pasturae sortem, proposui in eo deponere collum, hospesque versari inter incolas, donec ubertate gauderet siccus annus, visitarentque patriam meam pluviae vernae. At per Deum! oculus meus non rigatus erat levissimo somno, nec dum pepererat dies ille noctem, cum invenirem Abu Seidum Sarugensem, gyranthem in oris Nisibenis, fructus decutiendo fortunam experientem, modo adversam, modo secundam, spargentemque de ore margaritas, dum manibus emulgebat lactis fluxum. Studium ibi meum animadverti praedam obtinuisse, et sortem meam solitariam evasisse geminam; nec desinebam umbram ejus persequi, quocunque agitabatur, et sermonem ejus excipere, quotiescunque proflabat; usque dum ei supervenit morbus, cujus longinqua erat meta, cujusque cultri adeo carne denubant ossa ejus, ut paene vitae vestem ei exueret, eumque traderet Abu Iachjae. Cruciabar autem ob deficientem adspectum ejus amissamque rigationem, ut lactens, quando ablactatur, et longe remotus a desiderato. Tum sparsus est rumor, pignus ejus deperisse, mortem unguem ei infixisse; omnesque amici ejus, tremenda haec divulgantium nuntio conturbati, confluerunt in aream ejus citato gressu:

Stupentes, angore vacillantes, quasi lactati vetusto vino;

Profundentes lacrimas, findentes vestimenta, percutientes genas, vulnerantes capita;

Optantes ut fata, dum illi parcerent, pretiosa et animos ipsorum obruissent.

Dixit, qui retulit. Ego, adjunctus amicis, festinavi ad portam ejus. Cum vero advenissemus ad aream et percipiendis de statu ejus certioribus intenti es-

semus, exivit ad nos puer, risu diductis labiis, sciscitantibusque, quomodo senex se haberet in morbo, quaeque ei esset se commovendi vis, respondit: in pugillo morbi erat et vehementissimae febris contritu, ita ut tabes eum extenuaret, planeque exhauriret malum exitiosum, cum Deus summe laudandus vitae residuum confirmaret, quo facto ex animi deliquio emersit; révertimini ergo viis vestris et exuite terrores vestros; est enim, ac si jam exiret et rediret certaretque propinando merum. Nos, magni facientes hunc nuntium, postulabamus, ut eum videre liceret. Ille introivit indicans, tum prodiit permittens; et intrantes habuimus (amicum) obvium, lingua utentem agili, considebamusque circa sellam ejus, acute spectantes omnem lineam; ipse quoque oculos in coetu gyrans dixit: intuemini filiam momenti!

Deus me restituit, gratiae ei agantur! a morbo, qui paene me delesset,
Sanitatemque donavit; quamquam non est refugium a morte nasum annulo
trajiciente.

Non mei oblitus est, sed ad consumptionem usque vitae alimenti me distulit.
Quando destinata adest; non juvat propinquus, nec tutela Kuleibi *) eum defendit.
Nil autem curo, hodiene veniat terminus, an prorogetur in terminum alium;
Quid enim gloriae est vitae, qua spectamus miseriae, tum eis ipsi affligimur.

Dixit; et cum ei imprecati essemus prolongationem vitae et metus propulsionem, nos invicem exhortati sumus ad surgendum, ne crearemus taedium. Sed reposuit: nequaquam; commioramini potius apud me per hujus diei candorem, ut delectante sermone tristitia mea levetur; nam confabulatio cum vobis est animi mei alimentum, hilaritatisque meae magnae! Praehabentes igitur quod ei placebat, caventes ab inobedientia, caedebamus sermones, debutyranes cremorem, rejicientes spumam, donec aderat tempus somni meridiani, linguasque taederet uniuscujusque verbi. Erat autem dies ferventissimi aestus, maturaus hortorum fructus. Dixit: dormiendi appetitus inclinavit colla vestra et pabulatum ivit in oculorum vestrorum angulos; adversarius ille quidem strenuus, petitorque non repellendus; jungite illi igitur somnum meridianum, regimine utentes vulgatis traditionibus. Dixit relator. Secuti igitur dicta ejus dormivimus et dormivit ipse; Deus autem

*) Nomae maximae potentiae, aut: Muhammedem.

feriit aures, effuditque somnum in palpebras, ut exiremus e regno existentium, dormiendo averteremur ab adoratione, nec expergisceremur, nisi postquam aestus sedatus erat et dies evaserat senex. Quo facto lotionem nos lustravimus ad precationem tacitam, persolvendumque, quod religio imponebat, debitum; tum cum impetu aggressi sumus reditum illuc, ubi solveramus clitellas. Sed Abu Seidus, conversus ad catulum suum, natura et forma ipsi similem, dixit: videtur mihi pater culturae carbonem incendisse in eorum intestinis; voca ergo patrem congregationis, qui omnibus esurientibus est arridens nuntius; hunc fac ut sequatur pater jucunditatis, qui omnem injuriam perfert; hunc auge patre amati, qui omni amatur cordato, versatus inter ustionem et macerantes dolores; tum cita patrem penetrationis, optimum euge! socium; nec non patrem auxilii adesse jube, cui non par est in auxilio ferendo; et si insuper adduxeris patrem pulchritudinis, quantam ille explicabit pulchritudinem! Festina vero etiam accire matrem hospitalitatis (ciborum hospiti proponendorum), quae in memoriam vocat Chosroem; nec obliviscere matrem consolidationis, nam quot ejus sunt laudatores! accersaque matre liberationis impetus fiat absque criminis metu. Sigillum autem sit pater gravitatis, qui solatium est omni tristi; cui si addideris patrem celsitudinis, nomen tuum ex avarorum ordine deletum erit. Cave tamen, ne duo trementes afferas, priusquam onus sumtum fuerit jumentis separationis; sed quando homines desierint infigere manus, tractaverintque patrem lenitatis, tum circumire jube patrem generositatis, qui est generositatis index! Dixit; et filius intellectis, subtilitate prudentiae, subtilibus illius nutibus, circumferebat suavitates et suave (aroma), donec sol indicabat discessum. Cum autem valedicere convenisset dixissemusque: nonne vidisti hunc diem egregium, ut aurora ejus apparuit atra et vespera lucida? adoravit diu, tum capite sublato inquit:

Ne desperes, ingruentibus malis, de liberatione dispulsura curas!

Saepe ventus venenatus, orto subinde zephyro, abiit;

Saepe elatae sunt nubes ingrati, sed dissipatae, priusquam effunderent;

Saepe metus fuit ob fumum ligni, sed non prodiit ex eo flamma;

Saepe orta est tristitia, sed e vestigio occidit!

Firmus igitur sis terrore invadente; nam tempus est pater miraculorum;
Et spera a spiritu Dei gratias non cogitatas!

Dixit; et ut nobis dictaret, rogavimus, versus excellentes; postea, Deo O.
M. actis gratiis, valediximus, laeti illius sanatione, obstricti beneficentia.

*Explicatio metonomiarum Tofeiliticarum et metaphorarum Supplicarum,
hoc consensu occurrentium.*

Abu Iachja est angelus mortis; pater culturae fames, quae vocatur etiam Abu Malek, sive pater possessoris; pater congregationis est monas; pater juvenilitatis panis albus; pater amati hoedus; pater penetrationis acetum; pater auxilii soli; pater pulchritudinis olus. Mater vero hospitalitatis, sive ciborum proponendorum, vocatur Sakbag, acidus cibus, nostrum ragout, a Chosror, Persarum rege, introductum; mater consolidationis est Harisa, spissum pulmentum e tritico et carabibus; mater liberationis Gusanbet, panis asperimpensa carne pinguedine imbutus et sic obsonii curatione liberans; pater gravitatis Chabiz, cibus o dactylis cum butyro mistis, sic dictus a magno pretio; pater celestitudinis Falsauk, edulium ex amylo et mello, Europaeorum ergo fero tarti; pater lenitatis Rhasul, id, quo elumantur sordes; duo tremantes sunt pelvis et gutturnium, et pater generositatis suffitus. —

R a j e n s i s.

Narravit Haret Hammamita. Curae mihi erat, ex quo mihi ipse prospiciebam justiusque de rebus faciebam iudicium (proprie, dignoscebam ea, quae coram, ab eis, quae a tergo erant), ut aures praebens admonitionibus, evitans sermones Dei iram provocantes, ornarer pulchris moribus, recederemque ab eo, quod villitatis notam imprimit. Nec desii animam meam huic mori assuefacere, et carbonem irae extinguere, donec ei naturae erat, illo dirigi, voluptatiue desideratae, illi operam navare. Cum itaque Rajam venissem, solutus erroris vinculis, dignoscens verendum a simulatore, videremque die quodam mane catervam vestigio catervae, late dispersas instar locustarum, currentes, ut solent celeres equi, describentes concionatorem, quem peterent, pluris aestimatum filio Simeonis *),

*) Orator et admonitor natus anno CCC p. H.

nec mihi molestum esset, audituro admonitiones, cognituro admonitores, tolerare increpantem, ferre complimentem, ductilem me praeberi ut equus moriger, filoque multitudinis insertus currebam, donec pervenimus ad coetum, qui continebat imperantem et obsequentem, amplectebatur nobilem et depressum. In centro autem halonis et medio lunarum novarum senex erat decrepitus, immisso dorso et prominente pectore, indutus pileo et veste viridibus, qui declamabat admonitiones sanantes pectora, mollientes saxa. Hunc, cum animae jam essent fascinatae, audiui dicentem: o fili Adami, quam deditus es ei, quod te decipit; quam assuefactus ei, quod tibi nocet; quam adhaerens ei, quod errare facit; quam laetus de eo, qui immodice laudat! Operam das ei, quod te fatigat; negligis id, quod tibi incumbit; adducis nervum arcus transgressionis et cadis in aviditatem, quae te perdit. Non contentus es eo, quod sufficit; non abstines ab eo, quod vetitum est; non audis admonitiones, nec repelleris comminatione. Consuetudo tibi est, sequi cupiditates, ingredi, ut solet luscitiosa; cura tua, ut facias lucrum et colligas haereditatem haeredi; placet tibi multitudo ejus, quod penes te, nec meministi ejus, quod ante te; semper studes duabus speluncis tuis (ventri et pudendis), nec cogitas, utrum pro te, an contra te? Cogitasne, te missum iri liberum, nec judicatum postero; credisve, mortem accipere dona, aut praeferre leonem pullo dorcadis? Neutiquam, per Deum! Fata non prohibent, nec divitiae, nec liberi; nec prodest quicquam sepulcrorum incolis, quam benefacta. Felix ergo ille, qui audit et servavit et vere fecit, quod praetendit, animamque coercuit a cupiditate certus, salvum esse resipiscentem, et nihil homini mansurum esse, quam studium, studium ejus autem appariturum. Tum declamavit ut metuens, voce sibilante:

Per vitam tuam! nec cantatrices, nec divitiae prosunt locupleti, quando habitat humum, suum tanquam diversorium.

Expende igitur viis Dei opes tuas, contentus acquirendis ab eo mercede et praemio; Et praeverte mutationes fortunae; nam derepente invadit distorto ungue suae et dente;

Nec crede tempori fallaci et dolo ejus; nam quot sunt miseri, quos perdidit et laesit!

Cupiditati adversare, cui non obedit frater erroris, quam ut cadat de monte suo;
Reverentiam et timorem Dei serva, ut effugas timendas poenas ejus;

Nec neglige memoriam peccatorum tuorum, sed lacrimas ob ea funde, certantes
cum nube profundente;

Et ob oculos habe mortem, uti incidet, et terribilis erit occursum, amarusque
sapor;

Nam terminus habitationis vivi est fovea, in quam certe descendet postulatus
e thalamis.

Bene igitur illi serve, qui contristatus malefactis suis, corrigere ea coeperat,
antequam clausa erat porta!

Dixit; hominum alii lacrimas spargebant, alii poenitentiam ostendebant,
donec sol declinabat diutiusque, quam lege sancitum est, precati erant. Hic, cum
voces quiescerent, silentium coalesceret, nidumque repeterent lacrimae et signi-
ficationes, imploravit aliquis praesentem principem, inceptitque conqueri de prae-
fecto ejus injusto; princeps autem favens adversario a discutienda ejus injustitia
se avertebat. Quare ille desperans de auxilio, rogavit concionatorem, ut ad eum
monendum surgeret; qui surgens more expediti, declamavit alloquens Amirum:

O miraculum, qui petit munus et, cum accepit, injuste agit,
Stamina injustarum actionum disponens, easque texens; modo ipse injustitiae
aquam lingens, modo ad eam bibendam alios incitans!

Nonne curat sequens cupiditatem, corrigit religionem suam, an corrumpat?
Vae illi! Utinam sciret, non esse statum, qui non mutetur, quando inique agit;
Et utinam videret poenitentiam eorum, qui aures praebent mendaciis delatorum,
quando ipse auscultat!

Obsequens autem sis ei, in cujus manu est frenum, et adi salsam aquam,
quando vetat lenem;

Tolera offensam ejus, etiamsi ea tangi dolorem tibi creet, lacrimarumque tibi
fluxum excites et profundat!

Certe tibi olim fortuna risum commovebit da eo, quando ab eo recesserit, et
ignis tumultus ob dolos ejus excitatus fuerit;

Certe descendet in eum vituperium, quando remotus fuerit ab opere, vacuus
a munere;

Certoque miserebit te ejus, quando gena ejus contertus pulvere volutabitur.

Hoc ei accidet, praeterea vero sistetur loco, ubi eloquentissimus apparebit blacus;

Et resuscitabitur miserior fungo deserti; inquiretur ob deficiens et distortum;
Corripietur ob ea, quae collegit, et ob eum, quem selegit; postulabitur de eo,
quod sorpsit, et de eo, cujus spumam bibit,
Calculusque cum eo inibitur de minutissimis, uti fecit cum hominibus, et magis;
Hinc ob praefecturam mordebit digitos optabitque, utinam de ea optasset nunquam, quod optavit.

Tum dixit; o tu, qui accinctus es imperio et operam das regimini! desine superbire ob dominationem tuam, et decipi vi tua! nam dominium est ventus facile se convertens, et potestas nubes fulgurans, pluvia carens; felicissimusque pastorum est ille, qui ad felicitatem perducit gregem; miserrimus in utroque mundo, qui male pascit. Tu autem, ne sis ex illis, qui mundum futurum temnunt et negligunt, praefervuntque et quaerunt propere praetereuntem, injuria et noxa afficientes subditos, dominiumque cum nacti sint, terram studiose peragrant, ut perdant. Per Deum! judex non ignavus erit, nec negligetur noxa et benefactum, nec liber dimitteris, o homo! sed trutina coram te statuatur et judicaberis, ut judicasti. Dixit; et dolorem concepit praefectus ob ea, quae audierat, et, alteratus et mutatus colorem, inceptit detestari praefecturam et suspirium jungere suspirio. Tum ad querentem conversus, causam proferre jussit; ad accusatum conversus, eum anxio; monitorem benigne tractavit et donatum invitavit, ut ipsum visitaret; affectusque injuria abiit levatus, qui injuriam exercuerat, anxietate pressus. Monitor autem, posthaec molliter vacillans per socios, gloriansque de prospero mercatu, cum eum secutus essem gradu modesto, oculumque ei ostendissem perspicentem, cognito cordis mei secreto ac vultus mei in eo gyratione animadversa, dixit: indicum tuorum duorum maxime laudandus ille est, qui in rectam te duxit viam; tum appropinquavit et declamavit:

Ego sum, quem novisti, o Haret! confabulator regum, jocosae colloquens;
Gaudii creans, quantum non creant chordae; nunc frater austeritalis, nunc Iudi.
Fata post discessum a te me non mutarunt, nec decorticavit lignum meum
negotium affligens,
Nec dentem meum fregit infortunium percutiens, sed unguis meus in omni
praeda figitur;
Et in omni pascuae lupus meus grassatur, quasi ego mortalium essem heres,
Eorum et Sem et Ham et Iaphet.

Perrexit Haret Hammamita. Dixi, per Deum! tu es Abu Seid, servistique Deo, ut non servit Amru filius Obaidi*). Ibi laetitia affectus, qua solet affici liberalis, quando ad eum divertitur, regessit: Audi fili patrui!

Veritatem dicendi tibi incumbit officium, etiamsi veritas te ureret igne inferni;
E stude, ut Deo placeas, nam mortalium est maxime falsus, qui ad iram provocat Dominum, dum propensum sibi facit servum.

Tum valedixit amicis suis, abiitque trahens manicas. Nos vero postea eum quaerebamus Rajae, nuntiumque de eo petebamus a voluminibus complicationis (epistolis); sed nostrum nemo rescivit, ubi ille subsisteret, potuit dicere, quae eum abstulerint locustae.

E u p h r a t i c u s.

Narravit Haret Hammamita. Anno quodam tranquillo, cum me contulissem in agros Euphrate rigatos, obviam ibi habui scribas facundiores filiis Furati**), moribus praeditos dulcioribus aqua Euphratis. Quos accedebam captans puritatem doctrinae, non aurum, saepissime visitabam ob humanitatem, non ob epulas. Atque erant mihi illi hospites, qualis Kakâu filius Schauri ***), perveniebamque apud eos ad (amicitiae) abundantiam post inopiam, ita, ut me sumerent socium mansionis et pastus, et eo loco me haberent, quo coryphe est digitis, filiumque consuetudinis facerent tempore negotiorum et otii, ac secretorum custodem in seriis et jocosis. Accidit aliquando, ut hi, vocati ad visitandos pagorum agros consitos, eligerent de dromadibus alto velo ornatis dromadem perfecte atram, quam credideris congelatam, transeuntem modo nubis, labentem per aquae montes ut serpens, tum me vocarent ad consensum et invitarent ad societatem. Cum autem insideremus in jumento nigro, essemusque in mediis clitellis currentibus in aqua, invenimus senem tectum trita tunica et cidari vetusta, quem adesce omnes detestabantur ei,

*) Celeber monitor, mortuus 144 p. H., ab ipso Manxuro narnia deflatus.

**) Quantum fratres vestitus functi sub Abaidis.

***) Illic et Cûab bin Mama vixerant ante Mohammedem, hospitalitate incliti.

duriter correpto praesentiae auctore, de nave expellere aggressi essent, nisi tranquillitas eis rediisset. Perspiciens itaque, nos umbram suam nimis gravem aestimare, pluviamque suam pro grandine habere; cum ad verba faciendum se convertisset, sed silere jussus esset; deum laudasset, post sternutationem, sed nemo bene ei precatus esset; conticebat considerans, quo res sua devenerit et expectans auxilium, a Deo promissum ei, qui injuria affectus est; dum nos circumvagabamur viis diversissimis serii et joci. Tandem mentione facta utriusque scribarum officii, et coorta quaestione, utrum plurius habendum sit; dicenteque alio, componere tractatus nobilissimum esse scripturae genus, alio inclinante ad artem calculatoris praeferendam; exarsit disputatio et crevit altercatio, vehemensque evasit clamor, donec non supererat certamini locus, disputationive pascuum. Ibi dixit: o homines! multa verba fecistis, memoravistisque vera et falsa, iudicium autem clarum est penes me; nummis meis paratis contenti, neminem post me hac de re interrogate! Sciatis velim: ars tractatus componendi est elatior, ars calculandi utilior; calamus scriptoris est orator, calamus calculatoris lignator (absque delectu converrens); litterae orationum scribuntur, ut legantur; libelli rationarii delentur et teruntur. Tractatum compositor est Gahina quo ad nuntios (qui certissimos nuntios referre potest), pera secretorum, a consiliis secretis principum, primus compotum; calamus ejus est lingua regni, eques pugnae, Lokimân sapientiae, interpret cogitationum; porro, laetorum relator, monitor, intercessor et legatus; eoque expugnantur castella, possidentur eminentissima, ad obedientiam adigitur rebellis, appropinquatur remotus; insuper dominus ejus est liber ab investigationibus, securus deceptorum doli, laudatus in conventibus, non coactus ad conficiendos codices rationarios. Cum autem in discrimine exponendo venisset ad hunc articulum, ex hominum oculorum stricturis perspexit, se seminasse amorem et odium, alique placuisse, alii iram commovisse; calci itaque adjiciens dixit: nisi quod ars calculatoria fundata est veritatis exploratione, ars tractatus componendi superstructa consuendis particulis. Praeterea calamus calculatoris amplectitur, calamus componentis fructus appetit, et inter solutionem tributi ditionibus impositi et lectionem voluminum syngraphorum interest, quod non assequitur computus, nec ulli alii rei intricatae metaphorice designandae inservire potest. Nam solutio implet crumenas, lectio evacuat capita; redditus consignati in codice accepti et expensi

ditant videntem, pervolvere folia librorum fatigat videntem. Tum calculatores sunt custodes facultatum, jumenta onerum, relatores veri, legati fidi, indices ad aequitatem praestandam et obtinendam, testes sufficientes in dissensu; et ex his est totum persolvens (quaestor), qui manus est imperatoris, cardo curiae, trutina operum, fidus praepositus praefectorum, ad quem refertur pace et bello, ad quem agitur de redditibus et expensis, a quo pendet noxa et commodum, in cujus manu est frenum largitionis et negationis. Et nisi calamus esset rationarius, periret fructus laborum, duraret fraus ad diem usque judicii, solutus esset ordo regni, iniquitas malitiae impunis, collum justitiae vinctum, gladium contra injustitiae strictum; ne taceam, calamus componentis (nonnumquam) fingere, arundinem calculantis veritatem proferre; numerantem scrupulosa diligentia uti, orationem scribentem (saepius) patrem esse officiarum. Ceterum utrique est venenum, cum ascenderit dignitatum scala, donec obviam itur et ceu amuleto magico extinguitur; et inolestiam creat eo, quod profert, donec visitatur et donatur; iis exceptis, qui rectam fidem tenent et bonis student operibus; horum autem sunt pauci. Cum vero aures nutritisset jucundis adeo et placentibus, quis esset interrogatus, scrupulosum habuit stirpemque dicere renuit, etiamsi inveniretur cognatus nobilissimis. Equidem vero, quod obscurus manere vellet, tristis eram, donec, parvum post temporis spatium, memoria suggerente, inquit: per eum, qui firmamentum servire cogit rotundum et naves iter facientes! ego invenio odorem Abu Seidi, quamvis eum antea vidi pulchriore adpectu et robore gaudentem. Hoc audito labia diduxit ridens dixitque: ego is sane, utut mutata apparet fortunae et corporis conditio. Sociis itaque inquit: hic est, cui non datur aemulus in secundo, cujusque cum perfectione nemo certamen init. Quare omnes expectabant amicitiam largiebanturque dona. Sed neque societatem, neque munera accepta habens, dixit: postquam dignitati meae detrectastis ob vile exterius, scidistisque cor ob tritas braccas, ego vos non adspicere possum nisi oculo fervente, nec vos comitabor, nisi hac in nave; tum declamavit:

Audi, o frater, monitum, a monitore, cujus merum consilium non mixtum est adulterato!

Ne festines absolutam ferre sententiam, laudando, quem non probaveris, vulnerandove;

Differ judicium, donec videris utrumque latus ejus, hilaritatem et iram;
Apparueritque spectatoribus, nubes ejus fulgurans pluviae sit experta, an verax,
imbrem contineat, an tenues guttas.

Tum, si animadverteris, quod eum dedecorat, absconde id magnanimitate; si
videris, quod ornet, in publicum profer;

Et qui meretur ascendere, eum tolle; qui meretur dejici, jace eum in hortum
suum (latrinam suam)!

Nam scias, aurum in terrae venis absconditum esse, donec fodiendo eliciatur,
Aureique virtutem apparere, si teratur, non e pulchritudine sculpturae.

Stupor autem est, magnifacere ignorantem ob splendidum vestitum elegantem-
que ornatum,

Animum eruditum despiciere ob vetustum involucrum et lacerum stragulum!

Quoties frater pannorum duorum lacerorum virtute sua reverentiam movit, et
involutus vestibus duabus elegantissimis ob vitium vituperatus est!

Quodsi homo non commisit, quod ei opprobrio esse possit, vestes lacerae ei
sunt scalae ad (honoris) thronum;

Nil nocet gladio, quod vagina est trita, nec accipitri villis nidus.

Tum haud mora nautam navigium sistere jussit, descenditque de nave ac
abiit. Nostrum autem quemque poenituit, quod imprudens in eum commiserat,
et palpebrâ textit festucam suam, juravimusque invicem, nullum unquam posthac
despectui habere ob tritam tunicam, gladiumve contemnere conditum operculo. —

P o m o e r i u s.

Memoravit Haret Hammamita. Non conveniebat mihi temporum meorum
principio suetus commemoracionis locus, ob negotium timorem injiciens opprimen-
temque metum. Effuso itaque somni poculo incitabam jumentum itineris seca-
banque vias asperas, nullo gressu complanatas, quibus ne aves Kathae quidem
duces esse possent, donec perveneram ad septum Chalifatus, sacrumque metu-

enda defendens. Ibi terroris sensum et tremorem exuens, vestem et signa securitatis induens, diminuebam curas decerpendo gaudia, venustumque spectando revelatum. Die quodam prodieram in pomœrium, ut exercerem equum, et in singularibus (regionis) amoenitatibus gyrarem oculum; ecce! equites, alium alii succedentes, et peditum confluum proruentem senemque, longum quoad linguam, curtum quoad pallium, qui pectore prehensum trahebat puerum, recente gaudentem juventute, trita praeditum tunica. Equitavi ergo vestigio spectantium, donec pervenimus ad portam praefecturae, ubi cohortis auxiliatricis dux in pulvinari suo quadrata considebat forma, reverentiam jubente gravitate; cui senex dixit: Deus praefectum evehat tarsumque ejus summo loco collocet! Equidem hunc juvenem curandi officium subii, cum ablactatus esset, educavi eum orphanum, nec quicquam praetermisi, ut edoceret. Nunc autem, cum ingenii acumine valet et excellit, gladium inimicitiae contra me stringit evaginatque; quamquam non credebam, eum mihi adversaturum meque inverecunde tractaturum esse, cum de meo se rigaret palmamque suam foecundaret. Opposuit juvenis: cui crimini in me incidisti, ut tam ignominiosum de me spargas sermonem? quippe nunquam beneficentiae tuae faciem occultavi, secretorumve tuorum velum rupi, rerum tuarum fulcrum fregi, debitasve tibi gratias denegavi. Resumsit senex: ecquod scandalum ignominiosius est scandalo tuo, et num ullum datur vitium turpius vitio tuo? Tibi arrogasti et adscivisti incantamentum meum, tibi tribuisti et furatus es carmen meum; carmina autem furari aequo poetas horribilius est, quam furtum flavi et candidi (auri et argenti), nihiloque minore zelotypia ardent ob filias cogitationum, quam ob filias virgines. Dixit praefectus seni: furtumne ejus in eo consistit, quod deglupsit ¹⁾ an in eo, quod transformavit ²⁾, an in eo, quod translocavit ³⁾? Respondit: per eum, qui carmina constituit curiam Arabum humanitatisque interpretem! nihil commisit, praeterquam quod reseculit expositionis limbum diripuitque peculii mei tertiam partem. Regessit iudex: declama igitur versus tuos cum fune putrido (totos), ut appareat, quid ex eorum summa selegerit. Quare declamavit:

¹⁾ Alia verba substituit. ²⁾ Hic, ibi, aliud verbum posuit. ³⁾ Versus alio ordine collocavit.

O qui procas mundum inferum! rete est exitii et fons sordium;
Domus est hodie risum creans, cras lacrimas; procul sit ejus modi domus!
Nubes ejus, quamvis obumbrat, non sedat sitim, decipientem ob vacuitatem;
Impetus ejus non desinunt, et captus ejus non redimitur praclaris honoribus.
Quoties illusione ejus elatum, ut appareret insolens, transgredereturque modum,
Obverso clypei tergo gladii acie trajecit, irruens ad sumendam talionem
Cave vitae tuae, ne pereat, dum neglexeris, ob deficiens auxilium,
Et disseca funes amoris et desiderii ejus, ut recta tendas sitque tranquillitas internis;
Tum quoque, cum machinationes ejus pacem tibi concesserint, exspecta hostium
impetum fraudulentorumque invasionem,
Teneasque, mala ejus improvise incidere, quamvis prolatus sit terminus, fatu-
rumque iter sit tardum!

Dixit praefectus: tum quid hic fecit? Respondit: ob ingrati animi vitium
versus meos senis pedibus constantes aggressus, binos pedes rejecit, et pondera
ejus duobus diminuit, ut detrimentum detrimentum sit duplex. Dixit: explica, quid
ceporit et unde secuērit? Respondit: pascendam mihi praebe aurem tuam, va-
cetque mihi explicanti dextra tua, ut perspicias, quomodo gladium contra me
strinxit, peccatique ejus in me magnitudinem aestimare possis; tum declamavit
ascendentibus suspiriis!

O qui procas mundum inferum! rete est exitii,
Domus hodie risum creans, cras lacrimas.
Nubes ejus, quamvis obumbrat, non sedat sitim;
Impetus ejus non desinunt et captus ejus non redimitur.
Quoties illusionē ejus elatum, ut appareret insolens,
Obverso clypei tergo, gladii acie trajecit!
Cave vitae tuae, ne pereat, dum neglexeris,
Et disseca funes amoris et desiderii ejus, ut recta tendas!
Tum quoque, cum machinationes ejus pacem tibi concesserint, exspecta hostium
impetum,
Teneasque, mala ejus improvise irruere, quamvis prolatus sit terminus!

His auditis praefectus, ad juvenem conversus, dixit: male sit tibi, erudite a
religione deflectens, discipule furate! Regessit juvenis: nihil mihi sit negotii
cum studiis et filiis eorum, adscriptusque esse velim adversantibus et aedificia

illorum destruentibus, si versus ejus ad me usque penetraverunt, antequam meum ser-
tum composueram; sed accidit, ut ingenia eadem de aqua haurirent, ut ungula incidere
solet in ungulae vestigium. Dixit; et judex, quasi, non reprobans argumenti
veritatem, poenitentia praeproperii vituperii ageretur, infigebatur cogitationi, quo-
nammodo veritatem detegeret praestantemque a stupido distingueret; sed aliud
non reperiebat remedium, quam ad certamen eos adigere, et conjungere situlam
tractantium fune. Dixit itaque: si vultis, ut pudore afficiatur inops et veritas
discernatur a falso, certate et contendite in versibus pangendis, quin obite invi-
cem et currite in hippodromo hemistichiorum alienis versibus addendorum; ut,
qui perit, pereat evidente causa, et qui vivit, vivat evidente causa! Responderunt
una lingua et simul prodeunte responso: contenti sumus tua explorandi via;
fac ergo, quid jubeas, pronuncies. Dixit: equidem ex omnibus eloquentiae ge-
neribus maxime deditus sum paronomasiae, quam principem aestimo. Decem
igitur mihi pangite versus, quibus intextatis picturam, quosque distinguatis orna-
tu; injungatis eis autem descriptionem, quomodo habeam cum socio meo, egregio
quoad formam, fusco quoad labium, incessu venustam corporis gracilitatem
ostendente, superbiae et reprehensionis pleno, foedus oblivisci, diu se avertere et
promissa fallere solito, dum ego quasi servus ejus sim! Quo audito prodiit senex,
ceu equus victor*), secutusque est juvenis ut equus a victore proximus; et singulos
hoc ordine versus decurrerunt, donec versuum filum perfectum erat et completum:

Fuscus labia blando alloquio furcam mihi servitutis imposuit, reliquitque
socium vigiliarum relinquente fraude sua;

Avertendo se vertit ad me occidendum, et ego sane captus ejus sum, ex
quo captivum fecit totum cor meum.

Credo sermonem ejus a vero declinantem, metu, ne declinet, lubensque
audio fugientia rationem, metu, ne fugiat.

Dulcorem aestimo dolorem ab eo illatum, et quoties renovat castigatio-
nem, renovatur in me studium pietatis erga eum.

Simulat se oblitum esse foedus, cum oblivionem simulare sit foedum, can-
dereque facit cor meum, quod secreta ejus condit.

Maxime mira est in eo jactantia in sui admiratione, nimisque eum
colo, quam ut loquar de nimia ejus superbia.

*) Scil. equorum cursum certantium primus.

Illi a me laus est, cujus jucundus est odor sese explicans; mihi ab eo complicatio amoris, quam explicaverat.
Quod si justus esset, non me carperet, cum ipse fructus vetitos carpat; nam alienus decerpit osculorum laticem;
Et nisi corpus haberet adeo flexile, flecterem habenam, faceremque ad alienae lunae spectandam faciem.
Sed quanta quanta sit nostrorum diversitas morum, habeo amarum pro mero, obsequendo illi Amiro.

Cum hoc declamassent coram praefecto certantes, attonitus ob aequum ingeniorum cacumen dixit: attestor Deum, vos esse duas Farkadas*), et quasi duo ligna ignearia in una theca; hic autem juvenis sine dubio expendit de proprio, nec opus habet peculio alieno; itaque te, o senex! poeniteat, eum suspectum habuisse, redeasque ad honorem ei exhibendum. Dixit senex: procul absit, ut mea ei revertatur gratia, et fiducia ab eo suspendatur mea; expertus enim sum, beneficia accepta quemadmodum negligit, repugnantiaque remuneratus sum turpi. Juvenis quoque ad illum se convertit et dixit: rixa est infausta, ira vehemens reprehendenda; suspicionem pro veritate habere, peccatum; accusare integrum, injuria; pone tamen, me decerpisse fructum vetitum magnumque commisisse crimen, nonne in mentem tibi incidit, quod ipse mihi declamasti florente favore tuo?

Benigne tracta fratrem, si quando miscetur ab eo rectum falso,
Abstineque ab eo corripiendo, si quando declinat aut cecidit,
Meritumque de eo tuum serva, sive illud gratus agnoverit, sive despexerit;
Obsequaris ei, cum repugnat; humilia te, quando se extollit; accede, quando recedit;

Intemperatam custodi fidem, etsi ruperit, quod pactus es et ipse pactus est.
Scias enim te, si quaeras purum, concupiscere excedens limites.
Quis est, qui nunquam malefecerit, qui tantum pulchra peregerit facta?
Nonne vides amandum et detestandum conserta esse uno in filo,
Ut spina apparet in ramis inter exquisitissimos fructus?
Longae vitae dulcedini se immiscet ingrati canities,
Filiosque temporis si probe contemplatus fueris, reperies plurimos fructus deceduos.

*) Vide Eurenidensem.

Dixit; et coepit senex linguam agitare ut serpens, et apertis valde et fixis oculis intueri ut accipiter imminens, tum inquit: per eum, qui ornavit coelum flammis, et pluviam descendere jubet e nubibus! non alia de causa a reconciliatione alienus sum, quam quod ignominiae me exponere vereor. Nam juvenis hic consuevit, ut eum alam et rebus ejus prospiciam, fortuna quippe liberaliter effundente non avarus eram; nunc autem tempus est austerum et vitae fartura est adversitas, ita ut vestis haec mea sit commodata, et ad domum meam ne inus quidem appropinquet. Dixit; et emollitum eis erat cor praefecti, miserebatque eum mutatae eorum fortunae, eoque inclinans, ut singulare eis adjumentum daret, spectatores abire jussit. Dixit relator. Equidem vultum senis spectare contendebam, ut cognoscerem ejus characterem, visa physiognomia; sed turba circumfusa eum videre non concedebat, nec spatium erat, ad eum appropinquandi. Cum autem dissolutae essent serierum compages, faciei lineamenta protinus considerabam, et ecce! erat Abu Seid, et juvenis — ejus juvenis; jamque bene gnarus scopi eorum, quae egerat, prope aberam, ut ei inciderem meque noscendum exhiberem; prohibuit vero nictante oculo, stareque jussit innuente manu. Manebam itaque loco meo discessum differens. Hinc praefectus dixit: quid desideras, et quae tibi remanendi causa? Senex me praevertit respondens: amicus meus est et vestitus mei dominus. His auditis benignus, humaniter me tractavit, permisit mihi ut assiderem, illis autem largitus duas vestes, junxit nummorum portionem, stipulans, eos conversaturos esse amice, donec appropinquet dies verendus. Cum autem surrexissent conciliabulumque ejus reliquissent, alta voce pro beneficiis pronuntiantes gratias, ego secutus sum, ut cognoscerem deverticulum et lucrarer clandestini sermonis aliquid. At septum praefecti egressos et vacuum spatium intrantes assecutus unus de satellitibus, me revocavit ad illius tractum. Dixi hic Abu Seido: non credo illum me citare alia de causa, quam ut me interroget; quid igitur dicam, et quam in vallem cum eo contendam? Respondit: expone ei cordis sui stuporem, meque luisse ipsius intellectum, ut cognoscat, ventum suum occurrisse procellae, rivulumque suum obviam habuisse maris fluctum. Regessi; vereor, ne exardescat ira ejus, flammaque ejus te urat, efferventeve iracundia impetum in te dirigat. Dixit: me quidem mox habebit Roha, et quomodo concurrere possunt stellae Soheil et Soha?

Cum vero essem apud praefectum, et vacuus esset considendi locus, discussaque austeritas, incepit describere Abu Seidum et praestantiam ejus, et reprehendere malam ejus fortunam; tum dixit: per Deum te quaeso, tunc ille es, qui ei commodavit vestem? Respondi: per eum, qui te considerare fecit hoc pulvinari! ego non sum vestis possessor, sed tu ludendo victus es. Hic pupillae ejus in angulos divergebant, rubescebant malae, dixitque: per Deum! nunquam impar fui detegendae veritati revelandoque vicio; sed nondum audivi quemquam vitia celasse, postquam tectus fuerit; hic autem celavit usque ad finem; et quod nomen huic simiae? Dixi: Abu Seid. Excepit: rectius nominaretur Abu Keid*), quam Abu Seid; scisne, quo tetenderit hic sordidus? Respondi: metuit sibi a te, [quod limites transgressus esset, et reliquit Bagdadum extemplo. Dixit: Deus ei ne donet nucleum dactyli, nec pabulum, ubivis devertat! nunquam rem habui cum fraude majore, nec gustavi amariorem dolum; et nisi magni haberem ejus eruditionem, ei quaerendo operam darem, donec inveniretur, eumque caedi juberem. Sane autem detestor, facinus ejus urbe Salami dispergi, quo ignominiae exponeret inter homines, periretque existimatio mea penes Imamum, fieremque derisui primoribus et vulgo. Stipulatus ergo est, me non narraturum, quid ille egerit, quamdiu commoraturus essem hac in urbe. Promisi autem, ut promittere solent, qui fidi sunt promissisque steti, ut stetit Samuel (bin Adia**).

F e u d a l i s.

Narravit Haret Hammamita. In feudo Rabiae***), ineunte vere, consuetudine utebar cum adolescentibus, quorum facies splendiores erant illius luminibus, mores venustiores illius floribus, verba leniora aurorum ejus auris. Consiciebam in eis, quod contemptum faceret ver florens et sufficeret pro cantibus

*) Pater doli.

**) Maluit hic Alim interfici, quam fidei commissum prodere.

***) Regione Bagdadi.

instrumentorum musicorum; et pacti eramus ut, servantes amorem, caveremus separationem, et nemo sibi soli vindicaret gaudium, aquaeve solus frueretur gutta. Conveneramus autem die quodam, cujus disparuerat obscuritas, increscebat pulchritudo, cujusque lucidiores nubes invitabant ad matutina pocula, ut gauderemus prodeundo in aliquod viretum, oculos pastum in hortis nitentibus, animos politum observando pluviam promittentes nebulas. Prodiimus ergo, mensibus pares quoad numerum, Gasimae*) compotoribus quoad amorem, in hortum, qui modo inceperat splendere et ornari, cujusque florum erant diversissima genera et diversissimi colores; comitantibus nos vino, e rufo in atrum vergente, refractarii equi indole praedito, pincernis quasi solibus et cantore, audientes delectante et a curis liberante, ac quamcunque aurem eo, quod cuperet, cibante. Cum vero considendi quiete frueremur, gyarentque pocula, penetravit ad nos austerus, super quo vestis lacera, quemque vultu eo ingrato et tetrico adspiciebamus, quo tenerae virgines adspicere solent canos, aestimantes, puram laetitiam nostram jam esse turbatam. Sed postquam salutaverat more prudentium, incipiebat aperire vasa aromataria prorsae es vorsa, nobis ab hilaritate ejus recedentibus, complicationi autem tapetorum ejus obviam festinantibus, donec cantor noster egregius et modulator delectans cecinit:

Quousque, o Suada! noles mecum conjungi, nec misereberis ejus, quod ego patior?

Sustinui, donec sustinendi defecit potestas, et anima prope abest ab exitu.

Iam ecce! aequum retribuere mihi proposui, amataque propinare, quod propinavit mihi.

Quod si conjunctionem (vaslam) ei dulcius sit, conjunctio (vaslu); si directionem, directio divortio aequalis!

Dixit; nos vero cithara ludentem interrogavimus, cur vocabulum conjunctio priore loco accusandi casu posuerit, posteriore nominandi. Ibi juravit per parentum suorum sepulcrum, se ea dicendi ratione usum esse, quam pro optima habuerit Sibawaihi. Tunc in varios se diffundentibus ramos coetus sententiarum de statuendo accusandi vel nominandi casu; parte alia dicente, recte poni utroque loco nominativum; alia, neutro licitum esse ullum, quam accusativum; alia quod, quid respondendum sit, nescirent, tacentibus; itaque inter eos exarsa tumultus.

*) Cum Malek et Ukell reducere amicum consobrinum, compotoribus cis usque est usque ad mortem.

tuosa pugna; non vocatus ille ridebat, ut solet bene gnarus, quamquam ne unicam quidem laborum filiam prodens. Cum vero strepitus quiescerent et increpatus et increpans silerent, inquit: ego vobis nunciabo, quod verum est in hac re, sanumque argumento ab aegrotante distinguam. Utroque loco et nominativus et accusativus licitus est; utrumque grammatica Arabica alternat; causa efficiens hoc in hippodromo est ellipsis. Dixit; nec moderari sibi poterat multitudo, quin festinaret in disputationem, celeriterque rueret in concertationem cum eo. Quamobrem sic orsus est. Quod si mihi acclamatis, descende in arenam! cogitisque, ut vobiscum jaculando contendam, ad has quaestiones respondete! Quae vox particula est, si vultis, peramata, alias autem nomen ejus, in quo repereris camelam tenuem, lactantem? Quae vox modo est singularis cingens, modo pluralis manens? Qualis littera Ha, si affigitur, removel pondus liberatque vinctum? Quo intrat littera Sin, et deponit a munere suo regentem absque blandimento? Quod adverbium semper stat accusativo casu, unius tantum praepositionis causa genitivo ponitur? Quod nomen in regimine positum maxime opus habet ansis constructionis, aliamque habet vim in vespere, aliam in tempore matutino? Quis est regens, cujus finis proximus est initio, et qui inversus vim habet eandem? Quis regens habet vicarium spatiosiore nido gaudentem, majore praeditum fraude, Deique magis memorem? Quo loco masculina induunt ricas foeminarum, velorum contra dominae prodeunt virorum cidaribus? Ubi necesse est, ut verberatus et verberans dignitatis rationem habeant? Quod vocabulum non intelligitur, nisi addantur duo alia vocabula, aut ita mutiletur, ut duae tantum restent litterae, priore autem casu coactum est, posteriore cogens? Et quod tandem praedicatum, si ei affigitur Nun, efficit, ut possessor de dignitate sua in aliorum oculis amittat, inferiore loco collocetur, habeatur malae indolis vir et ignominiae prostituatur? Hae sunt duodecim quaestiones, pro coetus vestri numero materia concertationis; si adjeceritis, adjiciemus, si cessaveritis, cessabimus. Dixit, qui hanc historiam retulit. Invasit autem nos his aenigmatibus terribilibus, cum effunderentur, quod mentes attonitas faceret et vacillantes, et cum impotes essemus natando in ejus mari, et amuleta nostra se submitterent ejus fascino, convertebamur a conspectu ejus fugiendo ad petendam ab eo expositionem, et ab injustitia eum fastidiendi ad quaerendam ab eo doctrinam. Respondit: per eum,

qui posuit grammaticam in lingua loco salis in cibo, velavitque siderum ejus ortum oculis ignorantium! ego desiderium vestrum non explebo, nec sanabo vestram curam, nisi donet me omnis manus, et quisque vestrum me afficiat beneficio. Nec unus in coetu restitit, quin obsecutus fuerit ejus imperio, eique projecerit, quod tegetet manica. Quibus sub perae vinculo collectis excitavit flammam ingenii et exposuit de logogriphorum arcanis inauditisque miraculis, quod rubiginem detergeret intellectus, fontemque suum collustraret lumine demonstrationis. Dixit relator. Et attoniti, cum intelligebamus; mirantes, quoties responsum obtinebamus; poenitentes quod labiis nostris effugerat; incepimus nos excusare more prudentium, eumque invitavimus ad lactanda pocula. Sed respondit, scrupulo, non comitate: vinum bibere non mihi amplius dulce est; tum nasum efferens inhumane, latusque avertens irate, declamavit:

Prohibet me canities a delectamentis meis, quomodo possum jungere palmam
palmitis succo?

Num licet tempore matutino vetus bibere, cum caput canitie spargens illustret
mihi nigra tempora?

O utinam nunquam vinum se mihi junxisset, quamdiu spiritus conjunctus erat
corpori, sermo perspicuitati,

Nec manum mihi cooperuissent musti pocula, nec sagittae gyrassent inter scyphos,
Nec convertissem animum meum ad vinum mixtum, nec alacer cucurrissem
ad merum,

Nec unquam animum distractum collegissem ad congregans (homines vinum),
nec compotores elegissem praeter mentis compotes!

Delevit canities lactitiam meam, cum scriberet in capite meo; et quam exosus
est scriba ille delens!

Et apparuit reprehendens, si habenam flectam ad delectationem; o apage lucentem illum reprehensorem!

Quod si voluptati me darem, dum tempora mea canent, extincta esset lampas
mea inter tribus Rhassanicae magnates,

Cujus gentis mos est hospitem honorare, et hospes honorandus est canities,
o frater!

Tum elapsus est, ut elabitur serpens, festinavitque ut festinat nubes, me non dubitante, eum esse lampadem Sarugi, plenam lunam eruditionis, peragran-

tem omnes stellarum domos; eratque finis noster, contristari ob ejus abitum et post eum itidem discedere.

*Explicatio ejus, quod hic consessus continet de linguae Arabicae elegantiss
aenigmatibusque grammaticis.*

Quod adinet initium ultimi carminis decantati versus, qui incipit per quod si (šān), simile est phraasi: homo remuneratur pro labore suo, in chairas, chairas, vāin echarran, echarron. Sibawaihi hanc quaestionem tractat in libro suo, statuitque quatuor casus variandi modos. Primus et optimus, ut prius chair in accusativo ponas, posterius in nominativo, itemque agas cum utroque echarr; quod si feceris, prius chair habendum erit pro praedicto dependente a subintellecto cāna fuit; nominativus alterius contra dependebit ab omisso subestativo, quod dicunt, inchoativo. Modus alter est, ut utrumque accusativo ponas; ubi prius iterum cogites dependens a'cāna, posterius vero rectum ab amisso passivo jugan, remunerabitur. Tertius modus est, ut utrumque nominativo ponatur, ubi prius chair habens pro, sic dicto, a omniae verbi cāna, alterum referens ad substantivam inchoativam omissam; possis vero etiam chair nominativo ponere, habens pro, sic dicto, agente verbi cāna, tribuensque voci significatum absolutum, praedicto non definitum. Quartus tandem et infamissimus modus est, ut prius chair nominativo ponas, is, quae ad tertium modum afferebantur, argumentis utens, posterius accusativo, nitens ratione medi secundi. — Vox, in qua vides modo particulam adamatam, modo nomen ejus, in quo tenuis camela, est šām, alias significans bene, alias gregem camelorum, aut in quo est camela. Vox, quae modo est singularis cingens, modo pluralis manens, habetur in Sarawil, cujus alii pluralem faciunt Sarawilat, alii singularem opinantur Sarwal; cingens dicitur singularis, quod bracciae femora cingunt; manens dicitur pluralis, quod pluralis Sarawil annuntiationis expere est. Littera Ha, quae, si affigitur, removel pondus liberatque victum, est Ha, tali, qualem modo memoravimus, plurali adjuncta, a. g. saǧārifsh, saǧākilsh. Efficit, ut ejusmodi pluralis levior fiat et annuntiationem accipiat, quia similis sit nominibus singularibus, at Carāhleh, Rašāhleh etc.; victus hic itidem signat annuntiationis expora. Littera Sin, deponens a munere regentem, est Sin intercedens futuram et conjunctionem An, quae proprie postulat, ut ultimae verbi vocali fatha detur, amittit autem hanc potestatem, affixo ipse ha, aut sequenti futuro praefixa littera Sin. Adverbium, quod semper stat accusativo casu, unius tantum praepositionis causa genitivo ponitur, est anda, apud; quia sola praepositio min, a, efficit ut andi dicatur. Nomen in regimine positum, quod maximo opus habet aucti constructionis, aliamque habet vim in vespere, aliam in tempore matutino, est praepositio lādān, prope, quae efficit, ut omnia, quibus inagitur, nomina genitivo ponantur, praeter nomen matutinum tempus designans, scilicet rhudwat, cui Arabes insuper annuntiationem addunt. Regens, cujus finis proximus est initio, et qui in verum vim habet eandem, est jā, quod, si invertitur, est ai; utrumque vocando inservit eademque vim in nomen vocali habet, quamquam jā est uisatiua. Regens, qui habet vicariam pluribus aucti gaudendum, majore praeditum fraude etc., est littera Ba, in jurando usu veniens. Haec Ba particularum in juramento adhibitarum radix apparet, quia non solum cum verbo enunciato, sed etiam cum solo pronominis ponitur. Sorian vero ei in juramento Vaa substituta est, quia itidem ad labiales pertinet, similemque habet significationem, nam Vaa infert conjunctionem, Ba adhaesionem; tum Vaa magis frequentata est, praecertim in juramento; tandem vero pluribus aucti gaudet quam Ba, quod Ba tantum conjungi potest cum nomine et genitivum tantum regit, Vaa autem conjungitur cum nomine et verbo et particulis; nec solum genitivum regit in

juramentis et ubi stat pro rabb, sed etiam e numero est accusativi terminationem inducentium et conjunctionum. Locus, quo masculina induunt ricas foeminarum etc., est, ubi numeri a tres ad decem conjunguntur cum masculinis; locus, quo foeminae prodeunt cidaribus virosum, ubi numeri lidem conjunguntur cum foeminis. Verberatus et verberans dignitatis rationem habeant necesse est, quando dubium esse potest, quis sit agens, quis patiens, quod fit, quando non apparent declinationis signa, ut in nominibus Musa et Isā et demonstrativis Sak et Hana. Agens hoc casu a patiente distinguitur tantum eo, quod ille priorem, hic posteriorem occupat locum. Vocabulum, quod non intelligitur, nisi addantur duo alia vocabula, aut ita mutiletur, etc., est Mahma (quotiescunque, quicquid), particula conditionalis et conclusiva, orta conjunctione vocum ma, ma, quarum priora a transit in h. Per se sententiae exprimendae non sufficit, sed, hoc ut efficiat, duobus aliis vocabulis opus habet, e. g. quidquid agas, age! quo nexu apparet ad agendum coacta. Quod si vero enim redegeris ad duas consonantes, i. e. mh, significat abstinere, sitque cogens. Praedicatum tandem, quod, si affigitur Nun, efficit, ut possessor de dignitate sua amittat etc., est Dhāif, hospes, cui si addatur Nun, notat umbram, convivam non vocatum, qui habetur pro moneta adulterina. —

A h v a s e n s i s.

Narravit Haret Hammamita. Descenderam in fora Ahvasi egestatis indutus veste, ibique diu commoratus eram miseriam perpetuens, transigens dies atros. Tandem longior in ea commoratio aequiparanda mihi videbatur malis ab inimico illatis. Adspiciens ergo illam urbem oculo calido, eam reliqui ut veterascentes ruinas, profectusque a latice ejus deficiente, curto pallio, equitabam ad fontes ubertim manantes; donec, duorum dierum et duarum noctium itineribus ab ea remotus, conspiciebam tentorium fixum et ignem flammantem; quos, dixi, adibo, forsā enim ibi restinguere potero sitim, aut igne in rectam viam dirigam. Cum autem in tentorii umbram pervenissem, videns adolescentes pulchros, supellectilem spectatam, senem veste tectum splendida, et apud eum fructus recentes, salutavi, tum verecunde me averti. Sed risit, tum salutem pulcherrime reddidit et inquit: non vis sedere apud eum, cujus splendent fructus, desiderium commovet jocus? Consedi itaque, ut praedarer sermonem, non ut inglutirem, quod ei praesens erat. Cum vero retingeret mores suos, et nudaret dentes, cognovi, eum esse Abu Seidum, cum pulchra eloquentia et turpi flavedine *), statimque alter alteri se noscen-

*) Proprie, dentium.

dum praebuit, cingebatque illa hora duobus gaudiis, utrum sereniorē hilaritatem largioremque laetitiam crearet ignorans, emersissene eum ex obscuritate densa itinerum, an abundantiae statu eum frui, postquam sterilitate laboraverat. Corruptus autem desiderio, sigillum secreti ejus frangendi, felicitatisque ejus causas penetrandi, ei dixi: unde redis, quo laberis, et quomodo impleti sunt cophini tui? Respondit: locus quidem, unde veni, est Susa; locus, quo tendo, est Tusa; fortuna autem, quam consecutus sum, venit mihi ex tempore scripta epistola. Rogavi igitur, ut interius panderet, epistolaeque argumentum prosequeretur narrando. Respondit: bellum Basusae*) est levius eo, quod tu desideras, nisi me comitatus fueris Susam. Coacte igitur comitatus, commorabar illic apud eum totum per mensem, demulcentibus poculis excusationis, retinente nutritae spei freno; donec, pectore presso, patientia victa, dixi: non tibi restat excusatio, nec quo amplius possim demulceri; cras itaque corvum separationis auspicabo, proficiscarque cum Honeini ocreis. Respondit: avertat Deus, ut ego fidem fallam aut tibi adverser! Non distuli narrationem alia de causa, quam, ut te apud me manere cogere; quod si autem fidem meam suspectam habes, istaque suspicio tibi abire suadet, ausculta itineris mei longi historiae, eamque annuera eventibus prosperis post miseras. Dixi: cedo! quam longus tuus est funis, quam tremendus dolus! Excepit: scias, tempus austerum me conjecisse Tusam; eramque tunc pauper, miser; nec pellicula, nec nucleus dactyli mihi erat. Induxit me itaque manuum vacuitas, ut ceu torque cingerer mutuo, adversanteque forte id sumsi a viro male morato. Opinans autem, me bene multum acquisiturum, largos faciebam sumtus, nec rediit mihi intellectus, nisi postquam onustus eram aere alieno, cujus solvendi mihi incumbabat officium, adhaerebatque creditor. Consilii expers, hoc quid statu agerem, creditori demonstrabam egestatem meam; sed inopiam non credebatur, nec abstinebat a molestia mihi creanda, urgebat potius, ut judicaremur, festinabatque me ad judicem ducere, et quoties precabar, benigneque, ut liberalis, mecum agere rogabam, adducere studens, ut leniorem se praestaret et exspectaret meliorem fortunam, regerebat: ne concupisce, ut exspectem retineasque splendidos! Per caput tuum! non videbis libertatis vias, nisi ostenderis fufos, puros. Cum autem vehementior fieret ejus objurgatio, nec daretur effugium e manu

*) Bellum quadragenarium, ortum mulieris Basusae socii vulneratâ camela.

ejus, malo cum eo certavi, in eumque insilui, ut me traheret ad praefectum criminibus dijudicandis, non ad iudicem actionum injustarum, ob id, quod audiveram, de praefecti virtutibus et liberalitate, contraque de iudicis violentia et avaritia. Et cum pervenissemus ad Amiri Tusensis portam, certum mihi erat, nihil timendum esse duritiae aut miseriae sed, postulato atramento et albo, scripsi epistolam pantherinam *) hancce.

Mores domini nostri amantur; areae ejus inhaeretur; ei propinquum esse est donatio; remotum ab eo, exitium; amicitia ejus, generis nobilitas; eam amisisse, morbus. Gladius ejus est secans, virtus fulgens, integritas ornans, viae rectitudo manifesta, intellectus versans et probans, gloria pervagata per Orientem et Occidentem.

Dominus est solers, excellens, beneficus, perspicax, rara perpetrans, abstemius, continens

Opes qui acquirit et decoquit, illustris, singularis, nobilis, liberalis, ingenuus, mala facinora fastidians,

Mirus, quando disserit; medellae gnarus, quando adversitates incidunt et praegrandia terrorem incutientia pericula.

Cujus laudes monilia sunt, quae sua sponte connectuntur; munera, imber large destillans; manuum dona, (mare) redundans; avaritia in corde deficit; liberalitas ut ubera mulgetur; loculorum aurum est praedae; cliens prosperitate gaudet et vincit; mercator portae distrahit et acquirit dolo; animus, integer spurcitiei ducti, abstinet ab injuste tractando integro; lenitas conjuncta cernitur cum gravitate. Deflectit a via sordidi; non utitur, quando opportunitas male faciendi apparet, sed cohibet se, ut solet probus.

Hanc ob rem amatur; intimo eum affectu complecti cogit castimonia ejus et puritas demulcens.

Mores ejus candidae sunt notae, nitentes; praestantia talis, quae in certamine vincat.

*) Logodardaliam intendit, quae per totam sequentem epistolam litterae nudae et punctatae alternant, ita ut nodum quamque punctata sequatur, istaque epistola faciem quasi pantherinam induat.

Humanus, lenem se praebet, condonat caespitanti amico, non habet dubitantem
ipsius de dignitate.

Nec tenax, sed ad largiendum pronus, profundit, quando aditur; se offert, non
occultat pone januam.

Quando mordet angustia, eo auxiliante mordens acies retunditur densque tollitur.

Quicumque intellectum habet et rationem, prope est aut procul, eum decet,
ut se humiliet admisario temporis, sananti ossa fracta, cui ab eo inde, quo
ubera lactantia suxit, tempore proprium erat, munerum indesinente pluvia rigare,
erigere et liberare, juvare et laetare, de honore disceptare, de statu dejicere et re-
dire cum dignitate radiante; exemplo suo labores haud exantlandos imponenti
succedentibus; laudato, quotiescunque concussus aut probatus fuerit; viro, cujus
laudes pro corona habent amorem eorum, qui rogantes eum adeunt.

Utinam ne eum deficiat laetitiae lux, et prolongetur umbra felicitatis ejus,

Qui, clemens cuicumque lumina siderum ejus spectanti,

Perfectionum suarum elegantiam ceu vesto ornat timore Domini sui?

Et conveniat domino meo consecutio honorum firmissimorum, magnificorum,
praeda meritorum, pervagatorum, perfectorum; augeatque munera, quae Deo
sacrat, servo suo bona felicitatis suae particula adjuvando. Nam filius est nobilis
generis, expulsus sterilitate, vulneratus vicissitudinibus, cicatrices relinquentibus,
conserens armillas (poemata) per orbem laudatas; qui, quando pectus commove-
tur, non parem habet dicendo, etiam Kuss ut ibi evadat Bakel; et quando scribit,
vestem esse dixeris jamanicam pictam, aut imaginatus fueris hortos florentes.
Nihilominus vero potat aquam, cibant frustula decidua; aurora ejus est obscuritas
et palla pannus tritus: et jam turbatur duritia injuste tractantis creditoris, stimu-
lantis ob aes alienum solvendum. Quodsi dominus noster gratificaretur repu-
sando illo muneribus manus suae, laude cingeretur superante, certeque acquireret
praemium redemptionis meae e vinculis. Nunquam praestantes ingenii ejus dotes
juvare desinant observantem fulgur ejus, gratia faxit Dei indesinentis, viventis
aeternum! Dixit; et cum praefectus vidisset uniones ac perspexisset secretum
eis mandatam, e vestigio jussit, aes alienum, a me contractum, solvere; licet,
quae mihi cum adversario erat, diremit, meque sibi vindicavit gloriae studens,

donavitque exquisitis suis. Ita aqud eum commorabar complures annos, fruens ejus hospitalitate, pascens in pascuo clementiae; donec, muneribus ejus mersus, syrmate meo auro ejus prolixato, excogitavi, quā abirem statu hoc, quo me vides, pulchro. Perrexit Haret Hammamita. Gratias illi ago, inquit, qui tibi destinavit, ut occurreres benigno, liberali, teque per eum eripuit e compressione creditoris. Excepit: laus sit Deo ob sortis felicitatem et liberationem ab adversario contentioso! Adjecit: quid praefers, ut te mactem dono, an donem epistola pantherina? Respondi: praehabeo, ut mihi dictes epistolam. Resumsit: levius quoque, per caput tuum! hoc mihi est; munus, quod penetrat in aures, minore cum molestia datur eo, quod exit e manicis. Sed erat, quasi dedignaretur et pudore duceretur, epistolamque non solum, sed etiam munus dedit. Sic lucratus duas sagittas (sortes) et discedens duabus cum praedis, rediī in patriam oculo frigido, ob acquisitos epistolam et nummos.

S a m a r c a n d e n s i s .

Narravit Haret Hammamita. In iterum meorum aliquo institui mercatum sachari, idque adduxi Samarcandam (arundinetum sachari *). Eram tum temporis rectā staturā, plenus alacritatis, sagittis a laetitiae arcu missis petens scopos gaudiorum; adolescentiae fonte me sustentans, cum deciperent falsi laticis splendores. Adveni autem die Veneris mane, perpressus molestias, et festinavi, nihil tardavi, comparare domicilium. In hoc comportatis sarcinis, „meae sunt“ dicendi potestatem nactus, statim me converti ad balneum, itineris aegritudinem decussi, et secutus traditionem, Veneris die lavare jubentem, venerantis habitu properavi in templum congregans, ut adhaererem Imamo propinquis, offerremque optimum

*) Sic haud dubie vox Samarcand verti debet, quamquam urbs denominata dicitur a pellice.

sacrificium. Ita autem cucurri, ut essem primus in stadio, et centrum elegi, ut audirem orationem. Nec desinebant homines intrare ad colendum Deum, instar fluctuum, accedere singuli et bini, donec, cum sacrum ad suffocationem usque congregatis arctatum esset, venissetque tempus, quo homini aequalis est umbra sua, prodiit orator cum apparatu suo, vacillando incedens post catervam suam, in precationis suggestum ascenderet et, cum in fastigio esset, dextrâ salutaret, tum consideret, donec absoluta erat ad precandum invitatio; ubi surrexit et dixit:

Laudes sint Deo, cujus celebrata sunt nomina, laudata munera, largissima beneficia; qui vocatur ad solvendas angustias, regit populos; finxit teredines, ut liberales et ingenuos, et perdidit Adum et Aramum; cujus scientia assequitur omne secretum, clementia complectitur omnem peccatorem (perseverantem), liberalitas involvit universum, potestas omnem destruit rebellem! Laudo eum, ut laudat Unitatis cultor, Muslemus; precor prece confidentis, se dedentis, ac testor: ipsum esse Deum, praeter quem nemo alius, singularem, unum, justum, aeternum; non genitum, nec generantem; nullo auxilio utentem, nec adiutorem. A quo missus est Muhammedes, ut Islamiticae fidei viam planaret, religionem stabiliret, insignes Apostolos confirmaret; nigros et rubicundos dirigeret, jungens cognatos, docens judicia, praescribens licitum et vetitum, consignans praecepta naziraeatus et status profani; cui summam Deus tribuat dignitatem, cumulet gratiae et pacis modum misereatque prosapiae liberalis ac familiae misericordis, quamdiu effudet compacta nubes, gemet columba, pascet grex, irruet gladius! — Vos, quibus Deus faveat! perpetrare facta piorum, studentes felici reditui studio sanorum; debellate libidines debellatione inimicorum, ad abitum parate apparatus fortunatorum, induite vestes abstinentiae, sanate morbos concupiscentiae, corrigite curvitates operum, repugnate insurrectionibus spei; mentibus potius repraesentate, ut mutabuntur status, ingruent terrores, dominabuntur morbi, discedendum erit a familia et opibus; recordamini mortem et, ubi prostraverit, agonem, sepulcrum et descendens terrores, fossam et jacentis in ea solitudinem, angelum tremendamque quaestionem et inspectionem; considerate etiam fortunam et exosos ejus impetus, malas ejus illusiones et fraudem; quoties delevit vestigia viae et tra-duxit praeter cibi locum; fregit undantem exercitum et perdidit regem magni-

ficum; cujus gaudium est obturare aures *), effundere lacrimarum fontes, steriles ostendere cupidinum campos, perdere dictantem et audientem; cujus potestas complectitur reges et infimos, dominantem et obsequentem, exosum et odio habentem, serpentes et leones; nec divitem reddit, quin adversetur et evertat spes; nec conjungit, quin iniquam se praebeat et vulneret conjunctionis articulos; nec laetat, quin contristet, sordide agat et affligat; nec sanat, quin pariat morbum terreatque dilectos. Deus, Deus, custodiat vos Deus! Quousque permanebitis in ludo, perseverabitis in socordia, prolongabitis obdurationem, onerabitis vos peccatis, rejicietis sermonem sapientum, repugnabitis Deo coeli? Nonne senectus messis vestra, gleba lectus vester? Nonne hora (tremenda) terminus vester, aera resurrectionis meta vestra? Nonne terrores obruentis (horae) in iusidiis vobis positae sunt? Nonne repugnantium domus infernus est oclusus, custos angelus, adspectus nigerrimus, cibus venenum, aër sanūm, nec auxilio eis erit thesaurus aut natus, nec defendet eos numerus aut apparatus? Enimvero miseret Deum hominis, qui domat cupidinem, contendit via ab ipso monstrata, firmam praestat hero suo obedientiam, studet tranquillitati commorationis futurae, operaturque, quamdiu vita manet obsequens, fortuna placida, sanitas plena et pax integra. Si non — supervenit defectus desiderati, haesitatio linguae, incolatus dolorum, appropinquatio mortis, cessatio sensuum, tractatio sepulcrorum. Ah! illam miseriam, cujus dolor est manens, duratio aeterna, conflictatio pungens; cujus poenitentiam nemo discutit, acerbiter nemo miseret, impetum nemo defendit. Deus vobis inspiret optima consilia, vestiāt vos veste munificentiae, constituat in domo salutis (paradiso)! Precor misericordiam vobis et populo religionis Islamiticae ab eo, qui est liberalissimus liberalium et salvator! Salvete!

Dixit Haret Hammamita. Videns hanc orationem pretiosum ab errore liberum, sponsam sine macula **), perductus sum mirae constructionis admiratione ad considerandam oratoris faciem, et incepti magnopere observare, oculosque in eo gyrate gnaviter, donec fidis signis apparuit, eum esse magistrum nostrum. Tum temporis autem non rumpendum incumberebat silentium; me con-

*) I. e. surdas facere malis nuntiis.

**) Vel, sine puncto; in tota enim oratione non occurrit littera punctata.

tinui itaque, usque dum ille liber erat a spontaneis et legitimis officiis, et licebat dispergi in terra; ibi locum ejus petivi, properavi in ejus occursum. Ille, cum me conspexisset, celeriter surrexit, modum excessit in me honorando; tum domum deducto soluta mihi communicavit secreta et, expansa tenebrarum ala, dormiendi tempore instante, adtulit vini gutturnia, obturata operculo. Dixi: tune hoc sorbebis ante somnum, qui es antistes populi? Respondit: desine! tempore diurno concionor, nocturno delector. Regessi: per Deum! nescio, utrum mirer discessum tuum a familiaribus et patria, an orationes tuas, dum ita te maculas et rem habes cum poculis? Respondit: accipe a me!

Ne plora ob discedentem socium regionemve, sed curre cum tempore, quomodo-
docunque currit;

Omnes homines tibi sint socii, totamque terram habe pro domo;
Mores ejus, quocum conversaris, tolera, eique blandire; sapiens est, qui blanditur;
Nec omitte gaudii opportunitatem, nesci enim, diemne adhuc vives, an annum;
Et scias fata grassari et mortales circum gyrate, jurasseque, se non cessatura
venari, quamdiu vitae tempora reditura sint et gyratura;
Et quomodo sperari potest effugium e reti, e quo nec Chosroes effugit, nec
Darius?!

Dixit; et postquam invicem gavisī eramus poculis, animique laetati erant, sorbendum mihi dedit juramentum in crimen demergens, me de eo silentium tenturum; et desiderio ejus obsecutus, servabam initum cum eo foedus, Fudheili *) loco eum habebam in populo, syrmaque laxabam in turpia (gaudia) noctis. Haec mea et illius erat consuetudo, usque dum institit discessus, eique valedixi, perseveranti in celando vitio, et secreto sorbendo vetere vino.

*) Vir tempore Harunī Arraschidī, pietate celebris, postquam latro fuerat.

V a s i t h e n s i s .

Narravit Haret Hammamita. Fortunae iniquae decretum me ursit, ut pabulum irem in terram Vasithae; quam petii, utut nullus mihi notus erat ejus incola, nec habebam in ea, quo me reciperem, domicilium. Cum autem in eam descendissem, ut piscis in desertum, aut pilus canus in cinnamum nigrum, mala sors, destituens fortuna, duxit me in diversorium, ubi habitabant e diversissimis regionibus disgregati, mixta itineris sociorum turba. Munditiae autem loci et habitatorum comitate peregrinum alliciebat ad ibi habitandum, et immemorem faciebat aëris patriae. Conclave itaque elegi mihi soli, non invidens solvendo pretio. Sed non praeterierat tempus longius oculi nictu, aut eo, quod impenditur, scribendae literae, cum audirem vicinum, habitaculo proximum, sui septi hospiti dicentem: surge o fili, cujus ne deses sit fortuna, nec stet adversarius! tecumque sume praeditum facie plenae lunae, colore margaritae, munda radice, corpore macerato; qui collectus et expansus, inclusus et productus, rigatus et ablactatus, acceptis colaphis in ignem immissus est; tum propera in forum, ut properat desiderans, eoque compara ineuntem praegnantem, nocivum utilem, contristantem laetantem, affligentem simul ac tranquillantem; habentem spiritum comburentem, embryonem splendentem; ore emittentem, quod contentos reddit; donantem, quod commodo est; qui, cum nocte visitatur*), fulgurat et tonat, incendium manifestat et sputat in pannos laceros. Dixit; et cum garrientis vox quiesceret, nihilque superesset, quam ut exiturus exiret, prodiit juvenis jactanter incedens, nemine comitatus. Hinc animum subiit, problema esse intricatum, ludens ingenia, incitans ad exploranda latentia**) et legi juvenis vestigia, ut ser-

*) Vel, tunditur.

**) Proprie, reliqua.

monis intelligerem sensum. Ille vero non desinebat currere geniorum instar, et quaerere per tabernarum ordinata mercimonia, donec, vespere revertens, obviani habuit silices igniarios, quorum venditori dedit panem, accipiens silicem parvum. Admirans ibi missi et mittentis intellectum, rescivi Sarugensis esse, quamquam nihil interrogabam, statimque properavi in hospitium, dato freno, ut spectarem mentis meae aciem, et an hariolando scopum tetigerit mea sagitta. Et ecce! artis physiognomicae me repperi magistrum, Abu Seidum considentem in limine domus. Uterque igitur signavimus laetitiam occursum, rependimus invicem salutationem amicorum. Dein dixit: quid tibi accidit, ut reliqueris portam tuam? Respondi: fortuna frangens, injustitia redundans. Regessit: per eum, qui pluviam mittit e nubibus et dactylos ex involucris! tempus est perditum, pervagata malitia, nullum praesidium, a Deo solo salus quaerenda. Quomodo autem effugisti, et coactusne evasisti, an sponte? Dixi: sumsi pro pallio noctem; hac (tegente) ad currendum stimulavi extenuatum ventre *). Oculos ibi demisit et in terram scripsit cogitans, pabulum mihi quaereret aere alieno, an extorquendo dono. Tum exultavit alacritate ejus, cui se offert praeda aut apparuit opportunitas, et dixit: in corde mihi haeret, ut affinitatem contrahas cum talibus, qui vulnera tua sament, alam tuam plument. Dixi: quid utilitatis ferret, si cum paupertate mea jungerem pediculosi jugi malum, et quis concupiscet, nec per se, nec per patrem, notum **)? Respondit: ego index ero tibi, et ad te, quoque fides nitatur tua et ***) in te; religio autem est, sanare fractum, solvere vinctum, honorare socium, audientem esse viam monstranti. Et pro certo quidem habeo, eos, etsi Ibrahim filius Adhami ****), aut Gabala *****) filius Alaihami, procaret, nonnisi quingentis drachmis quaesitam ei juncturos esse; exemplo prophetae, qui hanc dotem statuit suis conjugibus et postulavit filiabus nubentibus; sed a te neque dos postulabitur, nec adigeris ad divortium. Nam orationem habebo in loco copulationis et agminis tui conventu, qualis nunquam antea solvit auris clausum,

*) Camelum.

**) Proprie, errabundum, filium errabundi.

***) Aliorum.

****) Etiam dictus Abu Ishak Alagali, Chorsanensis, qui, quietem non inveniens in divitiis aule, abstinentiae studio se dedidit.

*****) Gabala ultimae fuit Khassanitarum in Syria rex; ad Christianos transgressus perivit.

nec habita est ullo in coetu. Perrexit Haret Hammamita. Magis descriptione orationis, quam recitaturus erat, quam sponsâ velum remoturâ me induxit, ut dicerem: jam committo tibi hoc negotium, quod peragas, ut qui sanat, quem amat. Quo audito surrexit properans, tum rediit jubilans et, gratulare tibi, inquit, fortunae redeuntem gratiam, lactisque, quod mulgebis, copiam! Injunctum mihi est copulandi munus et commissa pecuniae cura, jamque res se habet, ut se habere debet. Tum coepit invitare hospitii incolas et praeparare dulcia in mensa proponenda, et, cum nox tentorii sui funes tenderet, et januam vinciret omnis januam possidens, acclamavit coetui: agitedum! adeste hac hora! nec quisquam restitit, quin voci morigeraretur, accederetque ad ejus habitaculum. Et adstantibus ordine teste et testatore incepit tollere astrolabium et ponere, directionem ejus spectare et cessare, donec homines connivebant et somno obruebantur. Ibi inquit: heus! dirige securim in stipitis caput! Ille vero adspectis stellis exsiluit e compede silentii, et juravit per montem Sinai et Coranum, se detecturum esse secretum rei hujus absconditae, memoriamque ejus prolaturum ad diem usque resurrectionis; tum genubus insedit, rogavit, ut aures praeberent orationi suae, et dixit:

Laudes sint Deo, regi laudato, rectori amato, creatori omnium natorum, refugio omnium pulsorum, qui expandit plana, firmavit palos*), mittit pluvias, faciliat negotia, scit et assequitur secreta, delet et perdit reges, succedere et reverti jubet tempora; rerum initium est et, quo redeunt; benignitatem perfectam fovet et complectentem omnes, guttatim stillat et profundit, morem gerit petitioni et spei, spatium efficit egeno et viduae**)! Laudes ei offero, quarum remotissima est meta; unicum eum esse fateor, ut misericordiam implorans (Abraham). Deus est, praeter quem non alius est populis Deus; nec extat, qui evertere possit, quod ordinavit et statuit. Muhammedem autem misit, Islamiticae religionis vexillum, judicum antistitem, populi viae indicem, idolorum Vuddi e Suvâae institutorum destructorem, qui statuit praefectos et docuit, prohibuit et sancivit, fundamenta posuit et locum eis planavit, promissa nexuit et comminatus est.

*) Montes.

**) Vel, ovi et leoni.

Deus eum mactet honore, spiritum ejus colloceť in salutis domo, misereatque gentis ejus et familiae, dum splendet in dierum finibus vapor, celeriter currit struthio, surgit nova luna, auditur exultatio! Vos, quos Deus respicere velit, peragite bona opera, incedite viis licitis, rejicite et relinquire vetita, audite et tenete Dei jussa, nectite et observate cognationes, debellate et pellite libidines, affinitatem contrahite cum sociis honestatis et abstinentiae, scindite foedus cum populo ludi et cupidinum! Hic quidem affinitatem vobiscum contracturus purissimus est ingenuorum, quoad gentem; nobilissimus, quoad potentiám; dulcissimus, quoad conversationem; certissimus, quoad promissa; et ecce! vos adit et liberat custoditam, sponsae dans honorantia munera, dotemque ei promittens tantam, quantam Mohammed dedit Umm Salmae *). Dignissimus est gener, cui liberi tradantur concedaturque expetita; filiam ei jungens non hallucinatur, nec maculatur. Oro pro vobis Deum, ut conjunctionis servet laudes, durationem concedat felicitati, omnibus vero inspireť, quod statum vestrum meliorem faciat, et incitet, ut praeparetis vestrum reditum. Gloria aeterna sit ipsi et laus Apostolo ejus Mohammedi!

Finita hac singularis compositionis oratione, nuda punctis litterarum characteristicis; nexum nexuit **), sub conditione quingentarum drachmarum, et dixit: cum concordia et liberis! Tum adtulit dulcia, quae praeparaverat, edulia, et prorsus singulare ***) prodidit. Ego quoque cum coetu accedebam, et prope aberam, ut manu diriperem; sed edere me vetuit incitavitque ad porrigendum aliis. At, per Deum! non citius occurrere solent palpebrae, quam homines prodeiebant in menta. Conspiciens autem illos, ut radices palmarum excavatas aut a filia seriae prostratos, et animadvertens, criminum maximorum unum esse commissum, rerum mirandarum matrem, dixi: o animi tui inimicule, pecuniae servule, praeparastine hominibus dulce, an malum? Respondit: nihil commisi, quam quod commiscui Chabizam cum Bang****) in patinis de arbore Chalang. Ex-

*) Filiae Amljac, quam ille duxit secundo p. H. anno.

**) Matrimonium sancivit.

***) Quod supra innuerat.

****) Hyocjatum.

cepi: juro per eum, qui eas *) oriri fecit florentes, iisque dirigit omnes proficiscentes! facinus perpetrasti haud laudandum, quodque nunquam reticebitur in actionum ignominiosarum enarratione. Tum in stuporem me coniecit cogitatio de facinoris ejus fine et metus à scabiei ejus contagio, ut anima mea volitaret huc illuc, et tremerent mihi sub axillis musculi ultro citroque moti. Cum autem videret, ut timore distrahebar, et conturbationis igne ardebar, inquit: cur has cogitationes affligentes, pavoremque manifestum? Si crimen hoc curam tibi injicit mei causa; equidem (scias) pascar et prosiliam, et hac valle discedam vacuâ et desertâ; quot ego jam reliqui sibilantes! Si vero tibi prospicis et vinculis effugere desideras; sume residuum Chabizae, beneque dormi privatus tunicâ, quo tutus sis ab implorante ultorem et contra injuriam juvante, aequabiliterque se habeat status tuus post me! Si non — fugam capesse, fugam, priusquam traheris et raperis! His dictis operam navavit evacuandis habitaculis a bursis et loculis, et coepit sibi arrogare selectissima quaeque reconditorum, exquisitissima quaeque mensorum et pensorum, donec, quod laqueus ejus relinquebat, ossi simile erat emedullato. Postquam autem selecta sua perae mandata in unum collegerat, manicas sursum strinxerat, se accinxerat, accessit ad me veste proterviae, amiculo amicitiae, et dixit: visne me comitari Baticham **), ut aliam tibi jungam pulchram? Ibi juravi per eum, qui Deo benedictus erat, ubicunque moraretur ***), nec adnumeratus iis, qui decipiunt in hospitio, mihi non esse animum, duas ducere conjuges et rem habere duabus cum aemulis. His adjeci, me accommodans ejus naturae, ei mensurans suo modulo: satis magnam prima mihi peperit gloriam, alium quare alteri! Quae ob verba ridens, appropinquavit, ut me amplecteretur; ego vero genas avertens declinationem demonstravi. Ita me videns recedentem, experiens deflectentem, declamavit:

O qui avertis a me amorem, avertente sese fortuna,
Corripis me, quod ignominiose tractavi cohabitatores, ut solet violentus!
Ne reprehendas facinus! ego enim eos cognovi.

*) Stellas.

**) Desertum inter Vasitham et Basram; propriè, palus, Tigridis et Euphratis aqua hic producta.

***) Iosum Messiam.

Ad eos deverti, sed non repperi curantes hospitem;
Exploravi, sed fundendo inveni nummos improbos.
Non est inter eos, qui data opportunitate non injustitiam exerceat et mentiatur;
Nemo eorum est sincerus, nemo fidus, nemo comis, nemo misericors.
Irrui itaque in eos, ut lupus sanguinem fundens in agnos;
Et prostratos liqui, quasi poculo bibissent mortis;
Manibus meis potestatem concessi in peculium eorum, postquam nasos in pul-
verem presseram;

Ac abii cum praeda, quam decerpisse et vindemiasse dulce est.
Saepe autem reliqui vulneratum viscera, post me (querendo) gyrantem;
Conculcavi dominos anaclinteriorum, stratorum villosorum, cortinarum;
Saepe dolo consecutus sum, quod non acquiritur gladius;
Steti in terroribus, in quibus ne stet leo, prohibetur metu.
Quoties fudi, obrui, violavi septum superbi!
Quoties loco exitii motitabar, ut infans in utero, peccata perpetrando et de-
properando!

Sed optimum foveo animum *) in Dominum clementem.

Dixit; et cum pervenisset ad hunc versum, lacrimis immersus, Deum
enixe rogavit veniam, quo sibi reconciliaret cordis mei declinati amorem et pro
eo orarem, ut oratur pro accusato confesso. Tum inhibuit lacrimarum torrentem,
sub axillam recepit peram et evasit, filio dicens: sume reliqua, et Deus sit tutor!
Addidit, qui hanc historiam retulit. Cum autem viderem, elabi draconem et
dracunculum, et pervenisse morbum ad ustionem, pro certo habui, longiorem in
hospitio commorationem perducturam esse ad ignominiam; collectis itaque sar-
cinis meis, et syrmate ad proficiscendum substricto, noctem consumsi contendens
Thibam *), Dei custodiae mandans concionatorem.

*) Optimum a Deo spero.

**) Thiba (bona), urbs inter Baticham et Vasitham, sic dicta ab aëre salubri et ubertate.

T y r i u s .

Narravit Haret Hammamita. Ab urbe Manzuri *) profectus eram in oppidum Tyri; hinc consecutus celsitudinem et opes, nactus potestatem tollendi et deprimendi, tanto correptus sum Aegypti desiderio, quanto aegrotus appetit sanitatem, et liberalis adjuvare miseros. Repulsis itaque, quae consistere suaderent, retinaculis; decussis, quae commorari cogerent, necessitatibus; vectus tergo filii viae indicis **), properavi ad eam, ut properat struthiocamelus. Quam ubi intrassem, post exantlatam molestiam et temporis spatium interjectum, deperivi eam, ut ebrius potum matutinum, errans auras aurorae. Aliquando autem grassans, insidens equo lento gressu incedente, vidi in cursoribus brevi pilo praeditis ***) catervam similem noctis luminibus, et cum voluptatis lucrandae causa sciscitarer, quinam essent et quo tenderent, et responsum esset: homines quod adtinet, sunt testes, scopus autem est ineundum matrimonium ei, cui testabuntur; juvenilis alacritatis impetu latus sum ad sequendum praecedentes, ut gauderem dulcedine spicilegii, et acciperem de bellariis mensae. Fatigati tandem pervenimus ad domum altae structurae, spatiosae areae, quae structoris significabat opulentiam et nobilitatem. Sed cum pedes promoveremus ad intrandum, conspexi vestibulum tectum pannis laceris, coronatum sportis suspensis, ibique personam in strato villosa, super scamno exili. Hic libri titulus, rei tam mirae adspectus, me dubium fecit, et auspicium ex signis istis infaustis capiendi cupido me eo adegit, ut ad sedentem illum confugerem, eumque adjurarem per Fatipotentem, ut domus dominum mihi nominaret. Is respondit: non habet possessorem certum, nec dominum declaratum; sed xenodochium est vagabundorum et mendi-

*) Barhadno, sive, ut alii scribunt, Bagdado.

**) Via regia.

***) Equis praestantibus.

corum, declamatorum et traditiones recitantium. Mecum hñc cogitavi: ita Dei sum, ut cursus meus me fallit et pascuum accessi sterile; statimque revertendi consilium animum subiit. Turpe tamen existimans, redire protinus ab adventu et retrocedere sine comitum turba, domum intravi, devorans angustiam, ut passer insilit in caveam; et ecce! in eà anaclinteria picta, tapeta expansa, pulvinaria ordinata, cortinas ratione junctas; et jam gradiebatur uxorem ducturus, jactanter incedens veste magnifica, superbiens inter amicos suos et famulos. Cum autem consideret, quasi esset filius Aquae Coelestis *), vocavit quidam a parte sponsi cognatorum: per venerandam dignitatem Sasàni **, domini dominorum, exemplaris importunorum mendicorum! non nequit hunc nexum magnificum, die hoc candido, insigni, alius, quam circumvagator, regionum sector, qui mendicando adolevit et consenuit. Quod praedicatum cognatis sponsae ita placuit, ut indigatum illum praesentandi indicium facerent. Tunc prodiit senex, cujus alternantia tempora curvaverant staturam, duo semper juvenes ***) illuminaverant Tarhamam ****); et multitudo, laeta ejus adventu, festinanter se ei obvertit. Cum autem consideret in tapeto Hirensi, sedatà vociferationis flammà pulvinari se admovisset, et mystacem strinxisset, dixit:

Laudes sint Deo, qui, quamquam nihil accepit, benefacit, munera dat miranda, aditur precibus, confirmare pollicetur spes, sancivit liberalitatem in administrandis facultatibus, vetuit repellere petentes, vocavit ad consolandos pressos, jussit cibum dare submisce roganti et rogare non audenti, descripsit in libro suo claro servos sibi proximos, dicens, et dicentium quidem omnium maxime est veridicus, eos esse, qui facultatum suarum certam partem destinariunt petenti et misero! Laudo eum propter cibos, quos largitus est, conducentes; ad eum confugio averruncum, ne audiam votum sine liberali animi proposito, et testor, non esse Deum, praeter Deum solum, consortis expertem, qui praemio afficiet bene-

*) Mâ Assamâ dicebatur, ob pulchritudinem, mater Mundari, filii Amrulkelsi, unius regum, Hirae vel aëre Chavarnak residentium; nec non Amer Haritae Aedcasie, Maikia, qui tempore foundationis Sii Aram Iamanam reliquit, ob liberalitatem.

**) Hoc est, nomen sectae mendicorum principis, de quo dictus est concessus penultimus, qui cum hoc conferatur.

***) Nox et dies.

****) Arboris montani genus, cujus albicant fructus et flores.

ficia largientes viros et mulieres, abolebit foenus, usuram ferre faciet eleemosynas! Testor porro, Muhammedem servum ejus esse misericordem, Apostolum liberalem, quem miserit, ut tenebras deleret luce, aequitatem pauperibus exigeret a divitibus. Iste enim, Dei sit ei gratia et pax! benignus fuit erga miseros, alam demisit se humilianti, sancivit, quantum eleemosynae impendere debeant divites, declaravitque, quid incumbat officiorum pauperibus erga locupletes. Deus gratiâ, quae ceteris praeferat, ipsique admoveat, cumulet eum, et sinceros socios Assoffatos *). His praemissis scitote! Deus instituit matrimonium castitatis causa, uti sanxit generationem, ut multiplicaremini. Dixit enim summe laudandus: ut intelligatis, nos creasse vos e mare et foemina, constituisseque tribus et gentes, ut vos invicem agnoscatis. Illic autem Pater Grassatoris, Importuni, Filius Palantis, Dominus Frontis Perfrictae, Mendacii Sinceri, Gannitus Canini et Clamor, Artis Taedio Afficiendi et Importune Instandi, uxorem expetit Clamosam Familiae Suae, Funem Mariti Sui, Flammantem, Filiam Patris Tetrici, ob id, quod audivit, de involvente eam importunitate, vilitate, celeritate in acquirendo penu; vivacitate, quando incitatur; et donat ei pro dote peram pauperum et baculum, linteum capiti operiendo ac cantharum. Date ergo eam tali viro uxorem, nectiteque cum eo cognationis vinculum! Quod si paupertatem timetis, Deus vobis largietur e copia sua. Dixi, et Deum peccatorum remissionem precans, mihi et vobis, oro, ut in xenodochiis multiplicet prolem vestram, et a periculis custodiat conjunctionem vestram. Cum autem senex finiisset orationem, et firmiter contraxisset nodum vinculi sponsi et sponsae, sparsarum rerum tanta concidebat copia, ut egrederetur finem, et avarus impelleretur ad imitandum. Tum surrexit senex tractans tritas manicas, praecedens viles socios. Dixit Haret Hammamita. Secutus eum sum, ut viderem populi recessum, compleremque diei laetitiam. Contulit se autem ad tapetum, quod ornaverant coqui, cujusque omnia latera aequali splendebant pulchritudine. Et cum quiesceret quisque in accubitorio suo, et incepisset frui pascuo suo, agmini me subtrahens, ex acie fugi. Eo ipso tempore me feriit adspectus senis, irruentis vibratione oculi, dicentisque: quo?

*) Proprie, homines scamni, quod ob paupertatem die et nocte scamno sacrarii utebantur.

o avarē! detestarisne societatem liberalium? Respondi; per illum, qui ea *) creavit alium super alio, et perfundit omnia splendoribus! non gustabo cibi portionem minimam, nec panis manducabo frustulum, nisi mihi narraveris, ubi tua repserit pueritia, undeque flaverit tuus Eurū. Ibi suspiria ex imo pectore duxit multa, et lacrimarum profudit torrentem, donec, exhausto earum fonte et coetu ad silentium redacto, dixit: ausculta! et declamavit.

Caput meum humi procidit Sarugi; hujus auris innatabam;
Urbis, in qua omnia inveniuntur et distrahuntur;
Cujus aqua est e fonte Salabil, campi sunt horti,
Incolae et habitacula stellae et domus coelestes.
Euge spiritum odorum et adspectum splendidum;
Flores collium, nive disparente!
Quae qui vidit, exclamat, Sarugum est paradisu mundi!
Qui vero discedit ab ea, gemitus illi sunt et singultus;
Ut ego expertus sum, cum me asportarent robusti.
Lacrimae fluunt; angor, quoties quiescit, redintegratur;
Quotidie curae creantur negotiis intricatis;
Spei autem passus sunt breves et deflectentes.
Utinam dies meus fuisset ille, quo ab ea discedere mihi destinatum erat!

Dixit; et patria sic declarata, auditaque ejus declamatione, certus eram, eum esse magistrum nostrum Abu Seidum, senectutis quidem onustum vinculis. Festinavi itaque in ejus amplexum, praedatus sum patinarum ejus cibum, et quamdiu commorabar Aegypto adibam ejus flammas, ut implerem concham meam dictionum ejus margaritis; donec crocitavit corvus separationis; ubi tanto ab eo dolore discessi, quanto oculum relinquit palpebra. —

*) Coela.

R a m l e n s i s I.

Narravit Haret Hammamita. Flore juventutis, vitae nuclei meliore parte, oderam delitescere in silva, desiderabam e vagina condente extrahi; quod sciebam, itinera implere loculos, parere victoriam; sempiternam contra in patria commotionem obtruncare intellectum, fixa sede utenti nasci contemtum. Versavi itaque sagittas deliberationis, tudi igniarium precum; tum propositum cepi firmius saxis et ascendi in maritimas Syriae oras, ad exercendum ibi mercatum. Iam tentorio Ramlae fixo, itineris baculo in ea projecto, occurri equitibus ad iter se praeparantibus et jumentis instructis, ut peterent matrem urbium*). Ibi vehemens in me spirare incepit cupidinis ventus, excitatumque est desiderium domus sanctae. Frenavi ergo camelam meam, abjeci res et studia,

Et dixi reprehensori: abstine! nam stationem**) praefero stationi,

Et erogo, quod mihi congregavi, in terra congregationis***), moenique Caabam
ambiente consolor de minutis.

Tum me adjunxi sociis noctis stellis similibus, in proficiscendo fluctus celeritate utentibus, in virtute celeribus equis aequiparandis, nec desivimus tempore diurno et nocturno proficisci et jumenta modo ad incitatiorem gressum, modo ad saltum, instigare, donec manus****) eorum nos donabant adventu ad pascua Gachfae. Et descendimus, nos praeparaturi ad intrandum sacrum Meccae circum, laeti ob consecutionem voti. Sed vix procubuerant camelae et deposueramus sarcinas, cum vir, nudus corium, ex montium interstitio prodiret, et vocaret: o coetus istius homines, adeste ad salvans die congregationis omnium!

*) Meccam.

**) Qua Abraham stetit, i. e. praecursus est.

***) Proprie, conventus. Intenditur Musdalifa apud Meccam.

****) Anteriores pedes.

Peregrinantes effuso cursu approperebant, eumque circumdabant silentes. Cum vero eos tripodum instar se circumstare, ac ipsius sermonem magni aestimare videret, ascendit collium unum; tum sonum in gutture reciprocavit, ut orationem aperturus, et dixit:

O coetus peregrinantium, ex montium interstitiis appropereantium! An scitis, quod vultis et ad quem tenditis; cognitum habetis, ad quem acceditis, et ad quod audenter proceditis? Cogitatisne, sacram peregrinationem esse: eligere camelas, secare vias, comparare commeatum, onerare iumenta; imaginamini, cultum esse: exuere manicas, macilenta facere corpora, relinquere liberos, discedere e patria? Nequaquam! sed hoc: a peccatis abstinere, antequam ematur vehiculum; bonam animi intentionem habere in adeundis illis aedificiis; sinceram obedientiam praestare, quando est potestas; corrigere agendi rationem, antequam ad faciendum adigantur itineri faciendo adhibita*). Per eum, qui sanxit sacros ritus eos observaturo, viatorem dirigit in nocte atra! lavari in situla non purificat a demersione in peccata, corpus nudare non est rependere, quo quis se gravavit, crimina; vestitum naziraeatus induisse non defendit involutum vetitis; non juvat pallium portare dextro sub humero, si premunt onera**); nulli auxilio est raso incedere capite, si quis versatur injustis moribus; nil sordis abluit comam curtare, si quis officiis suis deest; non prosperantur Arafa alii, quam bene merentes; nec mundantur sacro Cheifi clivo, qui injustitiae sunt dediti; nec testimonium, circo sacro fuisse, illi datur, qui recta non insistit via; prorsus negatur peregrinationis acceptio declinanti a tramite praescripto. Deus illi est misericors, qui sincerus accedit Zafam; aquam petit e lege, quam ipsi dare placuit, antequam haurit e fonte Semsem; exiit celata vitia, antequam exiit vestem; redundat bonis operibus, antequam defluit***) de monte Arafa. Tum sustulit vocem, surdi etiam aures sono suo aperientem, altosque paene montes concutientem, declamatum:

Sacra peregrinatio non est: diu et noctu proficisci, et eligere camelas et sellas;

Sacra est peregrinatio: si solius pietatis causa proficisceris, non aliud negotium curans;

*) Iumenta.

**) Conscientiae.

***) Supple: cum peregrinantium turba.

Tergo justitiae equitas, abstinencia utens duce, lege utens via;
Et consolarius, dum potes, eum, qui, inops, manum extendit versus tuam pluviam.
Haec si complectitur peregrinatio, perfecta est; si ei desunt, foetus est mutilus.
Poena hypocrisis decipientium est: plantant, sed fructus non decerpunt, et molestias patiuntur per itinerum turbas;
Praemio desiderabilique mercede destituti sunt, famam potius exponunt reprehensori, satyras canenti.

O frater, virtutibus, quas ostentas, faciem Fidi quaere, intraps et exiens;
Misericordi non est absconditum, sive obsecutus fuerit servus, sive simulaverit;
Bono praeverti mortem opere; nihil moriendi necessitatem pellit, quando ingruit;
Submissio mos tibi sit, quem nunquam deseras, etiamsi tibi imponeretur corona;
Nec omnem nubem fulgurantem suspice, etsi guttis, quas effundit, largus sit fluctus;

Non omnis vocans dignus est, qui audiatur; quoties jam obsurdescere fecit mortis nuncio clam colloquens!

Recte vero sapiens aestimatur contentus, qui eo, quod vitae sustinendae satis est, dies complicat *);

Nam omnis copia reddit ad paucitatem et omne asperum ad lenitatem, quamvis impetuosum fuerit.

Dixit narrator. Et cum foecundasset sterilem intellectum verborum suorum magia, odoratus sum odorem Abi Seidi, et alacritas me ad eum pepulit quanto impulsu! Sed expectabam, donec, sapientiae suae enunciatione absoluta, descenderat de colle; ibi demum accessi, ut faciei adspicerem latera et contemplarer gemmam ornatus. Et ecce! erat ille amissus, quem quaerebam; monilia nectens ille, quae recitaret; eumque amplexus sum, ut Lam se conjungit cum Aleph, habuique eo loco, quo graviter aegrotans habet sanitatem. Atque rogavi, ut socius mihi esset, sed noluit; ut altero camelae latere equitaret, sed recessit et dixit: per peregrinationem hanc meam juravi, me non velle sedere post tergum, nec vehendo subire vicem, nec lucrari facultatibus, nec gloriari genere, nec expetere auxilium, nec gaudere societate aut congressu ejus, qui hypocritam agit in religione. Tum abiit glomerato incessu, me relinquens ejulantem, non

*) Transigit.

desinentem, adspectu eum persequi, et optantem, ut in pupillae meae imaguncula incederet, donec montem ascenderat, qui peregrinantibus erat in via; ubi, cum animadverteret equites per arenae colles commode vehentes, complodit digitorum pulpas *) et abiit declamans:

Qui peregrinatur equitans, non par est peregrinanti pedibus,
Nec servus obediens aequiparandus illi, qui rebellat!
Quomodo, o homines, convenire potest studium struentis et evertentis?
Certe illi, qui modum excedunt, cras plactum instituent poenitentiae?
Pius contra dicet: beatus ille, qui officia praestitit!
Age anima, bonorum operum thesaurum tibi compara penes Aeternum;
Contemne vitae fucum, qui re vera est inanitas;
Recordare loci, quo moriens decumbes, fatum quando impinget;
Lacrimare ob mala facinora et funde sanguinem;
Poenitentia deprece, antequam vermes corrodant, cutem tuam;
Fortassean Deus te custodiet ab inferno fervente,
Die, quo caespitatio non fieri potest irrita, nec auxilio est ob commissam pec-
cata dolor!

Tum, linguae gladio vaginae inserto, ad negotium suum abiit. Ego vero omni, qua adaquabamur, regione et omni, quo, noctis sub finem, cervicali innitebamur, tecto, eum desiderabam et quaerebam auxilio vocans, qui, utut investigabant, non inveniebant; ita ut mentem subiret, genios eum rapuisse, aut terram sibi eum decerpisse. Atque, dum alienas peragrabam terras, parem aerumnam non sensi, nec ullo in itinere tantis afflicto sum gemitibus! —

*) Scilicet, rhythum signaturus.

H a r b e n s i s.

Narravit Haret Hammamita. Observatis sacrae peregrinationis legibus, circuitionis et sacrificacionis ritibus peractis, consilium ceperam petendi moenia Thaibae ¹⁾, cum sociis e filiis Schaibae ²⁾, ut visitarem sepulcrum electi ³⁾, nec pertinerem ad catervam eorum, qui post peregrinationem injuria afficiunt ⁴⁾. Sed terrebant viae a defensore vacuae et Arabum utriusque ditionis sacrae mutuum odium, ut suspensus essem inter metum retinentem et desiderium incitans. Tandem pavido meo ⁵⁾ visum est, ut fidem in Deo collocarem, praeferremque visitationem sepulcri ejus, cui pax sit! Comparato itaque jumento, apparato apparatu, profectus sum cum sociis; nec deviavimus ullum in recessum, nec intermisimus iter facere die et noctu, donec pervenimus ad Harbitas, tunc reversos e bello, cujus populi in mansione diem transigere constituimus. Sed dum eligebamus quietis locum, quaerebamusque aquam puram, ecce! animadvertimus illos equitare, quasi ad idolum confluerent. Quam festinationem mirantes, cum interrogassemus, quid illi sibi vellent, et audivissemus: jurisperitus Arabs ad coetum eorum accessit, haec est confluxus causa; sociis dixi: agitedum! accedemus ad tribus conventum, ut discamus discernere rectum ab erroneo. Illi responderunt: vocasti audientes et monuisti bene! Tum surreximus secuturi ducem, et ad coetum contendimus, usque dum attigeramus. Ubi, data legisperitum a multitudine petitum conspiciendi copia, inveni eum Abu Seidum, instructum officiiis et figmentis, pectora findente oratione et versibus; cidari tectum, de qua nulla dependebat extremitas; veste indutum, quae manus quoque operiebat ⁶⁾; natibus insidentem ita, ut femora ventri, manus cruribus applicaret ⁷⁾; circumdatum a

¹⁾ Bonae l. e. Medinae. ²⁾ Schaibitae tenent clorem Caabae. ³⁾ Prophetae. ⁴⁾ Mohammeden acil. dixit: qui peregrinationem sacram instituit, nec sepulcrum meum visitat, ille injuria me afficit. ⁵⁾ Cordi. ⁶⁾ Utrumque dicitur esse contra traditionem. ⁷⁾ Superficiem.

tribus primoribus involutumque vulgo, sic dicentem: quaerite a me intricata, lucem petite dubiis! Nam per eum, qui creavit coelum, variegavitque coelorum corium! ego jurisperitus sum Arabum sincerorum, doctissimus omnium viventium sub scabioso ⁹⁾. Obversus ei juvenis, prompta lingua, animoso corde, respondit. Equidem jurisperitos mundi adii, donec, ceu meliorem partem, centum collegi sententias. Quod si igitur es e contemnendis filias alienas ¹⁰⁾, et expetis a nobis comneatum, audi et responde, ut accipias, quo dignus es. Reposnit: Deus est magnus! certe apparebit ¹¹⁾, quod retuli, et detegatur occultum; fac eloquaris, quod tibi commissum est!

Iuvenis quaesivit haecce ^{)}:*

- 1 Quid statuis de eo, qui te purificavit, tum tetigit tergum calcei? Respondit senex: Purificationem annihilavit.
- 2 Quid, si quis se purificavit, tum frigus eum commovit, ut ioniteretur? R.: Repetenda est lotio.
- 3 Num, qui se purificat, tangere debet duas foeminas suas? R.: Admonitus quidem est, sed non coactus.
- 4 Num licet purificari eo, quod expuit draco? R.: Quae aqua purior Arabibus?
- 5 Num in usum cedet aqua coeci? R.: Sane, et abstineatur ab aqua videntis!
- 6 Licetne circumire verno tempore? R. Displicet ob excrementum inquinans.
- 7 Incumbitne lotio illi, qui sperma emisit genitale? R.: Minime, ne tum quidem, cum iteraverit.
- 8 Num polluto incumbit lavare vestem pelliceam? R.: Immo, etiam acum.
- 9 Quid, si neglexit lavare securim? R.: Idem est, ac si neglexisset lavare caput.
- 10 Quid dices de eo, qui arenâ, aquae loco, usus est in lavando, tum conspicit pratrum? R.: Illa per arenam purificatione nihili aestimanda erit!
- 11 Num licet viro, adorare in fimo? R.: Licet, sed evitet sordes!
- 12 Licetne vero adorare in salicibus? R.: Minime, nec in ulla extremitatum!
- 13 Quid, si quis septemtrionem versus adoret? R.: Nihil mali in ejus facinore.

⁹⁾ Coelo stellis consperso. ¹⁰⁾ Mendacia. ¹¹⁾ I. e. verum apparebit.

^{*)} Quaestiones sunt amphibolicae, quarum hoc loco sensus prodit ex vocum ambiguarum explicatione subsequente. Haribus in responsis sequitur sententiam Schafaitae, non Abi Ilanifae.

- 14 Num licet adorare in crurum parte tenuiore? R.: Licet, non auxiliantibus brachiis.
- 15 Num precari licet in canis capite? R.: Sane, ut in omnibus collibus!
- 16 Quid dicitur de eo, qui precatur, dum pubes spectatur? R.: Preces sunt licitae.
- 17 Quid, si quis precatur, cui incumbit jejunandi officium? R.: Repetat, etiamsi centum dies preces fuderit!
- 18 Quid, si quis catulos gestaverit, tum precatus fuerit? R.: Comparandus est ei, qui olera tulit.
- 19 Legitimaene sunt preces ejus, qui fert ramicem? R.: Neutiquam, etiamsi adoraverit super silicibus durissimis!
- 20 Quid, si stillarit in precantis vestimentum stercus? R.: Pergat precari, nihil est miri!
- 21 Num licet preces praeire personam calantica indutam? R.: Immo, etiam thorace indutam!
- 22 Quid, si preces praeiverit habens metacarpium ex ebore, testudinisve testa confectum? R.: Repetant, etiamsi sint mille!
- 23 Quid, si preces praeiverit, cujus femur nudum conspici poterat? R.: Preces nec illius, nec eorum, quibus praeiverit, fuerint illicitae.
- 24 Quid, si praeiverit taurus cornibus carens? R.: Precare, non reprehendris!
- 25 Locumne habet decurtatio in precibus testis? R.: Minime, per testem oculis absconditum!
- 26 Licetne voti sui impoti, jejunium solvere mense Ramadhano? R.: Pueris tantum remittitur.
- 27 Num congregienti in eo licet comedere? R.: Sane, plenis buccis!
- 28 Quid, si nudi jejunium solverint? R.: Praefecti hoc non reprehendant.
- 29 Quid, si comederit jejunans, postquam illuxerit? R.: Hoc securius est et salubrius.
- 30 Quid, si intenderit satiari noctu? R.: Accingat se ad solvendum debitum.
- 31 Quid, si comederit, antequam se velaverit candida? R.: Iejunium solvit, persolvat debitum!
- 32 Quid, si jejunans insidias excitaverit? R.: Iejunium solvit, per eum, qui venerationem permisit!
- 33 Num jejunium solvere licet, instante coquo? R.: Sane! sed non coquo coquente cibos.
- 34 Quid, si riserit mulier jejunii tempore? R.: Diei illius jejunium nihili est aestimandum.

- 35 Quid mulieri incumbit, si variolae apparuerint in ea, quae eundem habet maritum? R.: Ieiunium solvat, si postulat ejusdem thori consors mulier!
- 36 Quantum tributi ab eo solvendum est, qui habet centum lucernas? R. Duas triennes camelae, o frater!
- 37 Quid, si decem possideat cultros? R.: Duas oves pendat, nec adversetur!
- 38 Quid, si quis calumnianti prodiderit propinquum suum? R.: O bonum illi praemium die resurrectionis!
- 39 Num licet onera portare loco solvendae eleemosynae? R.: Sane, si sunt milites!
- 40 Licetne peregrinanti sacros peragere ritus? R.: Nec hoc, nec ut se operiat velo muliebri.
- 41 Num ei licet occidere fortem? R.: Sane, ut occidere licet feras!
- 42 Quid, si in sacro Meccae septo occiderit cantatorem? R.: Pendat tergum de grege!
- 43 Quid, si jaciendo percusserit crus ingenui eumque prostraverit? R.: Pendat ovem pro isto peccato!
- 44 Quid, si post susceptum Naziraeatum occiderit matrem Aui? R.: Eroget in pauperes, quantum manu capi potest cibi!
- 45 Num necesse est, peregrinatores secum habeant lintrem. R.: Sane, ut eos ducat ad fontes!
- 46 Quid dicis de Naziraeatu die Sabbathi transacto? R.: Tunc temporis desiit.
- 47 Quid dicis de venditione rufi? R.: Vetita est, ut venditio mortui.
- 48 Licetne vendere acetum carne cameli? R.: Nec hac, nec carne agnina.
- 49 Licetne vendere donum? R.: Nequaquam, neque vinum!
- 50 Quid dicis de venditione lanae pulli? R.: Vetita est revera.
- 51 Licetne vendere servum pastori? R.: Nequaquam, neque eleemosynarum collectori!
- 52 Venderene licet accipitrem dactylo? R.: Nequaquam, per creatorem et supremum regem!
- 53 Num Muslemo licet vendere exuvias Muslemarum? R.: Et in heredes trans-eunt, si moritur.
- 54 Num licet vendere tutorem? R.: Non est, qui prohibeat.
- 55 Licetne gutturnium vendere filiis flavi i. e. Romanis? R.: Displicet ut venditio galeae.
- 56 Licetne vendere camelos aestate editos? R.: Minime, sed vendatur sincerus!
- 57 Quid, si quis emit servum, et in matre ejus apparet vulnus? R.: Eum red-dere non est peccatum.

- 58 Firmumne est illi participandi jus (Schufat), qui partem tenet planitie, quam cum aliis habet communem? R.: Nequaquam, nec illi, qui cum aliis possidet fluvium!
- 59 Licetne calefacere putei aquam et locum vacuum? R.: Minime, si in deserto fuerint!
- 60 Quid dicis de cadavere increduli? R.: Commoranti et proficiscenti id tangere licet.
- 61 Licetne sacrificare strabos? R.: Dignissimi sunt, qui accipiantur.
- 62 Num licet sacrificare repudiatam? R.: Etiam carne ejus cibare peregrinum noctu supervenientem.
- 63 Quid, si quis sacrificaverit, antequam apparuerit gasala? R.: Ovis vescenda, non pro sacrificio habenda est; nihil in eo absurdi!
- 64 Licetne quæstum facere lanam percutiendo? R.: Nihil differt ab aleae ludo.
- 65 Legine consentaneum est, stantem salutem dicere sedenti? R.: Minime, si non est e propinquis!
- 66 Num decet intelligentem dormire sub stupido? R.: Praeferendum hoc in arboreto.
- 67 Qui Mohammedanis tributarius est, recte ille prohibebitur ab occidendis vetulis? R.: Non licet ei hac in re adversari.
- 68 Licetne viro relinquere domum patris? R.: Nec illustri, nec obscuro, hoc licet.
- 69 Quid dicis de transitu ad Iudaismum? R.: Clavis est prohibitæ.
- 70 Quid dicis de patientia in miseria? R.: Peccatum est, et quam horrendum peccatum!
- 71 Num licet verberare legatum? R.: Certe, et impetum facere in consilium petentem!
- 72 Num vir castigare debet patrem suum? R.: Probus id facit, nec fastidit.
- 73 Quid de eo dicis, qui fratrem suum pauperavit? R.: Euge quod intendit!
- 74 Quid, si nudavit filium suum? R.: O quam pulchra intentio!
- 75 Quid, si quis servum suum igni torrendum dederit? R.: Neque crimen est, neque dedecus.
- 76 Num licet mulieri maritum amputare suum? R.: Nemo prohibet ejus facinus.
- 77 Licetne mulierem castigare propter verecundiam? R.: Sane!
- 78 Quid dicis de eo, qui succidit fratris sui Tamariscum? R.: Peccavit, etiamsi hoc ei permisisset.
- 79 Licetne judici absoluto opum usu prohibere possessorem tauri? R.: Sane, ut caveat ab injuriis calamitosis inferendis!

*

- 80 Num licet, ut feriat manum orphani? R.: Sane, usque dum rectâ incedat firmisque stet talis!
- 81 Licetne ei locum dare, quo recumbat? R.: Minime, etiamsi velit!
- 82 Quando vendere debet corpus imprudentis? R.: Quando in vendendo videt ei bonam fortunam.
- 83 Num licet, ut ei ematur latrina? R.: Ita, sed non a daemonibus visitata.
- 84 Num licet, ut iudex sit injustus? R.: Sane, si est intelligens!
- 85 Num iudex constitui debet, cui non est visus? R.: Sane, si pulchro utitur vivendi genere!
- 86 Si autem caret ratione? R.: Hic virtutis est titulus.
- 87 Quid, si ei est superbia gigantis? R.: Nec improbandum, nec pro crimine habendum erit.
- 88 Num licet testem dubium esse? R.: Sane, si est prudens!
- 89 Quid, si apparet, eum rem habuisse cum mare? R.: Idem est, ac si consuisset.
- 90 Quid, si animadvertitur, eum cribrasse? R.: Recusatur testimonium, nec accipitur.
- 91 Quid, si clarum fit, eum mentiri? R.: Adtributum est ornans.
- 92 Quid necesse est illi fiat, qui Deum colit? R.: Ut adigatur ad iuramentum per Deum creatorem.
- 93 Quid de eo dicis, qui luscinae oculum eruit consulto? R.: Ipsius oculus eruatur, uno verbo!
- 94 Quid, si mulieris Katha avis vulnerata est et moritur? R.: Anima pro anima, si vita excessit.
- 95 Quid, si portans foenum projecit, pedibus concutiendo? R.: Peccatum ejus expietur eo, ut liber dimittatur!
- 96 Quid lex de eo jubet, qui se abdidit? R.: Manus secetur, ut prohibeatur!
- 97 Quid, si furatus fuerit pretiosum aureum? R.: Non praescripta est ei poena ut raptori violento?
- 98 Quid, si conspicua fuerit in muliere rapina? R.: Nec angor ei sit, nec metus!
- 99 Matrimoniumne contrahere licet non testantibus Kavariis (avium specie, brevibus praedita pedibus, longo rostro, viridi dorso)? R.: Non, per creatorum producentem!
- 100 Quid dicis de sponsa, quae pernoctat noctem liberae, tum summo mane redit in vestigiis suis? R.: Dimidium dotis accipiat, nec adigatur ad observandum tempus vacationis, repudiatis praescriptum!

Hic ei dixit, qui interrogaverat: sane! referenda ad Deum est copia mare tuum, quod non diminuit hauriens, et doctrina tua, cujus laudes non assequitur laudans. Tum vultum demisit more pudentis et conticuit more defessi. Abu Seid autem acclamavit: porro, o juvenis! quousque tacebis, quousque? Respondit! in pharetra mea non restat, quod jaciám, nec, post aurorae tuae splendores, disputatio. Sed per Deum! cujus terrae filius tu es? nam quam egregia sunt, quae disseruisti! Ibi declamavit lingua volubili et voce vehementer sonante:

Equidem mundi sum exemplum, populi doctorum Kibla.

Nisi quod quotidie noctis demum extremo devertio, et mox proficiscor.

A patria autem absens, etiamsi sub Tuba *) arbore descenderit, non bene se habebit.

Quibus adjecit: o Deus, qui nos eis addidisti, qui recta incedunt et dirigunt; illos quoque efficias recta incedentes et ducentes! Tribus illius homines ibi ad eum egerunt agmen camelorum fere decem, cum cantatrice, rogantes, ut ipsos visitaret iterum atque iterum. Ille vero surrexit, illosque desiderio reditus ipsius implens, ancillam et camelorum agmen propulit. Dixit Haret Hammamita. Equidem ei occurrens interrogavi: vidi te antea imprudentem; quando evasisti jurisprudentem? His auditis momentum circulo se convertit, tum declamavit:

Induo vestem cuique tempori convenientem; certo cum conversionibus ejus, induendo triste et laetum;

Omniq[ue] cum considente conversor, quod congruit afferens, ut ei placeam.

Inter narratores gyro sermones, inter potores pocula;

Nunc lacrimas elicio admonitione, nunc joci exhilare animos;

Aures pasco, quando dissero, oratione, domante restitatore[m], sternacem;

Si mavis, manum sanguinem stillare calami, margaritae certatim cadunt, or-
nantes folia chartae.

Et quot abscondita, obscuritate similia stellae Soha **), mea explicatione evase-
runt soles!

*) Benedictio, arbor paradisi.

**) Obscurior est haec stella in ursae majoris astro.

Quot dicta elegantia, diripientia intellectus, omni in corde relinquentia vestigia
firma,

Quot virgines *) effatus sum, pro quibus gratiae habitae sunt liberae, durantes
Attamen ego a fortuna mea fraude tractor, majore illâ, quam Pharaô exercuit
in Mosem;

Quotidie mihi accendit bellum, cujus igne mihi calcanda est fornax post for-
nacem **);

Quacunque nocte immittit negotia, quae liquefaciunt vires et canis adspergunt
caput;

Admoveret mihi remotum exosum, a me removel propinquum, familiarem.

Quod si ipsa non esset ignobilibus moribus, non prosperaretur ab ea ignobilis.

Excepi: tristitia enarrando submitte vocem, nec vitupera fortunam; sed lauda eum, qui a via Ablisi ***) te transtulit in viam Adrisi ****)! Respondit: omitte proscindere, nec lacera vela; sed veni mecum, ut petamus templum Medinae; forsan enim nos purificabimus hac visitatione a spurcitie onerum! Longe abest, inquit, ut tecum proficiscar, nisi dederis effatorum tuorum interpretationem. Reposuit: imponis, quod tibi debetur, et postulas, quod in promptu est. Accipe ergo, quod sanet animum et discutiat dubium! Dixit; et cum mihi declarasset obscura et detexisset, quod animum tenebat suspensum, vinximus pilenta et profecti sumus una; et confabulatio ejus per totum visitationis tempus me oblitum fecit devorandae molestiae, longissimaque cum eo itinera optabam, donec intravimus urbem prophetae et voti nostri, sacrorum locorum visitationis respectu, damnati petivimus, ille Syriam, ego Irakam, ille Occidentem, ego Orientem.

*) Orationes inaudita.

**) Fovea in saxo, circa quam accenditur ignis.

***) Diaboli.

****) Hanochi, Osiridis.

E x p l i c a t i o.

1 Quod translatum est culcex, vertatur conjuv. 2 Q. t. frigus, v. somnus. 3 Q. t. foeminae duae, v. duae aures. 4 Q. t. draco, v. fluxus rivi aestivi. 5 Q. t. coccus, v. ripa rivi; q. t. videns, v. canis. 6 Q. t. eleumire, v. deponere alvi faeces; q. t. ver, v. parvus flavina. 7 Q. t. apertum genitale emittere, v. Minam proficisci. 8 Q. t. vestis pellicea, v. capitis cutis; q. t. aens, v. os cubiti. 9 Q. t. securis, v. os immanens scrohi in occipitis inferiore parte. 10 Q. t. pratium, v. residua aquae in pluvina. 11 Q. t. finis, v. locus apertus. 12 Q. t. salix, v. manica. 13 Q. t. versus septemtrionem, v. super vestimentis (totum corpus involventibus). 14 Q. t. crurum pars tenulior, v. terra petrosa protensior. 15 Κλωσκεφάλη via est per montes nota. 16 Q. t. pubes, v. onagrorum agmen. 17 Q. t. Jejunium, v. stercus avium. 18 Q. t. catuli, v. parvi cucumeres et malograna. 19 Q. t. ramex, v. vas, e quo bibit canis. 20 Q. t. stercus, v. nubes, quae effudit aquam. 21 Q. t. calantica, v. galea. 22 Insult, illicitum esse, mullera preces praefere vltis. 23 Q. t. femur undum, v. tribus in deserto vagans. 24 Q. t. taurus sine cornibus, v. dominus sine hasta. 25 Preces testis sunt preces vespertinae, quod vespere apparent stellae, quae vocantur testes. 26 Q. t. voti impos, v. circumcisus. 27 Q. t. congredivens, v. extremo noctis tempore devertens, ut paallum dormiat, tum proficiscatur. 28 Q. t. nudi, v. febre tremorem excitante laborantes. 29 Q. t. illuxerit, v. si accenderit lucernam. 30 Nox dicitur etiam pullus foemineus tardus, ut narrat Ibn Doreidus; alii dicunt, sic appellari pullum grali, tardae contra pullam diei diem. 31 Candida e nominibus est solis. 32 Q. t. insidiae, v. vomitus. 33 Q. t. coquus, v. febris vehemens et ardens. 34 Q. t. riserit, v. menstrua passa fuerit; sic Coranus habet: nonnriavimus ei Isâkum paricidum, et risit l. e. menstruavit. 35 Q. t. muller eundem habens maritum, v. radix poilels nammueve; q. t. ejusdem thori consors, v. noxa. 36 Q. t. lucerna, v. camela, quae loro cumbit, nec pastum vadit, nisi post solis ortum. 37 Q. t. culter, v. camela lacte abundans. 38 Q. t. calumnianti, v. tributis collector; q. t. propinqua, v. selecta peculii pars. 39 Q. t. onera, v. arma. 40 Q. t. sacros ritus peragere, v. cidari sine tulbando vestiri. 41 Q. t. fortis, v. serpena. 42 Q. t. cantator, v. struthio. 43 Q. t. crura ingenui, v. turtur max. 44 Q. t. Mater Auli, v. locusta. 45 Q. t. linter, v. qui aquam inquirat nocte. 46 Q. t. Sabbathum, v. crinium tonsio. 47 Q. t. rufus, v. vinum. 48 Q. t. actum, v. pullus camelli annulus. Non autem licet carnem vendere animalis pretio, sive ejusdem, sive alius generis sit. 49 Q. t. donum, v. quod offertur in Caaba. 50 Q. t. lana pulli, v. ovis, quam mactari solet pro nato infante. 51 Q. t. servus, proprie transferendum vocans, v. residuum lactis in ubere. 52 Q. t. accipiter, v. mel dactylorum. 53 Q. t. exuviae, v. cortex, liber, folia Tsamami. 54 Q. t. tator, v. ovis cum foetu. 55 Q. t. gutturalium, v. gladius acutus, multae aquae. 56 Q. t. camelus aestivo editus, v. filius senectutis; q. t. sincerus, v. camela abundans lacte. 57 Mater est cutis cerebrum continens, meninx. 58 Ejusmodi participatio locum tantum habet in fundis et aridificiis, non in mobilibus; at q. t. desertum, v. aaina fera; q. t. flava, l. e. pecunia, v. camela, vel asinus. 59 Q. t. calefacere, v. prohibere; q. t. locus vacuus, v. pabulum. 60 Q. t. incredulus, v. mare; q. t. cadaver, v. pisces in superficie natantes. 61 Q. t. strabi v. foetus camelae annuli, vel camelae non concipientes, quod percussae sunt ab nemiario. 62 Q. t. repudiata, v. camela, quae pascitur ubi libet. 63 Q. t. guesla, v. aol; dicunt nonnulli, de oriente sole usurpae, non de occidente. 64 Q. t. lanam percutere, v. valicinari jactu silicem. 65 Q. t.

sedens, v. a viro segregata, vel menstruare cessans. 66. Q. t. stupidus, v. coelum; q. t. arboreum, v. co-
meterium Medinæ. 67. Q. t. vetula, v. vinum; q. t. cadere, v. miscere. 68. Q. t. domus, v. gens vel tribus.
69. Q. t. Iudaismus, v. poenitentia, vel reversio, quo sensu etiam in Corano occurrit. 70. Q. t. patientia, v.
vinctio; v. t. miseria, v. camela, quæ vincitur ad sepulcrum possessoris, nec accipit potum, nec pabulum,
donec moritur; Antemammedal enim credebant, dominum in ea resuscitatum iri. 71. Q. t. legatus, v.
frondes, quæ de arbore ceciderunt; q. t. consiliator, v. camelus pinguis, aive, qui distinguit gravidam ab ea,
quæ non concepit. 72. Q. t. castigare, v. magnificæ et adjuvare. 73. Q. t. pauperavit, v. commodavit ei
cameiam, ut equitaret in dorso. 74. Q. t. nudavit, v. dedit ei dactylos, quæ palma tulit per annum. 75. Q.
t. servus, v. massa, quæ subacta est, donec bene haberet. 76. Q. t. maritus, v. palma, quæ radicibus suis
bibit e terra. 77. Q. t. verecundia, v. ob divitias insolentem esse. 78. Q. t. tamariscum succidit, v. absentem
traduxit et honorem ejus detraxit. 79. Q. t. tanrus, v. furor. 80. Q. t. feriat manum, v. prohibet cum
nō absoluto libertatis usu. 81. Q. t. locus, quo recumbat, v. conjux. 82. Q. t. corpus, v. lorica curta. 83. Q.
t. lateina, v. palmetum. 84. Q. t. injustus, v. qui bibit lac, antequam congregatur et debeat ratur. 85. Q. t.
intellectus, v. elypeus. 86. Q. t. ratio, v. species panni rubri stielati, quo e. g. operiri solet pilentum cune-
linum. 87. Q. t. superbia, v. dactyli immaturi, sed adulti et jam rubescentes; q. t. gigas, v. palma, quæ
manu attingi nequit, cujusque contrarium est sedens. 88. Q. t. dubius, v. qui multum habet lactis acidi.
89. Q. t. rem habuit eum mare, v. luto obduxit, e. g. aquæ conceptaculum. 90. Q. t. cribravit, v. occidit.
91. Q. t. mentiens, v. alens et sustentans familiam. 92. Q. t. colens, v. negans; q. t. Deus, v. debitum. 93. Q.
t. lucinia, v. homo levis, agilis. 94. Q. t. Kutlu avia, v. quod est inter femora. 95. Q. t. foenum, v. foetus
projectus mortuus. 96. Q. t. se abdens, v. qui sepulera refodit. 97. Q. t. pretiosum aureum, v. octava pars
auri vel ovi vitelli. 98. Q. t. rapina, v. sericum album. 99. Q. t. Kavari, v. testes; quia, ut illæ aves, res
sequuntur. 100. Pernoctat noctem liberæ, de sponsa dicitur, quæ sancito matrimonio sponso resistit; si eum
defloravit, nox dicitur cana.

M a r v e n s i s.

Narravit Haret Hammamita. Ex eo tempore, quo pes meus currere et
calamus spueri incepit, ita deditus eram doctrinæ, ut mihi esset rivo, quo ada-
quarer, et lumen inde petitum pabulo, ac quotiescunque, scrutans ejus magistros
arcanorumque reconditoria, assecutus eram talem, qui ex voto esset mendicantis,
pruna ignem flagitanti, alligata stapedi ejus manu mea, eleemosynæ pluviam
rogabam de thesauro ejus. Neminem tamen juveniebam copiosioris fluxus, et

majoris in racemo masculo palmae foeminae appendendo dexteritatis *), quam Sarugensem; nisi quod magis vagus erat quam proverbium, celerior in loco commutando quam luna. Sed ei occurrendi cupidus, pulchros existinans ejus consessus, longissima non fastidiebam itinera, immo dulces habebam viae molestias, quae pars sunt poenarum. Cum autem vagando etiam pervenissem Marvam**), in quo nihil est miri, me eum obvium habiturum esse, indicaverunt auguria et omina, laetorum praenuntia. At, quamquam eum quaerebam in congregationibus itineratorumque frequentatis diversoriis, non repperi quemquam, qui de eo referre posset; nec ullum ejus vestigium; ne levissimum quidem, excitatum ab eo, pulvisculum; ut desperatio vinceret desiderium, spesque omnis extraheretur et percuteretur in capite. Die tamen quodam, cum versarer apud Marvae praefectum, virtutis cultorem et generosum, en! ascendit Abu Seid, veste usu laevigata, moribus blandis, impertivitque praefectum salute egentis, quando obvium habet dominum coronae, tum dixit: scias tu, qui custoditus sis a vituperio, intactus ab aerumnis! Cui traduntur praefecturae, ab eo suspenduntur spes; cujus elati sunt dignitatis gradus, ad eum tolluntur preces; et bene illi, qui, si potest et fato prosperatur, decimas dat bonorum suorum, ut decimas accipit de gregibus, gentique nobilium adhaeret, ut amplectitur familiam et gynaeceum. Nunc tu es columnen urbis tuae, palus tui temporis; cameli onerarii pelluntur ad te, ut eis sis praesidio; egregia dona sperantur a liberalitate tua; desiderata descendunt in area tua; tranquillitas petitur e vola tua; Dei liberalitas largissima in te fuit; beneficia ejus te totum involverunt. Ego vero sum senex, inops, postquam opibus abundaverat; pabulo destitutus, cum advenit canities; et e longe dissita domo ad te contendi, statu deterrimo, sperans e mari tuo fluctum, a dignitate tua elationem; spes autem pulcherrima est intercessio pro petente; donum, quod datur datori. Ergo, quod te decet, in me statue, et bene mecum age, ut tecum bene egit Deus; et cave, genam avertas ab eo, qui te visitat, domumve tuam adit, aut manum contrahas ei, qui a te petit aquam, aut a liberalitate tua com meatum! Per Deum! non laudatur, qui congelatus est, nec recta tendit, qui cumulat; sed

*) Vel, in pice camelorū vulneribus applicanda.

**) Urbs Chorasanae, cujus incolae maxime proclives dicebantur ad avaritiam.

prudens est, qui, quando habet, largitur, et quando beneficium se ostendit, iterat; et nobilis est, qui, quando petitur ab eo aurum, dare non veretur, nec retinet, ut consideret plantarii sui fructum et contempletur delicias animae. Praefectus ibi cognoscendi cupidus, limpidane ejus aqua sit pauca, an fons scaturiens abundet, demisso vultu stabat, cogitans, quomodo igniarium ejus tunderet, undulatumque ensis nitorem probaret. Hanc secretam silentii donationisque dilatae causam non perspiciebat, Abu Seid exarsit ira et declamavit ex tempore:

Ne contemnas tu, qui a facinoribus diras afferentibus procul sis, eruditum, quod apparuit detrita tunica, egenus *);

Nec permittas, spei fratrem amittere familiam suam, sive facundiam monstraverit, sive conticuerit;

Afflu liberalitatis odore, quicumque advenerit fructus decussum; vivifica auxilio tuo, quemcunque videris projectum!

Nam optimum viri est peculium, quod aedificavit memoriam et famam, cum proficiscentibus de loco in locum migrantem,

Nec, qui laudes emit donis, decipitur, si, quod dedit, est hyacinthus.

Quod si non esset honor, parum excusationis haberet prudens, quando ei inhiat, quod ultra panem est quotidianum;

Sed gloriae struendae studet, liberalitatem amans collum tendit ad divitias.

Nec odoratur laudis diffusos odores munificus, nisi contemserit spiramenta Musci contriti;

Et adeo difficilis est avaritiae et laudis conjunctio, ut hanc existimaverint piscem, illam lacertam.

Nam liberalis, mores ejus a hominibus laudantur; manus congelatae vir non desinit esse odiosus;

Argumenta, quibus avarus, dum facultates retinet, se excusat, cumulant eum vituperio et reprehensione.

Liberaliter ergo largire, quas manus collegerunt, divitias, ut imbrem hauriens sit attonitus,

Tuamque landum partem vindica, antequam terrenus infortunium arborem monstret excisam!

Durius enim est tempus, quam, ut statum diu permanere sinat, sive displiceat, sive placeat.

*) Ut terra sterilis et deserta.

Praefectus ei dixit: per Deum! pulchre locutus es; cujus tu te viri dicis filium? Sed a latere illum adspexit, tum declamavit, oculos ira comprimens:

Ne interroga virum, quis pater ejus sit; indole examinata, ei jungere, vel
separare!

Succo uvarum primo, si dulcis repertus fuerit ejus sapor, non opprobrio erit,
descendisse de omphace.

Dixit; et praefectus eum, ob spectatam facundiam, tam prope sibi admovit *),
ut loco haberet circumcisoris **); tum de absconditis opum suarum pretiosis ei
impertivit, quod indicabat longitudinem syrmatis, brevitatem noctium ***).
Ilic vero surrexit manica plena, corde laeto, me sequente ejus gressum, vesti-
giumque imponente vestigio, donec egressus erat domo et reliquerat leonis illius
lustrum. Tunc ego acclamavi: conducat tibi, quod accepisti; diu fruire munere,
quo dignus habitus es! Et lucente facie et fulgente Deo gratias egit, incessit
superbiens, ac declamavit non praemeditatus:

Qui stultitia consecutus est bonam sortem, aut altum tenet dignitatis gradum
propter originem,

Me, sciat, virtute elatum esse, non copiis, et oratione prosperatum, non atavis
regibus!

Adjecit: pereat ille, qui doctrinam vituperat, felix sit ille, qui seriam ei
navat operam et studet! Tum valedixit et abiit, pectori meo relinquens flammās.

*) Honoravit.

**) Circumcisor proximus est ei, qui circumcidit.

***) Opulentiam.

O m a n e n s i s .

Commemoravit Haret Hammamita. Ex quo virere incepit cingulum, et germina protrudere gena ¹⁾, deditus eram secandis desertis, in jumentis Mohariticis; petens nunc montosa, nunc depressa, ut perscrutarer cognita et incognita, probarem loca mansionis et adaquationis; et sanguine tinxi ungulas equorum, ut plantas camelorum, macilentos feci celeres altaque vestigia imprimentes. Cum autem Zacharam ²⁾ pererrare fastidio esset, et negotium me cogeret, adire Zacharam ³⁾, inclinavi ad experiendas undas et eligendam navem itinerariam, in eamque contuli me et pertinentia ad me, comites, comteatum et peram viatoriam; tum eâ vectus sum modo caventis, vota facientis, animam reprehendentis et excusantis. Sed navi vix propulsa, velis ad festinandum elatis, audivimus a littore portus, per noctis obscurae tenebras, vocantem: o habitatores navis illius erectae; propulsae in mare vastum decretis Summi, Omniscientis! mihi ne licet mercem vobis indicare, quae vos servare possit a poena cruciante? Diximus: de igne tuo nobis communices, o index, et dirigas nos, ut amicus ducit amicum! Respondit: vultisne vos comitari viae filium, qui comteatum suum habet in canistro, umbrâ non est gravi, nec aliud quaerit, quam locum, ubi dormiat? Convenit ergo, ut ei faveremus, nec quod peteret, recusaremus. Iam cum staret in navi, dixit: Regem universi imploro, ut me servet a viis interitus! Tum adjecit: relatum nobis est narrationibus, traditis a doctissimis, Deum non jubere discere ignorantes, antequam jusserit docere doctos. Habeo autem amuletum, acceptum a prophetis; habeo bona vobis consilia, quorum firma sunt fundamenta; nec possum abscondere, nec a natura mihi proprium est, prohibere. Considerate ergo, quod dico, et intelligite, teneteque, quod vos doceo! Illic clamavit, ut qui

¹⁾ Pubes et barba crevit. ²⁾ Desertum. ³⁾ Forum in urbe Oman.

glorietur, num scitis-inquiens-quid hoc sit rei *)? Per Deum! praesidium est itineratorum, tendentium in mari; clypeus protegens ab aerumna, fervente maris unda; quo Noach ipse se defendit tempore diluvii servatusque est cum assumtis animalibus, ut clare exponitur versibus Corani. His dictis recitavit futilia quaedam, quae meditatus erat, et figmenta, quae exornaverat, quorum in fine adjecit: vehimini eâ, nomine Dei (navis) currat et consistat! Tum suspiria duxit, ut perditæ amantes, aut Dei cultores maximi habendi et perrexit: ego vobis fui loco adducentis ad scopum vestrum; admonui vos, ut qui strenue monendi officium explet, praeivique regiâ dirigentium; testor te Deum, qui directorum es optimus! Dixit Haret Hammamita. Et, admirati facundiae ejus gratiam manifestam, vocem extulimus recitatum. Pectus autem sono ejus sensit, notum sibi esse solis illius oculum, eique dixi: per imperantem mari profundo, quaeso, nonne es Sarugensis? Respondit: certe, et num absconditus esse potest filius gloriae? Ibi laudavi iter, et me ipse detexi se detegenti, nec cessavimus una proficisci, dum mare erat tranquillum, vita serena, tempus jucundum, et' occursu ejus tam felix eram, quam dives, qui invenit purum aurum suum, laetabarque confabulatione cum eo, ut demersus extractione; donec vehemens spirabat auster, inclinabant latera navis; itineratores tranquillitatis, quae fuerat, obliviscebantur; fluctus in nos irruebant undique. Hujus ob infortunii impetum nos recepimus ad insulam quandam, ut quietem daremus et quiete fruere, usque dum faveret ventus. Sed itineris difficultas non cessabat, donec de comite nonnisi paucillum supererat. Illic mihi dixit Abu Seid: ramorum fructus non colliguntur sedendo; visne igitur felicitatem venari surgendo? Respondi: propensior sum ad sequendum te quam umbra, obediens quam calceus. Processimus itaque in insulam, firmo fune propositi, comite inquirendi; quamquam nostrum neuter nec pelliculam ossis dactyli possidebat, nec rectam cognitam habebat viam. Progressi vero, ut scrutaremur insulae medium, et nos conferremus in ejus umbram, pervenimus ad arcem firmam, portâ instructam ferreâ, ante quam caterva stabat servorum. Hos leniter interrogando exploravimus, ut nobis essent scalae ascensionis, funes adaequationis. Sed omnes invenimus quasi tectos cute fracti, aerumina vincti,

*) Scriptum, puta, quod manu tenebat.

dicentibusque nobis: o juvenes, cur haec vobis est anxietas? nec vocationi responderunt, nec effati sunt verbum pulchrum, malumve. Animadvertentes itaque, ignem eorum esse ignem Hubahabi ³⁾, eosque experientibus inveniri similes apparenti falsae desertorum aquae, exclamavimus: sordidae fiant facies, sitque execratus avarus, et qui eum rogat! At appropinquavit famulus, annis provectus, lacrimis mersus, et dixit: o homines, ne cumulate nos convitiis, nec dolorem create increpationibus! nos enim in tristitia sumus involvente et negotio loquendi otium negante. Dixit Abu Seid: tristitiae angustias pande, et magiam vince magia! nam me invenies medicum sufficientem, remediorum designatorem sanantem. Regessit: scias, hujus arcis dominum cardinem esse hujus vallis, regem hujus latrunculorum ludi; sed semper tristem, ob defectum liberorum. Nec desit conjuges ducere nobiles, eligere thori socias eximias, donec ei nuntiata est pretiosae cujusdam graviditas, indicatus est palmae suae nascens surculus. Et nuncupabantur vota, numerabantur dies et menses; at instante pariendi tempore, et conflata torque et corona, tam magnus est parientis labor, ut metuatur ramo et radici; nec cuiquam nostrum est quies, aut somnum, nisi parum. Tum paravit flere et ejulavit, repetivitque, nonnisi in Deo esse opem, ac continuavit. Dixit ei Abu Seid: quietus sis et hilaris; laetitiam speres et nunties! mihi est incantamentum partus dolorum, cujus fama dispersa est per orbem. Juvenes ergo ad dominum properabant, certatim laeta nuntiantes, citiusque, quam pronunciatur non! non! aderat, qui nos ad istum duceret. At cum intrassemus et coram eo staremus, dixit Abu Seido: optima assequeris, si vera sunt promissa, nec vanum est augurium. Ille vero petiit calamum aptatum, spumam maris et crocum, aqua rosarum purissima maceratum; hisque prius, quam redditur spiritus, allatis, adoravit, faciem in pulvere volutavit, Deum laudavit et peccatorum remissionem rogavit; tum calamo prehenso, in prolixam orationem se diffundens, spumae inscripsit croco:

³⁾ Alii virum fuisse dicunt, qui ignem noctu non accenderet, aut, animadvertens visitaturos, exstingueret; alii putant, sic dictum esse insectum lucens; alii scintillas, equorum ungulis e lapidibus excussas.

O embryo! bonus tibi monitor sum; nam ut bene moneamus, praecipitur a lege,
Tu nido custodiris tecto et loco quietis firmo,
Quo non vides, quod terreat, ab amico simulante, aut inimico declarato;
Si autem prodix, migras in mansionem doloris et contemptus,
Apparenteque tibi, cui occurras, miseria, flebis stillantibus lacrimis.
Continua igitur vitam tuam commodam et prospice, ne, quod vere habes, des,
pro opinato;
Et cave a deceptore, magia circumveniente, ut te coniciat in cruciatum miserabilem!
Per vitam meam! bonum tibi consilium dedi; sed quoties, qui bene consulebant,
pares habebantur merito suspectis.

Dein, multitudine non advertente, scriptum obliteravit, centies adspuit, spumam panniculo serico involvit, postquam Abiro *) illeverat, ac jussit, ut appenderetur parturientis femori, nec tangeretur a manu menstruantis †). Moraque interjecta minore gustu bibentis, aut tempore inter duos mulctus medio, excidit corpus infantis, vi spumae, concurrente auxilio Unius, Aeterni. Et impleta est arx laetitia, domini et servi volabant alacritate, circumdabatque Abu Seidum coetus, laudantes, manus osculantes, se benedictos reputantes vestium ejus tactu, ut mihi videretur Carnensis Avls ‡), aut Asadensis Dabis §). Tum in eum effundebatur donorum remunerantium, et favorem contrahentium munerum, copia, quae mansurum ei promitteret plutum, ac ridentes faceret votorum facies. Nec desinebant iterum iterumque accedere reditus, ex quo editus erat foetus, usque dum mare promittebat securitatem et facile videbatur iter Omanum. Tunc Abu Seidus, satiatus muneribus, praeparabat abitum. Verum princeps non concedebat ejus discessum, postquam expertus erat benedictionem; sed jussit, ut annumeraretur familiae suae, et manum e gaza sua impleret pro lubitu. Dixit Haret Hammamita. Equidem, cum illum viderem inclinantem eo, ubi lucraretur pecuniam, ad eum, me converti graviter exprobens, et vituperavi, quod relinqueret patriam et familiares. Sed regressit: haec tua tibi serva, et accipe, quae ego consulo!

*) Odoramentorum facta cum croco miscella. †) Quod ejusmodi mulieribus sacros textus tangere vetitum est. ‡) Religiosissimus Cufensium, Carnā oriundus. §) Rex Arabum, Huririi aequalis, trucidatus a. p. 11. DXXIX.

Ne dilige locum, quo injuste tractaris et pro servo haberis;
Relinque locum, ubi valles efferuntur super colles;
Fuge in asylum tutans, in latera adeo Hadhanæ ¹⁰⁾,
Et prospice animæ tuæ, ne maneas, ubi te opprimat spurcitia;
Peragra terras, et quæ tibi placet, eam elige patriam,
Et mitte memoriam locorum consuetorum et desiderium cohabitantium!
Scias enim, ingenuum in patria sua obvium habere neglectum,
Ut margarita in conchis occulta spernitur nec ullius habetur pretii.

Addidit: satis est, quod audivisti; bene tibi, si sequeris! Ibi excusationes ei meas explicans dixi: tu ipse mihi sis excusator! Quo audito excusavit me et se, nec non commeatu me instruxit, ut nihil relinqueret inopiae, et comitatus est, ut comitari solemus propinquos, donec ascendi scapham; ubi ei valedixi, flens et vituperans separationem, ac optans, ut embyro perlisset cum matre.

T a u r i s e n s i s.

Narravit Haret Hammamita. Constitueram egredi Tauriso, tempore, quo nec humili, nec honorato, conveniebat, deficientibus in ea tutore et benefico. Cum autem in eo essem, ut pararem itineris necessaria et quaererem comites, offendi Abu Seidum Sarugensem, indutum ampliore veste, cinctum mulieribus. Interrogavi igitur de negotio ejus, et quo exspatiaretur cum caterva sua. Digtum intendens in mulierum unam, vincentis pulchritudinis, manifestae contumaciae, inquit: hanc duxi, ut amica esset in terra peregrina, et liberaret a miseria status solitarii. Sed imposuit mihi sudorem utris ¹⁾, distulit debitum, potestatem meam

¹⁰⁾ Mons in superiore parte Nagdi.

¹⁾ Molestiam; quod eudant utrem ferentes.

excedentia injunxit, sumque maciatus dolore, socius moeroris et angoris. Proinde ecce! currimus ad judicem, ut injuste agentem puniat, et inter nos stabiliatur consensus; si non — divortium fiat et separatio. Dixi; ego vero cupiebam audire, quis vinceret, et quid reportaturi essent. Negotiis itaque post aurem ¹⁾ coniectis, comitem me praeberi, quamvis nihil afferrem utilitatis. Iam, cum coram judice essent, qui erat ex eis, qui avaritiam existimant virtutem, et colligunt, quod dentifricio ²⁾ inhaeserit, Abu Seidus in genua procumbens dixit: Deus juvet judicem eique beneficiat! Hoc meum jumentum est inobsequens, deditum contumaciae, dum ego ei magis obsequor, quam ejus digitorum pulpae, et majore ejus desiderio teneor, quam cor ejus. Affatus est illam judex: vae tibi! nescisne, mulierem immorigeram ad iram provocare Dominum et verberibus castigari? Respondit: ex eis est hicce, qui post domum gyrant et vicinum sumunt pro vicino ³⁾, quod ego non diutius ferre possum. Allocutus est judex virum: vae tibi! terra tu seris sterili, foetificasque ubi non eduntur pulli? non pulchre tu habes, nec securum est corium tuum ⁴⁾! Objecit Abu Seid: illa, per ventos mittemem, mendacior est quam Sigach ⁵⁾! Respondit mulier: ipse potius, per eum, qui columbas torque praeditit et struthiones alis, mendacior est quam Abu Tamama ⁶⁾, cum mentiretur in Iamama! Abu Seidus hic, suspirans ut flamma fumi expers, ebulliens ut maxime iratus ebullit, vae tibi—inquit—o foetida, o lutosissima, o praefocans maritum et vicinum! Privatim tu me audes cruciare et in publico pro mendace declarare? Ipsa me scis, cum domum deductam spectarem, te invenisse magis informem simiâ, siccior em pelle hoedina, asperior em fibris palmae, foetidior em cadavere, graviore cholera, sordidior em menstruis, magis prostitutam cortice, frigidior em frigida nocte, stolidior em Rigla ⁷⁾, patentior em Tigride. Sed texi vitia tua, nec palam feci dedecus; quamquam, etiamsi Schirin ⁸⁾ tibi dedisset pulchritudinem suam, Subeidal ⁹⁾ divitias, Balkis thronum suum, Buran ¹⁰⁾ tapetum, Sobba ¹¹⁾ regnum suum, Rabia ¹²⁾ pietatem, Chindaf ¹³⁾ glo-

¹⁾ I. e. post tergum. ²⁾ Proprie, quod dentifricium exapuit. ³⁾ Venerem more exercet a natura non probato. ⁴⁾ Vel, nec vanus est metus tuus. ⁵⁾ Falsa prophetissa tempore Muhammedis. ⁶⁾ Vir, qui eodem tempore pro propheta haberi voluit. ⁷⁾ Planta crescens aquae tam propinqua, ut facillime natis diripiatur. ⁸⁾ Mulier ab imperatore Graeco donata Persarum Abervasio. ⁹⁾ Conjux Haruni Armechidi. ¹⁰⁾ Filia Abervasio; secundum alios, conjux Mamuni. ¹¹⁾ Regina Hirae. ¹²⁾ Mulier pietate celebris. ¹³⁾ Mater Modrekae, Tabeckae, Mamae; Modreka autem erat ex avis Mohammedis.

riam suam, Chansa ¹⁵⁾ carmina in Sachrum, detestatus essem, ut consideres meo in pilento, et percuteris ab admisso meo. Dixit; et murmuravit foemina, pardi instar succensens, brachiisque nudatis ac substrictis manicis, inquit: o avarior Madëro ¹⁶⁾, infelicio equo in certamine ultimo, pavidior ave prae metu totam noctem canente, inconstanter pulice! Tu me vis dedecore adspargere, et honorem meum cultris lacerare, cum tamen scias, te minoris haberi praesequinae unguium, vitiosiorum esse mula ¹⁷⁾ Abi Dulamae, magis infamem ventris crepitu in hominum corona, et stupidiore culice in aromatum capsula? Quod si Hasan Basrensis ¹⁸⁾ tibi daret verba sua et admonitiones, Schaäbensis ¹⁹⁾ scientiam et memoriam, Chalil ²⁰⁾ prosodiam et grammaticam, Garir erotica et satyras, Kuss facundiam et eloquentiam, Abdulhamid ²¹⁾ disserendi et scribendi facultatem, Abu Amru ²²⁾ legendi et declinandi artem, Ibn Kureib ²³⁾ traditiones ab Arabibus auditas; num credis, te a me electum iri coenaculi Imamum, vaginae gladium? Non, per Deum! ne janitorem quidem te sumerem januae, nec fustem, quo suspenderem peram. Dixit eis iudex: videmini mihi Schannus et Tabca ²⁴⁾, Hadata et Bundaca ²⁵⁾. Quare tu, vir, mitte rixam et incede via tua plana; tu

¹⁵⁾ Chansa, celeberrima poetria, Arabum Sappho. ¹⁶⁾ Avarus, qui, camelos suos abigens, piscinam coeno inquinabat, ne aliorum camelis ex ea situm possent restringere. ¹⁷⁾ Mula valde spurca. ¹⁸⁾ Vir admonitionibus, vel orationibus sacris, clarus, satus sub finem imperii Omari bin Alchathabi. ¹⁹⁾ Vir ingentis memoriae, mort. Cufae circiter a. p. H. CIV. ²⁰⁾ Chalil primus dicitur animadvertisse prosodiam in carminibus deserticolarum. ²¹⁾ Celeberrimus scriba, tempore Marvani, occisus a Manzuro. ²²⁾ E celeberrimis grammaticis, mort. Cufae a. Cl. IV. p. H. ²³⁾ I. e. Azmaï, dictus a parvis auribus. ²⁴⁾ Schannus et Tabca, nonnulli dicunt, tribus duos fuisse, se invicem debellantes. Azmaï cenet, Schann esse vas coriaceum, Tabca aptum operculum. Aliorum haec est expositio: Schann erat ex astutis Arabum, qui sibi proposuerat, nonnulli talem matrimonio ducere, quae neque astuta esset, et quaerendi causa terras peragrabat. Comitem itineris aliquando assumerat, cui, cum jam processissent: utrum tu me portabis-dixit-an ego te? Respondit iste: o absurde! non equos equitem portabis? Contigit ergo, donec ad satum pervenerant; ibi resomnit Schann: an credis hoc satum jam comensum esse, nec ne? Regressit comes: o ignorans! nonne id vides in spicia? Iterum ergo contigit, donec obviam forte ferebatur feretrum; hic interrogavit Schann: an putas iucumbere vivam, nec ne? Reposuit comes: non vidi te stolidiorem; non putas vivum aepelliri? Postea, cum ad pagum venissent, ubi comes habitabat, hic illum hospitio excepit et filiae suae Tabcae, loci causa, ejus sermonem retulit. Quae cum rescuta est: recte dixit, nonnulli ea contactas, quae, similis ejus contari solent. Quod ad quaestionem: an ego portabo te? sententia fuit: otrum ego tibi novi quid narrabo, an tu mihi? Quaestione de satum intendit: possemuscerne pretium mutuo accepit? Vechia, an mortuos vivos? interrogavit: an reliquerit prolem, cujus in memoria vivat, nec no? Cum autem ad virum exisset, filiaeque interpretationem ei narraasset, hic eam petiit uxorem, ille dedit. ²⁵⁾ Etiam de Hadata et Bundaca divergunt sententiae. Alii censent Hadatam esse nvis genus, sc. milvum, et Bundacam globulalem, qui balistario arcu vel alio instrumento jacitur; alii dicunt, duas esse gentes, quae male alteri aferendo certant.

vero, abstine exprobrare, et quietam te praebe, quando domum intrat per portam! Mulier inquit: non coercebo linguam, nisi me vestiat, nec concedam aditum, nisi me satiet! Abu Seid autem juravit per sacramenta repudii tertii, se nihil possidere, quam lacinias suas laceras. Hic iudex, incipiens amborum rem considerare oculo perspicacis, cogitatione prudentis, accessit ad eos fronte austera, clypeoque adverso, ac dixit: nonne sufficit vobis coram tribunali certare stultitia, et eo ipso committere magnum crimen, ut a turpitudine convitiandi procedatis ad infamiam fraudis? Sed, sanctissimum interpono juramentum, anus vester aberravit a fovea, et sagitta vestra non feriit cavitatem juguli! Nam fidelium imperator, cujus vitâ diu servandâ Deus religionem juvet, constituit me, ut lites adversariorum dirimam, non, ut aere alieno pressorum debita solvam, et per gratiam, quae hac sede me collocavit, deditque vinciendi ac solvendi licentiam, si mihi non revelatum monstrabitis negotium vestrum et decipiendi consilium, ego vos infamiae exponam per urbes, et exemplum faciam possidentibus oculos! Abu Seid, his auditis, vultum demisit ut serpens; tum dixit: obsequar! obsequar!

Ego sum Sarugensis; haec mea mulier; nec par est plenae lunae aliud, quam sol;
Nec impulsus est noster amor; nec reliquit monasterium ejus meus presbyter;
Nec praeteriit meum meus imber plantarium; sed a quinque inde diebus
Mane et vespere sumus veste famis; nescimus, quid sit manducare aut sorbere,
Ut animae imbecillitate similes simus cadaveribus sepulchro ejectis.
Cum itaque patientia deficeret et solatium, et emaciaret malum, dolore afficiens tactu,

Duce fortunâ bonâ aut malâ sic coram te stetimus, ut acquireremus argentum.
Paupertas enim quando durat, ingenium cogit, induere vestem fraudis.

Haec mea est conditio; hoc in votis: adspice diem meum et consolare de praeterito,

Ac jube, ut vulnera mea obligent, aut me ligent! Nam in manu tua est salus mea et miseria.

Fatus est iudex: convalescat hilaritas tua, bene habeat anima! Iam enim decretum est, ut peccatum tibi condonetur, largumque porrigatur donum. Ad haec mulier assillivit, protendit collum et, ad praesentes conversa, inquit:

*

O Taurisenses! iudicem habetis iudicibus omnibus liberalitate longe praestantem. Nihil in eo est vitii, nisi, quod die largitionis partitur inique.

Ego et senex eum accessimus, ut fructus decerperemus de arbore ejus, quae non desinit concuti,

Et dimisit senem rigatum, praehabitu, donatum separatim;

Me vero repellit magis frustratam, quam considerantem fulgur, parum quod fulget mense Iunio.

Quasi nesciret, me docuisse senem rhythmos,

Et, si velim, ipsum ludibrio facere posse populo Taurisensium.

At iudex, cum videret ejus animum audacem et effrenatam linguam, animadvertens, se ab eis tentari morbo medicum ad desperationem adigente, et infortunio haud avertendo, seque, alterutro tantum donato, altero vacuis manibus dimisso, ei similem fore, qui aes alienum solverit aere alieno, aut preces vespertinas duobus tantum absolverit genuflectionibus; tetricum reddidit vultum, oculos defixit, nasum prae ira extulit, austerus intumuit, murmuravit et infremuit; modo ad dextram, modo ad sinistram, se convertit; non quietus stare potuit prae moerore et poenitentia, reprehendere coepit iudicis munus et ejus molestias, enumerare turbas ejus et afflictiones; delirare inquit eum, qui id expetat et quaeret; tum spiritum duxit ut spoliatus; ploravit, ut fletus eum paene probro exponeret, et dixit: haec res sane est mira! unone loco duabus petar sagittis; adigar ad duo solvenda debita; ipse libertatem habeam, ut adversarios placem? Unde, quaero, unde? Tum, conversus ad cubicularium mandata ejus peragentem, dixit: hic non est dies iudicii et decretorum, diremptionis et executionis; hic est dies calamitatis; hic est dies gravis calore; hic dies est, quo praeda sumus, non praedamus! Libera me ab his duobus vilibus, linguam eorum praecide duobus denariis, tum abire jube socios, claude portam et nuntia: hunc diem esse infaustum, iudex quo sit curis oppressus; ne ad me accedant causam proposituri! Dixit; et cubicularius verbis ejus addidit Amen, flere se simulans ob ejus fletum; posthaec, Abu Seido et conjugi duobus numeratis siclis, dixit: attestor, vos esse hominum et geniorum vaferrimos²⁸⁾! At reveremini sedes iudicum et abstinete

²⁸⁾ Proprie, duorum ponderum.

in eis turpibus verbis! Nam non est omnis iudex Taurisi iudex, nec omni tempore audiuntur carmina tremulantia. Ambo reposuerunt: qualis vero tu es, talis dignus est munere cubicularii, et incumbit nobis, tibi gratias agere. Quae cum dixissent abierunt, prosperati duobus denariis, iudicis corde ustulato duobus ignibus.

N a g r a n e n s i s.

Narravit Haret Hammamita. Peregrinationis machinae jaculatoriae, cupiditatis itinera nocturna, jactaverunt me, donec eram omnis terrae filius, omnis regionis longinquae frater. Quamquam nullam secabam vallem, nulli aderam conventui, nisi cupidus doctrinae ignis, consolantis in aegritudine, evehentis hominis pretium, ita ut haec mea indoles innotuisset, certatim traderetur narrantium linguis, mihiq̄ esset proprior, quam amor filius Usrae ¹⁾, aut virtus genti filiorum Zufrae ²⁾. Cum autem camelus meus collum posuisset Nagrani, et elegissem in ea amicos et vicinos, conventus ejus mihi erant quasi sacrae peregrinationis scopus, circus solennis delectationis et confabulationis. Huc me conferebam mane et vespere, nova auditum tristitia et laeta. Ita cum aliquando essem in conventu conferto, coetu frequentissimo, ecce! cubuit prope nos vietus, quo super vestitus obsoletus, impertivitque salute blanda, lingua prompta, tum dixit: o plenae conventuum lunae, maria donorum! aurora clara est possidenti duos oculos, et adspectus sufficit pro duobus testibus. Quid igitur vobis videtur de eo, quod videtis? Vultisne pulchram ferre opem, an vos avertere rogati? Dixerunt: per Deum! ad iram provocasti; desiderasti, ut scateat, et causa fuisti, ut

¹⁾ Arabum gens eo inclyta, quod juvenes ejus vehementi amore mori solebant. ²⁾ Abu Zufra est Shalem. ejus filii et nepotes, Mohalleb, Murhira. Isaid etc. noti sunt bellatores.

deficiat. Per Deum itaque eos obtestatus est, ut dicerent, qua eos ab re averterit, ut sibi contraxerit repulsam? Responderunt: certavimus aenigmata proponendo, ut certatur die proelii. Nec abstinere potuit, quin detraheret honori ejus, qui aenigmatum ludo vinceretur, et virtutibus annumeraret in eis proponendis solvendisque praestantiam. Quo facto hominum linguae eum impetebant, reprehensionis cuspidibus fodiebant, et frustra a delicto se liberare tentabat, se dicti sui poenitere monstrans; ei castigando inhaerebant, auremque praebebant incitanti ad eum impugnandum, donec eis dixit: peccata ferre naturae est liberalis; desinite igitur pungere et jacere; tum agitedum, aenigmatibus certemus et victorem statuamus (praemii) arbitrum! His dictis ignis eorum sedatus, (irae) nodus solutus est; contenti conditionibus, quas eis et ab eis servandas proposuerat, flagitabant, ut inciperet. Conticuit ergo, donec lorum nodaverat, antilenamve nexerat; dein inquit: audite vos, quos ab errore custodiri et longissima vita frui velim! protulitque aenigma, quo intenditur linteum refrigerans ³⁾.

Puella est incesso velox, sed eodem vestigio redit;

Pellit eam agitator ejusdem generis, et simul cum ea incitatur ⁴⁾;

Tempore aestivo vides eam stillare rorem; cum abierit aestas, apparet sterilis.

Perrexit: nunc hoc tenete, o domini virtutis, castra prudentiae, et declamavit de fune palmas ascendentibus usitato:

Est, qui refertur ad matrem, ejus e qua radix prodierit.

Hanc complectitur, postquam remotus ab ea fuit longum temporis spatium;

Aditumque per eum quaerit peccans ⁵⁾, nec reprehenditur, nec prohibetur.

Tum dixit: hoc quoque habete, notae tectae, obscuritatis densae, dictum, descriptisque aenigmatice calamum:

Est vulneratus caput, quo cognoscitur precantium caput ⁶⁾ (Imam), cujusque societate gloriantur nobiles.

³⁾ Linteum aqua benevolentibus tinctum, quod per aestatem, tempore meridiano, faniculi ope, a tercio demittitur. ⁴⁾ Psoirulus, quo tracto resolvitur. ⁵⁾ Dactylos decerpturus, qui tali fune utitur; amphibolia per frequens. ⁶⁾ Imam designat antistitem et epistolam.

Hic, quando satius est, currit ut sitiens; quando obruitur siti, quiescit;
Quando incitatur, spargit lacrimas, placentes ut placet risus.

Adiecit: jam advertite evidens, ea, quae praecesserunt, pudore suffundens, et
aenigma protulit de specillo oculari:

Quis est, qui duabus se sororibus jungit publice et clam, nec potest ideo accusari;
Nunc rem habet cum hac, nunc cum illa, et nunquam maritorum more despicit;
Senectute superveniente magis frequentat et largitur, pauca in maritis habens
exempla?

Insuper hoc, inquit, o intellectu praediti, eruditorum trutinæ! et rotam
aquariam aenigmatice descripsit:

Reperitur discedens, qui semper tamen conjunctus est; et iterum iterumque
conjunctionem renovans, qui tamen non discedit;

Se mergens simul ac emergens; mirus adspectu, ut in aquae superficie natat,
eaque simul subsidet,

Effundit lacrimas ut injuria affectus, dum se ipse privat ut opum decoctor,
Et metuitur ab ejus acie, sed cor ¹⁾ ejus est purum.

Dixit; et cum haec quinque nexa ²⁾ projecisset, o homines, inquit, haec
quinque considerate et quinque ³⁾ vestros eis admovete ⁴⁾); tum sententiam
proferte et substringere syrma ⁵⁾ jubete! Homines autem, quamquam imbuti
stupore, plura audiendi cupiditate impleti erant; hinc responderunt: habitus noster,
acie tua inferior, impedit nos, tundere igniarium tuum; quodsi vero ipse nume-
rum denum vis complere, benignitatem tuam agnoscemus. Ibi laetitia agitatus,
ut ille, cujus vicit sagitta et falsus est adversarius, praemisso „nomine Dei“,“
aenigmatice descripsit hydriam involutam ⁶⁾:

Est omni tempore laeto ⁷⁾ simul corde et pressa ⁸⁾, quamquam nescit, quid
sit laetitia et tristitia.

¹⁾ I. e. aqua, quam vasa, quibus haurit, continent. ²⁾ Aenigmata. ³⁾ Dignitas. ⁴⁾ Scil. eis numerandis et enodandis. ⁵⁾ Abire. ⁶⁾ Scil. stramine et linteis, ut per aestatem aqua in ea manent frigida. ⁷⁾ Vox Arabica simul notat laetitia et feracem praedita in medio; posterius hic postulat sensus. ⁸⁾ Alia vocis Arabicae notio est involuta, quae hic attendatur.

Nunc admovetur ob embryonem; et quot matres repudiatæ essent, ni fuisset infans!

Nunc amovetur, quamquam non declinavit de pacto, et injustitia est, amovere fidum.

Quando noctes sunt breves, conjunctio ejus gaudio est; quando longæ sunt, placet ejus remotio.

Vestitum habet, quando conspectui exponitur, pulchrum; involvitur autem eo, quod contemnitur, quamvis non contemnenda est ratio.

Posthaec dentes suos flavos nudavit et aenigma protulit de ungue:

Timentur ejus acies, et crescit, nec pascens, nec bibens.

Decem conspicitur diebus ¹⁵⁾, præterquam die sacrificii; audi hanc descriptionem et mirare!

Illic, contractis palpebris, acute prospexit ut daemon, et aenigma dixit de virgula naphtha linenda:

Contemta est; nunc admovetur, nunc procul abjicitur; nec ea, si bene consideraveris, carere potes.

Duo capita habet persimilia, alterum alteri adversum;

Quæ quando tinguntur, comburitur; quando non tincta manent, negligitur nec usui est.

Tunc superbe se extulit, ut admissarius, declamavitque aenigma, intendens lac vitis.

Quid est, quod, quando corrumpitur, ex improbo fit rectum,

Et, si clarum est et purum, malum excitat, ubicunque apparuerit,

Patremque habet, cujus pura est radix, sed malum est, quod ille generat?

Tandem, itineris baculum brachio subdens, carmine aenigmatico descripsit stateram aurificis.

Et inconstans est, cujus alterutrum latus semper declinat, nec ideo vituperatur a prudentibus.

Semper apparet in excelso, ut se effert rex justus;

¹⁵⁾ Unguere præcidere non licet illis, qui sacras caerimonias Mæcenæ peragunt.

Glaream et auri baccas aequi aestimat; cum tamen non comparari debeat veritas vano.

Sane! mirandae ei sunt proprietates, si contemplatus fueris modo solertis, ingeniosi;

Litigantes acquiescunt ejus judicio, non nescii, eum in alterutrum latus inclinare.

Dixit; et mentes errabant in vallibus cogitationum, ut attonitus, donec nimis prorogatus videbatur terminus apparebatque moeror. Cum itaque eos videret igniarium tundere, ita, ut nihil appareret splendoris, et diem transigere votis, o homines, inquit, quid exspectatis, et quousque differetis? Nonne advenit tempus (sententias) producendi aut fatendi ignorantiam? Dixerunt: per Deum! perplexa loquens, rete constituisti et venatus es; pro arbitrio igitur praemium statue et collige praedam ac venationem! Pro unoquoque ergo occulto ¹⁶⁾ certum postulavit pretium; quod obtinuit ab eis numeratum; tum aperuit seras ¹⁷⁾, semitas monstravit in desertis, voluitque abire. Sed retinuerunt eum coetus primores ¹⁸⁾, dicentes: nulla maneat obscuritas, postquam apparuit dies! Gentem ergo tuam indica, antequam abis; hoc sit quasi apparatus repudiatae concessus! Oculos ibi demisit, ut eum cogitaremus dubium; at respondentibus sibi lacrimis declamavit:

Sarugi ortus est sol meus; illa mansio gaudii mei et laetitiae;

Sed non mihi licet frui amoenitate ejus, animi deliciis.

Ejus loco mihi incumbit peregrinatio, amarum faciens diem et vesperem.

Nulla in terrâ firma mihi est habitatio, aut quies meae camelae;

Hodie Nagdo, alio die Syria, auroram video aut vesperem.

Tempus transigo victu turbido, ignobili;

Pernoctare soleo sine ullo obolo; quis enim mihi obolum?

Qui vitam, qualem ego, agit, vitam ille vili vendit pretio!

His dictis, et reconditis splendidis nummis, properavit circumvagatum in terra. Et rogaveramus quidem, ut rediret, promittentes pulcherrima; sed, per patrem tuum! non reversus est, nullum cupidinem ejus excitasse habuit effectum.

¹⁶⁾ Aenigmatic. ¹⁷⁾ Aenigmata explicavit. ¹⁸⁾ Vel, qui pro aliis verba faciebant.

Virgo et mulier.

Narravit Haret Hammamita. Huc illuc agitans peregrinatio, molestiis gravis profectio, pertulit me in regionem, qua timet viae quoque gnarus, errat acerrimus, et pressus tristiciâ consilii expertis, destituti, vidi, a quo mihi metueram. Confirmabam tamen cor meum territum, propellebam camelum emaciatum, defatigatum; proficiscebar, ut qui fortunam suam duabus credidit sagittis aleatoriis, dediditque se fato; nec cessabam, modo struthionis celeritate, modo cursu vacillante provehi, et conficere milliare de milliari; donec sol prope aberat ab occasu, lux velabatur. Diffundens tandem sese tenebrarum caligo, irruens exercitus Chamicus, terrorem iniecit, ut nescirem, meliusne esset, syrma recipere et loco inhaerere, an nocte uti et absque ullo indice porro tendere. Dum autemolvebam propositum, debutyrabam prudentiam, apparuit mihi species cameli, montis protectione utentis. Sperans itaque, sedem ibi esse quietem captantis, eo tetendi cautus. Et ecce! opinionem repperi vaticinium, jumentum illud camelam velocitate referentem onagrum; quiescens autem ille, involutus amiculo, oculos tingeat linimento somni. Consedî ergo ad caput ejus, donec expergisceretur. Cum autem radiarent ambae illius lampades, et eum, qui obruerat, animadverteret, fugit, ut fugere solet suspicans, ac interrogavit: fraterne est iste, an lupus? Respondi: neutiquam; sed nocte errans, qui viam amisit; lucem da mihi! scintillas tibi ex igniario eliciam. Dixit: abeat cura tua! saepe est frater, quem non tua peperit mater. Hic, timore me deserente, somnus se insinuavit oculorum meorum angulis. Sed ille inquit: lucem referente aurora laudantur itinera nocturna; nonne idem censes? Reposui: equidem tibi soleâ tuâ sum obedientior, et alimento tuo convenientior. Ibi ille, profitens mei amorem, gratulatus est societatem. Tum proficiscebamur festinantes, vehebamus tenebris nocturnis, nec cessabamus itineris molestiis fatigari, et rebellare somno, donec nox attigerat ex-

tremum, et aurora extollebat vexillum. Iam cum revelatus esset collustrans, nec de stellis alia superesset quam lucifer, consideravi socium itineris, confabulatorem noctis; et ecce! erat Abu Seid, desiderium quaerentis, signum recta via incedere conantis. Postquam autem nos impertiveramus salute amicorum, sibi occurrentium post absentiam, revelavimus secreta, expectoravimus historias, dum jumentum meum lassitudine ingemebat, illius vehiculum se movebat more pulli struthiocameli. Cujus corporis constitutio et longa patientia eo me adduxit admirationis, ut naturae ejus gemmam ¹⁾ attentius considerarem, et sciscitarer, unde selegisset? Respondit: quod hanc adinet camelam, narranda est de ea historia dulcissima gustatu, jucundissima prosecutu; quam si audire volueris, jumentum fac procumbat; si non, aurem nega! Camelum ergo meum procumbere sinens, auditum meum scopum constitui ei, quod esset narraturus. Dixit igitur: Scias, me eam emissee Hadhramuti prostantem, et pericula mortem minantia subiisse, ut acquirerem, nec cessavisse secare terras, ungulisque ejus conculcare lapides, donec eam reperirem itineribus assuetam, promptum apparatus fugienti. Hinc lassitudine non tangitur, nullâ durae carnis camelâ certamine superatur, ignorat unguentum vulneribus illinendum, reservatur auxilium in rebus secundis et adversis, loco amici laetantis mihi habetur. Accidit autem, ut ante aliquod tempus fugeret, nec mihi sine ea esset quies; sed tristitiam conciperem, exitio imminerem, omnem aerumnam, quae antea obruerat, obliviscerer. Triduum quidem non poteram incedere, nec somnum gustare, nisi parum. Tum operam dabam sectandis viis, lustrandis pascuis et decumbendi locis. Nullum vero percipiebam ejus odorem, nec desperatione opprimebar quietem creante; nam quoties recordabar ejus incessum et cursum cum avium volatu certantem, mentis fere impotem faciebat memoria, stuporem injiciebat cogitatio. Cum autem essem inter gentis cujusdam tabernacula, audivi personam e longinquo clamantem voce stricta ²⁾: quis amisit jumentum Hadhramiticum, subactum, cujus est pellis stigmatibus signata, scabiosum dissectum, frenum contortum, tergum quasi post fracturam sanatum; ornans euntes ³⁾, juvenis quacunque surgente hora, secans longinqua

¹⁾ Vel, substantiam. ²⁾ Libera. ³⁾ Refertur potest tam ad homines, quam ad quadrupedia.

spatia, semper loco dissito admovens; quae nec obruitur lassitudine, nec afficitur unguis dolore, nec opus habet fuste, nec rebellat cum rebellantibus? Clamor iste, dixit Abu Seid, me adtraxit, spem faciens recuperandi amissi; et cum ad (virum) properassem et salutassem, trade, inquit, jumentum, et accipe donum! Respondit: et quale tibi, cui Deus condonet, erat jumentum? Dixi: camela, cujus corpus erat monti simile, tuber fornici, lac implebat mulctram; viginti aureorum ei statuebatur pretium, cum versarer Iabrini; sed minus justo reputabam, statuentemque errare sciebam. Perrexit. Hac descriptione mea audita, se avertit dicens: tu non es possessor a me inventae! Ibi veste ejus jugulari prehensa, mendacii eum arguere instabam, et in eo eram, ut amiculum lacerarem. Ille vero asseverabat: o tu! jumentum meum non est a te quaesitum, abstine a vehementia linguae et convitiis; si non, duc me ad hujus gentis judicem, ab errore liberum, qui, si tibi eam deberi censuerit, accipias, sin a te removerit, ne loquaris! Non aliud itaque videbam infortunii mei remedium, quodque (os) in gula haerens deorsum moveret, quam tendere ad judicem, etiamsi pugno percuteret. Ivimus ergo ad senem firmae auctoritatis, pulchra redimitum cidari, qui animo solebat esse tranquillo ⁴⁾, nec injustus. Illic, properanter injuriam querens, monstravi dolorem meum, dum socius tacebat, ne os quidem motitans; donec, cum evacuasset pharetram, et historiam meam narrando sategissem, calceum gravis ponderis, instructum solea calcandae viae asperae apta, produxit et inquit: hic est, quem proclamans descripsi; pro quo si viginti oblatos dixerit—ecce ipse videt!—praetendit falsa et per Deum! mendacio polluitur egregio, nisi occiput obtendat, ut in hoc appareat verborum testimonium. Excepit judex: Deus misereat! versatoque calceo et spectato intra et extra, dixit: quod hunc adinet calceum, meus est; jumentum autem tuum in stabulo est meo; surge ergo, ut recipias camelam tuam et benefac pro facultate! Assiliens igitur dixi:

Iuro per domum antiquam et circumeuntes in septo sacro hospites,
Te dignissimum esse, ad quem arbitrium deferatur, optimum judicem, qui
inter Arabes dirimat!
Vive in pace et mane, quamdiu manebunt struthiones ⁵⁾ et greges!

⁴⁾ Proprie, cui erat tranquillitas volantis. ⁵⁾ Struthiones mille annos vivere dicuntur.

Respondit absque sollicita meditatione et infixâ cogitatione:

Pro gratis tuis, o patruelis, bene tibi sit! ego, mea sententia, gratias non mereor.
Pessimus est mortalium, qui, constitutus iudex, injuriam exercet aut, rogatus
ut pascat, non abstinere a vetito;
Tales et canis aequali sunt pretio!

Tum me praesente misit, qui camelam traderet, benefactum nec exprobravit. Ego vero discessi tractans alacritatis syrma et exclamans, o miraculum! Perrexit Haret Hammamita. Illic equidem inquit: delectasti et, dexterrime, quae habebas, exposuisti. Per Deum! quaeso, invenisti, qui facundia sua magis, quam tu incantet, dictionesve pulchriores conflit? Respondit: per Deum! audi et laetare! Cum Tahamam proficiscerer, constitui ducere conjugem, ut mihi esset adiutrix. Sponsâ vero jam electâ, negotio tantum non confecto, in cogitationes immersus sum, uti propter suspicionem circumspiciens, contemplansve, quo cadat sagitta, ut pernoctarem clam colloquens corde cruciato, donec visum est, aurorâ ortâ egredi et consulere, quem primum essem visurus. Postquam itaque (tentorii) noctis funes dissoluti erant et stellae caudas *) verterant, surrexi, ut quaesiturus; luce matutina prodii, ut auguraturus. Occurrit mihi autem adolescens, vultu, qui pro eo intercederet; et, ex adspectu ejus pulchro indicium capiens bonum, consilium ab eo petivi de ineundo matrimonio. Dixit: quaerisne mediae aetatis mulierem, an, cujus molestias feras, virginem? Respondi: elige quam vis; jam tibi dedi ansas! Resumsit: meum negotium est disserere; tuum, eligere. Audi ergo, tu, quem vita mea redimam, sepultis hostibus! Quod virginem adinet, margarita est recondita thesauro, ovum custoditum, dactylus praecox, primus uvae succus asservatus, pratum illaesum, torques pretiosa, nobilis, quam non maculavit tangens, non indidit induens, non tractavit ludens, non detrivit coiens; facie est prudente, oculo demisso, linguâ blaesâ, corde puro, figura libenter colludens, amica jocans, gasala eroticos amans sermones, pulchritudo perfecta; cingulum purum, recens; thori socia juventutem inducens, non senectutem. Quod vero adinet mulierem, jumentum est subactum, jentaculum promptum, res facile consequenda,

*) I. e. torge.

nubes iterum iterumque rigans, conjux amans, amica accedens, opifex solers, consiliatrix versuta. Tum equiti certa est, priusquam petat; procanti nodus solutus facilis; sedes imbecilli; opportuna necessitate presso; natura vero ejus est lenis, tricae facile extricandae, animi intentio manifesta, opera ornans. Iuro, me utriusque attributa vere descripsisse, revelasse vaccas ambas! Quam igitur deperit cor tuum, cui inhiat caro tua? Dixit Abu Seid. Cognovi eum esse regionem lapidosam, qua sibi cavent, qui jactando lapides contendunt (cameli), quaque humeris et collis eorum sanguis elicitur. Attamen reposui: equidem audiui, virgines vehementius amare, minus decipere. Resumsit: per vitam meam! hoc dicitur; sed quot sermones fuerunt detrimento! Vae tibi! nonne illa *) est pullus equinus frenum respuens, jumentum tardi obsequii, igniarium difficile tusu, arx molestiam creans expugnantem? Praeterea, alimento opus habet multo, auxilio est exiguo, conversatione sterili, procacia gravia imperante, manu inerte, ira surda *), indole dura, nocte nocturna *); exercentem fatigat, intellectum habet velatum, diu vilipendit ad eam descendentem, exacerbat amatorios sermones caedentem, furore implet jocantem, humiliat admissarium expertum; eademque consuevit dicere, „ego induam et sedebo; tu quaere, quam dimittas et vincias!“ Resumsi: quid igitur de muliere tibi videtur, o pater boni? Respondit: vae tibi! num cibi reliquias desideras, restantem loco adaquationis aquam, (supellectile) habitum promiscui usus, vas tritum, gustatricem extrema depascentem, evagatricem ingeniosam, impudenter dominantem, condum succensentem, cujus sermo est: „fui et facta sum; quoties injuste tractabar, defendebar; multum interest inter hodie et heri; et, quid est luna comparata soli!“ Quod si eadem desiderio tenetur conjugis, quem ante habebat, aut nupsit adulto jam filio, virosve oculis sectatur impudica, jugum est pediculosum, vulnus non coalescens. Dixi itaque: visne monachus fiam, istaque via incedam? Ibi me increpuit, ut magister solet discipulum caespitantem; tum adjecit: vae tibi! monachos imitari vis, postquam clara apparuit veritas? Phui tibi et consilii tui infirmitati! Pereant tu et illi! Talisne videri vis, qui non audiverit, Islamismum ignorare vitam monachicam, aut cui non re-

*) Scil. virgo. *) Ira non audiente vocem incantatoris. *) Molestia ingente.

latum fuerit de nuptiis prophetae, cui pax sit!? Dein, num nescis, bonam conjugem augere rem familiarem, audientem esse voci tuae, visum tuum demittere ¹⁰), famam tibi bonam efficere, nec non inservire oculis tuis refrigerandis, bono odore delectando naso tuo, laetando cordi, potuique tibi praebendo hodie et cras? Cur discedis a sanctità exemplo Apostolorum viâ, familiam alentium gaudio, pudicorum lege, facultatum et liberorum comparatione? Iam me male habet, quod ex ore tuo audivi. Tum se avertit ut iratus, prosiluit ut locusta. Dixi: Deus te trucidet! abire vis superbiens, meque relinquere stupentem? Respondit: credo, te tantum praetendere stuporem, ut masturbes et supersedeas solvenda dote. Dixi: Deus suspicionem tuam exsecratur, nec validum esse velit cornu tuum ¹¹)! tum ab eo discessi ut pudefactus, et abstinui a consulendis adolescentibus. Perrexerat Haret Hammamita. Per illum, qui silvas creavit, juro, inquit, hanc disputationem a te inventam, ad te esse reducendam. Ibi, in immodicum effusus risum, laetatus est, modo lacerari famam non curantis; tum adjecit: linge mel; nec quaere! Cum vero multa verba facerem laudando eruditionem, et ejus possessorem praeferrem locupleti, ille me adspiciebat ut non intelligens, oculosque demittebat, ut non advertens; modum tamen excedenti dixit: tace, me auditurus, ut sapias!

Dicunt, pulchritudinem et ornatum viri consistere eruditione firmâ.

Sed ornat tantum opibus abundantes, et quorum dominii mons est altus;

Pauperi doctrinâ melius est crustulum panis et bamma.

Quid pulchritudinis est, si dicitur: eruditus, qui pueros instruit, aut, qui describit?

Adjecit: certe tibi apparebit linguae meae veracitas et demonstratio ejus, quod contendi. Profecti itaque sumus, non remittentes festinationem, nec quiescentes a fatione, donec iter nos adduxit ad pagum, a quo omne exsulabat bonum. Hunc intravimus pabuli quaerendi causa; nam utrique nostrum pera vacua erat commeatu. Nondum autem perveneramus ad deversorium et designatum camelis decumbendi locum, cum obviam haberemus juvenem, nondum maturi judicii annos assecutum, cujus in brachio erat herbarum manipulus. Abu Seid eum,

¹⁰) Ne oculos tuos in alios conficias. ¹¹) I. e. socios tuos.

postquam salutaverat salute Muslemī, rogavit, ut staret respondendi causa. Regressit: ecquid quaeris tu, cui Deus sit propitius? Dixit: dactylīne recentes hic venduntur materia foci ¹⁷⁾? Respondit: non, per Deum! Denuo interrogavit: an dactylī immaturi venduntur venustis puellis ¹⁸⁾? Respondit: nequaquam, per Deum! Porro interrogavit: an dactylī perfecti fuscis hastis ¹⁹⁾? Respondit: Deus avertat! Perrexit: an pulmentum ²⁰⁾ baculo? Reposuit: tace, Deus tibi condonet! Addidit: an panis frustula margaritis ²¹⁾? Regressit: quo aberras! Deus te dirigat! Nec non: an farina subtili significatione? Resecutus est: mitte hoc tu, quem Deus emendet! Dulcis autem videbatur Abu Seido quaestionum et responsorum, per vices redeuntium, certantisque mensionis ex hoc sacco ludus. Sed advertit juvenis, metam esse longinquam, senem diabolum, ideo dixit: sufficiat o senex! cognovi artem tuam, et jam inclaruit mihi, quis tu. Accipe igitur responsum in summa ²²⁾, eoque contentus es nuntio! Hoc quidem loco emitur: carmen, non grano hordei; prosa, non particulis panis de mensa deciduis; historia, non unguarum segmentis; tractatus, non sordibus, quae abluuntur; Locmani sapientia, non bucca; pugnarum descriptio, non frustulo carnis. Nam hujus generationis nemo rigat, quando ei conflatus est panegyricus; nemo reficit, quando ei cantati sunt hexametri; nemo humectat, quando narratione delectatur; nemo, ne princeps quidem, commeatu instruit. Eruditus apud eos similis habetur campo sterili; campo autem, qui non compluitur, non est pretium, nec ad eum accedit pecus. Sic se habet eruditio; si non juvatur opibus, eam acquirendi studium parit molestiam; quaestus est, quod in ignem conjicitur. Tum festinanter currit abiitque canens. Hic me compellavit Abu Seid: dubitasne adhuc, eruditio-nem jam perire, ejus adjutores terga vertere? Ego vero eum rectum vidisse affirmavi, necessitate ad deditionem coactus. Quo facto inquit: nunc desine digladiari; vada potius sermone de scutellis, gnarus, rhythmos non pellere famem! Quid vero agendum, ut extremum vitae spiritum retineamus, extinguamusque incendium? Dixi! tu jube; tua frenum est in manu! Equidem, respondit, censeo,

¹⁷⁾ Vel, oratione. ¹⁸⁾ Vel, elegantibus dictionibus. ¹⁹⁾ Vel, confabulatione nocturna. ²⁰⁾ Vel, carmine.
²¹⁾ Vel, versibus singulis. ²²⁾ Sive, per cumulum.

pignori ut des gladium, quo saties ventrem (tuum) et hospitis; hunc ergo mihi da, ut tibi referam, quod manducemus. Fidum itaque habens, cixi eum gladio oppignerando. Ille vero, haud mora conscensa camela, veritatem reliquit et amicitiam. Diu expectabam; tum surrexi, ut vestigia sequerer; sed illi similis, qui mulgere omisit aestate, obvium habui nec amicum, nec gladium. —

H i e m a l i s .

Narravit Haret Hammamita. Nocte quadam atris tenebris, admodum nigris cincinnis, ignem petebam in monte flagrantem, testem liberalitatis. Aër erat perfrigidus, coeli vestis consuta, stella operta, nubes compacta; ego autem magis frigebam, quam oculus chamaeleontis caprave scabiosa. Inde non desinebam incitare camelam meam et dicere, bene tibi sit ac mihi! donec, qui accenderat, videns personam meam et tripudium, descendit vehementissimo cursu, declamans hos hexametros:

Gratus venis, errans nocte viator, quem duxit, vel potius dono obtulit ignis
splendor,

Liberali, amplam domum habenti, excipienti noctu visitantes, jactatos,
Ut, qui crispae manus est, excipit aureum; non declinanti a devertentibus,
Non tardanti, nec differenti cibum hospiti proponendum; quando frigore horret regio,

Nubes parcit pluviae, tempus est miseris plenum et nocivum,
Cineres cumulanti, cultros acuenti; nec die, nec nocte vacanti

A mactanda pingui pecude et tundendo igniario ignem emittente.

Tum mihi occurrit genâ verecundâ, manum obtulit amplam, et perduxit me in tentorium, cujus mugiebant gravidæ camelae, carnis bulliebant segmenta, huc illuc commovebantur servi, obibant adjutores, in lateribus erant hospites,

eodem tracti tractore, eadem fusi formâ, decerpentes hiemis delicias ¹⁾, alacres modo juvenum; quos ego, corpus meum ad ignem reficiendo imitans, laetatus sum invenisse, ut vino captus delectatur vino. Cum autem abiisset angustia et propulsum esset frigus, afferebantur patinae ²⁾, rotunditate similes halonibus, luce hortis, impletae conviviorum cibus, defensae contra vituperantes et reprobantes. Quo facto rejiciebamus, quae dicuntur in voracitatem; longissime evagari habebamus pro sapientia; donec, postquam mensuraveramus modio heluonis, et prope accesseramus ad periculum indigestionis, per vices absterso manibus odore carniû, nos recepimus in sedem confabulationis, ubi nostrum quisque tollebat linguam suam; proferebat, quod in conditorio suo erat; praeter senem, cujus cana erant tempora, trita vestimenta; hic inhaerebat angulo, longe a nobis aversus. Quamquam autem iram nostram excitabat illa separatio, cujus obscura erat causa, cujusque facile excusandus erat castigato, lene cum alloquebamur, caventes, ne modum egrederemur quaerendo; sed quoties petebamus, ut redundaret, uti nos redundabamus, aut sermone evagaretur, ut nos evagabamur, deflectens, ut excelsus ab abjectis, sermones nostros aestimabat nugas priscorum. Subito vero, quasi eum invasisset febris et inobsequens anima clanculum cum ego egisset, lento gradu processit, appropinquavit, fastidium invisum exiit; quod aut peccaverat, corrigere promisit; confabulantium aures attentas esse rogavit, proruitque, ut fluctus delabens dicendo:

- 1 Mira vobis narrare habeo, non ficta, sed visa; patrem me dicite miraculorum! Homines vidi, o coetus! qui alebantur vetulae urina, nec intendo filiam vitis.
- 2 Saepe etiam annonae inopiâ pressis Arabibus nutrimentum, faenum pellens, assata erat lacinia.
- 3 Scribas vidi, quorum digiti nunquam litteram scripserant, quique nunquam legerant libro.
- 4 Sequebantur homines aquilam, et tamen tecti erant gladiis et loricis.
- 5 Sagittariorum turbae apparuit pulchritudinis praestantis foemina, et versi sunt in fugam.
- 6 Caterva quaedam nunquam viderat domum antiquam ³⁾, et tamen absque dubio sacram instituerat peregrinationem, insidens genubus.
- 7 Noctu Halebo profectae mulieres, mane, non lassae, erant Cathemae.

¹⁾ Ignem. ²⁾ Proprie, mensae. ³⁾ Calbam.

- 8 Et noctu profectae regione Cathemae, lucente aurora erant Halebi.
- 9 Potentes, quando male fecerant aut minus, quam debebant, peccatum imputabant materiae foci.
- 10 Iuvenem, qui nunquam tetigerat foeminam, prolem habere vidi post se.
- 11 Canescens, non tegens canitiem, apparuit in deserto; tamen erat juvenis, nulla sparsus canitie.
- 12 Lactantem mamma, cuius os non loqueretur, vidi in disceptatione inter vias.
- 13 Serentes vidi milium, quod, ubi demessum erat, factum est sorbi fructus, amatus fratri gaudii.
- 14 Equitem etiam conspexi vinctum in equo, qui itidem vinctus erat, nec tamen desinebat tollutim incedere.
- 15 Camelorum propulsor liber jumentum vectarium ducebat festinantem, et tamen captivus erat, frater tristitiae.
- 16 Et sedentem vidi euntem, cadebatque cum eo jumentum; nec dubium est, quod narro;
- 17 Et textentem, manibus truncatum, surdum; quod si miramini, o quot in mundo miranda!
- 18 Et longum staturâ, lanceae scapo similem, offendi in valle Mina, quarentem de gibbâ.
- 19 Et qui studebat hominibus exhilarandis, gaudia eorum reputabat peccata, tamquam injurias et mendacia.
- 20 Vidi etiam cupidum virorum sermones audiendi, et tamen hominum conversationes nihil curantem;
- 21 Nec non hominem foedere junctum, foedus servantem, nec tamen foederis jure gaudentem, lege Arabum;
- 22 Robustum, qui nunquam monstrabat lenitatem, et tamen lenitas ejus erat manifesta;
- 23 Porro adorantem super admissario; non anxium de crimine, quod committebat; sed cogitantem, optimum se Deo sacrare offerimentum;
- 24 Excusantem, ei, quem excusabat, dolores inferentem, per blanditiones; ipsum, qui excusabatur, clamantem;
- 25 Regionem, in qua nulla erat hausturo aqua, et tamen aqua in ea fluebat modo rivi;
- 26 Pagum sub nido Kathae avis, plenum hominum turba, vivente de rapta praeda;
- 27 Astrum, quo apparente homo se abscondebat, donec videbatur pone parietem impervium;

- 28 Fimum, cui magnum statuebatur pretium, nec tamen possessor pretio contentus erat;
- 29 Patinam auro puro factam, quae, venditorē presso, emebatur quatuor auri granis;
- 30 Et papaveris auxilio utentem ad propellendos instantes hostes, nec frustratum.
- 31 Saepe praeterit me canis, cujus in ore erat taurus; sed taurus sine cauda.
- 32 Et quoties oculus meus vidit elephantum super camelo, insidentem minore majoreve sella!
- 33 Et quoties obviam habui in deserti latere querentem, qui tamen nunquam questus est, nec joco, nec serio!
- 34 Et vidi cantharum pastoris in deserto, spectantem duobus oculis, stellis similibus.
- 35 Ad haec oculi mei viderunt fontes, quorum aqua fluebat ex Africa, et tamen erant Halebi;
- 36 Et findentem lanceā, quamquam manus ejus nunquam attigerant hastam, nec faciebat impetum.
- 37 Et quoties descendi in terra, ubi nullae erant palmae; die tamen interjecto dactylos immaturos adultos vidi in puteis!
- 38 Et quoties vidi in deserti oris patinam, volantem in aëre, in solum declive descendere!
- 39 Et quot senes in mundo vidi perennes! Quis tamen exitium effugit?
- 40 Quoties se mihi obtulit fera, conquerens famem lingua volubili, acutiore gladiis!
- 41 Quoties me vocavit alvum exonerans, inecumque locutus est; nec ipse, nec ego, migravimus moris legem!
- 42 Quoties ego camelos procumbere sivi sub rosa nondum aperta⁴⁾, quae quantumvis Arabum et mulierum obumbrabat!
- 43 Quoties vidi incipientes eādem, qua laetabantur, horā lacrimari modo nubium!
- 44 Quoties vidi indusium possessori nimis grave, ut imbecillia fierent membra et nervi!
- 45 Quot fuerunt vela, quae, si fortunā fuissent deleta, siccatus esset compactus crinis ad itinera incitati, quiete carentis.

Haec sunt, quae nunc enarrare volebam. Quot autem praeterea habeo artificia miranda, pulchra, delectantia, selecta!

⁴⁾ Vox haec Arabico-latina lexicis exulat.

Quod si verborum significationes intellexeritis, veracitatem meam non suspectam habebitis: palmae spatula conjecturam facietis de dactylis; Sin stupueritis, ignominia erit ejus, qui non distinxerit aloës lignum a materia foci.

Dixit Haret Hammanita. Incepimus itaque, quasi noctu errantes, versare ejus carmen, interpretari aenigmata, dum ille nos illudebat, ut curā liber anxietate pressos, dicebatque: hic non est nidus tuus, perge! Tandem, cum nimis difficilis videretur partus, et nimis firmiter clausus aditus, ut nos duceret et doceret rogavimus. Respondit: blandiri necesse est, antequam voce propellamus camelam. Hinc cognovimus, illum ad eos pertinere, qui praeenumerari volunt dona, et munus accipiunt, antequam pronuntient judicium, et male habuit hospitii nostri patrem, aut tributum a nobis solvendum, aut tolerandum esse frustrationis fastidium. Postquam itaque accessiverat camelam Idensem ⁵⁾ et vestem Sāidensem ⁶⁾, dixit: haec sume solutionem; a hospitibus autem meis ne formicae quidem onus detere! Respondit: testor, hanc esse indolem Achsamo ⁷⁾ dignam, liberalitatem Hatemicam! Tum ostendit faciem, cujus manifesta erat laetitia, micabat hilaritas, addiditque: nox jam deruit, somni appetitus vicit; confugite igitur ad dormitoria et praedamini somni solatia, ut imbueamini novis viribus, surgatis alacres et memoriae mandetis, quod explicabo, ac facile vobis fiat, quod est difficile! Omnes autem sententiam ejus probabant, et reponebant capita pulvinari quietis. Cum autem palpebrae somno clausae essent, et hospites sopiti, ipse camelam aggressus est, clitellisque instructam ascendit ac propulit, sic eam alloquens:

Sarugum, camela, tende; prope, noctu progredere, diu curre, non cessa,
 Donoc ungulae tuae culcent pascuum ejus riguum, et laeta sis eā horā et felix,
 Securamque itineris in Tahamam et Nagdum! Age, tu, pro qua omnes aliae se
 devoteant, festina, vires intende,
 Seca corium deserti de deserto, minimo contentus haustu in adaequatione,

- ⁵⁾ Gentes Mahra et Id alchant generosos camelos. ⁶⁾ Propheta Jusepi Sāid Ibn Alaz donabat vestem splendidam; hinc talis vestis Sāidensis est dicta. ⁷⁾ Achsa n., ex avis Sāadi. adco-liberalis fuit, ut iste, nepote suo Chatemo adolescente paremque liberalitatem demonstrante, diceret: indoles haec ab Achsamo mihi est cognita.

Nec procumbe, priusquam tetigeris hunc scopum! Nam juro juramentum *serium*,
Per sanctitalem domus altis columnis fultae, te, si in patriam me meam retuleris,
Mihi futuram esse loco nati.

Dixit; ego vero animadverti, eum esse Sarugensem, qui, quando emit, deducto gressu discedit, et, quando sibi implevit modium, abripitur. Cum igitur diei fulgeret aurora, et expergiscerentur e somno dormitores, edocui eos, senem, quamprimum quiete obruti fuerint, eos plane deseruisse, conscensa camela discedentem. Ibi praeterita et nova eos perculerunt (poenituit eos), eorumque, quae ab illo bona viderant, oblivisci fecit aegritudo de malis; tum dispersi in vias diversissimas, contendimus omnibus sub stellis.

E x p l i c a t i o.

1. Urina vetulae vocatur lac vaccae et vinum. 2. Vox significans lacrimam notat quoque locustarum agmen. 3. V. a. scribere n. q. consuere. 4. V. a. aquilam n. q. vexillum. 5. V. a. praestantem pulchritudine locustinam n. q. cadaver odorem emittens. 6. V. a. sacram instituere peregrinationem u. q. disputare. 7. V. a. Cathemam u. q. cohibentes iram. 8. V. a. Halebi esse u. q. mulgere lac. 9. V. a. potestate praeditum n. q. coquum. 10. V. a. prolem habere n. q. currere. 11. V. a. canescens n. q. miscens lac; v. a. casitica n. q. lac mixtum. 12. V. a. deceptionem n. q. pilentum non tectum; v. a. vias n. q. fuses. 13. V. a. sorbi fructum n. q. potum Aethiopicum inebriantem, e milio paratum. 14. Q. a. vinctum n. q. sitientem. 15. Q. a. captivum, sive ligatum u. q. eum, qui mingere non potest. 16. V. a. sedentem n. q. proficiscentem terra Nagdi; v. a. euntem n. q. divitem pecorum. 17. V. a. textentem n. q. humeros cundo motitantem longiusque distendentem genus. 18. V. a. gibbam n. q. locum editiorem. 19. V. a. gaudia n. q. aere alieno contracta caena. 20. V. a. homines, creatos, n. q. mendacia. 21. V. a. foedus n. q. paucis aquae puteum. 22. V. a. lenitatem n. q. palmam proventu referiam. 23. V. a. admiscerium n. q. stercem e palmis masculis factam. 24. V. a. excusare n. q. circumcidere. 25. V. a. regionem u. q. interstitium inter supercilia. 26. V. a. pogum n. q. formicarum habitaculum; v. a. hominum turbam n. q. formicarum multitudinem. 27. V. a. astrum u. q. albas, quae in oculo nascuntur, maculas; v. a. hominem n. q. oculi homunculum. 28. V. a. sinum n. q. sui mucronem. 29. V. a. aurum purum n. q. Nabiam, arboris montanae speciem. 30. V. a. papaver n. q. multitudinem armis et lorice instructam. 31. V. a. taurum n. q. cascii frustum. 32. V. a. elephantum, n. q.

debilem consilio. 33. V. s. querentem n. q. eum, qui portat parvum utrem. 34. V. s. cantharum n. q. aric-
tem, qui pastoris portat apparatus. 35. V. s. Africam, proprie occasum, n. q. lacrimarum venam; v. s. fontes
n. q. oculos. 36. V. s. lanceam n. q. elationem in medio naso, et v. s. findere n. q. detegere. 37. V. s. dacty-
los immaturos adultos n. q. aquam recentem, pluvia ortam. 38. V. s. patinam n. q. locustarum agmen. 39. V.
s. perennes n. q. eos, quorum tarde venit canities. 40. V. s. feram n. q. virum famelicum. 41. V. s. alvum
exonerantem n. q. sedentem loca elatioribus, quae possint esse refugio. 42. V. s. rosam nondum apertam n.
q. fornicem. 43. V. s. lactare n. q. umbilici partem reocurre. 44. V. s. indusium n. q. jumentum multi saltus.
45. V. s. velum n. q. mulierem. —

R a m l e n s i s II.

Narravit Haret Hammamita. Ab expertis edoctus, iter esse miraculorum
speculum, non cessavi quodcunque secare desertum, in quemcunque me praeci-
pitare locum periculosum, donec videram omnia delectantia. Ex pulcherrimis
autem, quae spectavi, et jucundissimis, quibus gavisus sum, hoc est. Eram apud
judicem Ramlensem, virum e tenentibus principatum et potestatem, dum acce-
debant senex, amiculo vetusto, et pulchra foemina, veste obsoletâ. Senex cum
vellet loqui et desiderium exponere, mulier juvenis disserere eum prohibuit, la-
trato suo ei interdixit; tum, detracta dependente in faciem veli parte, lingua
clamosae impudentisque foeminae fata est:

O iudex Ramlae, cujus in manu est dactylus et carbo!

Tibi conqueror mariti injustitiam, qui toto semel tantum peregrinatur anno.

Et utinam, post peractum ritum levatumque, jacto lapide, tergum,

Sequeretur sententiam Iosephi¹⁾, de conjungenda cum peregrinatione visitatione!

Ego vero, ex quo me duxit, non inobediens fui ejus imperio.

¹⁾ Primus erat Kadhi alkudhat, Abi Haniffae socius. Fidem fere superat, Muhammedanum caeremoniarum
sacrarum nominibus adco abuti potuisse.

Iube igitur aut dulcem convictum, aut discessum amarum,

Priusquam exuam vestem pudoris, obediens seni, patri amaritudinis (diabolo)!

Dixit iudex: audivisti, cujus illa te rei accusavit, et quæ cominans exprobravit; abstine ergo ab eo, quod inquinat, et cave, ne odio sis et confriceris. Ibi procubuit senex in genua, formularum suarum magicarum fontem aperiens et inquiens:

Audi tu, quem fugiat vituperium, sermonem viri, lucidam allaturi excusationem
ejus, quod illam turbat!

Non odii causa ab ea me averti, nec amor cordis voto suo satisfacisse putavit;
Sed mutatio fortunæ adversa abstulit margaritas et atomos;

Habitaculum est vacuum, uti collum ejus sphaerulis nec vitreis ornatur, nec
aureis.

Quamquam ergo aetæa in amore et rationibus ejus sequebar filios Ustræ,
Ex eo inde, quo fortuna recessit, tempore, fugi idolum eburneum, modo abstinentis caventis,

Et ab agro declinavi, non ipsum aversans, sed vovens, ne facerem sementem.

Quare, ne reprehende hujus statum, sed ignosce, et vitiosam garrulitatem
condona!

Dixit; et exarsa mulier sermone ejus, argumenta ad eum oppugnandum strinxit, inquiens: vae tibi, o fatue, qui nec cibas, nec pugnas! Tum te dicis magis egenum, quam qui liberos possit educare, cum cuique tamen pecudi sit pustus? Abiit tibi intellectus, aberravit sagitta, animam stupidam fecisti, conjugem coegisti, de te conqueri! Excepit iudex: quod te adinet, Chansam adeo ad silentium redigeres, si cum ea concertares; ille autem, si vera contendit, et inopiam non falso queritur, sane! ventris cura eum prohibere potuit, quin vacaret amor. Mulier hinc, vultu demisso, oculis spectabat limis, nec reddebat verbum, ut diceremus, pudor eam deprimit aut victoria coercet. Resumsit senex: vae tibi, si officii usa es aut textisti tibi cognita! Respondit: tibi vae! num, postquam ad judicem confugimus, restat, quod tegamus, aut mansit secretum obsignatum? Nostrum uterque nihil quam veritatem dixit, reconditque laceravit velum; et o utinam muti evasissemus, nec processissemus ad tribunal! Tum, velo se involvens, flevit ob ignominiam, qua erat affecta. Iudex autem mirans

eorum negotium, quod alios quoque ad admirationem adducebat, reprehensâ et accusatâ fortunâ, afferri jussit duo nummorum millia, adjiciens: his contentum reddite utrumque cavum et resistite (Satanae) simultatem excitanti inter conjuges. Gratiis itaque ob pulchram dimissionem actis, abierunt (juncti), ut aqua et vinum (mixta). At, cum essent dimissi, eorumque aufugisset adspectus, judex, eruditionem eorum laudans, interrogavit: quisquamne vestrum eos novit? Regressit apparitorum oculus, fidelium fidelissimus: quod senem adtinet, Sarugensis est, facundiâ notus; quod ad mulierem, pilenti ejus est socia; rixa autem illa erat dolus et rete e retibus fraudis illius. His auditis iratus, judex alta ob fraudem traxit suspiria. Dein deferenti dixit: surge et quaere, pete et venare eos! Surrexit itaque quassans clunes ²⁾; sed rediit verberans humeros ³⁾. Dicente itaque judice: monstra nobis, quod effodisti, nec absconde, quod eruisti! respondit: non cessavi sectari vias et penetrare clausa, donec eos assecutus sum in deserto, frenato discessus equo. Studui igitur in eis excitare potationis iterandae desiderium, et promisi, spem non falsum iri. Senex tamen pectore suo ad nihil sperandum inclinante dixit: satius est fugere cum vagina ⁴⁾! Illa contra contendebat: nequaquam; laudabilius est redire; tristitiam creat pusillanimitas! Cum autem senex fatuam mulieris sententiam periculosamque videret audaciam, arrepta vestis ejus inferiore parte, elocutus est haecce:

Tene meum consilium; sequere ejus vias; sententiâque summam propositâ
ne postula, ut exsequar singula!

Avola, quando rostro forasti palmae fructus, et relinque eam prorsus, omnino,
Ac cave, ne redeas, etiamsi communi usui eam permisisset custos insipiens!
Nam optimum est furi, non conspici in valle, ubi operatus est.

Adjecit: molestiam tibi imposuisti, dum huic negotio te dicabas; redi ergo,
unde venisti; ei vero, qui misit, sis, renunties:

Lente; beneficio cave noxam addas, ne dirimatur laudis et pecuniae conjunctio;
Nec excande ob mendici hyperbolas; nam sermones fictos non primus invenit!

²⁾ Multa misans. ³⁾ Frustratus. ⁴⁾ Subtellige: quam in pugna cum fortioribus gladium recuperare velle.

scribere, sunt, qui dubitent! Et prosiluit iste, ut leonis catulus excitatus, et declamavit haud caespitans.

Litterâ Zad scribitur Kabaztu ³⁷⁾ drachmas; Azich ³⁸⁾, ut audias bonum, Bazaktu, Abzak ³⁹⁾, Zamâch ⁴⁰⁾, Zanga ⁴¹⁾, Kazz pectus, Iktazza ⁴²⁾ vestigium, Et Bachaztu ⁴³⁾ oculum; haec est Farza ⁴⁴⁾, jamque tremet ob debilitatem ejus Farza ⁴⁵⁾.

Porro Zazartu ⁴⁶⁾ Hindam, appropinquavit Christianorum Pazach ⁴⁷⁾, festum exspectatum,

Et Karaztu ⁴⁸⁾, vinumque est Kariza, quando linguam pungit. Haec omnia inveniuntur scripta.

Dixit senex: Deus te custodiat mi fili, refrigerasti oculum meum! Posthaec excitavit praeditum corpore peditis in latrunculorum ludo ⁴⁹⁾, agilitate similem accipitri, et jussit, stare in via et contexere voces, quae nunc Sin nunc Zad habeant. Quo audito surrexit iste, trahens suam vestem, tum clamavit significans manibus:

Si vis per Sin scribere, quae exponam, bene erit; potes vero etiam, si praefers, per Zad.

Marhs ⁵⁰⁾, Kafs ⁵¹⁾, Mumallis ⁵²⁾, Salirh ⁵³⁾, Sirath alhakk ⁵⁴⁾, Sakab ⁵⁵⁾, Samirhan ⁵⁶⁾, Sakr ⁵⁷⁾, Sawik ⁵⁸⁾, Mislak ⁵⁹⁾. De his omnibus disserunt libri.

Dixit: pulchre fecisti, o pumilio, culicis oculo! Dehinc vocavit: o elephantii pulle, pater tarde se moventis! Audiens fuit puer pulchrior, quam ovum in prato, cui dixit: quae est lex scribendi verba, quorum ultima consonans est infirma ⁶⁰⁾? Respondit: audi tu, cujus nunquam obmutescat echo, nec de infortunio laetentur hostes, declamavitque, non expetens directionem:

Si quando obscurum tibi est, quae ultima verbi sit consonans, adde Ta alloquens, nec cessa!

³⁷⁾ Extremis summi digitis. ³⁸⁾ Ausculta. ³⁹⁾ Exapul, exapnam. ⁴⁰⁾ Meatus auris. ⁴¹⁾ Libra. ⁴²⁾ Secutus est. ⁴³⁾ Una cum adipis eripui. ⁴⁴⁾ Opportunitas. ⁴⁵⁾ Nervus colli. ⁴⁶⁾ Captivum tenui. ⁴⁷⁾ Pascha. ⁴⁸⁾ Puuxi. ⁴⁹⁾ Levem. ⁵⁰⁾ Cholicus morbus. ⁵¹⁾ Frangere ovum. ⁵²⁾ Delabens e manu inscio tenente. ⁵³⁾ Extremus ungula bisulca praedictorum dens. ⁵⁴⁾ Via veritatis. ⁵⁵⁾ Propinquum esse. ⁵⁶⁾ Latera oris. ⁵⁷⁾ Infernus. ⁵⁸⁾ Farina. ⁵⁹⁾ Magnam vocem habens. ⁶⁰⁾ Infirmae consonantes dicuntur Alif, Vau et Ia.

Quod si ante Ta apparuerit Ia, scribendum erit per Ia, si non, scribas per Alif,
Nec credas, verbum trilitterum, quadrilitterum et Hamsatum, in hoc differre!

Lætatus senex de eo, quod protulerat iste, a Deo petiit, ut eum servaret,
et animum se pro eo devovere asseveravit. Deinde continuavit: accede strepitus,
versute vallium! Et appropinquavit puer, pulchrior igne hospitalitatis in noctu
proficiscentium oculis; cui dixit. Dissere de distinguendis litteris Dhad et Sha ⁵²⁾,
ut findas jecora adversariorum. Quod audiens hilarem et lubentem se monstra-
vit, tum cecinit voce alta:

O tu, qui quaeris de Dhad et Sha, ne eum seducant enunciationes;
Sufficit scire voces per Sha scribendas; audi ergo modo viri vigilantis!

Sunt: Shamjā ⁵²⁾, Mashalem ⁵³⁾, Ishlam ⁵⁴⁾, Shalm ⁵⁵⁾, Shuba ⁵⁶⁾ et Luhash ⁵⁷⁾
Asha ⁵⁸⁾, Shalim ⁵⁹⁾, Shabi ⁶⁰⁾, Scheisham ⁶¹⁾, Shill ⁶²⁾, Lasha ⁶³⁾, Schuwash ⁶⁴⁾
Attashanni ⁶⁵⁾, Lafsh ⁶⁶⁾, Nashm ⁶⁷⁾, Takrish ⁶⁸⁾, Kaish ⁶⁹⁾, Shama ⁷⁰⁾, Lamash ⁷¹⁾,
Hashi ⁷²⁾, Nashir ⁷³⁾, Shair ⁷⁴⁾, Gahish ⁷⁵⁾, Nashirōn ⁷⁶⁾, Aikash ⁷⁷⁾,
Taschashi ⁷⁸⁾, Shill ⁷⁹⁾, Ashm ⁸⁰⁾, Shanbub ⁸¹⁾, Shachr ⁸²⁾, Schasha ⁸³⁾, Schashash ⁸⁴⁾,
Ashfir ⁸⁵⁾, Mushaffar ⁸⁶⁾, Machshur ⁸⁷⁾, Hafishan ⁸⁸⁾, Ichfash ⁸⁹⁾,
Hashirat ⁹⁰⁾, Mashinna ⁹¹⁾, Shinna ⁹²⁾, Cashimun ⁹³⁾, Murhthash ⁹⁴⁾,
Vashifat ⁹⁵⁾, Muvāshib ⁹⁶⁾, Kisha ⁹⁷⁾, Intashar ⁹⁸⁾, Ilhash ⁹⁹⁾,
Vashif ¹⁰⁰⁾, Shālia ¹⁰¹⁾, Ashim ¹⁰²⁾, Shahir ¹⁰³⁾, Fash ¹⁰⁴⁾, Irhlah ¹⁰⁵⁾,
Nashif ¹⁰⁶⁾, Sharf ¹⁰⁷⁾, Shalf ¹⁰⁸⁾, Shahir ¹⁰⁹⁾, Fashia ¹¹⁰⁾, Vuāsh ¹¹¹⁾,
Et Ukash ¹¹²⁾, Shāan ¹¹³⁾, Mash ¹¹⁴⁾, Hanshal ¹¹⁵⁾, Karishan ¹¹⁶⁾, Auschash ¹¹⁷⁾,

⁵¹⁾ Haec consonana, a Sylvestrio de Saryo expressa per Dha, a me ideo scripta est Sha, quod in ea pronun-
tianda andiri solet a lenia. ⁵²⁾ Fuscis labris mulier. ⁵³⁾ Injurias. ⁵⁴⁾ Obscurare. ⁵⁵⁾ Nitor dentium.
⁵⁶⁾ Acies. ⁵⁷⁾ Intuentes. ⁵⁸⁾ Lacerata. ⁵⁹⁾ Struthio. ⁶⁰⁾ Gasala. ⁶¹⁾ Longus et robustus camelus. ⁶²⁾ Umbra.
⁶³⁾ Arsit. ⁶⁴⁾ Flammae fumi expertes. ⁶⁵⁾ Opinari. ⁶⁶⁾ Pronunciatio. ⁶⁷⁾ Consortium, versus. ⁶⁸⁾ Laudare.
⁶⁹⁾ Aestus. ⁷⁰⁾ Sitis. ⁷¹⁾ Lingere. ⁷²⁾ Fortunatus. ⁷³⁾ Similis. ⁷⁴⁾ Angulus palatii. ⁷⁵⁾ Exstantes habens
oculos. ⁷⁶⁾ Videntes. ⁷⁷⁾ Expergefacti. ⁷⁸⁾ Findere. ⁷⁹⁾ Ungula. ⁸⁰⁾ Os. ⁸¹⁾ Os tibias. ⁸²⁾ Tergum. ⁸³⁾
Osse tenuiora cubiti, suffraginis etc. ⁸⁴⁾ Ligna, quae per duorum saccorum ansas trajiciuntur, ut utraque
cameli parte sic nexi dependant. ⁸⁵⁾ Ungues. ⁸⁶⁾ Victus. ⁸⁷⁾ Prohibitus. ⁸⁸⁾ Custodientes. ⁸⁹⁾ Iram com-
movere. ⁹⁰⁾ Caulae. ⁹¹⁾ Locus, ubi quid case creditur. ⁹²⁾ Suspicio. ⁹³⁾ Iram supprimentes. ⁹⁴⁾ Iratus.
⁹⁵⁾ Stipendia. ⁹⁶⁾ Aspidius. ⁹⁷⁾ Gravatio ex nimia ingurgitatione accedens. ⁹⁸⁾ Expectare. ⁹⁹⁾ Instare.
¹⁰⁰⁾ Pars tenuior tarsi equini. ¹⁰¹⁾ Inclians. ¹⁰²⁾ Magnus. ¹⁰³⁾ Adjutor. ¹⁰⁴⁾ Asperitas. ¹⁰⁵⁾ Duro excipere
sermone. ¹⁰⁶⁾ Mandus. ¹⁰⁷⁾ Elegancia. ¹⁰⁸⁾ Cohibitio. ¹⁰⁹⁾ Apparens. ¹¹⁰⁾ Terribilis. ¹¹¹⁾ Monitoria.
¹¹²⁾ Forum celebre prope Meccam. ¹¹³⁾ Proficisci piletio cameline. ¹¹⁴⁾ Malo granatum silvestre. ¹¹⁵⁾ Colo-
cynthis. ¹¹⁶⁾ Duo coriarii pervagatio famae. ¹¹⁷⁾ Turbae hominum miscellae.

Credidi autem, fore, ut me seligat et remuneret voce magicâ, sonante; sed spes est frustrata.

Firma ei est in pectore fraus, subornante (homine) malo, odio suo satis faciente. Inde prosiluit, me aversans, et me avertit flentem, multiplici pressum angore.

Cum autem senex spectasset, quod pixerat; considerasset, quod scripserat; inquit: benedicatur tibi dorcadis pulle, ut benedicatur arbori non et nec *)! Posthaec vocavit: accede o daemon! Et accessit puer similis obscuritatis stellis, aut effigiei eburneae; cui ille imperavit: versus pingere variegatos **), et cave contra regulam pecces! Sumsit itaque calamum et signavit:

Largire, vestis liberalitatis est ornatus, nec frustra spem hospitium petentis;

Illicitum habe repellere rogantem, sive multifaria postulet, sive levias;

Non crede, tempora parcere facultatibus avari, si utatur tenuiore victu et sortido amictu;

Sed clementem te praebere; nam liberalium oculus ignoscit, et pectus eorum donando aequat interstitium coeli et terrae;

Nec foedus negligere amore juncti, constantis, nec adi nummos adulterinos!

Excepit senex: nunquam luxentur manus tuae, nec hebetes fiant cultri tui! Tum vocavit: o intrepide! o aroma Manschamae ***)! Obedivit juvenis, similis margaritae ab urinatoribus extractae, aut hinnuleo venatoribus petito; cui dixit: scribe versus geminos ****), nec sis ex infaustis! Sumsit igitur calamum bene aptatum et scripsit, non cessans:

Ornata est Seinab fragilitate (corda) secante; sequentem habet vae! turgentem, (corda) frangentem.

Exercitus loco possidet collum, formosum vultum, oculum languentem, tollentem aciem scindentem.

Potestatem en! ei gloriosam, eminentem, superbientem, infestantem, genâ findentem.

Discessit et insomnia me facit; distat et insultat; clara in me produnt vestigia animum tristem, amorem non fingentem.

*) Arbor paradisi, quae nec ab Oriente nec ab Occidente propius adest. **) Quales habuimus in conucon pantherino. ***) Conveniunt de Manschama relationes in eo, quod mulier fuerit vendens aroma, cujus diu maneret odor. ****) I. e. cujus binas voces paronomasiae geminae esse videntur, ut oratur et aratur.

Accedit vero, pro qua caput deoveo, miserens, et in vitam revocat iratum
placatum, amantem puellae favore (diutius) non carentem.

Senex ibi considerare coepit, quae (puer) scripserat, et in eis gyrare oculum;
cumque ei placeret scriptura, ac memoriam inveniret non falsam, exclamavit:
nunquam luxentur decem tui, nec pessumdetur fama tua! Quo dicto vocavit
puerum fasciuantem, monstrantem flores hortorum, et inquit ei: duos recita
versus, distinctos in utroque fine, sibi similes initio et fine, qui ad
silentium redigunt omnem magum, et securi sunt, auctum iri tertio! Respondit
vero: audi tu, cujus nec gravis sit auditus, nec imminuatur copia! recitavitque
nihil morans, tardansve.

Semitā vade ⁹⁾, cujus pulchra sint vestigia, et gratias age, etiamsi tantum acce-
peris granum Sesami;

Horre vero fraudem, etiamsi facilis sit, nec committe, ut adipiscaris potestatem
et honores!

Dixit ei: bene fecisti, o celer, o pater praedae ¹⁰⁾! Tum vocavit: expone o
Iasin, voces, quas dubitant nonnulli scribere littera Sin! Protinus
surrexit et declamavit voce per nares sonante:

Niks ¹¹⁾ et Rushr ¹²⁾ Sin habent constanter, sive scribantur sive legantur.

Itidem Sin est in Kasb ¹³⁾ et Basika ¹⁴⁾ et Safch ¹⁵⁾, Bachs ¹⁶⁾, Aksara ¹⁷⁾,
Iktabasa ¹⁸⁾, Kabasa ¹⁹⁾.

Porro in Takassatu ²⁰⁾ nocte sermonem, et Musaithir ²¹⁾, Schamús ²²⁾, cepit-
que Garasa ²³⁾.

Nec non in Karts ²⁴⁾ et frigore Karis ²⁵⁾; quod rectum est a me discere, tuaeque
ignem pete scientiae!

Dixit ei: pulchre fecisti, o agilis, cupreis crepitaculis praeiens exercitum!
Dein perrexit: prosili filii leonis et expone voces, quas littera Zad ²⁶⁾

⁹⁾ Proprie, stigma laeve ¹⁰⁾ Vel, doli. ¹¹⁾ Atramentum. ¹²⁾ Carpus. ¹³⁾ Dactylus siccus. ¹⁴⁾ Proccera
palma. ¹⁵⁾ Fes montis. ¹⁶⁾ Detrimentum. ¹⁷⁾ Invitam adegit. ¹⁸⁾ Ignem accendit. ¹⁹⁾ Torris. ²⁰⁾ Prose-
cutus sum. ²¹⁾ Dominans. ²²⁾ Sternax equus. ²³⁾ Campanam. ²⁴⁾ Frigus. ²⁵⁾ Vehemente. ²⁶⁾ Sylvestrius
de Saeyo haec litteram exprimit per Sad; ab Edmundo Castello vero componitur cum X.

Si vero male te habet fraus mea, cogites, jam ante te deceptum esse magistrum Ascharium ⁶)!

Dixit iudex: Deus eum occidat, quam pulchrae sunt strophae ejus et quam elegantia artificia! Tum quaesituro eos dedit duas vestes magnificas pecuniaeque bursam, ac dixit: proficiscere, ut qui se non convertit, donec videas senem et conjugem juvenem; tum hoc munere riga eorum manus et declara, quam de-ditus sim eruditis. Dixit relator. Quod aequae esset mirandum nullo in itinere vidi, nec audiui ab ullo vagato peregrinatore simile.

H a l e b e n s i s.

Narravit Haret Hammamita. Traxit me Halebum superans ejus desiderium et studium heu! ingens, tempore, quo leve erat tergum meum et celeriter peragebam proposita. Sumto igitur itineris apparatu avis instar ad eam tetendi. Ex quo autem descenderam in ejus pascua, ejus gaudebam vere, non desinebam dies pellere eo, quod amorem sanaret et sitim vehementem restingueret, donec, cordis cupidine decrescente, separationis corvus iterum se extulit, postquam ceciderat, otiosoque animo ac dulci alacritate suadentibus, Emessam petere, ut in hujus valle aestatem transigerem, et populi in tabula ejus lusoria stultitiam ⁷) cognoscerem, hanc petivi festinatione stellae, quando deruit ad feriendos (malos genios). Cum autem tentorium fixissem in ejus ruderibus, venti ejus sentirem auras, oculus meus conspexit senem, cujus appropinquaret vitae pars tristis, abierat jucunda, et apud eum decem pueros, partim fratres, partim diversa origine ortos. Hunc ut accederem, Emessae eruditos cognoscendi aviditate impulsus,

⁶) Indigitatur Mosa Alaschari, qui cum Amruo Ibn Alaz constitutus erat litis inter Alium et Muavianam directior ⁷) Emesseni stulti existimabantur.

exporrecto fronte acceptus, et salute impertitus pulchriore a me profectâ, juxta consedi, ut eloquentiae fructus gustarem, et observarem stultitiae ejus statum. Ipse vero haud mora virgâ suâ intendit puerum natu maximum et dixit: versus recita punctis destitutos, et cave, differas! Quo audito leonis instar ille in genua procubuit et declamavit absque tardatione:

Para inimicis aciem gladiatorum; spem riga, ut rigat liberalis;
Linque ludum et vaccarum silvestrium *) societatem; camelos cura et fuscas
hastas;

Stude consequendo loco, cujus celsae sunt columnae, non induendo voluptatis
loricas!

Per Deum, potestas non vino sorbendo, nec laudes acquiruntur pulchris, gravi
coxa praeditis, mulieribus!

Euge virum, cujus pectus est spatiosum, et curat, quid juvet probos,
Cujus adaequatio dulcis est petentibus, peculium prostat praedationi, quamdiu
postulatur;

Qui non repulsam dat speranti, nec dare differt; nam differre est vitium in
nobilibus;

Nec obsequitur cupiditati invitanti; nec volam tegit poculo vini!
Huic potestatem dabit rectitudo pectoris, cupidinis et avidi oculi cohibitio;
Laudemque pariet scientia, coecas non dotari dote sanarum!

Dixit senex: bene fecisti, o lunula, monasterii princeps! Dein sequenti inquit, qui illi erat similis: accede, o ignicule, o luna parvi halonis! Hic autem cum tam prope accessisset, ut manu eum consequi posset, imperavit ille: versus revela sponsas *), etiamsi non egregios! Calamum itaque secuit et aptavit, tum, tabula in gremium suscepta, scripsit:

Seduxit me et dementavit Taganna, variis pulchritudinem ostentans modis.
In pericardio me laesit gasalae palpebrâ languente, amorem excitante, oculos
cogente lacrimari;

Obruit me (ceu armis) duobus ornamentis: veste emaciavit pellucida, flexili
incedens corpore.

*) Foeminarum *) Dicuntur sponsae, quod unaquaeque littera non solum est punctata, sed etiam sequenti ejusdem vocis consonanti adjuncta.

Shirab ¹¹⁶⁾, Shirran ¹¹⁷⁾, Schaashf ¹¹⁸⁾, Bahish ¹²¹⁾, Gūashri ¹²²⁾, Gavaah ¹²³⁾, Sharabin ¹²⁴⁾, Chanashib ¹²⁵⁾, Shaijam ¹²⁶⁾, Arash ¹²⁷⁾, Schanashi ¹²⁸⁾, Dalsh ¹²⁹⁾, Shab ¹³⁰⁾, Shabshab ¹³¹⁾, Unshuvan ¹³²⁾, Gamash ¹³³⁾, Şchanashir ¹³⁴⁾, TaAshel ¹³⁵⁾, Ishlam ¹³⁶⁾, Bashar ¹³⁷⁾, In'ash ¹³⁸⁾.

Hæ sunt voces, quæ scribi debent per Sh, præter raro occurrentes; hæ servæ, ut vestigia tua sequantur studiosi;

In vocabulis vero, quæ inde derives, orthographiam radicis retine, ut in Caish ¹³⁹⁾ et Cāshū ¹⁴⁰⁾!

Dixit senex: pulchre fecisti tu, cujus nunquam rumpatur os, nec bene tractetur injuria afficiens adversarius! Per Deum! recente quamquam gaudes juventute, terram superas condendo ¹⁴¹⁾, et diem extremum colligendo. Ego vero te et socios tuos aqua mea dulci rigavi, ut lanceas aptavi, cervicalis mei lateri admovi, primo liberalitatis meæ vino lactavi, donec vos ad celsitudinem promovi, ornavique optimo ornatu, eruditione. Itaque memores mei este; memor ero vestrum; et gratos vos exhibete, non ingratos! Dixit Haret Hammamita. Mirans eloquentiam, quam ostendebat, subactam stultitiā; prudentiam, quam manifestabat, mixtam stoliditate; non cessabam, eum considerando, oculum modo tollere, modo demittere, quis esset explorare et investigare; sed similis, erat spectantū tenebris aut noctu proficiscenti vasto deserto. Cum autem ille nimis longam censeret scrutationem meam, et cognosceret stuporem, apertis valde oculis intuens risit et dixit: tandem desinat necesse est, qui artem physiognomicam exercet! Hujus sermonis sensu attonitus eram; sed ex labiis ad risum diductis cognovi Abu Seidūm; et incepti eum reprehendere, quod, domicilio fixo in valle stupidorum, artem exercebat stultorum. Ibi facies ejus cinere spargi atramentove tingi videbatur; declamavit autem haud mora:

¹¹⁶⁾ Colles. ¹¹⁷⁾ Lapides. ¹¹⁸⁾ Adversitas. ¹²¹⁾ Lassans graviore pondere. ¹²²⁾ Vir dardoris indolis, inflatus. ¹²³⁾ Injustus, vorax, superbus. ¹²⁴⁾ Animal, cujus vestre editus odor ferri non potest. ¹²⁵⁾ Lornatæ mares. ¹²⁶⁾ Jasmin silvestre. ¹²⁷⁾ Foramina sagittarum, quibus inseruntur cuspides. ¹²⁸⁾ Latera montis. ¹²⁹⁾ Trudere. ¹³⁰⁾ Clamor, strepitus; pro Ba ponunt etiam Mim, diciturque, Shab et Sham vocæ esse, quibus designentur majores. ¹³¹⁾ Acgritudo. ¹³²⁾ Planta e genere acidarum, cujus multo pastu venter dolet camelia. ¹³³⁾ Stultus, sive glastum, bresilium, aliavē herba tinctoria; nonnulli dicunt, jasmīnum silvestre. ¹³⁴⁾ Althæa, sive glastum, bresilium, aliavē herba tinctoria; nonnulli dicunt, jasmīnum silvestre. ¹³⁵⁾ Caruncula in pudendis muliebribus. ¹³⁶⁾ Libidine exardere. ¹³⁷⁾ Aestas. ¹³⁸⁾ Aestiva habuerunt. ¹⁴⁰⁾ Vel custodiendo, scilicet memoria.

Elegi Emessam et hanc artem, ut bona donaret fortunâ populi stultorum;
Fortuna nulli favet, nisi fatuo, nec opibus conceditur patria, nisi ejus in vallibus;
Fratri prudentiae nihil datur a tempore suo, quam quod asinus habet in aëre.

Adjecit: docere quidem nobilissimum est opus, quaestuosissimum mercimonium, maxime juvans intercessio, et munere hoc fungens imperium tenet ad obedientiam cogens, majestatem late lucentem, gregem obsequentem; dominatur ut Amtr, disponit ut Vastr, suo arbitrio agit ut potens, comparandus est regi magno; at brevi tempore hebetatur, stultitia se signat manifesta, evaditque exiguo cum intellectu. Neque vero tibi hoc nuntiat expertus. Dixi: per Deum! tu filius es dierum, vexillum doctorum, magus ludens intellectus, qui sibi subjecit vias sermonis. Posthaec non desinebam assiduus esse in conventiculis ejus, et haurire ex rivi ejus fluctu, donec transierant dies notâ candidâ signati ac, succedentibus casibus pulverulentis, discessi lacrimis fervente oculo.

M i a f a r e k i e n s i s .

Narravit Haret Hammamita. Tetendi cum sociis, optime inter se consentientibus, colloquio nunquam ad disceptationem abutentibus, quive sit clandestini odii sapor plane ignorantibus, Miafarekinum; eramque inter eos, ut qui non cessit ex antro suo, nec reliquit proximos et vicinos; ideoque, cum e clitellis transferremur in nidos, nos invicem monuimus, ne oblivisceremur societatis, sed caveremus in terra peregrina diremptionem, destinantes conventus locum, quem utraque diei extremitate visitaremus, communicaturi, quid novi acciderit. Ibi nobis die quodam versantibus et congregationis filo insertis, coram stetit vir linguae audacis, vocis clarae, et postquam salutaverat, ut qui adsputat nodos (praestigiator), venaturque leones ac pecudes, dixit:

Mirum referendum habeo, o homines, quo commoneatur intelligens et prudens!
Florente aetate vidi fratrem potestatis, cui gladii erat acies penetrantis.
In pugna procedebat, ut qui certus est victoriae, nec dubitat;
Impetu suo adversa dispellebat, ut status anxius fieret commodus;
Non certabat cum sociis, nisi ita, ut discederet e praelii campo hastâ rigatâ;
Non annitebatur oppugnare celsa, clausa, defensa, timenda,
Absque eo successu, ut acclamaretur: auxiliatur Deus, victoria est propinqua!
Quot autem noctes pernoctavit jactanter incedens vesto juventutis nitidâ,
Sugens gracilium salivam et suctus, omnibus, quem vitâ redimerent, dilectus!
Sed non desiit fortuna rapere, quod ei erat virium et ligni duri¹⁾,
Donec noctes eum fecerunt abjectum, a quo avertantur propinqui.
Praestigiator morbum ejus solvere nequit, desperat medicus;
Ita ut discesserit a candidis, et discesserint ab eo, frustra quondam nec rogato,
nec rogante;
Evaseritque similis praepostere creato; nam quicumque vivit, experitur mala
senectae.
Hodie en! eum coopertum²⁾; et quis est, qui mortuum peregrinum donare
velit ferali amiculo?

Tum erupit in questum et deflevit ut amatus amatum. Lacrimis tandem sedatis, moeroreque cessante, dixit: o prata visitanda pabulatoribus, liberalium exempla! per Deum! non protuli mendacium, nec nunciavi, nisi quod vidi, et baculus si meus haberet lorum nubesve mea pluviam, laudem, ad quam commendandam vos incitavi, mihi ipse mererem, nec starem viae ad eam index. Sed, quomodo volare sine alis? Et num crimen est illi, qui non potest? Dixit relator. Homines hinc inceperunt deliberare, quid facerent, et inter se susurrare, quid darent. Credidit vero, illos ipsum avertere velle repulsâ aut postulare demonstrationem, et in verba praeceps ruit haecce: o vapores planitieci aquam simulantes, splendentes vallis lapilli, cur deliberationem initis istam, vetitam a pudore? Quasi difficilem vobis injunxerit laborem, qui tantum rogavit viliores vestem; aut compellaverit, ut tapetum ad tegendam Caëbam daretis, qui precatus est, ut largiremini amiculum ferale! Phui illum, cujus non rorat saxum, nec

¹⁾ I. e. firmitatis. ²⁾ Mortuum.

sudat glarea! Qua conspecta linguae volubilitate et saporis amaritudine, quisque de coetu munere eum aliquo placavit, perferens adspersionem metu fluctus. Dixit Haret Hammamita. Stabat hic mendicus pone me, tergo meo velatus oculo meo; cum vero homines eum contentum reddidissent donorum fluxu, et statuissem eos imitari, detraxi annulum meum de digito minimo, illumque adspexi, et en! erat senex noster Abu Seid Sarugensis absque falsi suspicionem dubiove, ac certus sum factus, eum mentitum esse tetendisseque rete. Sed rupturam ejus plicae involvere ³⁾, et distortum dentem ab adspectu servare, antiquius existimans, annulum ei projeci dixique: serva eum ad remunerandas praeficas! Quo facto exclamavit: euge, flamma tua quam egregie ardet, quamtamque tuum liberalitatem testatur facinus! tum abiit festinanter procedens, incitatoque, ut antea, utens gressu. Ego tamen mortuum ejus cognoscendi cupidus et explorandi, quem praetendebat, pudorem, pulsabam os tibiae ⁴⁾, et cursus ardorem alebam, donec, sagittae jactus spatio emenso, eum attigi, solumque adspexi sine velo. Comprehensis ibi manicis ejus, a ductu hippodromi eum averti, dicens: per Denm! non tibi est, quo a me confugas evadasque, nisi ostenderis mortuum tuum opertum. Hic ille, (ut mendacium excusaret), detracta vestium parte, ipsius senilem indigitavit imbecillitatem. Ego vero, occidat te Deus clamavi, quam versatus es ingeniis ludendis, et quam vafer in acquirendis donis! Tum reversus ad socios, ut pabulator, qui gentem suam non circumvenit figmentis, nec fucata utitur oratione, nunciavi quod videram, nec celans, nec simulans. Hi, cachinnantes de his et illis, execrabantur illum mortuum.

³⁾ Tegere. ⁴⁾ Celeriter currebam.

H a g r e n s i a .

Narravit Haret Hammamita. Commorans Hagri in Iamama opus habebam scarificatione. Itaque, cum mihi indicatus esset senex, qui cucurbitas imponeret modo grato, et prae se ferret munditiem, puerum meum misi, eum arcessitum, dum animum disponebam ad expectandum. Sed redire, postquam abierat, cunctatus est, ita ut eum crederem aufugisse, aut transiisse in alium rerum ordinem ¹⁾. Tum rediit, ut cuius conatus optato caruit successu, domino molestus. Dicente autem me, vas tibi, tardior quam Fand ²⁾, igniarium ignem non emittens! praetendit: senem magis occupatum esse illâ, quae duos tenebat utres butyraceos ³⁾, et in bello, simili bello Honeinensi. Quibus auditis, accedere ad chirurgum detestans, haerebam incertus, adiremne, an domi me continerem. Tandem vero in mentem venit, non vitio vertendum esse ei, qui accedat latrinam. Cum autem ejus essem in foro et considerarem notas, repperi eum senem habitu mundo, celeri motu, circumdatum spectatorum torquibus, urgentisque multitudinis quasi tunicis, et coram eo juvenem similem gladio acuto, inflecti nescio, proximum, cui cucurbitae imponderentur. Huic senex dixit: te video caput tuum mihi offerre, priusquam offeras monetam ⁴⁾, et porrigere occiput, sed non dicere „accipe“! Verum non sum ex iis, qui numeratum vendunt debito et vestigium quaerunt neglecto adspectu. Quod si igitur largitus fueris nummos, utramque venae jugularis propaginem scarificabo; sin avaritiam praetuleris, et condere pecuniam animae tuae fuerit dulcius, sequere Corani dictum, „tetricè adspexit et abiit,“ ac desere me! Respondit juvenis: per eum, qui mendacia conflare vetuit, ut vetuit

¹⁾ Proprie, de statu in statum. ²⁾ Servus Ajaechne, qui misit, ut ignem peteret, post annum demum rediit et, cum carbonem, quos tum afferbat, dispergerentur, percontatus exclamavit: festinatio! ³⁾ Proprie, charitum.

venari in utraque ditione sacra! ego magis inops sum, quam duorum dierum infans; sed confide rivi mei fluxui, et exspecta, donec gaudeam copiâ! Dixit senex: vae tibi! promissa tua similia sunt arbori, quae plantatur, nec minus exitio prostat, quam dactylos apparituros esse spem dat. Et quis affirmare potest, ab arborene tua (bonum) fructum decerpturus sim, an consecuturus calamitatem? Denique, quis spondet, te, cum abieris, promissis staturum? Nam fraus, ut albi pedes in equis, pro ornamento habentur hac in generatione. Libera me ergo, per Deum quaeso, a cruciatu, eoque apage, ubi ululat lupus! Obversus autem ei reposuit juvenis, suffusus pudore: per Deum! non dissolvit foedus, nisi vilis, stomacho operans; nec adit fraudis stagnum, nisi abjectus. Si scires, quis ego sum, non sermonem mihi audiendum praeberes foedum; sed nescis; hinc fatus es, et, ubi adorare necesse fuerit, minxisti. Quanta est miseria, in terra vivere peregrina et pauperem esse! Quam pulchra sunt verba canentis:

Peregrinus, longum etiam syrma trahens, spernitur; quis ergo status peregrini,
cui non est cibus?

Sed non dedecorat ingenuum dolor; muscus etiam teritur, camphora commi-
nuitur;

Et quotiescumque rubinus torreatur prunis Gadhae, extincto carbone est rubinus,

Dixit senex: patri tuo exitium! lamentatio tuae familiae! locone hic stas ostentationis, et de honore gloriationis, an loco destinato dimovendae cuti, scarificandaeve cervici? Posito autem, tibi domum esse, quam praetendis: num hinc cucurbitas habebis in occipite? Nequaquam! etiamsi pater tuus celsior esset Abd Munafo ⁴⁾, aut matruo ignobilior fuisset Abd Mudan ⁵⁾. Ne igitur cude ferrum frigidum, nec quaere, quod invenire nequis; et, si gloriari vis, gloriare de peculio, non de avis; de acquisito, non de radicibus; de virtutibus tuis, non de ossibus cariosis; de pretiosis, non de originibus; de opibus, non de genere; nec obedi cupidini, nam humiliat; nec libidini, nam in errorem ducit! Divinus ille erat, qui filio suo dixit:

⁴⁾ Ex avis prophetae. ⁵⁾ Cujus de stirpe erat Alija, filius Ajaachae, mater dicta Chalfarum Abbasidarum.

Fili! sta rectus; nam arbor ramos gignit erectos, depressos consequitur exitium;
Ne obsequere aviditati humilianti, sed vir es, qui flagrantia fame intestina
complicet;

Et repugna libidini nocivae; nam quot ad astra usque volatu gyranter, cum
libidini parerent, delapsi sunt!

Iuva genere propinquos; non decet, in illis, qui ad ingenuos, prudentes, per-
tinent, apparere maciem;

Amorem serva non decipienti, quamquam a fortuna destitutus sit; fido, quam
quam illa moliat discessum;

Si potes, condona; nihil enim boni est in viro, qui, quamcunque arripuerint
ungues capitis cutem, assat;

Et cave, queraris; nam prudentem queri non audis; sed stupidus, cum modo
cessarit, denuo ululare incipit!

Dixit juvenis spectatoribus: o miraculum et novum inauditum! nasus in
coelo et anus in aqua! promissa nubis fulgurantis, facta glareae! Tum ad se-
nem conversus linguâ acri, irâ flammante, dixit: phui tibi, linguâ fingenti, a
benefaciendo deflectenti! Pietatem jubes, et impius es ut mas felis *)! Quod si
vero declamationis tuae causa est fervens mercatu forum, a Deo feriatur frigore
et invidentium defectu, ut otiosior appareas quam chirurgus Sâbât †), et alimen-
tum habeas angustius foramine acus! Resumsit senex: Deus potius dominium
in te concedat pustulis oris et fervori sanguinis, ut cogaris adire chirurgum mo-
dum in statuendo pretio excedentem, graves condiciones praescribentem, obtusum
habentem scalpellum, multo insignem nasi mucore et intestini vento! Dixit;
cum autem animadverteret juvenis, se conqueri non solanti, et aperire voluisse
portam clausam, abstinuit a respondendo movitque se ad abeundum. At senex
non ignorans, se culpam contraxisse eo, quod juveni dixerat, et proclivis ad pacem
faciendam, eo usque liberalitatis processit, ut imperio ejus obsequi, nec praemium
pro scarificatione petere velle promitteret. Iuvene contra persistente in proposito,

*) Devorat enim entelos. †) Tabulatum inter duos parietes, subter quo protenditur via. Chirurgus sic
dicebatur, qui in ejusmodi tabulatis artem suam exercebat credito, sextum drachmae partem tantum postu-
lans pretium, et tamen per complures hebdomadas adeo, destitutus erat labore, ut, professionis testandae causa,
matrem scarificaret suam, donec nimia sanguinis profusio mortua est.

cum morbo suo abeundi, et ab occursu ejus fugiendi, non cessavit inter eos disputatio et reprobatio, compressio et tractatio, donec juvenis clamavit molestiâ, maucâ ejus recitante *Suratam lacerationis* ⁵⁾). Hic ejulavit ob nimis magnum infortunium scissumque et honorem et pannum. Senex quidem incepit peccatum suum excusare, lacrimasque ejus inhibere; ille vero non audivit excusationem, nec lacrimari desiit; donec iste inquit: patruus tuus ⁶⁾) caput pro te devoteat, abeatque, quod te contristet! Nonne ejulandi taedio afficeris, an nescis ignoscere, nec audivisti de condonantium præmio, et exorsus est versus dicentis:

Mansuetudine tua extingue iras ignem, quem excitavit stultus, et condona,
quando peccavit peccator!

Mansuetudo optimum est prudentis ornamentum, et ignoscere pulcherrimum,
quod decerpit decceptor.

Resumsit juvenis: si tu scires vitam meam turbatam, excusares deruentes lacrimas; sed integro jumento leve videtur, quod accidit laboranti intertrigine. Tum, quasi ad pudorem proreptus, a lacrimis se continuit, ad quietem rediit et seni inquit: jam voluntati tuae acquiesco; consue igitur, quod rupisti! Ille vero reposuit: procul absit! regio mea occupat pluviam meam; fulgurantem alius nubem specta! Tum, relicta sede, peragrabat series, petens a circumstantibus, et declamans obeundo:

Iuro per domum sanctam, ad quam pergunt catervae devotae!

Si unius diei haberem alimentum, non tetigisset manus meus scalpellum et cucurbitulam,

Nec placuisset animo meo, qui non desinit ad gloriam eniti, haec semita,

Nec conquestus esset hic juvenis de duritie mea, nec vulnerasset eum meus scorpio.

Sed fortunae mutationes me reliquerunt similem erranti nocte tenebrosa,

Et paupertas me trusit in marginem, quo subter lacus ignis flammantes.

Et num quemquam vestrum miseratio mei tangit, flective tener animi affectus?

⁵⁾ Corani caput LXXXIV. ⁶⁾ Se ipsum intendit.

Dixit Haret Hammamita. Ego primus eram, qui ejus ob miseriam conderet et molliretur querelâ; refrigeravi ¹⁰⁾ eum itaque duabus drachmis, dicens: non istae (mentiuntur), etiamsi mentiatur alius. Laetus autem erat de primitiis, quas decerpserat, divitias ex hoc auspicio sibi vaticinans. Nec desinebant drachmae in eum effundi, et ad eum confluere, donec habebat victum viridem et peram tumentem. Quo viso, elatus laetitia et sibi ipse gratulans, juveni dixit: proventus est, cujus tu es semen, et lac, cujus tibi debetur pars dimidia. Ades dum ergo, ut partiamur, nec irascamur! Partiti sunt ergo tam aequaliter, ut si scinditur Ublama ¹¹⁾, surrexeruntque optime consentientes. Nodo autem pacis nexu et sene abitum moliente dixi: meus jam sanguis fervet, et ad te promoveo pedem meum; mihi ne vis cucurbitas imponere et avertere, quod me incessivit? Ibi, oculo in me, modo sursum, modo deorsum, versato, appropinquans declamavit:

Quomodo tibi placet fraus mea dolusque, et quod actum est inter me et foetum,
Donec abii victoris in jaculando ornatus praemio, pascens campos fertiles, post
steriles?

Per Deum quaeso, cordis mei sanguis! unquam viderunt oculi tui mei similem,
Qui aperiat magia sua omnem seram, et capiat fascino suo omnem intellectum,
Subigatque serium aqua joci? Si Alexandrinus ¹²⁾ ante me fuit,

Ros, (scias), etiam apparet ante imbrem; sed praestantia est imbrî, non rori.

Dixit; et hexametri isti, qui animum meum ei adverterant, ostenderunt Abu Seidum, monstratum digitis. Quo facto eum corripui, quod se projiceret et adhaereret vilibus. At, quae audiebat, non accipiens, reprehensionem non curans, dixit: quemvis calceum induit nudipes, saxis attritus. Tum a me recessit, ut a contempto, ipseque et filius abierunt ut equi, quorum pignore certatur cursu.

¹⁰⁾ Proprie, afflavi. ¹¹⁾ Oleris genus cornutum, fabae instar, quod si in summitate sferis, primum est fidi usque ad inum in partes duas aequales. ¹²⁾ Innuitur Abulfatach Alexandrinus, persona ficta, sub qua latet Haririi in pangendis concessibus praecessor, Hamdanensis. Respiciendum est ad Haririi Praetionem et Praetionem, operi praefixam.

H a r a m i t i c u s ¹⁾.

Narravit Haret Hammamita, se ab Abu Seido Sarugensi accepisse, quae sequuntur. Ex quo clutellis instruxi camelam et profectus sum a conjuge et plantatione, non desinebam cupere videre Bazram, ut injuria pressus desiderat vindictam; ea propter, quae domini scientiae, possessores relationum, narrant de egregiis ejus circis et doctis, praestantibus ejus martyriis et martyribus ²⁾; rogabamque Deum O. M., ut terram ejus culcare mihi concederet, quo adspectu ejus prosperarer, incedere daret viis ejus, quo sectarer vicos. Cum autem bona fortuna illic me deposuisset, liberamque permisisset spectationem, vidi, quod oculos frigore compleret et omnem solitarium de relicta consolaretur patria. Ita me aliquando, egressum sub finem noctis, pallescente tinctura tenebrarum, diem indicante patre monitionum ³⁾, ut spatiarer in ejus tractibus, satisfacerem cupidini vagandi in ejus medio, incessus vias ejus secans, effusus per ejus plateas cursus, adduxit ad circum, nota sanctitatis insignitum, dictum a filiis Harami, ubi erant templa frequentata, lacus visitati, aedificia firma, habitacula placentia, proprietates iusignes, excellentia quam plurima:

In quo vidisses, quodcunque voluisses de divinis et mundanis; vicinos diversis-
simis intentos studiis;

Captos amore versuum sacrorum, fascinos distichis poetarum,
Versatos in exponendis significatibus, imminentes liberandis vinctis.

Quot hic lectores et hospites oculos laedebant et patinas!

Quot hic doctrinae fontes et invitantes ad convivia, dulcia fructibus!

¹⁾ Hic consensus dicitur ab Harizio compositus esse primus, cum virum Sarugensem re vera sic loqui audivisset, ²⁾ Vel, conventum locis et spectabilibus. ³⁾ Gullo.

Quot hic recessus, quibus non cessabant cantare cantrices et cantores!

A Deo petentem hic potuisses petere, verum etiam, si praetulisses, accedere cadis;

Licuiisset te socium praebere patribus sapientibus et pateris, dato freno.

Perrexit. Dum autem excutiebam ejus strata, spectabam splendorem, ad occasum⁴⁾ declinante dorcade⁵⁾, accedente vespera, en! vidi templum celebratum elegantia sua, florens frequentia, cujus coetus de litteris agebat permutari solitis, et hippodromo currebat disputationis. Ad hos accessi, pluviam petiturus, non lucem ex eorum grammatica. Nec tantum praeterierat temporis, quantum moratur ignem petens, festinans, cum extollerentur voces ad preces adhortantes, prodiret verendus orator, vaginae committerentur acies sermonis, considendi solverentur nexus ad orandum⁶⁾, distineremurque precatione a comparando victu, adoratione ab expetenda pluvia. Postquam autem legi satisfactum et conventus missus erat, prodiit ex multitudine vir, dulci eloquentia, conjungens cum formae pulchritudine linguae agilitatem et facundiam Hasani Bazrensis, et inquit: o tantes vicini, quos praetuli arboris meae ramis, quorum tractum elegi refugii mei domum, quos habeo loco ventriculi et perae, comparavique mihi adjutores praesenti et absenti! num esse ignoratis vestitum veritatis vestem splendidissimam; ignominiam hujus mundi leviolem ignominia futuri; religionem, sincerum dare consilium; alios rectâ viâ ducere, indicium verae fidei; consulti officium, praebere se fidum; consilium petentem dignum, cui sincerum detur responsum; fratrem, qui reprehendat, non, qui excuset; amicum, qui veritatem dicat, non, qui fidem adhibeat? Responderunt praesentes: o amice dilecte, frater amate! quod est aenigmatici tui sermonis secretum; quae orationis tuae brevis interpretatio; quid expetis? ut perficiamus, etiamsi sit difficile. Per eum, qui tuam nobis dedit amicitiam, medullamque tuorum nos statuit amicorum! non recusabimus bonum consilium, nec cohibebimus a te tutelam. Resumsit: bona vobis contingant praemia, liberi sitis a noxa! Nam ex iis vos estis, qui non miserum relinquunt considentem, non produunt intricata, non frustrant spem, quibusque nihil involuti manet complicatum. Ideoque vobis revelabo, quod infixum est pectori meo, et consultabo

⁴⁾ Solo. ⁵⁾ Proprie, ad standam.

de eo, quod ferre diutius nequeo. Scitis! Cum igniarium ignem non emitteret et averteret se fortuna, sincerum Deo dedi promissum, inique cum eo foedus, me non emere velle vinum, nec affixum esse potoribus, nec sorbere Kohwam ^{*)}, nec induere ebrietatem. Insusurravit tamen anima seducens et cupido humilians, ut conversarer cum heroibus in potando, ingurgitarem sextarios, deponerem gravitatem, sugerem turbans, pro jumento haberem rufum, poenitentiae obliviscerer ut mortuus. Neque vero satis habebam, hac ratione obsequi patri amaritudinis; sed vino adhaerebam die etiam veneris, pernoctabamque rubicundo stratus nocte candida ^{†)}. Nunc autem en! me manifestantem tristitiam ob rejectam religionem; superante ductum poenitentia ob assiduitatem in bibendo vino; vehementi timore plenum ob ruptum foedus; confitentem excessum in potando uvarum succo primo. Dicite mihi igitur, o homines! scitisne piaculum, quod peccatum meum amoveat, et Dominum mihi meum reconciliet? Dixit Abu Seid. Cum magici sermonis ejus nodus solutus esset, sibi que satis fecisset conquerendo infortunium suum, anima mihi mea insusurravit: o Abu Seid! haec est opportunitas venandi, stringe manicam a manu et viribus. Surrexi itaque ab anaclinterio ut audax, a scamno ^{‡)} properavi ut sagitta, et dixi:

O pulchre, gloria superans et potestate,
Quaerens directionem, ut salvus sis in posterum!
Ego habeo remedium ejus, quod te facit insomnem;
Audi mirum, quod me reliquit stupentem!
Ex habitatoribus Sarugi sum, piis, probis,
Et habebam divitias, potestatemque, cui obediretur.
Mansio mea erat sueta hospitibus statio, copia mea prostabat eorum arbitrio;
Laudes emebam donis, honorem custodiebam largitione;
Nil curabam pretiosissimum perire munificentia et liberalitate;
Accendebam ignem in collibus, cum liberalitatis coronide carens exstingeret;
Sperantes me existimabant praesidium, et ad quem contenderent.
Nunquam spectavit fulgur meum sitiens, et abiit conquerens sitim;
Nunquam tudit ignem petens igniarium meum, invenitque recusans.

^{*)} E nominibus vini. ^{†)} I. e. diem veneris praecedente. ^{‡)} In textu: sophia.

Quasdiu fortuna jovit, ipse jovi.
 Sed Deus constituerat mutare, cui me assuefecerat.
 Graeci irruerant in terram nostram exorto odio;
 Communis juris fecerunt gynaeceum viri, quem invenirent destitutum,
 Corripueruntque omnia, quae occulta erant et manifesta.
 Hinc in terris vago expulsus, fugatus,
 Rogans homines, postquam ab iis sum rogatus,
 Apparetque in me egestas, quam devoceo.
 Infortunium autem, quo laetitiae meae nexus solutus est,
 Captivam fecit filiam meam, quam abduxerunt, ut redimatur.
 Attende igitur calamitati meae et ad juvandum me extende manum,
 Et defende me a tempore, nam injuste agit et hostiliter,
 Et opem fer ad liberandam filiam meam ab hostibus!
 Hôc enim delebuntur peccata ejus, qui rebellis fuit;
 Hôc accipietur poenitentia ejus, qui se continebit;
 Hoc erit piaculum ei, qui declinavit, postquam directus erat,
 Certe autem, dum hoc declamabam carmen, vicem explevi in rectam viam
 ducentis.
 Accipe igitur consilium dirigens, gratus directori,
 Largireque nunc, quod in promptu est, ut lauderis!

Dixit Abu Seid. Sermone hoc redundante finito, rogatus ille, qui verbis
 meis fidem habebat, liberalitatis studio adductus ad me consolandum, amore ex-
 citatus ad subeundum officium miseriae meae levandae, e vestigiô dedit munus, quam-
 quam non magnum, et adpersit largis promissis. Ego vero in nidum meum reversus
 sum, laetus ob doli successum; fictio enim fraudis comparaverat panis fragmenta
 bene delabentia; texto carmine contigerat, quod lamberem, pulmentum. Dixit
 Haret Hammamita. Laus sit illi, inquit, qui inauditam tibi dedit artem! sed
 modum excedit tua fraus. Ibi in immensum risum effusus est, tum declamavit
 non balbutiens:

Vive dolo! nam tempore vivis, cujus filii similes sunt leonibus Bichae *)!
 Quare rota lanceam fraudis, ut rotare possis molam victus;

*) Nomen loci leones alentis; dicitur, in Arabia felice. Cfr. Lebidî Moallakae v. 15.

Venare aquilas; si venari nequis, acquiesce plumis;
Dactylos decerpe; si te fugiunt, animae, fac, placeat gramen;
Et seda in corde, quando fortuna recedit, cogitationes dementantes;
Certatim enim ingruentes varii casus indicant, omnem conversioni expositam
esse vitam!

S a s a n i c u s .

Narravit Haret Hammamita. Relatum est mihi, Abu Seïdum, cum ei immi-
neret mors et senectutis vinculum eum prohiberet a surgendo, accersivisse filium
et animo excitato dixisse. Instat, ut discedam ex atrio et oculi tingantur specillo
interitus; tu autem, laudes sint Deo, successor meus es et aries turmae Sasanicae
post me, nec opus habes, ut baculo tibi pulsetur ¹⁾, aut admonearis percussa gla-
rea, sed vocatus es, qui moneas alios acuasque cogitationes. Mando itaque tibi,
quod Sethus non mandavit Nabathaeis ²⁾, nec Iacobus tribubus. Tu vero obse-
quere mandatis meis et evita repugnantiam; imitare exemplum meum et intellige
dicta. Nam si consilia mea sincera habueris et aurora mea illustratis fueris,
pabulo abundabit domus tua, assurget fumus tuus; sin neglexeris Suratam ³⁾ meam
et rejeceris consilia mea, paucus erit tripodum tuorum cinis et reprobaberis a familia
tua et gente. O fili! equidem exploravi verum rerum statum, experientia cognovi
mutationes temporum, et vidi, virum esse, qui opibus valeat, non qui gaudeat
majoribus; homines quaerere de quaestu, non de existimatione. Cum autem
audivissem, victum acquiri regendo, mercando, serendo, artes exercendo, haec

¹⁾ I. e. signum datur, ne erres. ²⁾ Nabathaei, ab aquosa regione inter utramque Eram dicti, Sethi ha-
bentur liberi. Testamentum Sethi refert Ibeno'Isakaffa. ³⁾ Coram capiti comparat orationem suam.

quatuor tractavi, ut discerem, quid convenientissimum sit et utilissimum; sed nullum adverti suavem efficere vitam. Quod adinet principatuum sortes, praedas imperiorum, confusa sunt somnia, umbrae (brevis) tenebris obtextae, et satis praebet angorum amaritudo ablactionis; quod ad incrimonia mercatorum, exposita sunt periculis, cibus invasionibus, simillina avibus volantibus; quod ad emenda praedia et instituendam agriculturam, violant honorem et prohibent, vinculorum instar, a commotione ⁴⁾; raro sic occupatus liber erit a contemtu, animove fruetur tranquillo; quod tandem ad occupationes artes exercentium, nihil praebent quam necessarium victum, nec omni tempore sunt quaestuosae; maximam insuper partem juvenilem postulant aetatem. Nullam ergo vidi artem, cujus sit frigida praeda, dulcis cibus, largus quaestus, sincerus potus, quam illam, cujus Sāsān ⁵⁾ posuit fundamenta, distinxit genera, in utraque horizontis parte accendit ignem, filiisque pulverulentae ⁶⁾ monstravit pharum. Hujus ego vidi certamina tesserā notatus miles, hujusque insignia assumsi tamquam stigma. Illic enim est mercatus, qui non perit; rivus, qui non deficit; ignis, ad quem noctu tendunt omnes; a quo lumen petit coecus adeo et luscus. Homines autem eam exercentes sunt nobilissima tribus, felicissima gens. Non attingit eos tactus injustitiae, non turbat eos strictio gladii, non verentur venenum pungentis scorpil, non se submitunt propinquo aut remoto, non metuunt tonitru et fulgur, nil curant stantem sedentemve. Conventus eorum sunt laeti; corda hilaria; cibus promptus; tempora candida, albis notis distincta. Quocumque decidunt, colligunt; ubicumque contendunt, carpunt; non habent patriam, nec timent dominum; haud discernas eos ab illis, qui mane prodeunt collapsio ventre, vespera redeunt pleno ⁷⁾. Excepit filius: o pater! veridicus fuisti in eis, quae locutus es; sed consuisti, nec dissuisti; explica ergo, quomodo vindemiam et quo loco aggrediar comedendam scapulam! Respondit: o fili! se movere ejus est porta, alacritas vestimentum, sagacitas lumen, protervia armatura. Plus vagare daemone; plus noctu proficiscere locustā; alacrior es gasalā, dum lucet luna; acrior lupo succensente; for-

⁴⁾ I. e. ab itineribus. ⁵⁾ Et hic innuitur Sāsān ille, filius Bahmani, qui, cum pater moriens tradidisset regnum filiae, pascendo pecori se dedit, indeque pro principe habetur mendicorum. Cfr. consensum II. ⁶⁾ Scil. terrae, i. e. peregrinae. ⁷⁾ Avibus.

tunae igniarium tunde diligentia, portam felicitatis studio; et omnem seca vallem, omnem vada vorticem, omni pascere prato, omnem in piscinam conjice situlam tuam; nec taedeat te quaerere, nec fastidias molestam operam! Scriptum enim est in baculo magistri nostri Sāsān: qui quaerit, acquirit; qui circumvagatur, lucratur. Cave autem tibi a segnitie! haec enim est titulus malae fortunae, vestis miseriae, clavis paupertatis, sperma afflictionum, character debilitatis ignorantis, indoles impotentiae, res suas committentis aliis. Non eximit mel, qui deditus est segnitiei; non impletur vola quietem sibi substermenti, tanquam lectum. Procede potius, etiam versus leonem! nam pectoris audacia linguam facit disertam et laxat frenum; eaque assequeris bonam sortem, adipisceris copiam; uti e contra timor geminus est torporis, causa languoris, retardator operis, frustrator spei; quare proverbium dicit: qui audet, fortunatur; qui metuit, frustratur. Porro, prodi, mi fili, matutine, ut pater vaticinii ⁸⁾; audax, ut pater acquisitionis ⁹⁾ prudens, ut pater frigoris ¹⁰⁾; dolosus, ut pater crispitudinis ¹¹⁾; avidus, ut pater clunium ¹²⁾; alacris, ut pater saltus ¹³⁾; dolosus, ut pater munitionis ¹⁴⁾; patiens, ut pater Iobi ¹⁵⁾; blandus, ut pater invasionum ¹⁶⁾; varius, ut pater diversorum colorum ¹⁷⁾; et rape figmento linguae, decipe magiam facundiae; forum visita, antequam vendatur; uber stringe, antequam mulgeatur; interroga viatores, antequam verna protectio instituatur; mollem redde lectum, antequam cumbas; intellectum acue divinando, oculum intende physiognomiam spectando! cujus veritatem exploraverit visus, longus ei erit risus, et cujus erraverit intuitus, ei retardabitur raptus. Nec magno te gravans onere ¹⁸⁾, paucam ostende superbiam, abstine a repetenda petitione, imbris caude etiam adspergine, magni aestima contemptos, gratias age pro dactyli germine ¹⁹⁾; cave animum despondeas repulsus, aut desperes sudorem lapidis duri, desinasve, spem tuam collocare in spiritu Dei! nam infideles tantum Deo non confidunt. Quod si vero data fuerit optio, utrum malis, formicam numeratam, an margaritam promissam; inclina ad numeratum, hodiernumque diem praehabe cra-

⁸⁾ Corvus. ⁹⁾ Leo. ¹⁰⁾ Chamacleon. ¹¹⁾ Vel oviculae, i. e. lupus. ¹²⁾ Porcus. ¹³⁾ Guala. ¹⁴⁾ Vulpes. ¹⁵⁾ Camelus. ¹⁶⁾ Felis. ¹⁷⁾ Avis variis distincta coloribus, eosque diversimode mutans. ¹⁸⁾ Familia. ¹⁹⁾ Pro-prie, acrobula ovis dactyli, e qua germin prodit.

crastino! nam dilatio est periculosa, consilia nova succedunt propositis, impedimenta sequuntur promissa, et inter haec et praestationem sunt montes. Patientiae stude proposita exsequentium; mores indue lenes; drachmam vinci loro; largitionem misce parsimoniâ; manum tuam nec alliga collo, nec extende, quantum potes; quando non convenit urbs, aut opprimit te in ea moeror, dirime ab ea spem tuam, liberum concede discessum camelo tuo; optimae enim sunt regiones, quae te portant²⁰⁾; ne igitur nimis gravem habeas protectionem, despuas de loco in locum migrationem! Inter sectae nostrae vexilla, catervae nostrae magistros, convenit, protectionem esse benedictionem, longinquam peregrinationem collybum; reprehenderunt eos, qui praetendunt, absentiam a patria esse dolorem, migrationem poenam; contenderunt, haec esse argumenta contentorum miseriâ, acquiescentium dactylis vilibus et mensurae injustae! At, si proficiscendi consilium ceperis, et praeparaveris baculum et peram, quare tibi socium juvante, priusquam ascendas! nam vicinus eligendus est ante, quam domus, et comes ante, quam via.

Haec accipe mandata, quae ante me nemo dedit,
Candida, continentia significationes sinceras, lactis spumae acquiparandas,
Quas emedullavi more ejus, qui dando consilio mero navat operam!
Fac ergo id, quod proverbiali sermone meo edocui, quemadmodum facit intelligens, frater viae rectae,
Ut homines dicant: hic est catulus illius leonis!

Adjecit: o fili! ultima mea tibi dedi praecepta, et longe mandando provectus sum; quod si ea secutus fueris, euge! si transgressus fueris, ah! tibi acclamandum erit. Deus autem te custodiendi vices post me sustinebit, et spero, te non adversaturum esse meae de te opinioni. Excepit filius: o pater, cujus ne humilietur sella, nec tollatur feretrum sepulcrale! dixisti firma, demonstrasti rata; clare exposuisti dominationis obtinendae rationes; largitus es, quae non solet largiri genitor genito. Relictus igitur superstes tibi, cujus mihi utinam nunquam gustandus esset defectus! mores meos praeceptis tuis salubribus accommodabo,

²⁰⁾ Sustainant.

vestigia tua sequar lucida. Abu Seid, responso ejus laetitia commotus, ridens reposuit: qui refert patrem suum, non inique agit. Dixit Haret Hammamita. Nunciatum mihi est, Sāsānidas, cum praecepta haec audivissent pulchra, ea prae-habuisse sententiis Locmani; memoriae mandasse, ut mandatur mater Corani; immo ad hunc usque diem dignissima aestimare, quae inculcentur pueris, eisque utiliora muneribus auri puri.

B a z r e n s i s .

Retulit Haret Hammamita. Animam meam aliquando induerat cura, cujus dolorem afferebat flamma et clara aliis apparebant signa. Edoctus autem, frequentandis conventibus religiosis pelli obruentes tristes cogitationes, ut ardentem in me extinguerem carbonem, placuit, adire templum Bazrense ¹⁾, cujus tunc culta erant pulvinaria, frequentata adaquationis loca; cujusque sermonis flores decerpebantur pratis, calamorum stridor audiebatur oris. Cucurri ergo illuc non tardans, nec respiciens quidquam. Iam culcanti mihi ejus glaream, conspicienti ejus extrema, apparuit, super alto saxo, involutus pannis laceris, circumdatus caterva innumera, qua ne pusilli quidem clamantis exaudiretur vox. Ad hunc igitur celeriter tetendi, adaquandi cupidus et sperans, me apud eum inventurum esse sanationem; nec desii me transferre de centro in centrum et ignoscere verberanti et trudenti, donec, considens illi e regione, securus eram de sermone ejus non intelligendo. Et ecce! erat magister noster Sarugensis absque dubio et tegente velo; nudoque ejus adspectu fugit cura mea, disgregata est turma ae-

¹⁾ Gania templum est majus, in quo conveniunt die Veneris; ejusmodi templa scholae junctae erant; hinc universitates.

rumnarum. Me vero animadvertens ille, et locum, quo sedebam, conspiciens, dixit: O Bazrenses, Deus vos custodiat, tegat et in pietate provehat! Famae vestrae odor quam est dispersus; quam praestantia vestra sunt aedificia! Urbs vestra inter omnes maximae est puritatis, integerrimi ortus, amplissimi spatii, uberrimae vallis, rectissimae Kiblae ¹⁾, latissimi Tigridis, largae aquarum et palmarum copiae, pulcherrima in summâ et specie, porticus terrae sanctae, e regione portae ²⁾ et stationis ³⁾, alarum mundi altera ⁴⁾, metropolis fundata in pietate, quae non maculatur templis ignium, nec circumferri videt idola, nec cultum exhibentes in terrae suae superficie aliis, quam Misericordi. Circos habet confertos, templa frequentata, scholas celebres, sepulcra visitata, monumenta laudata, plateas ad regulam structas. Obviam sibi sunt in ea navis et camelus, piscis et lacerta, agaso et remex, venator et agricola, sagittifer et hastifer, incedens et natans, apparetque in ea miraculum fluxus redundantis et defectus aquarum evanescentium ⁵⁾. Vos vero, quorum singulares virtutes ne duo quidem dubias habent, sed osor etiam agnoscit, atra ⁶⁾ vestra obedientissima est Sultano, gratissima pro beneficiis; religiosus ⁷⁾ vester creaturarum omnium est abstinentissimus et, re vera, quoad viam pulcherrimus; doctus vester ⁸⁾ omnium temporum est doctor et auctoritas omnis seculi; vester itidem, qui scaturire fecit et disposuit disciplinam grammaticam ⁹⁾, et qui invenit ac divulgavit versus ponderandi artem ¹⁰⁾; nec ulla invenitur laus, in qua non habeatis manum longam sagittamque summam ¹¹⁾, eâ dignissimi et, tanquam debito, ornati. Tum vos saepius, quam aliarum urbium capitalium incolae ad preces vocamini, optimas cultus habetis leges, exemplum dedistis diem festum montis Arafat concelebrandi (terrâ patriâ), et summo diluculo vendendi mense sacro. Vos, quando quiescunt lecti et dormiunt dormitores, Dei habetis memoriam, excitantem sopitos, laetantem precantes; nec ridet, suaves dentes monstrans, os aurorae, nec surgit lumen, aestate et hieme, quin precum sit per tempora matutina susurrus similis susurro

¹⁾ Bazrensiū Kibla est Caabae porta; Immanuelis lapis niger etc. ²⁾ Caābae. ³⁾ Locī, ubi Abraham precatos est. ⁴⁾ Altera dicitur Cufa. ⁵⁾ Harrenus fluxus et refluxus maris sentitur, sine ulla tamen aquarum onelagine. Texeira. ⁶⁾ I. e. multitudo. ⁷⁾ Invenitur Haana Bazrensis. ⁸⁾ Abu Obaida, qui Bazram venit regnante Raschido. ⁹⁾ Abu'Isa'wad Adduli, qui idem est ac Shalim bin Amru. ¹⁰⁾ Alchalil. ¹¹⁾ Sive sagittam septimam, I. e. sortem amplissimam.

venti in maribus. Hoc quidem de vobis circumfertur a narratoribus, et nunciatum est jam olim a propheta, cui pax sit, declarante: susurrum vestrum per tempora matutina parem esse susurro apium in desertis. Quanta vobis nobilitas hōc Electi effato! Euge urbem vestram tum quoque, si quando dirutae nihil superstes foret, quam extremitas ¹³⁾! Hic linguam recondidit et facundiam capistravit, ita ut acuto eum ferirent visu suspectumque haberent (pergendi) impotentiae. Sed suspiravit, ut suspirat, qui vinctus est ad patiendam talionem, aut prehensus est unguibus leonis; dein dixit: Quod vos adinet, o Bazrenses! signa estis spectata, notos habetis et qui vos noverunt; ego vero mihi tantum ipse notus sum, et pessimus notus est, qui laesit; proinde ignorantibus me veram mei dabo descriptionem. Ego sum, qui petiit Nagdum et Tahamam, Iamanam et Syriam, desertum et maria, noctu iter fecit et mane; proveni Sarugi, educatus sum in ephippiis. Post penetraui angusta, aperui clausa, affui pugnis, emollivi tubera ¹⁴⁾, domui refractarios, liquefeci congelata, fluere feci saxa. Quaerite de me regiones orientales et occidentales, ungulas et gibborum vertices, conventus et exercitus, tribus et equitum catervas; sciscitami de me traditores historiarum, narratores confabulationum nocturnarum, duces proficiscentium et prudentes ariolorum; ut sciatis, quot valles peragravi, vela laceravi, loca periculosa irrui, pugnas pugnavi; quot sagaces decepi, inaudita finxi, forte oblata rapui, leones diripui; et quot summo in aëre volantes reliqui dejectos, fascino elicui abscondita, lapides fidi incantatione, dulcem aquam excitavi dolis! Sed factum est, quod factum est, dum ramus erat recens, tempus nigrum, vestis juventutis nova; nunc vero macilenta evasit cutis, curvatum est rectum, illuminata est nox tenebrosa ¹⁵⁾, nihilque superest, quam poenitentia, siquidem juvat, et ut consueatur ruptura late patens. Doctus autem sum traditionibus, fido auctore nitentibus, et historiis certis, quotidie Deum vos uno dignari adspectu, reliquorumque hominum omnium arma esse ferrum, vestra vero preces et veram fidem. Ideo ad vos contendì, macerans jumenta, complicans iunera, donec hanc coram vobis institui stationem. Neque vero exprobrationis causa hoc vobis dico; cum meae

¹³⁾ I. e. res exigua. ¹⁴⁾ Vel, indoles. ¹⁵⁾ Canitie.

tantum necessitati studuerim, meaeque ipsius quieti operam navarim; non a vobis concupiscam munera, sed expetam, ut pro me oretis; non postulem facultates, sed vestram devocem intercessionem. Deum summe laudandum imploro, ut prosperet meam poenitentiam et praeparationem ad discessum; illum, qui celsissimum tenet gradum, exaudit preces, accipit resipiscentes servos, condonat peccata! Tum hos declamavit versus:

Deum roge remissionem peccatorum, quibus legem excessi et transgressus sum.

Quoties vadavi mari pravitatis ignorantia, vespere et mane errore versatus sum;

Quoties obedivi libidini, ea deceptus, defraudavi, suppressi, mentitus sum;

Quoties exuli frenum, ad vetita properans gaudia, nec moratus sum;

Quoties certatim tetendi ad peccata, nec me cohiberi passus sum;

Mors peccatoribus praeoptanda est viis, quibus ego latus sum!

O Domine, condona! tu enim pronus es ad ignoscendum, etiamsi refragatus sum.

Dixit, qui retulit. Et totus coetus incepit precibus suis ei succurrere, dum ipse in coelo versabat vultum, donec lacrymas fundebant oculi et manifestus erat ejus tremor; ubi exclamavit: Deus est maximus! Apparuit signum exauditionis, laceratum est velum dubitationis! Remunerationem accipiat, o Bazrenses, quam ille accipit, qui in rectam viam duxit seductum! Nec quisquam restitit in populo, quin laetaretur ejus laetitia, donaretque pauxillum ejus, quod in promptu erat. Ipse beneficium pietatis accepit, immodice eos laudavit, de saxo descendit et contendit ad Bazrae fluminis ripam. Ego vero, eum secutus, donec eramus soli et securi ab exploratoribus et investigatoribus, dixi: rem prorsus a te alienam hac vice fecisti; quid tu censes de poenitentia? Respondit: juro per omnia scientem, condonantem peccata; mirus mihi est habitus; hominum preces sunt exauditae! Excepi; augeas me dilucidatione, ut Deus te augeat salute! Dixit: orationem coram eis habui dubitans, decepturus; et reversus sum poenitens, devotus. Benedictus est, cui illorum corda favent; deplorandus, quem perseverant execrantes. Tum valedixit et abiit, reliquitque mihi cor turbatum. Nec cessabam ejus causa cogitationibus me macerare, et circumspicere nuntios narratorum; quoties vero viatores et terrarum pervagatores de eo quaerebam, similis eram roganti brutum, aut saxum surdum; donec, post longum spatium, cum

summum moeror attigisset fastigium, obviam habui equites ex itinere redeuntes. His dixi: singularisne quid habetis referendum? Responderunt: rem habemus narrare magis singularem fabulâ de Anca ¹⁶⁾, magis miram oculis Sarkae ¹⁷⁾. Rogavi itaque, ut dicta sua exponerent et mihi mensurarent, ut ipsis esset mensuratum. Ibi narraverunt, se attigisse Sarugum, postquam a barbaris esset relictum, ibique conspexisse notum illum Abu Seidum, indutum veste lanea ¹⁸⁾, prae euntem preces congregatorum ordinibus, religiosum ubivis celebratum. Dixi: num. intenditis auctorem consessum? Responderunt: nunc quidem est auctor miraculorum. His auditis, incitatus desiderio, et occasionem non amittendam esse ratus, profectus sum ad eum celeritate parati, petivi eum itinere festinantis; donec descenderam in ejus sacro et valle adorationis. Et ecce! illum, rejecta amicorum societate, stantem recessu antistitis, amictum vestimento acicula connexo, palla totum corpus involvente; ut eum vererer, tamquam veretur intrare ad leonem. Iamque eum inveni ad eos pertinere, quorum, multae vi adorationis, in vultu expressus est character. Cum autem absolvisset suum rosarium, salutavit me digito indice, ne submissa quidem voce alloquens, quaerensve de vetere aut novo. Dein, conversus ad pensa Corani, me reliquit stupentem de studio ejus, optantem, ut similis essem illis, quos Deus in rectam viam dirigit ex servis suis. Nec cessabat consistere et supplicare, adorare et genuflectere, se humiliare et demittere, donec compleverat quinque ¹⁹⁾, et dies hodiernus evaserat hesternus ²⁰⁾. Tunc, regressus in domum suam, communicata mihi panis et olei particula, ascendit in oratorium, et solus mansit in colloquio cum Domino, donec illuxerat aurora et vigilans meruerat praemium. Hic vigilias finivit hymno; tum decubuit, ut quietem capturus, et voce clara inceptit fari, singula reciprocando:

Desine meminisse domus et mansionis vernae suetae, sociique, cui valedixisti;
cessa et mitte!

Recordare potius temporis praeteriti, qua denigrasti paginas (ensorias), assiduus in dedecore et probro!

¹⁶⁾ Anca avis dicebatur fabulosa, quam omnes in ore gerebant, nemo viderat, gryps. ¹⁷⁾ Muhammed bin Habib dixit: mulier erat, quae res conspiceret, trium dierum iter distantes. ¹⁸⁾ l. e. abstinentium. ¹⁹⁾ l. e. preces praescriptas. ²⁰⁾ l. e. laborat.

Quot noctes maculasti peccatis, quae perpetrasti, cupidini litando cubili et lecto;
Quot passus accelerasti ad committenda ignominiosa et rescindendam poenitentiam, ob ludum et pastum!

Quoties animosus fuisti contra Dominum coelorum excelsorum, non considerans, nec credens tibi mandata;

Quoties despexisti ejus beneficia, securum te reputasti a circumveniente dolo ejus; quoties projecisti jussa ejus, ut projicitur calceus assumptis resartus;

Quoties salisti per ludicra, consulto dixisti mendacia, nec observasti, quae imponit foedus obsequium postulans!

Ideo vestem indue poenitentiae, fundens imbres sanguinis, antequam labatur pes et miserrime jaceas prostratus;

Et humilia te ut confitens, peccatoris quaere refugium, debella cupiditatem et declina, ut declinat velificans ²¹⁾!

Quousque socors eris et tardabis, cum maxima jam vitas pars evanuerit acquirenti, quod nocet, necdum abstinenti?

Nonne vides senectutem tinxisse, et in capite duxisse lineas? At cujus in temporibus canitie lucet tinctura, ei annunciata est mora.

Vae tibi, a anima! avide quaere, quod salvet; obedi, sinceram te praebe; audi consilium et serva;

Exemplum specta generationum, quae praecesserunt et interierunt; verere, ne subito ingruat fatum; cave, ne decipiaris;

Incede via recta, recordare celeritatem exitii, et habitationem tuam cras esse in fundo foraminis deserti!

Heu domum miseram, mansionem pabulo destitutam, locum adaequationis iis, qui praecesserunt, et qui vestigia legunt sequentes;

Domum, qua qui depositi sunt, postquam spatio et amplitudine gaudebant, trium ulnarum tenentur angustia!

Nec interest, descendat astutus, aut insipiens; pauper, aut cui regnum erat, aequale illi Tobbaeorum ²²⁾.

Post autem est judicium, complectens pudicum et impudicum, auctorem et imitatore, pastorem et pastum.

²¹⁾ Vel, se svelens. ²²⁾ Tres, auctore Ibrah'Imokaffa sic dicti sunt reges Iamanenses, quorum primus Schamr Abu Karb S_u marrandam diruerit, unde illi urbi sit nomen, scil. a Schamr et eandem.

O quanta tum beatitudo pio; quantum lucrum seruo, qui sibi cavit a malo
inquisitionis exitialis et terroribus diei metuendi;
Et o quanta miseria illi, qui peccavit, transgressus est, violeater egit, ignemque
belli accendit ob desiderium, aut desideratum!
O tu, cui confido! intrevit in me angor ob caespitationes, quas commisi vita
amissa;
Con dona seruo obnoxio; miserere lacrimarum deruentium; tu, qui maxime
es proclivis ad misericordiam, et optimus eorum, ad quos diri-
guntur preces!

Dixit; nec desinebat tenui voce haec repetere et conjungere suspiriis et ge-
mitibus, donec illacrimatus sum ejus lacrimis, ut antea illacrimatus eram ejus
peccatis. Tum, functus lotione matutina, prodiit in sacrum, me sequente, ut
preces funderem cum illis, qui precarentur post eum. Hominibus autem, qui
aderant, disgregatis et quoquoersus dispersis, voce submissa incepit legere et
diem hodiernum fundere in formam hesterni, ingemendo, ut mulier mortui in-
fantis memor; plorando, ut non ploravit Jacobus. E quibus perspiciebat, eum
jam illis annumerandum esse, qui prae aliis pietati student, et pectus ejus imbu-
tum esse solitudinis amore, consilium cepi abeundi, eumque isto statu relinquendi.
Quasi autem ille e physiognomia conjecisset, quod animo habebam, aut ei de-
tectum esset, quod tegebam, ingemuit, ut dolens, tum recitavit: „et si quid tibi
proposueris, confide Deo!“ Quae audienti mihi obsignata est veritas relatorum
Muhammedis dictorum, et firmata fides, in hominibus esse praesagientes. Po-
stremo, cum ad eum accessissem osculaturus, et dixissem: ultimum mihi da
mandatum, o serve bone! respondit: mortem pone oculi tui scopum; hoc sit,
quod dirimat me et te! Valedixi ei itaque, lacrimis ex oculorum angulis descen-
dentibus, suspiriis e pectoris compagibus ascendentibus; idque erat nostrorum
occursum sigillum. —

Dixit Aclase, filius Alfi, Harirtus. Ultimus hic est consessuum, quos ut
pangerem seductus sum, dictante lingua necessitatis, et publicae reprehensioni
exposui, proclamans in foro venditionis. Non ignorabam vilem eos esse mercem,
dignam, quae vendatur, nec ematur; et si fortunae insperata mihi orta esset lux
et adspexisset oculo condolente, vitium meum texissem, ut semper texeram. Sed

ita in libro scriptum erat. Proinde Deum oro, ut condonet, quas eis mandavi, fuitiles fabulas et bono carentes nugas, ac precor, ut recta me ducat eo, quod ab hallucinatione servet et remissione beet. Ipse enim est summa colendus reverentia, ditissimus ignoscente gratia, dominusque omnium bonorum, hoc mundo et futuro!

Fig.

